

This
Historical Sketch

Is
Dedicated

To
Henry Beveridge Esq. C. S.

As
An humble token of the

Author's
Sincere esteem and great regard.

১০৩০

সিরাজদ্দৌলা ।

দ্বিতীয় সংস্করণ ।

২০ নং কর্ণওয়ালিস্ ষ্ট্রীট্.

মজুমদার লাইব্রেরী হইতে প্রকাশিত ।

PRINTED BY MESSRS, MUKERJEE & CHATTERJEE
AT THE METCALFE PRESS,
3/4, Gour Mohan Mukerjee's Street, Calcutta.

1902.

ঐতিহাসিক চিত্র ।

সিরাজদ্দৌলা ।

“Whatever may have been his faults, Siraju'd daulah had neither betrayed his master nor sold his country. Nay more, no unbiassed Englishman, sitting in judgment on the events which passed in the interval between the 9th February and the 23rd June, can deny that the name of Siraju'd-daulah stands higher in the Scale of honor than does the name of Clive. He was the only one of the principal actors in that tragic drama who did not attempt to deceive !”—Col Malleeson.

শ্রী অক্ষয়কুমার মৈত্রেয়

[সর্বস্বত্ব সংরক্ষিত ।]

মূল্য—কাপড়ে বাঁধা ২০ টাই টাকা চারি আনা ।



অবতরণিকা ।

১৩০২ সাল হইতে ‘সাধনা’ এবং ‘ভারতীতে’ সিরাজদৌলাশীর্ষক যে সকল ঐতিহাসিক প্রবন্ধ ক্রমশঃ প্রকাশিত হইয়াছিল, তাহাই সংশোধিত ও পরিষ্কৃত কলেবরে পুস্তকাকারে মুদ্রিত হইল ।

নবাবী আমলের ইতিহাস সংকলন করা ক্রমেই কঠিন হইয়া উঠিতেছে ;—মূলদলিল পত্র কিছুই আর এদেশে নাই, মুরশিদাবাদের নবাব-দপ্তরেও তাহার অনুলিপি রক্ষিত হয় নাই ।* ষ্টুয়ার্ট বখন ইতিহাস সংকলন করেন, তখনই সেগুলি বিলাতের হস্তান্তরে পড়িয়া একরূপ

There is little or no record of Sheraju Dowla's time in the Nizamut office now.—Letter to the author from Babu Janaki nath Pandey, B. A. Private Secretary to H.H. the Nawab Amir-ul-Omrah of Murshidabad, dated, *the Palace*, the 23rd October 1895.

‘অপাঠ্য হইয়া উঠিয়াছিল, না জানি এত দিনে সেগুলি আরও কত জরাজীর্ণ হইয়া উঠিয়াছে ! *

সেকালের লেখকদিগের মধ্যে মুসলমান এবং ইংরাজদিগের গ্রন্থাদিহি এখন একমাত্র অবলম্বন ;—পৰ্তুগীজ, ফরাসি এবং ওলন্দাজগণ যাহা কিছু লিখিয়া গিয়াছেন, তাহা এখনও এদেশে সম্পূর্ণ অজ্ঞাত ! †

মুসলমান ইতিহাসের মধ্যে সাইয়েদ গোলাম হোসেনের “সায়র-উল্—মুতফরীণ,” গোলাম হোসেন সলেমীর “রিয়াজ-উস্‌সালাতিন,” এবং সাইয়েদ আলির “তারিখ—ই—মন্সুরী” নামক পারশ্বগ্রন্থ সর্বিশেষ উল্লেখযোগ্য ।

“মুতফরীণ” ১৭৮৩ খৃষ্টাব্দে সম্পূর্ণতা প্রাপ্ত হয় । হাজিমুস্তাফা নামধারী একজন ফরাসি পণ্ডিত ইহার সর্বপ্রথম ইংরাজি অনুবাদক : তাঁহার অনুবাদে অনেক স্বকৃত টীকাও সংযুক্ত হইয়াছে । গতবর্ষে জেনারেল ওয়ারেন হেস্টিংসের প্রাইভেট সেক্রেটারী জোনাথান স্কট আর একখানি ইংরাজি অনুবাদ প্রকাশ করেন । লক্ষ্মীনিবাসী মুন্সী ওল কিশোরের যত্নে একখানি উর্দু অনুবাদও প্রচারিত হইয়াছে । উর্দু অনুবাদ এবং মুস্তাফার ইংরাজী অনুবাদই মূল গ্রন্থের আনুপূর্বিক অনুবাদ ; স্কটের অনুবাদ রীতিমত মূলানুযায়ী বলিয়া গ্রহণ করা যায় না । মূলগ্রন্থ ও এই সকল অনুবাদ হুপ্রাপ্য হইয়া উঠিতেছে !

“রিয়াজ উস্—সালাতিন” ১৭৮৭ - ৮৮ খৃষ্টাব্দে সম্পূর্ণতা প্রাপ্ত হয় । ইহার অনুবাদ হয় নাই ; এসিয়েটিক সোসাইটীর যত্নে মূলগ্রন্থ মুদ্রিত

* The Office of Indian Records being unfortunately in a damp situation, the ink is daily fading, and the paper mouldering into dust.—Preface to Stewart's History of Bengal, 1813.

† Memoirs of Dupleix and Moracin.

হইয়াছে, এবং একখানি বাংলা অনুবাদ প্রচার করিবার অয়োজন হইতেছে।

“তারিখ—ই—মন্সুরী” অপেক্ষাকৃত আধুনিক গ্রন্থ; ইহাও অনুবাদিত হয় নাই। সুবিখ্যাত প্রাচ্যপণ্ডিত অধ্যাপক ব্লকম্যান ইহার সারাংশ সংকলন করিয়া গিয়াছেন, তাহা এসিয়েটিক সোসাইটির বন্ধে প্রকাশিত হইয়াছে।

ইংরাজদিগের মধ্যে যাহারা লেখনী ধারণ করিয়াছিলেন, তাঁহাদিগের রচনা প্রকাশিত ও অপ্রকাশিত দুই ভাগে বিভক্ত। অপ্রকাশিত হস্তলিখিত অনেক পুরাকাহিনী বিলাতের “ব্রটীশ মিউজিয়মে” হেষ্টিংসদপ্তর নামে সযত্নে রক্ষিত হইয়াছে। প্রকাশিত পুস্তকাদিও এখন ক্রমশঃ দুপ্রাপ্য হইয়া উঠিতেছে।

সমসাময়িক প্রকাশিত ইতিহাসগুলি তিন শ্রেণীতে বিভক্ত; রীতিমত ইতিহাস, রাজকীয় দপ্তর, ক্ষুদ্র ক্ষুদ্র পুস্তিকাদি। রীতিমত ইতিহাসের মধ্যে অন্নির “ইন্দোস্থান” সর্বশ্রেষ্ঠ;—লেখক বহুবংশর বাঙ্গালায় এবং মাদ্রাজে বাস করিয়া সমসাময়িক রাজপুরুষগণের সহায়তায় এই সুবৃহৎ ইতিহাস সংকলন করিয়াছিলেন। পরবর্ত্তী ইংরাজলেখকগণ সকলেই অল্পাধিক পরিমাণে “ইন্দোস্থানের” নিকট গণী।

রাজকীয় দপ্তরের অনেকগুলি সমসাময়িক কাগজপত্র একত্র সম্মিলিত করিয়া মহাত্মা পাদরী লং এক সংগ্রহপুস্তক প্রকাশ করিয়াছিলেন; এবং পার্লিয়ামেন্টের কমিটির একখানি সুবৃহৎ রিপোর্ট প্রকাশিত হইয়াছিল;—এই উভয় গ্রন্থই অনেক তত্ত্বকথায় পরিপূর্ণ।

ক্ষুদ্র ক্ষুদ্র পুস্তিকাদি যে কত প্রকাশিত হইয়াছিল তাহার সংখ্যা নির্ণয় করা সহজ নহে; তন্মধ্যে হলওয়েল, ক্রাফ্টন্ এবং আইভসের

লেখাই সমধিক উল্লেখযোগ্য। ইহারা সকলেই সমসাময়িক দর্শক ও কোন কোন ঐতিহাসিক ব্যাপারের নায়ক।

এই সকল পুরাতন গ্রন্থাদি বহুবিধ বাগ্বিত্তায় পরিপূর্ণ। সমস্ত-গুলি সংগ্রহ করিয়া, মতপার্থক্যের যথাযথ সমালোচনা করিয়া, তদনুসারে সেকালের ইতিহাস সংকলন করা কেবল যে বহুবায় ও বহুশ্রমসাধ্য ব্যাপার তাহাই নহে ;—যত্ন চেষ্টা এবং অধাবসায় থাকিলেও, একেবারে নিভুল হইবার সম্ভাবনা নাই। এক্ষণে অবস্থায়, সিরাজদৌলার ইতিহাস সংকলনের চেষ্টা হয়ত নিতান্তই অনধিকারচর্চা হইল !

সিরাজদৌলার কলঙ্ককাহিনীতে স্বদেশ বিদেশ সমাচ্ছন্ন হইয়া রহিয়াছে। কলঙ্কের ইতিহাস সর্বজনপরিচিত ; কলঙ্কসৃষ্টির ইতিহাস সেরূপ নহে। তাহা সংক্ষেপে বর্ণনা করিতে গিয়া কর্তব্যানুরোধে স্বদেশ বিদেশের অনেক প্রতিভাশালী সাহিত্যসেবকের সুললিত বর্ণনার সমালোচনা করিতে হইয়াছে। সকলস্থলে “সত্যংক্রিয়াং, প্রিয়ংক্রিয়াং, ন ক্রিয়াং সত্যমপ্রিয়ং”—এই পুরাতন অনুশাসনবাক্য পালন করিতে পারি নাই। ইতিহাস সত্যের উপরেই প্রতিষ্ঠিত ; সুতরাং ইতিহাসের মর্যাদারক্ষার জন্ত অনেক স্থলে ব্যথিত হৃদয়ে অনেক অপ্রিয় সত্য উদ্ঘাটন করিতে হইয়াছে।

সিরাজকলঙ্ক প্রধানতঃ দুই শ্রেণীতে বিভক্ত,—প্রাচীন এবং আধুনিক। এই সকল কলঙ্ক আবার দুই শ্রেণীতে বিভক্ত,—লিখিত এবং অলিখিত। প্রাচীন লিখিত কলঙ্কসংখ্যা অধিক নহে ; আধুনিক লিখিত কলঙ্ক সংখ্যাই অধিক। কিন্তু অলিখিত কলঙ্কের নিকট লিখিত কলঙ্ক পরাজয় স্বীকার করিয়াছে। লিখিত কলঙ্কগুলি ইতিহাসে সীমাবদ্ধ ; অলিখিত কলঙ্কের আর সীমা নাই ;—তাহা এখনও থাকিয়া থাকিয়া

জন্ম গ্রহণ করিতেছে ! এই সকল কারণে আমরা এখনও সিরাজদ্দৌলার নামে শিহরিয়া উঠি, এবং তাঁহার নামে কলঙ্ক সৃষ্টি করিবার সময়ে অথবা কলঙ্করসাম্বাদন করিবার সময়ে সত্য মিথ্যার আলোচনা করিতে আগ্রহ প্রকাশ করি না ! যে মহাত্মার পুণ্যনামে এই ক্ষুদ্র “ঐতিহাসিক চিত্র” উৎসর্গীকৃত হইল, তিনি বহুবৎসর এ দেশের বিলুপ্ত ইতিহাসের পক্ষোদ্ধারকার্য্যে কায়মনে নিযুক্ত থাকিয়া, সম্প্রতি জীবন সন্ধ্যায় জন্মভূমির গৌরবোজ্জ্বল শান্তশীতল ধ্বত দ্বীপে বিশ্রামরুতি উপভোগ করিতেছেন । তিনি এদেশে থাকিবার সময়ে অনেক সহায়তা করিয়াছেন, এবং তাঁহার পূর্বপরিচিত ভারতবাসী দরিদ্র লেখককে সম্প্রতি লিখিয়া পাঠাইয়াছেন যে—“Shirajuddaulah was more unfortunate than wicked !” বলা বাহুল্য যে ইহাই নিরপেক্ষ ইতিহাসের সত্যানুমোদিত সরল সিদ্ধান্ত ; এই ঐতিহাসিক চিত্রে সেই সরল সিদ্ধান্ত কতদূর প্রমাণীকৃত হইয়াছে, পাঠকগণ তাহার সমালোচনা করিবেন ।

যাঁহাদের নিকট উপদেশ, সহানুভূতি এবং উৎসাহ লাভ করিয়া দীর্ঘকালের অধাবসারে “সিরাজদ্দৌলা সংকলিত মুদ্রিত ও প্রকাশিত হইল, তাঁহাদের নামোল্লেখ করিয়া মোখিক কৃতজ্ঞতা প্রকাশ করা নিশ্চয়োজন । ভূতপূর্ব ‘সাধনা’—সম্পাদক শ্রীযুক্ত রবীন্দ্রনাথ ঠাকুর ‘সিরাজদ্দৌলাকে’ প্রথমে পাঠক সমাজে উপনীত করেন, “ভারতীর সম্পাদিকা”য় তাহাকে সাহিত্যসমাজে সুপরিচিত করিয়া পুস্তকাকারে প্রকাশিত করিবার পথ সহজ করিয়া দিয়াছেন, মীররসম্পাদক, বেঙ্গলী-সম্পাদক, অনন্তবাজারপত্রিকা-সম্পাদক, সাহিত্য সম্পাদক, এডুকেশন গেজেট-সম্পাদক প্রভৃতি বঙ্গীয় সাহিত্যসেবকগণ ভারতীতে প্রকাশিত প্রবন্ধ পাঠ করিয়া তাহা পুস্তকাকারে প্রকাশিত হইবার পূর্বেই “সিরাজ-


দৌলার” প্রতি সমাদর প্রদর্শন করিয়া সবিশেষ উৎসাহ বর্ধন করিয়া-
ছেন। ইহাদের প্রত্যেকের নিকট চিরকৃতজ্ঞ রহিলাম।

এই ঐতিহাসিক চিত্রে যে সকল পুস্তকাদি অনুসৃত, অনুবাদিত বা
সমালোচিত হইল, যথাগত তাহার নামোল্লেখ করা হইয়াছে। যাঁহারা
এই পুস্তকের অদৃষ্ট পাঠ করিবেন, তাঁহাদের নিকট সবিনয় নিবেদন,
তাঁহারা যেন ভ্রমপ্রমাদ লক্ষ্য করিলে তৎসংশোধনে সহায়তা করেন।
নিবেদনমিতি।

রাজসাহী

আশ্বিন ১৩০৪

}



সূচীপত্র ।

বিষয়	পৃষ্ঠা
১। সেকালের সুখ দুঃখ ...	১
২। বাল্য-লীলা ...	৯
৩। প্রমোদশালা ...	১৭
৪। “বর্গী এল দেশে” ...	২৪
৫। সিরাজের যৌবরাজ্যাভিষেক ...	৩৬
৬। ইংরাজ বণিকের লাঞ্ছনা ...	৫২
৭। ইন্দ্রিয়-বিকার ...	৬৩
৮। জমীদারদিগের আতঙ্ক ...	৭৪
৯। অর্থ-পিপাসা ...	৮৬
১০। ইংরাজ-চরিত্র ...	৯৯
১১। বৃদ্ধ নবাবের অন্তিম উপদেশ ...	১১১
১২। ইংরাজ-বণিকের উদ্ধত-স্বভাব ...	১২৫

বিষয়	পৃষ্ঠা
১৩। কাশিমবাজার অবরোধ ...	১৪১
১৪। কলিকাতা-আক্রমণ ✓ ...	১৫২
১৫। অন্ধকূপ-হত্যা ...	১৭৫
১৬। অন্ধকূপ-হত্যা—রহস্য-নির্ণয় ...	১৯৮
১৭। ইংরাজের সর্বনাশ ✓ ...	২২৩
১৮। সিরাজ না শওকতজঙ্গ, কাহাকে চাও ? ✓ ...	২৪১
১৯। কলিকাতার পুনরুদ্ধার ...✓	২৫২
২০। কে শান্তি প্রিয়,—মুসলমান সিরাজ, না খৃষ্টীয়ান ইংরাজ ? ...	২৬০
২১। আলিনগরের সন্ধি ...	২৭২
২২। সন্ধির পরিণাম ! ...	২৮৪
২৩। চন্দননগর ধ্বংস ...	২৯৩
২৪। ফরাসির সর্বনাশ ! ...	৩০৩
২৫। গুপ্ত-মন্ত্রণা ...	৩১৩
২৬। যুদ্ধযাত্রা ...	৩৩৫
২৭। পলাশির যুদ্ধ ✓ ...	৩৫৪
২৮। সিরাজদৌলার কি হইল ? ...	৩৮৬
২৯। উপসংহার ...	৪০৭



সিরাজদ্দৌলা ।

প্রথম পরিচ্ছেদ ।

—০০০০০—

সেকালের সুখ দুঃখ ।



নবাব সিরাজদ্দৌলার নাম সকলের কাছেই চিরপরিচিত । তিনি অতি অল্পদিন মাত্র বাঙ্গালা, বিহার, উড়িষ্যার সিংহাসনে বসিয়াছিলেন ; কিন্তু সেই অল্পদিনের মধ্যেই স্বদেশে এবং বিদেশে আপন নাম চির-স্মরণীয় করিয়া গিয়াছেন ।

ইংরাজেরা একবার তাহাদের দেশের একজন হতভাগ্য নরপতিকে নর-বলি দিয়াছিল । ঘাতকের শাণিত কুঠার যখন সেই রাজমুণ্ড

দ্বিখণ্ডিত করে, শোণিত লোলুপ জনসাধারণ তখন উন্নত পিশাচের মত ভৈরব নৃত্য করতালি দিয়া কিছুদিনের জন্য প্রজাতন্ত্র সংস্থাপন করিয়াছিল ! কিন্তু তখনও তাহাদের দেশের কুটীরে কুটীরে দুর্গে-দুর্গে, প্রাসাদে প্রাসাদে, কত কৃষক, কত সৈনিক, কত সম্ভ্রান্ত পরিবার দীর্ঘ-নিঃশ্বাস ফেলিয়াছিল ! বাঙ্গালী যখন বড়বড় করিয়া সিরাজদৌলাকে গৃহত্যাগিত করে, মীরণের নৃশংস আদেশে সিরাজমুণ্ড যখন দেহবিচ্যুত হয়, দেশের রাজা প্রজা তখন সকলে মিলিয়া বিশ্বাসঘাতক মীর জাফরকে সিংহাসনে বসাইয়া তাঁহার কৃপাকটাক্ষের প্রতীক্ষায় বর-জোড়ে দাঁড়াইয়াছিলেন ;—সিরাজের শোচনীয় পরিণামে তাঁহার জন্য কেহই একবিন্দু অশ্রুমোচনের অবসর পান নাই ।

এ সকল এখন পুরাতন কথা । দেশের আর সে অবস্থা নাই, লোকের আর সে তীব্র প্রতিহিংসা নাই, সিরাজ এবং তাঁহার সমসাময়িক রাজা প্রজা সকলেই ইহলোক হইতে অবসর গ্রহণ করিয়াছেন । এখন বোধ হয়, বাঙ্গালী যথার্থ নিরপেক্ষভাবে সিরাজচরিত্র আলোচনা করিবার অবসর পাইবেন ।

সিরাজদৌলা নাই । তাঁহার সময়ে যে বাঙ্গালা দেশ ছিল, সে বাঙ্গালা দেশও নাই । মোগল বাদশাহেরা যাহাকে “সমুদয় মানব জাতির স্বর্গতুল্য বঙ্গভূমি” * বণিয়া অনুশাসনপত্রে উল্লেখ করিতেন, সে স্বর্গ এখন গৌরবচ্যুত হত-সর্বস্ব কাঙ্গাল ভূমি ! সে শিল্প নাই, সে বাণিজ্য নাই, বাঙ্গালীর সে রাজপদ মন্ত্রিপদ নাই, জমীদারদিগের সে জীবনমরণের বিচারক্ষমতা নাই ;—সে বাহুবল, সে রণকৌশল,

কেহই বাধা দিলে হাসগত অতীত কাহিনীতে পর্যাবসিত হইয়াছে ।
সেই সময়ের লোক, সে সময় এখন বহুদূরে সরিয়া
পড়িয়াছে ।

এক সময়ে এ দেশে মুসলমানের নামগন্ধ ছিল না । হিন্দুস্থান
কেবল হিন্দু অধিবাসীর শঙ্খ ঘণ্টারবে প্রতিশব্দিত হইত । কিন্তু সে
বহুদিনের কথা । সেকালের সকল চিত্র এত পুরাতন, এত জরাজীর্ণ,
এত অস্পষ্ট হইয়া উঠিয়াছে যে, এখন আর ভাল করিয়া তাহার সৌন্দর্য
বিচার করিবার উপায় নাই । বহুদিন হইতে এ দেশ হিন্দু মুসলমানের
জন্মভূমি বলিয়া পরিচিত হইয়াছে ; গ্রামে গ্রামে, নগরে নগরে, বহুদিন
হইতে হিন্দু মুসলমান বাহুতে বাহুতে মিলিত হইয়া জীবন-সংগ্রামে
জন্মভূমির রণপতাকা বহন করিতেছে । সিরাজদৌলার সময়ে হিন্দু
মুসলমানের মধ্যে ধর্মগত পার্থক্য ছিল ; কিন্তু ক্ষমতাগত,
পদগৌরবগত কোনই পার্থক্য ছিল না । মুসলমানের পরিচ্ছদ,
মুসলমানের শিষ্টাচার, মুসলমানের প্রয়োজনাতীত-সৌজন্ত-পরিপ্লুত
গ্রন্থ-বিগ্ৰহুত ক্রতীসুমধুর সুমার্জিত যাবনিক ভাষা এবং পদবিজ্ঞাপক
যাবনিক উপাধি গৌরবের সঙ্গে হিন্দু-মুসলমানে সমভাবে ব্যবহার
করিতেন ।

দিল্লীর বাদশাহ নামমাত্র বাদশাহ ; বাঙ্গালার নবাবই বাঙ্গালা-
দেশের প্রকৃত “মা বাপ” হইয়া উঠিয়াছিলেন । সেই নবাবদরবারে
হিন্দু-মুসলমানের কোনরূপ আসনগত পার্থক্য বা ক্ষমতাগত তারতম্য
ছিল না । বরং অনেকাংশে হিন্দুদিগেরই বিশেষ প্রাধান্য জন্মিয়াছিল ।
বিলাস-লোলুপ মুসলমান ওমরাহগণ আহার বিহার লইয়াই সমধিক
ব্যস্ত থাকিতেন ; কর্মকুশল হিন্দু অধিবাসীগণ, কেহ রাজা কেহ মন্ত্রী,

কেহ কোষাধ্যক্ষ, কেহ বা সেনানায়ক হইয়া বুদ্ধিবদ্ভিন্ন পিশাচের
বাহুবিক্রমে বাঙ্গালাদেশের ভাগ্য বিবর্তন করিতেন। সংস্থাপন

মুসলমান নবাব আপনাকে বাঙ্গালী বলিয়া পরিচয় দিতে লজ্জাবোধ
করিতেন না। বাঙ্গালাদেশই তাঁহার স্বদেশ, এবং বাঙ্গালী জাতিই
তাঁহার স্বজাতি হইয়া উঠিয়াছিল। রাজকোষের ধনরত্ন বাঙ্গালাদেশেই
সঞ্চিত থাকিত ; যাহা বায় হইত, তাহাও বাঙ্গালীগণ কেহ দ্রব্য-বিনি-
ময়ে কেহ শ্রম-বিনিময়ে কড়ায় গণ্ডায় বুঝিয়া লইতে পারিত। দেশের
টাকা দেশেই থাকিত, তাহা সাত সমুদ্র তের নদীর পারে চির-নির্ঝা-
সিত হইত না।

সেই একদিন, আর এই একদিন ! আজ সে দিনের বিলুপ্ত
কাহিনীর আলোচনা করিতে হইলে অতীতের স্বপ্ন-সমুদ্র সন্তরণ করিয়া
সেকালের বাস্তব রাজ্যের বাস্তব চিত্রপটের সম্মুখে আসিয়া দাঁড়াইতে
হইবে ; সেকালের চক্ষু লইয়া, সেকালের প্রাণ লইয়া সেকালের
ইতিহাস অধ্যয়ন করিতে হইবে। সে ইতিহাস কেবল হতভাগ্য
সিরাজদৌলার মর্শ্ব-বেদনার ইতিহাস নহে ;—তাহা আমাদের
পূজনীয় পিতৃপিতামহের সুখদুঃখের ইতিহাস।

সিরাজদৌলার সময়ে বাঙ্গালাদেশ ১৩ চাকলায়, এবং ১৬৬০
পরগণায় বিভক্ত ছিল *। পরগণাগুলি কোন না কোন জমীদারের
অধিকারভুক্ত ছিল। তাঁহারা বাহুবলে আপন আপন রাজ্য রক্ষা করিয়া
বিচারবলে দুষ্টির দমন ও শিষ্টের পালন করিয়া, যথাকালে নবাব-
সরকারে রাজস্ব দিতে পারিলে তাঁহাদের স্বাধীন শক্তির প্রবল প্রতাপে

* Grant's Analysis of Finances of Bengal.

কহই বাধা দিতে চাহিত না । চাকলায় চাকলায় এক একজন হিন্দু অথবা মুসলমান “ফৌজদার” অর্থাৎ শাসনকর্তা থাকিতেন ; তাঁহারা যথাকালে রাজস্ব-সংগ্রহের সাহায্য করা ভিন্ন আভ্যন্তরীণ শাসনকার্য্যে হস্তক্ষেপ করিতেন না । গঙ্গা, ভাগীরথী, ব্রহ্মপুত্র বাঙ্গালীর বাণিজ্য-ভাণ্ডার বহন করিত ; সে বাণিজ্যে জেতু-বিজিত বলিয়া শুদ্ধদানের কোনরূপ তারতম্য ছিল না । মুসলমান নবাব কোন কোন নিদিষ্ট সময়ে পাত্র মিত্র লইয়া দরবার করিতেন, কিন্তু আভ্যন্তরীণ শাসন-কার্য্যে প্রায়ই মনোনিবেশ করিবার অবসর পাইতেন না । জগৎশেঠের ইতিহাস-বিখ্যাত বিস্তুত প্রাঙ্গণে বাদসাহের নামে স্বর্ণ ও রৌপ্যমুদ্রা মুদ্রিত হইত ; পরগণাধিপতি জমীদারগণ জগৎশেঠের কোষাগারে রাজস্ব ঢালিয়া দিয়া মুক্তিপত্র গ্রহণ করিতেন ; এবং কখন কখন শিষ্টাচারের অনুরোধে রাজধানীতে আসিয়া কাবা চাপকান পরিয়া, উষ্ণীয় বাঁধিয়া, জানু পাতিয়া মুসলমানী প্রথায় নবাব-দরবারে সমাসীন হইতেন ।

দেশে যে অত্যাচার অবিচার ছিল না তাহা নহে ; বরং অনেক সময়েই দেশে ভয়ানক অরাজকতা উপস্থিত হইত । কিন্তু সে অরাজকতায় জমীদার ও মহাজনগণ যতই উৎপীড়িত হ’ন না কেন, কৃষক-কুটীরে তাহার ছায়াস্পর্শ হইত না । কৃষক যথাকালে হলচালনা করিয়া, যথা-প্রাপ্ত শস্যসঞ্চয় করিয়া, স্ত্রীপুত্র লইয়া যথাসম্ভব নিরুদ্ধেগেই কালযাপন করিত । দেশে দস্যু তস্করের উৎপীড়নের অভাব ছিল না ; কিন্তু দেশের লোকের অস্ত্রশস্ত্র ব্যবহারেও কোনরূপ নিষেধ ছিল না । সম্ভ্রান্ত বংশের যুবকেরাও লাঠি, তরবারি চালনা করিতে জানিতেন । দস্যু তস্করের উপদ্রব হইলে, গ্রামের লোকে দল বাঁধিয়া,

রাত্রি জাগিয়া, লাঠি ঘুরাইয়া, মশাল জ্বলাইয়া, তরবারি ভাজিয়া, বর্ষা ঢালাইয়া আত্মরক্ষা করিত । দস্যু-তস্কর ধরা পড়িলে, গ্রাম-বাসীরাই দশজনে মিলিয়া প্রয়োজনাভীত উত্তম মধ্যম দিয়া সংক্ষেপে বিচার কার্য্য সমাধা করিয়া ফেলিত ।

ইহাতে যেমন দুঃখ ছিল, সেইরূপ সুখও ছিল । আজকাল দস্যু-তস্করে উপদ্রব করিলে, কেহ কাহারও সাহায্য করিতে বাহির হয় না ; অসহায় গৃহস্থ ঘরে পড়িয়া আর্তনাদ করিতে থাকে ! দস্যুদল সর্ব্বস্থ লুটিয়া, মানসম্মত পদদলিত করিয়া হেলিতে ছলিতে ধীরে ধীরে বহুদূরে চলিয়া গেলে, গৃহস্থ পঞ্চায়েৎ ডাকিয়া থানায় গিয়া পুলিশে সংবাদ দিয়া আসে । দারোগা, বকসী, কনেষ্টবল্ এবং চৌকিদার মহাশয় অবসর অনুসারে একে একে শুভাগমন করিলে, গৃহস্থ ব্যস্তসমস্ত হইয়া এক-হাতে চোখের জল মুছিতে মুছিতে, আর এক হাতে তাঁহাদের যথা-যোগ্য মর্য্যাদা রক্ষার জন্ত ঋণ গ্রহণে বাহির হয় ! দস্যু-তস্কর ধরা পড়ুক বা না পড়ুক, সন্দেহে পড়িয়া অনেক গরীবকে নির্যাতন সহ্য করিতে হয় ; দুই একস্থলে মিথ্যা অভিযোগ বলিয়া গৃহস্থকেও রাজদ্বারে বিলক্ষণ বিড়ম্বনা ভোগ করিতে হয় । সেকালে সুবিচারের সূক্ষ্মযন্ত্র ছিল না, সুতরাং কাহাকেও বিচার-বিড়ম্বনা ভোগ করিতে হইত না ।

অনেক বিষয়ে অসুবিধা ছিল ; কিন্তু অনেক বিষয়ে সুবিধাও ছিল : পথ ঘাট ছিল না, ভ্রমিত গমনের সহপায় ছিল না, দাতব্যচিকিৎসালয় এবং বিনামূল্যে বিতরণীয় ঔষধালয় ছিল না ;—কিন্তু লোকের ধন-ধান্য ছিল, স্বাস্থ্য ও বাহুবল ছিল ; হা অন্ন ! হা অন্ন ! করিয়া দেশে দেশে ছুটিয়া বেড়াইবার বিশেষ আবশ্যক হইত না । লোকে ঘরে বসিয়া হাতে লেখা তুলট কাগজের রামায়ণ মহাভারত পড়িত. অবসর সময়ে

কবিকঙ্কণের চণ্ডীর গান গাহিত, এবং আপন আপন বাসস্থলীতে নিপুণভাবে প্রসন্নচিত্তে আপন কার্যে নিযুক্ত থাকিত ।

অভাব অল্প হইলে দুঃখও অল্প হইয়া থাকে । সভ্যতাবিরোধী সূচিক্ৰণ সূক্ষ্ম বস্ত্রের জন্ত সকলেই লালায়িত হইত না ; দেশের মোটা ভাত মোটা কাপড়েই অধিকাংশ লোকের একরকম দিন চালাইত । পাঠশালার গুরুমহাশয়ের অথবা তাঁহার বেত্রদণ্ডের মহিমায় যথা সম্ভব বিদ্যাভ্যাস করিয়া বালকেরা অবসর সময়ে মাঠে মাঠে ছুটাছুটি করিয়া বেড়াইত, কখন বা ঘোড়া ধরিয়া তাঁহার অনাবৃত পৃষ্ঠে নিতান্ত অসঙ্গত-রূপে একজনের স্থানে দুই তিন জন চাপিয়া বসিত, কখন বা বর্ষার জলে নদ, নদী, খাল, বিলে কাঁপাকাঁপি করিয়া সাঁতার কাটিত, সময়ে অসময়ে গৃহস্থের গরু বাছুর চরাইয়া হাটবাজার বহিয়া, দিন-শেষে ঠাকুরমার উপকথায় হুঁ দিতে দিতে স্নেহের কোলে ঘুমাইয়া পড়িত । যুবকদল দিবসে তাম পাশা খেলিয়া, দাবা ব'ড়ে টিপিয়া, বৈকালে লাঠি ভরবারি ভাঁজিত ; সন্ধ্যা-সমাগমে সযত্ন-বিন্যস্ত লম্বা কোঁচা দোলাইয়া অনাবৃত দেহ-সৌষ্ঠবের গৌরব বাড়াইবার জন্ত কাঁধের উপর রঙ্গিন গাম্ছা ছড়াইয়া দিয়া বাব্রী-চুলে চিকুণী গুঁজিয়া, শুক সারী অথবা নিতান্ত অভাবপক্ষে একটা পোষা বুলবুল হাতে লইয়া তাম্বুল-রাগ-রঞ্জিত অধরৌষ্ঠে মৃদুমন্দ শিস্ দিতে দিতে—পাড়ায় বেড়াইতে বাহির হইত । বৃদ্ধেরা গৃহকর্ম সারিয়া, পর্যাপ্ত ভোজনের পর তৈলাক্ত-স্নিগ্ধতন্মু দিবা নিদ্রায় সমাহিত করিয়া সায়াছে তামাকু সেবনের জন্ত চণ্ডীমণ্ডপে নদীসৈকতে অথবা বৃক্ষতলে সমবেত হইয়া, দেশের কথা, দেশের কথা “ওপাড়ার মুখুযোদের বিধবা ভাদ্রবধুর কথা,”—কত কি আবশ্যক অনাবশ্যক বিষয়ের মীমাংসা করিয়া, সন্ধ্যার পর হরিসংকীর্ণনে অথবা

পুরাণ-শ্রবণে ভক্তি-গদগদ-হৃদয়ে নিমগ্ন হইতেন । সমাজের যাহারা লক্ষ্মীকপিণী-অর্দ্ধাঙ্গিনী, তাঁহারা দেবতা, ব্রাহ্মণ, অতিথি ও পোষ্যবর্গের সেবা করিয়া, সময়ে অসময়ে ছেলে ঠেঙ্গাইয়া, নথ নাড়িয়া, চুল খুলিয়া, সন্ধ্যার শীতল বাতাসে পুকুর-ঘাট আলো করিয়া বসিতেন ; কত কথা কত রঙ্গরস—তার সঙ্গে খোড়ার সগর্ভ-হস্তসঞ্চালন, নবীনার অবগুষ্ঠন-জড়িত অক্ষুট সখি-সন্তুষ্টাষণ, এবং স্থবিরার স্থলদ-বচনে শিবমহিম্ন স্তোত্রের বিকৃত-আবৃত্তি সাক্ষ্যসম্মিলনকে কতই মধুময় করিয়া তুলিত !

সে দিন আর নাই ;—এখন আমরা সভ্য হইয়াছি । বালকেরা দস্তোদামের পূর্বেই ক, খ ধরিয়া পাঁচ ঘণ্টা স্কুলের কঠিন কাষ্ঠাসনে কখন দাঁড়াইয়া, কখন বা বসিয়া, বৈকালে গৃহশিক্ষকের তীব্রতাড়না সহ্য করিয়া, আহাৰ না করিতেই ঘুমাইয়া পড়ে ; যুবারা হা অন্ন ! হা অন্ন ! করিয়া চাকরীর আশায়, উমেদারীর আশায়, কখন বা শুধু একখানি প্রশংসাপত্র পাইবার আশায়, দেশে দেশে ছুটাছুটি করিয়া অল্পদিনেই অধ্যয়নক্লিষ্ট দুর্বলদেহে নিতান্ত অসময়েই স্থবিরত্ব লাভ করে ; বৃদ্ধেরা অনাবশ্যক উৎসাহে সেকালের জীর্ণ খুঁটার সঙ্গে উড্ডীয়মান জাতীয় জীবনকে বাঁধিয়া রাখিবার জন্ত পাড়ায় পাড়ায় দলাদলির বৈঠক কারয়া ক্ষুধাবৃদ্ধি করেন ; আর সমাজের যাহারা লক্ষ্মীকপিণী,—সেই অর্দ্ধাঙ্গিনীগণ অর্দ্ধ অবগুষ্ঠনে স্বামিপুলের সঙ্গে দেশে দেশে ফিরিয়া কেবল অনাবশ্যকরূপে চিকিৎসকের এবং স্বর্ণকারের-ঋণজালে জড়িত হইয়া পড়েন । এ সকল যদি একালের সুখের চিত্র বলিয়া গর্ব করিতে পারি, তবে সেকালে দেশের লোকের সুখশান্তির একেবারেই অভাব ছিল বলিয়া উপহাস করা শোভা পায় না ।



দ্বিতীয় পরিচ্ছেদ ।

বাল্য-লীলা ।

রোমক-সভ্যতার তিরোভাবে ইউরোপখণ্ড অন্ধকারে ঢাকিয়া পড়িয়াছিল । শিল্প বিজ্ঞানের অভাবে, শিক্ষাদীক্ষার হৃদশায়, ইউরোপীয়গণ এক প্রকার অসভ্য বর্কর হইয়া উঠিয়াছিলেন । মধ্যযুগের অবসানে আবার ইউরোপের সৌভাগ্য-সূর্য উদিত হইল, শিক্ষার জ্যোতিতে আবার চারিদিক উজ্জ্বল হইয়া উঠিল, উৎসাহ ও উচ্চাকাঙ্ক্ষার তীব্র তাড়নায় ধনরত্নের সন্ধানে লোকে দেশে দেশে ছুটিতে আরম্ভ করিল ; পুরাতন গ্রীক ও রোমক গ্রন্থাবলীর জরাজীর্ণ কীটদষ্ট এই এক পাতা যে যেখানে কুড়াইয়া পাইল, তাহাই লোকে আগ্রহের

সহিত অধ্যয়ন করিতে নিযুক্ত হইল । এইরূপে কালক্রমে ভারতবর্ষের নাম ইউরোপে প্রচারিত হইয়া পড়িল । সেকালে “স্বর্ণখনি” বলিয়া ভারতবর্ষের সুখ্যাতি ছিল ; অধাবসায়ী ইউরোপীয়গণ সেই স্বর্ণখনি হস্তগত করিবার আশায় নানা পথে সমুদ্র-যাত্রা করিলেন এবং অধাবসায়গুণে কালক্রমে ভারতবর্ষের সন্ধানলাভ করিলেন । দলে দলে ইউরোপীয় শ্বেতাঙ্গগণ ভারতবর্ষে পদার্পণ করিতে লাগিলেন ; কিন্তু সেই স্বর্ণখনি সহসা হস্তগত করিবার সেরূপ সম্ভাবনা না দেখিয়া * তাহার ধনরত্ন কুক্ষিগত করিবার আশায় দেশে দেশে বাণিজ্যালয় খুলিয়া, পণ্যদ্রব্য সাজাইয়া, ডাক হাঁক আরম্ভ করিলেন । তাঁহাদের পণ্যদ্রব্য কতকগুলি কাচের পুতুল,—এদেশের লোক তাহাতে ভুলিল না । ইংরাজবণিক গ্রামে গ্রামে সেই সকল পণ্যদ্রব্য বহিয়া “বহুত আচ্ছা মাল যাতা হ্যায়” বলিয়া অনেক চীৎকার করিলেন, কোতুক দেখিবার জন্ত কেহ কেহ বোঝা নামাইতে বলিল, কিন্তু একজনেও ‘সওদা’ করিল না ! † সওদাগরেরা অবশেষে কুঠি খুলিয়া এদেশের কার্পাস এবং পটুবস্ত্র বিলাতে রপ্তানি করিতে আরম্ভ করিলেন, কারবার বেশ জাঁকিয়া উঠিল, দেশের লোকের সঙ্গেও একটু আদটু করিয়া আত্মীয়তার সূত্রপাত হইল ।

মুসলমান নবাব বিদেশীয় বণিকের সৌভাগ্য-গর্বে সেরূপ আনন্দ অনুভব করিলেন না । ইংরাজেরা কলিকাতা, গোবিন্দপুর ও সূতানটী নামক তিনখানি গণ্ডগ্রাম লইয়া ছোটখাট একটি দুর্গ ও বাণিজ্যালয়

* “The people of Hindoostan were not timid savages capable of being robbed or swindled by whoever chose to try ; they were a great and intelligent race, acquainted with commerce and art.”—Torren’s Empire in Asia p. 10.

† Dow’s Hindoostan.

নিৰ্ম্মাণ করিয়াছিলেন ; দিল্লীর নাম-সর্বস্ব বাদশাহের “ফরমান” দেখাইয়া জলে স্থলে বিনাশুল্কে বাণিজ্য করিতে আরম্ভ করিয়াছিলেন, এবং আরও ৩৮ খানি গ্রাম ক্রয় কারবার ক্ষমতা-পত্র আনাইয়াছিলেন ।* নবাব জমাদারদিগকে শাসন করিয়া দিলেন, কেহ ইংরাজের নিকট সূচ্যগ্র ভূমিও বিক্রয় করিতে সাহস পাইলেন না ; † অগত্যা ইংরাজ-বাণক দেশে দেশে বাণিজ্য করিয়া বেড়াইতে লাগিলেন ।

দিল্লীর বাদশাহের বাহুবল ক্রমেই টুটিয়া আসিতেছিল । অযোধ্যায় এবং দাক্ষিণাত্যে স্বাধীন মুসলমান-রাজ্য গঠিত হইতেছিল । শিবাজীর পদানুসরণ করিয়া মহারাষ্ট্র-সেনা হিন্দুসাম্রাজ্য বিস্তৃত করিতেছিল ; দেখাদেখি বাঙ্গালার নবাবেরাও বাদশাহকে রাজকর প্রদানের আবশ্যকতা অস্বীকার করিতেছিলেন । বাঙ্গালাদেশ প্রকৃত প্রস্তাবে স্বাধীন,—কেবল কাগজপত্রে দিল্লীর অধীন বলিয়া পরিচিত হইতেছিল ।

এই সময়ে সরফরাজ খাঁ বাঙ্গালার নবাব । তিনি অল্পদিনের মধ্যেই লোকের বিরাগভাজন হইয়া উঠিলেন । ইন্দ্ৰিয়লালসাই তাঁহার কাল হইল ! তিনি মোহান্ন হইয়া একদিন জগৎশেষের পুত্রবধূকে ধরিয়া আনিলেন ; দেশের লোকে একেবারে শিহরিয়া উঠিল ‡ ! রাজা ও জমীদারবর্গ সকলে মিলিয়া সরফরাজকে সমুচিত শিক্ষা দিবার জন্ত মন্ত্ৰণা করিতে লাগিলেন ।

সেকালের জমীদারদিগের ক্ষমতা ছিল, পদগৌরব ছিল, দিল্লীর দরবারে পরিচয় ছিল । তাঁহারা দশজনে মিলিয়া বাদশাহকে ধরিয়া

* The Emperor Ferrokhsere's Phirmaund for Bengal, Bahar and Orixia, A. D. 1717.

† Stewart's History of Bengal.

‡ Orme's Indostan vol. II. 30. Hunter's Statistical Accounts of Bengal—Moorshidabad.

বসিলে ইচ্ছামত লোককে নবাব করিতে পারিতেন। সরফরাজের অত্যাচারে মর্শ্বপীড়িত হইয়া সকলে মিলিয়া সেই চেষ্টায় প্রবৃত্ত হইলেন ; কিছুদিনের মধ্যেই বাদশাহের অনুমতি আসিল।

সরফরাজের পিতা সূজাখাঁর নবাবী আমলে হাজি আহমদ ও আলিবর্দী খাঁ নামে দুইজন সুশিক্ষিত প্রতিভাসম্পন্ন মুসলমানের বড়ই প্রাধান্য হইয়াছিল। তাঁহারা দুই সহোদর সূজা খাঁর দক্ষিণবাহু হইয়া প্রথমে মুর্শিদাবাদের মন্ত্রভবনে, পরে উড়িষ্যা ও পাটনার রাজধানীতে রাজ-কাৰ্য্যে নিযুক্ত হইয়াছিলেন। আলিবর্দী পাটনার নবাব বলিয়া পরিচিত ছিলেন ; লোকে তাঁহাকেই সিংহাসনে বসাইবার জন্ত চেষ্টা করিতেছিল। সরফরাজ সেই গুপ্তমন্ত্রণার সংবাদ পাইয়া পাটনা অভিমুখে চলিলেন, আলিবর্দীও বাদশাহের ফরমান পাইয়া মুর্শিদাবাদ অভিমুখে যাত্রা করিলেন। পথিমধ্যে গিরিয়ার প্রান্তরে উভয় নবাবের যুদ্ধ হইল। সরফরাজ নিহত হইলেন, আলিবর্দী সিংহাসনে আরোহণ করিলেন।

আলিবর্দী হিন্দু মুসলমানের প্রিয়পাত্র, শুদ্ধ, শান্ত, উৎসাহশীল, ক্রিয়াকলাপপূর্ণ, ধর্মভীরু নরপতি বলিয়া পরিচিত। তিনি হিন্দুদিগকে সর্বিশেষ শ্রদ্ধা করিতেন ; লোকে বলে তিনি যখন পাটনার নবাব, তখনই একজন হিন্দু সাধুপুরুষ নাকি তাঁহার সিংহাসন লাভের কথা গণনা করিয়া দিয়াছিলেন। মূল কাহিনী যাহাই হউক, আলিবর্দী যে বাপুদেব শাস্ত্রী ও তাঁহার শিষ্য নন্দকুমারকে সর্বিশেষ ভক্তি শ্রদ্ধা করিতেন এরূপ জনরব এখনও মধ্যে মধ্যে শুনিতে পাওয়া যায়। *

আলিবর্দীর তিনটিমাত্র কন্যা, একটিও পুত্র সন্তান নাই * । তিনি নিজ ভ্রাতা হাজি আহ্মদের তিন পুত্র নওয়াজেস্ মোহম্মদ, সাইয়েদ-আহ্মদ এবং জয়েনউদ্দীনের সঙ্গে আপন তিন কন্যার বিবাহ দিয়া-ছিলেন ; এবং সিংহাসন লাভ করিলে, যথাকালে তিন জামাতাকে তিন প্রদেশের শাসনভার প্রদান করিয়াছিলেন । তদনুসারে জয়েনউদ্দীন পাটনার, সাইয়েদ আহ্মদ পুণিয়ায় এবং নওয়াজেস্ মোহম্মদ ঢাকায় থাকিয়া নবাবী করিতেন ।

আলিবর্দী যে সময়ে পাটনার শাসনভার প্রাপ্ত হন, সেই শুভ সময়ে তাঁহার কন্যা আমিনাবেগমের গর্ভে মিরজা মোহম্মদ নামে তাঁহার এক দৌহিত্র ভূমিষ্ঠ হইয়াছিল । আলিবর্দী সেই শুভদিনের আনন্দ কোলাহলের মধ্যে নবজাত শিশুকে পোষ্যপুত্ররূপে গ্রহণ করিয়াছিলেন । আজ যে বালক, কা'ল সে যুবা হয় ;—আজ স্মৃতি-গৃহের ধাত্রীক্রোড় যাহার

* ইতিহাস-বিমুখ বাঙ্গালাদেশে এই অল্প দিনের মধ্যেই নবাব আলিবর্দীর কয়টি কন্যা—তাহা লইয়া বিবাদের ভিত্তিমূল স্থাপিত হইয়াছে । মুর্শিদাবাদের ইতিহাস লিখিবার জন্য বিবরণ সংগ্রহ করিবার সময়ে বহরমপুর কলেজের শিক্ষক শ্রীযুক্ত বাবু কালীপ্রসন্ন বন্দ্যোপাধ্যায় মহাশয় যাহা জানিয়াছেন, তাহাতে তাঁহার ধারণা এই যে, ঘসেটি ও আমিনাবেগম নামে আলিবর্দীর দুইটি মাত্র কন্যা ছিল । ইতিহাস-লেখক অর্শি বলেন, “না, নবাব আলিবর্দীর মোটেই এক কন্যা” । মুক্তকরীণ-লেখক সাইয়েদ গোলাম হোসেন আলিবর্দীর আত্মীয় এবং সমসাময়িক ; তিনি তিন কন্যার কথাই লিখিয়া গিয়াছেন এবং তদনুসারে ইতিহাসলেখক মিল সাহেবও তিন কন্যার উল্লেখ করিয়া টীকায় লিখিয়াছেন:—“Orme, ii. 34, says that Aliverdi had only one daughter. The author of the Seer Mutakherin, who was his near relation, says he had three, i, 304.” Mill's History of British India, Vol. III. কালীপ্রসন্ন বাবু সম্প্রতি যে নবাবী আমলের বাঙ্গালার ইতিহাস প্রকাশিত করিয়াছেন, তাহাতে টীকাহলে আলিবর্দীর তিন কন্যা স্বীকার করিয়াছেন । ১৪৩ পৃষ্ঠার ৩য় টীকায় তাহা এক্ষণে স্পষ্টাক্ষরে স্বীকৃত হইয়াছে ।

একমাত্র ক্রীড়াভূমি, কালে সমগ্র পৃথিবীও তাঁহার জন্ত যথেষ্ট বিহার-ক্ষেত্র দেখাইয়া দিতে পারে না ! আজ যে আলিবন্দীর স্নেহপুত্রল পোষা-পুত্র, সময়ে নেই বালকই যে বাঙ্গালা, বিহার, উড়িষ্যার নবাব সিরাজ-দৌলানামে জগতের নিকট চিরপরিচিত হইবে, তাহা কে জানিত ?

বাল্যকাল বড়ই সুখের কাল ; কিন্তু বাল্যকালই আবার ভবিষ্যতের অনেক দুঃখযন্ত্রণার মূল ! যেভাবে, বাহার সহবাসে, যেৰূপ শাসনে বাল্যজীবন অতিবাহিত হয়, পরজীবনে তাহার দাগ একেবারে বিলীন হয় না । মানব চরিত্র বৃদ্ধিতে হইলে, লোকে সেই জন্ত বাল্যজীবনের আলোচনা করিয়া থাকে ;—আমরাও বালক সিরাজদৌলার বাল্য-জীবনের আলোচনা করিব ।

সিরাজদৌলা মাতামহের স্নেহপুত্রল, সেই মাতামহ আবার বাঙ্গালা, বিহার, উড়িষ্যার প্রবল প্রতাপাবিত নবাব ;—সুতরাং বালক সিরাজ-দৌলা যখন বাহা ধরিয়া বসেন, “সাগর ছেঁচিয়া সাত রাজার ধন এক মাণিক” আনিতে হইলোও, মাতামহ তৎক্ষণাৎ তাহা আনিয়া হাজির করেন ! তাড়না নাই,—স্নেহ-সন্তোষণ আছে ; শাসন নাই,—আব্দার পূরণটুকু পূর্ণমাত্রায় চলিতেছে ; ইহাতে আব্দার দিন দিনই বাড়িয়া চলিতে লাগিল । আব্দার পূরণ করিয়া শিশুর মুখে সাময়িক উৎফুল্লতা দেখিতে কোন্ মাতামহের না ইচ্ছা হয় ? তাহাতে আবার আলিবন্দীর পুত্রসন্তান নাই ।

শিশু বাহা ধরিয়া বসে, তাহা প্রায়ই অকিঞ্চিৎকর অথবা নিতান্ত হান্ধাম্পদ । সে কখন হাতী চায়, কখন ঘোড়া চায়, কখন বা একেবারে চাঁদখানা হাতের মধ্যে ধরিতে চায় ! গরীব লোকে আর কি করিবে ? শোলার হাতী, মাটির ঘোড়া কিনিয়া দেয়, এবং “আয় আয় চাঁদ আয়”

বলিয়া আকাশের টাঁদকে সাদর-সন্তোষে- আদাহন করে । বড় লোকে সত্য সত্যই হাতী ঘোড়া কিনিয়া দেয়, টাঁদ ধরিবার জন্ত লোক লঙ্করের উপর হুকুম জারি করে ;—শিশু ভবিষ্যতে টাঁদ হাতে পাইবার আশায় আশ্বস্ত হয় । এ সকলই অতি তুচ্ছ বিষয় ; কিন্তু এই সকল তুচ্ছ বিষয় হইতেই শিশুর একটি প্রবল কুশিক্ষার আরম্ভ হয় এবং একটি প্রয়োজনীয় সুশিক্ষার অভাব জন্মে । সে প্রবৃত্তি দমন করিতে শিখে না ; ইচ্ছামাত্রে বাঞ্ছিত বস্তু হাতের কাছে না পাইলে ধৈর্য্যধারণ করিতে পারে না । “মাতামহের আদরে সিরাজের তরল হৃদয়ে এইরূপে অনেক কুশিক্ষার বীজ পতিত হইতে আরম্ভ করিল । বালক সিরাজদৌলা প্রবৃত্তি-দমনের শিক্ষা পাইলেন না ; বাল্যকাল হইতেই মনো-বৃত্তির বেগ দুর্দমনীয় হইয়া উঠিতে লাগিল ।

এই বালক যে একদিন বাঙ্গালা, বিহার, উড়িষ্যার “মসনদে” উপ-বেশন করিবে, সে কথা লোকের কাছে বেশি দিন গোপন রহিল না । দাসদাসী এবং আত্মীয় বন্ধুদিগের শিষ্টাচারে এবং কথোপকথনে বালক সিরাজদৌলাও বুঝলেন যে, তিনি একটি ক্ষুদ্র নবাব ! শৈশবজীবনেই বিলাসের বীজ পতিত হইল ; পার্শ্বচরেরা প্রাণপণ যত্নে তাহাকে অকুরিত ও ফলফুলে সুশোভিত করিয়া তুলিতে লাগিলেন ।

রাজপ্রাসাদের আশে পাশে যাহাদের গতিবিধি, তাহারা একেবারে স্বার্থশূন্য নহে । কেহ পরের খরচে বাবুগিরি চালাইবার আশায়, কেহবা পরের ঘাড়ে সকল দোষ চাপাইয়া ডুবু দিয়া জল খাইবার ভর-সায়, রাজকুমারদিগের সহবাসে মিলিত হইতে আরম্ভ করে । আলিবন্দীর ধর্ম্মজীবন এই শ্রেণীর লোকের নিকট চক্ষুঃশূল হইয়া উঠিয়াছিল । আলিবন্দী কর্তব্য-পরায়ণ ;—কর্তব্যপালনে ধর্ম্ম আছে, পুণ্য আছে,

যশোগৌরব আছে ; কিন্তু নিয়ত কর্তব্যপালনে আমোদ কোথায় নবাব হইয়াও যদি কেবল একটিমাত্র মহিষী এবং রাজ্যচিন্তা লইয়াই পরিতৃপ্ত থাকিবেন, তবে আলিবর্দী নবাব হইলেন কেন ? আলিবর্দীঃ উন্নত জীবন যাহাদের নিকট এই সকল কারণে নিতান্ত উপহাসের বিষয় হইয়া উঠিয়াছিল, তাহারা পছন্দমত নবাব গড়িবার আশায় গাঢ় পড়িয়া সিরাজের হিতাকাঙ্ক্ষায় নিযুক্ত হইতে লাগিলেন !

বুড়া বয়সের অনেক গুণ ; কিন্তু একটি প্রধান দোষ এই যে, বড় স্নেহপ্রবণ ; সে স্নেহ-প্রবণতা প্রায়ই অন্ধতার নামান্তর মাত্র । স্নেহ পরায়ণ বুড়া স্বামী দ্বিতীয়পক্ষের তরুণী ভার্য্যার মেজাজ একে-বারেই বিগুড়াইয়া দেন ; কেহ চোখে আঙ্গুল দিয়া দেখাইয়া দিলেও একটু মুচ্কি হাসি হাসিয়া সে কথা একেবারেই উড়াইয়া দেন ;—কালে সেই স্বহস্ত-রোপিত বিষবৃক্ষে সুধাফল ফলে না ! বুড়া মাতামহ নাতি নাতনীর অসঙ্গত আবদারেও সহায়তা করিয়া তাহাদের পরকাল মাটি করেন ; কেহ সে কথা তুলিলে, “আহা ! উহারা সেদিনের দুধের ছেলে, এখনই কি শাসন করিবার সময় হইয়াছে ?” বলিয়া কথাটা একেবারেই পাড়িতে দেন না ; বুড়া মাতামহের কাছে নাতি নাতনীর চিরকালই “সেদিনের দুধের ছেলে” থাকিয়া যায়, কখনই তাহাদিগকে শাসন করিবার সময় উপস্থিত হয় না । আলিবর্দীর বুড়া বয়সের অসঙ্গত স্নেহপ্রবণতায় সিরাজদৌলার শাসনকার্য্যের সময় হইয়া উঠিল না !

বাল্য ফুরাইল, কৈশোর আসিল ; কৈশোরও ফুরাইল, যৌবন আসিল ;—কেবল শাসনের সময় আসিলনা ! সিরাজ ক্রমে ক্রমে কুক্রিয়া-সক্ত যুবকদের সঙ্গে মিলিত হইয়া তাহাদের দলপতি হইয়া উঠিলেন ।



তৃতীয় পরিচ্ছেদ ।

—o-o-o—

প্রমোদশালা ।

ইংরাজ ইতিহাস-লেখকগণ সিরাজদৌলাকে কুক্রিয়াসক্ত তরুণ যুবক বলিয়াই নিরস্ত হন নাই ; তিনি যে বুদ্ধিবৃত্তিহীন পণ্ডবিশেষ, তাহাও প্রমাণ করিবার জন্য অনেক কালি কলহময় অপব্যয় করিয়াছেন । সিরাজ যে সকল অমানুষিক অত্যাচারে বাঙ্গালীহৃদয় দলন করিয়াছিলেন বলিয়া সাধারণ লোকের বিশ্বাস, তাহার স্মৃতি এখনও বিলুপ্ত হয় নাই । আমরা সেইজন্য সিরাজের নাম শুনিলে এখনও যেন আতঙ্কে শিহরিয়া উঠি ! সুতরাং সত্যের সঙ্গে দশটা মিথ্যা অপবাদ রটনা করিয়া লোকে ইতিহাস এবং কবিতা লিখিয়া গেলেও, তাহার সত্যাসত্য নির্ণয় করিবার চেষ্টা করি না ।

সিরাজদৌলার যে বুদ্ধিবৃত্তির অভাব ছিল তাহা সত্য নহে ; বরং তাহার বুদ্ধিবৃত্তি এতই অধিক ছিল যে, বুদ্ধিমান ইংরাজবণিকও অনেক

সময়ে তাহার নিকট পরাজয় স্বীকার করিয়াছেন । কিন্তু সে বুদ্ধি কেবল ছুঁছুঁ বুদ্ধি ! বনশাদ্দুল যেমন অতি সংগেপনে নিঃশব্দপদবিক্ষেপে শিকারের অনুগমন করিয়া সময় ও সুযোগ পাইবামাত্র একলক্ষে চকিতের মধ্যে গ্রীবা ভাঙ্গিয়া রক্তপান করিয়া থাকে, সিরাজ সেইরূপ শাদ্দুল বৃত্তি শিক্ষা করিয়াছিলেন । তাহার গতিবিধি এত সরল, কথা-বার্তা এত বালকোচিত এবং আচারব্যবহার এত সন্দেহশূন্য বোধ হইত যে, নবাব আলিবর্দী কিছুতেই তাহার প্রকৃত উদ্দেশ্য বুঝিতে পারিতেন না ।

আলিবর্দীর ধর্মজীবনের প্রভাবে মুর্শিদাবাদের রাজপ্রাসাদ যেন পবিত্র তপোবন হইয়া উঠিয়াছিল ; মস্জেদে মস্জেদে যথাসময়ে নমাজ হইত, দ্বারে দ্বারে গরীব কান্দাল অন্নবস্ত্র লাভ করিত, খায় ও ধর্ম্মানুসারে বিচারকার্য পরিচালিত হইত, অবসর সময়ে সুপণ্ডিত মৌলবীগণ শাস্ত্রব্যাখ্যায় চিত্তবিমোহন করিতেন ; * বারবণিতাশ্রেণী সিংহ দ্বার অতিক্রম করিতে পারিত না, নৃত্যগীত রাজকার্যের মধ্যে কলুষ-কালিমা ঢালিয়া দিবার অবসর পাইত না । ইহাতে বৃদ্ধের দিন কাটিতে পারে, কিন্তু যুবক সিরাজদৌলার দিন কাটিল না ! মাতামহের সহবাস প্রথমে একটু অসুবিধাজনক এবং পরে একেবারেই অসহ্য হইয়া উঠিল । সিরাজ সেই সহবাসে অপরূপ হইয়া গৃহকোঠারে ছটফট করিতেছিলেন ; বুদ্ধিবলে তাহা হইতে মুক্তিলাভ করিবার জন্য এক নূতন উপায় অবলম্বন করিলেন ।

আলিবর্দী ভাল করিয়া সিরাজ-চরিত্র বুঝিয়াছিলেন কিনা জ্ঞান না ; কিন্তু চতুর সিরাজদৌলা ভাল করিয়াই আলিবর্দীর চরিত্র অধ্য

য়ন করিয়াছিলেন । তিনি জানিতেন যে, যুক্তিসঙ্গত কথায় যে কোন আবদার ধরিয়া বসিলেই মাতামহ তাহা পূরণ করিতে কিছুমাত্র আপত্তি করিবেন না । সুতরাং সিরাজ একটি নূতন বাটি নির্মাণের জন্ত আবদার জানাইলেন । “একখানি জীর্ণ কবলে দশজন ফকির একসঙ্গে বসিয়া বৎসর কাটাইয়া দিতে পারে, কিন্তু একটিমাত্র পুরাতন প্রাসাদে প্রবীণ এবং নবীন দুইজন ভূপতি একসঙ্গে বাস করিলে তাঁহাদের মান সম্বন্ধ শীঘ্রই উপহাসের বিষয় হইয়া পড়ে !” কথাটি এত সরল, এত সুযুক্তিপূর্ণ, এত স্বাভাবিক বলিয়া বোধ হইল যে, বৃদ্ধ নবাব আর দ্বিভুক্তি না করিয়া দৌহিত্রের জন্ত এক নূতন প্রাসাদ নির্মাণ করিবার আদেশ দিলেন ; ইহার মধ্যে যে সিরাজের গুপ্ত পাপ-লিপ্সা লুক্কায়িত থাকিতে পারে, সে কথা একবারও আলিবর্দীর প্রবীণ মস্তকে প্রবেশ করিতে পারিল না !

রাজধানীর নিকটে ভাগীরথীর পশ্চিম তীরে হীরাখিল । *—সেইখানে সিরাজের জন্ত প্রমোদভবন নির্মিত হইতে লাগিল । গোড়ের ইতিহাস-বিখ্যাত বাদশাহদিগের সম্বন্ধ-সম্বিত কারুকার্যভূষিত বহুমূল্য প্রস্তররাশি সংগ্রহ করিয়া প্রমোদভবন সুসজ্জিত করা হইল । সে হীরাখিল নাই, সে রাজপ্রাসাদও আর নাই ;—মহাপাপের অলস্ত হতাশনে দগ্ধ হইয়া তাহার শেষ ভস্মরাশিও ভাগীরথী-স্রোতে ভাসিয়া গিয়াছে ! হীরাখিলের প্রমোদভবনে সিরাজের সিংহাসন স্থাপিত হইয়াছিল ; হীরাখিলের প্রমোদভবনেই বিশ্বাসঘাতক মীরজাফর ক্রাইব

* হীরাখিলের স্থান নির্ণয় করিতে গিয়া পাদুরী লং, হণ্টার এবং আরও অনেকে গোলযোগ করিয়া গিয়াছেন । হীরাখিলেই যে সিরাজের প্রমোদভবন এবং উক্তকালে সিংহাসন স্থাপিত হইয়াছিল, তাহাতে সন্দেহ নাই । হীরাখিল ভাগীরথীর পশ্চিম তীরে ; মেজর রেণেল তাহার স্থান-নির্ণয় করিয়া গিয়াছেন ।

সাহেবের হাত ধরিয়া সিংহাসনে আরোহণ করিয়া রাজমুকুট মাথায় তুলিয়াছিলেন ! এইখানে মুসলমানের অন্তর্গিরি—এইখানেই আবার ইংরাজের উদয়াচল ; কিন্তু তাহা এখন লোকচক্ষুর অন্তরাল হইয়াছে ।

হীরাবিলের প্রমোদভবন নিশ্চিত হইলে, দলবল লইয়া সিরাজদৌলা বিলাস-তরঙ্গে দেহমন ভাসাইয়া দিলেন । কক্ষে কক্ষে, কুঞ্জে কুঞ্জে, বিলের শান্ত-শীতল-স্বচ্ছ-সলিলে এবং তীরতরুতলে—সর্বত্রই বিলাসের অট্টহাস্য ছুটিয়া চলিল ! মাতামহের প্রাচীন প্রাসাদে যে শক্তি গুহানিবদ্ধ নির্ঝরিনীর মত ধীরে ধীরে গোপনে গোপনে বহিয়া চলিত, হীরাবিলে আসিয়া সেই শক্তি সমতলক্ষেত্রবাহিনী কলনাদিনী তরঙ্গমাগিনী স্রোতস্বিনীর মত কালসমুদ্রের দিকে ছুটিয়া চলিল ;—কে আর তাহার গতিরোধ করিবে ? মাতামহ স্বাধীনতা দিয়াছেন, স্বহস্তে প্রমোদশালা গড়িয়া তুলিয়াছেন, প্রয়োজনানুরূপ বৃত্তি নির্দেশ করিয়া ভোগবিলাসের পথ উন্মুক্ত করিয়া দিয়াছেন ; সুতরাং দৌহিত্রের বিলাস-স্রোত প্রবল বেগেই ছুটিয়া চলিল ! হায়, সিরাজদৌলা ! এই বিলাস-স্রোতই যে সময়ে ধন, মান, জীবন এবং সিংহাসন পর্য্যন্তও ভাসাইয়া লইবে, তাহা জানিলে তোমার জীবন বুঝি হীরাবিলের বর্তমান ইতিহাসকে এত বিষাদপূর্ণ করিতে পারিত না !

নিত্য নূতন কুসঙ্গী জুটিতে লাগিল, নিত্য নূতন পাপের উৎস খণ্ডিত হইতে আরম্ভ করিল । অবশেষে সিরাজদৌলা বুঝিলেন যে, নবাবদত্ত নির্দিষ্ট মাসিকবৃত্তিতে আর ইচ্ছানুরূপ পাপলিপ্সা চরিতার্থ করা অসম্ভব । চতুর সিরাজ কৌশলক্রমে অর্থ সংগ্রহ করিবার জন্য এক নূতন উপায় উদ্ভাবন করিলেন । মাতামহকে পাত্রমিত্র লইয়া

হীরাঝিলের নুতন প্রাসাদে পদধূলি দিবার জন্ত সসজ্জমে সাদর নিমন্ত্রণ করিয়া পাঠাইলেন ;—আলিবর্দী আহ্লাদে আটখানা হইয়া পড়িলেন ।

এই সময়ে মুর্শিদাবাদের নবাব-দরবারে অনেক রাজা মহারাজা উপস্থিত থাকিতেন ; আলিবর্দী সকলকে সঙ্গে লইয়া মহাসমারোহে হীরাঝিলে গুভাগমন করিলেন । অভ্যর্থনার ক্রটি নাই, সাদর সম্ভাষণের বিরাম নাই—কেহ লতানিকুঞ্জে, কেহ শীতল শিলাথণ্ডে, কেহ বা সোপানশ্রেণীতে যথেষ্ট বিশ্রামলাভ করিয়া, কখন গঠন-সৌষ্ঠবের প্রশংসায়, কখন সেকালের কারুকার্যের সহিত একালের শিল্পীদিগের খুঁটা কাজের সমালোচনায়, কখন বা সঙ্গীদিগের সঙ্গে কথাকৌতুকে সকলে মিলিয়া নবাবের প্রতীক্ষা করিতে লাগিলেন । নবাব একাকী প্রাসাদ-পরিদর্শনে গিয়াছেন, পরিদর্শন শেষ হইলেই বিস্তৃত কক্ষে দরবার বসিবে । কিন্তু যতই বিলম্ব হইতে লাগিল, ততই সকলে অধীর হইয়া উঠিতে লাগিলেন । নবাব কোথায়, এতক্ষণেও পরিদর্শন শেষ হইতেছে না কেন, নয়নে নয়নে সকলেই পরস্পরকে এই সকল কথা জিজ্ঞাসা করিতে আরম্ভ করিলেন ।

এদিকে সিরাজদ্দৌলা নবাবকে একাকী প্রাসাদ-পরিদর্শনে আহ্বান করিয়া কক্ষে কক্ষে ভ্রমণ করিতে করিতে কৌশলক্রমে একটি কক্ষে বন্দী করিয়া ফেলিয়াছেন । বৃদ্ধ মাতামহ যতই দ্বার হইতে দ্বারান্তরে বাইতেছেন, ততই রুদ্ধ-দ্বারের বাহিরে দাঁড়াইয়া দৌহিত্র উচ্চ করতালি দিয়া অটুহাস্তে হৃদ্যাতল প্রতিশব্দিত করিয়া তুলিতেছেন । কিছুক্ষণ এ কৌতুকে নবাব বড়ই আমোদ অনুভব করিলেন ; কিন্তু শেষে যখন একটি দ্বারও খুলিল না, তখন বাহিরে আসিবার জন্ত সিরাজকে দ্বার খুলিয়া দিতে অনুরোধ করিলেন । বালক-বুদ্ধির নিকট প্রবীণ নবাব

পরাজিত হইয়া কৌশল-সংগ্রামে বন্দী হইয়াছেন,—সমুচিত অর্থদণ্ড না পাইলে বিজয়ী সিরাজদৌলা তাঁহার বন্ধন-মোচন করিবেন না ! নবাব কত বুঝাইলেন, প্রচুর অর্থদানের অঙ্গীকার করিলেন ; চতুর সিরাজ সময় বুঝিয়া বলিতে লাগিলেন—যুদ্ধশাস্ত্রে নগদ অর্থই একমাত্র মুক্তিপত্র, রাজা বাদশাহের মুখের কথায় বিশ্বাস কি ? নবাব নিরুপায় হইয়া সমবেত রাজা মহারাজার কথা উল্লেখ করিয়া বলিতে লাগিলেন—যাহা হইবার তাহা হইয়াছে, এ কথা বাহিরে প্রকাশিত হইলে, সকলে বড়ই উপহাস করিবে । সিরাজ আরও সুযোগ পাইয়া বলিলেন—বৃদ্ধ নবাবের পক্কেশ রাজা মহারাজাদিগের নিকট যদি এতই মূল্যবান বস্তু, তবে তাঁহারাই কেন অর্থদানে নবাবের বন্ধনমোচন করুন না ? *

নবাব হারিলেন ; রাজা মহারাজা সকলে এই সংবাদ শুনিয়া চিন্তিত হইয়া উঠিলেন । তাঁহারা সিরাজকে জানিতেন ; জানিতেন যে, সিরাজ যাহা ধরিয়া বসেন, কেহই তাহা ঠেলিয়া ফেলিতে পারে না ! অগত্যা যাহার কাছে যাহা ছিল, সমস্ত একত্র করিয়া কিঞ্চিদধিক পাঁচ লক্ষ টাকা সিরাজকে দিয়া সকলে মিলিয়া নবাবের বন্ধন-মোচন করিলেন । † সিরাজ এরূপ বালকোচিত পরিহাসপূর্ণ চতুরতার সঙ্গে এই

* Grant's Analysis of Finances of Bengal.

† এই উপলক্ষে সিরাজদৌলা নগদ ৫০১৫৯৭ টাকা পাইয়াছিলেন । কালক্রমে তাহাই “নজরাণা মন্সুরগঞ্জ” নামে বার্ষিক বাজে জমায় পরিণত হইয়া তাঁহার স্বোপার্জিত আয় বলিয়া নির্দিষ্ট হয় । ইংরাজদণ্ডের সেরেস্টাদার গ্রাণ্ট সাহেব স্বরচিত রাজস্ববিষয়ক প্রস্তাবে এই কাহিনীর উল্লেখ করিয়া লিখিয়া গিয়াছেন যে, নবাব আলিবর্দী দৌহিত্রের সঙ্গে পরামর্শ করিয়াই বাজে জমা বার করিবার ক্ষমতা এইরূপ কৌশলজ্ঞান বিস্তার করিয়াছিলেন ! ইহা কিন্তু গ্রাণ্ট সাহেবের অনুমানমাত্র,—ইহার কোন ঐতিহাসিক প্রমাণ বর্তমান নাই ।

ক্ষিণ্য সাধন করিয়া লইলেন যে, নবাব ব্রহ্ম হওয়া দূরে থাকুক, বরং বুদ্ধিকৌশলে বালকের নিকট পরাজিত হইয়া অধিকতর কৌতুক অনুভব করিয়াই রাজধানীতে প্রত্যাগমন করিলেন ।

সিরাজের বুদ্ধিকৌশলের সঙ্গে অর্থবল মিলিত হইয়া নিত্য নূতন উৎসবের সৃষ্টি হইতে লাগিল । সে উৎসবে নৃত্যগীত, সুরা এবং সুরা-সহচরীদিগের প্রাধান্য বাড়িতে লাগিল । অবশেষে গৃহস্থের সুন্দরী ললনার অবগুণ্ঠন ভেদ করিয়াও সিরাজের অনুচরদিগের সূক্ষ্ম দৃষ্টি ধাবিত হইল ! অর্থবলে, ছলকৌশলে, প্রলোভনে অনেক গৃহস্থকন্ডার সর্বস্বধন লুণ্ঠিত হইল ! বাঙ্গালী যাহার জ্ঞাত সিরাজদৌলার নাম শুনিলেই শিহরিয়া উঠে, সে এই মহাপাপ ;—এই মহাপাপের কথা দিন দিনই চারিদিকে প্রচারিত হইয়া পড়িতে লাগিল । কিন্তু “বর্গীর হাঙ্গামার” নিত্য নূতন উপপ্লবে বিপর্যস্ত হইয়া ব্রহ্ম নবাব ইহার গতি-রোধ করিবার কোনই আরোজন করিতে পারিলেন না । দিন যাইতে লাগিল,—কিন্তু দিন দিনই বিলাস স্রোত ধরবেগ ধারণ করিতে লাগিল ।





চতুর্থ পরিচ্ছেদ ।

“বর্গী এল দেশে” ।

বাঙ্গালীর অন্নগত প্রাণ । সেই জন্ত বাঙ্গালী [কিছু অতিমাত্রায় শান্তিপ্রিয় । বর্ষা-সলিল-প্লাবিত অত্যাধিক সমতলক্ষেত্রে সময় বুঝিয়া একমুষ্টি ধান ছড়াইয়া দিতে পারিলে, যথাকালে পর্যাপ্ত শস্ত-সম্পদে যাহার গৃহপ্রাঙ্গণ পরিপূর্ণ হইয়া যায়, সে কখন গ্রাসাচ্ছাদনের জন্ত “বায়ু উদ্ধাপাত বজ্রশিখা” ধরিয়া দেশে দেশে ছুটাছুটি করিতে শিখে না । আজকাল বাষ্পযানের কল্যাণে বাষ্পাকুললোচনে বাঙ্গালী যুবক হা অন্ন ! হা অন্ন ! যবে দেশ বিদেশে ভিক্ষাভাণ্ড লইয়া মেদিনী-পর্যটনে বাহির হইতেছেন ; কিন্তু আমরা যে সময়ের কথা বলিতেছি, তখন পর্যাপ্ত বাঙ্গালীর মেরুদণ্ড অন্নাতাবে অবনত হইয়া পড়ে নাই । এই সকল কারণে পিতৃপিতামহের বাস্তব ভিত্তির সঙ্গে বাঙ্গালীর হৃদয় মন এমন স্নেহবন্ধনে আবদ্ধ হইয়া পড়িয়াছিল যে, নিতান্ত দারৈ

পড়িলেও লোকে সহসা বসতিগ্রামের চতুঃসীমা পরিত্যাগ করিতে চাহিত না । যে বাস্তু ভিঁটার উপর দাঁড়াইয়া পূজনীয় পিতৃপিতামহেরা শৈশব, যৌবন, বার্দ্ধক্য অতিবাহিত করিয়া পুণ্যলোকে প্রস্থান করিয়াছেন, বাঙ্গালীর চক্ষে তাহার প্রতিধূলিমুষ্টিও পবিত্র বলিয়া পরিচিত ছিল ! সেই জন্ত মুসলমান বাদশাহেরা দ্বিগুণ, ত্রিগুণ, অথবা চতুঃগুণ মাত্রায় ভূমির কর বৃদ্ধি করিলেও লোকে পৈতৃক ভিঁটার মমতা ত্যাগ করিতে না পারিয়া তাহাতে সন্মত হইত ।

হিন্দু রাজত্বে যে পরিমাণে ভূমির কর নির্দিষ্ট ছিল সম্রাট আকবরের সময়ে তাহা দ্বিগুণ হইয়া উঠিয়াছিল ! * মুর্শিদ কুলী খাঁ সেই রাজকর ক্রমশঃ বৃদ্ধি করিয়া, তাহার উপর আবার কতকগুলি “বাজে জমা” বার করিয়াছিলেন । সুজা খাঁর নবাবী আমলে সেই বাজে জমার সংখ্যা এবং পরিমাণ ক্রমেই বৃদ্ধি পাইতে লাগিল । তিনি “নজরাণা মোকররি,” “জার মাথট,” “মাথট ফিলখানা,” এবং “আব-ওয়াব ফৌজদারী” নামে অনেকগুলি নূতন বাজে জমা সংস্থাপন করিয়া রাজস্ব বৃদ্ধি করিয়াছিলেন । আলিবর্দীর শাসনস্থচনাতে হীরাবিলের বার-নির্কাহের জন্ত সিরাজদৌলা কৌশল ক্রমে যে নজরাণা আদায় করিয়া লইয়াছিলেন, তাহা ক্রমে “নজরাণা মনসুরগঞ্জ” নামে বার্ষিক জমায় পরিণত হইয়া উঠিল । †

এই সকল বাজে জমা আদায় করিয়াও লোকে কথঞ্চিৎ সুখসম্পদে জীবন যাপন করিতেছিল । কিন্তু নবাব আলিবর্দী সিংহাসনে আরোহণ করিতে না করিতেই এক নূতন উপদ্রবের সূত্রপাত হইল । বহুদিন

* R. C. Dutt. c. s.

† Grant's Analysis of the Finances of Bengal.

• হইতে আরাকান প্রদেশের মগ* এবং সুন্দরবন-বিহারী ফিরিঙ্গিদিগের † অত্যাচারে দক্ষিণ ও পূর্বাঞ্চল বিপর্যস্ত হইতেছিল ; কালক্রমে সেই উৎপীড়নে দক্ষিণ বঙ্গের সমৃদ্ধ জনপদ সুন্দরবনে পরিণত হইয়াছিল ; সুতরাং মগ এবং ফিরিঙ্গি দমন করিবার জন্য নবাব-সরকার হইতে ঢাকাপ্রদেশে ৭৬৮ খানি রণতরি সর্বদা প্রস্তুত থাকিত এবং “জায়গীর নৌয়ারা” ‡ মহালের সমুদায় রাজস্ব তাহার জন্য ব্যয় করা হইত । এই সকল অত্যাচারে লোকে দক্ষিণ ও পূর্ব বাঙ্গালায় নিঃশঙ্কচিত্তে বসতি করিতে সাহস করিত না । সুতরাং মধ্য বাঙ্গালার উর্বর ভূমিই কালক্রমে বহুজনাকীর্ণ হইয়া উঠিয়াছিল । নবাগত ইউরোপীয় বণিকেরাও এই অঞ্চলেই অধিকাংশ বাণিজ্যালয় স্থাপন করিয়া ছিলেন । এ দিকে দস্যুতন্ত্রের বিশেষ উপদ্রব ছিল না, মগ ফিরিঙ্গির দৌরাণ্ড্যও স্তন্য যাইত না,—লোকে একপ্রকার নিরুদ্বেগে নিঃশঙ্কমনেই সংসার-যাত্রা নির্বাহ করিত ।

সহসা সেই সুখের ঘুম ভাঙ্গিয়া গেল । বীরভূম ও বিষ্ণুপুরের সুলতান অতিক্রম করিয়া, উড়িষ্যার গিরিনদী পার হইয়া, নানা পথে

* The Mugs of those days were the desolators of the Sunderbans ; they, in alliance of the Portuguese, helped to reduce the now waste Sunderbans to a jungle though once fertile populous country. So great an apprehension was entertained of them that, as late as 1760, the Government threw a boom across the river below Calcutta to prevent their ships coming up.”—Revd. Long.

† Holwell defines Feringy “as the black mustæe Portuguese Christians, residing in the settlement as a people distinct from the natural and proper subjects of Bengal, sprung originally from Hindus and Mussulmans.”—Long’s Selections from the Records of the Government of India, vol. I.

‡ Grant’s Analysis of Finances of Bengal.

সহস্র সহস্র মহারাষ্ট্রীয় অশ্বারোহী পঙ্গপালের মত বাঙ্গালাদেশের বুকের উপর ছুটিয়া আসিতে লাগিল । বাদশাহ আরঙ্গজীব একদিন বাহাদিগকে “পার্বত্য-মুখিক” বলিয়া উপহাস করিতেন, তোষামোদপরায়ণ পার্শ্বদগণ বাহাদিগকে পিপীলিকাবৎ নখাগ্রে টিপিয়া মারিবেন বলিয়া আশ্বালন করিতেন, সেই মহারাষ্ট্রবল কঙ্কণ প্রদেশের গিরিগহ্বরে অধিকদিন লুকাইয়া রহিল না ; মোগলের অধঃপতনকাল নিকট বুঝিয়া বাহুবলে হিন্দুরাজত্ব সংস্থাপন করিবার আশায়, তাহারা দলে দলে অসি-হস্তে দেশবিদেশে ছুটিয়া বাহির হইল । দিল্লীর বাদশাহ তাহাদের হস্তে ক্রীড়া-কন্দুক হইয়া উঠিলেন, তাহারা ভারতবর্ষের বিবিধ প্রদেশে রাজকরের চতুর্থাংশ “চৌথ” আদায়ের “ফরমান” পাইয়া বাহুবলে ন্যায্যগুণা বুঝিয়া লইবার জন্ত বাঙ্গালাদেশেও পদার্পণ করিল ;—বাঙ্গালার ইতিহাসে ইহারই নাম “বর্গীর হাঙ্গামা ।”

বর্গীর হাঙ্গামার কথা এখন ইতিহাসের জীর্ণস্তরে মিশিয়া গিয়াছে । লোকে আর তাহার কথা আলোচনা করিবার সময়ে বিবাদে দীর্ঘ-নিঃশ্বাস পরিত্যাগ করে না । কিন্তু সে কালে বর্গীর হাঙ্গামাই বাঙ্গালীর সর্বনাশের সূত্রপাত করিয়াছিল । চতুর মহারাষ্ট্রীয়গণ জানিত যে, বাঙ্গালীর অনগত প্রাণ ; বাঙ্গালার সমতলক্ষেত্রে একবার পদার্পণ করিতে পারিলে, অন্নজীব-বাঙ্গালী সম্মুখ-বুদ্ধে অগ্রসর হইতে পারিবে না । দেশে ভুগ্ন নাই ; রাজধানী হইতে গওগ্রাম পর্য্যন্ত সমুদয় দেশ অরক্ষিত ; সুতরাং বাঙ্গালাদেশে পদার্পণ করিয়া তাহারা একেবারে কাটোয়া পর্য্যন্ত আসিয়া পড়িল ! * সেকালে কাটোয়ায় একটি ছোট

* কাটোয়া অনেক দিনের পুরাতন স্থান । এরিয়ানের ইতিহাসেও “কাটোয়া” বলিয়া ইহার উল্লেখ আছে । মুকুন্দরাম কবিকঙ্কণের চণ্ডীতে এবং ধর্মপুরাণেও

খাট রকমের দুর্গ ছিল ; চারিদিকে মাটির দেওয়াল, তাহার মধ্যে খান-কতক খড়ের চালা, ইহাই সে দুর্গের সম্বল ! সুতরাং গিরি দুর্গবিজয়ী মহারাষ্ট্র-সেনার পক্ষে কাটোয়া-দুর্গ জয় করিতে মুহূর্তমাত্র বিলম্ব হইল না।

দেখিতে দেখিতে ভাগীরথীর পশ্চিমতীরস্থিত সম্পন্ন জনপদগুলি জনশূন্য হইয়া গেল ! লুণ্ঠন-পরায়ণ মহারাষ্ট্র-সেনা গ্রাম নগর লুণ্ঠন করিয়া চালে চালে আগুন ধরাইয়া দিল, অশ্বপদ তাড়নায় শব্দক্ষেত্র পদদলিত হইয়া গেল, লোকে স্ত্রীপুত্রের হাত ধরিয়া হাহাকার করিতে করিতে ভাগীরথী পার হইয়া পলায়ন করিতে আরম্ভ করিল ! আলিবর্দী স্বয়ং অসিহস্তে মহারাষ্ট্রদলনে বাহির হইলেন ; কিন্তু ভাগীরথী পার হইয়াই বুঝিতে পারিলেন যে, মহারাষ্ট্রসেনা সম্মুখযুদ্ধে অগ্রসর হইবে না। দলে দলে বিভক্ত হইয়া যথেষ্ট লুটপাট করাই তাহাদের উদ্দেশ্য ! সেই উদ্দেশ্য সাধন করিবার জন্য তাহারা একদলে আলিবর্দীর সঙ্গে হাতাহাতি করিতেছে, অথচ সেই অবসরে আর এক দল গিয়া নবাবের পটমণ্ডপ পর্য্যন্তও লুটিয়া লইতেছে ! কয়েক দিন এইরূপ অদ্ভুত যুদ্ধ বুঝিয়া আলিবর্দী সংবাদ পাইলেন যে, মহারাষ্ট্র-সেনা রাজধানী আক্রমণ করিয়া জগৎশেঠের রাজভাণ্ডার পর্য্যন্তও লুটিয়া লইয়াছে ;—মুর্শিদাবাদ জনশূন্য হইয়াছে !

কাটোয়ার নাম দেখিতে পাওয়া যায়। পথিকদিগের আশ্রয়ের জন্য নবাব মুর্শিদ কুলী খাঁ এখানে একটি প্রহরীমন্দির নির্মাণ করিয়াছিলেন। বগীর হাঙ্গামার এই স্থান এমন শ্রীহীন হইয়া পড়িয়াছিল যে, লোকে পথ চলিবার সময়ে খাপদ জন্তর হাতে পড়িবার ভয়ে শিঙ্গা বাজাইয়া পথ চলিত। ইতিহাস-লেখকেরা বলেন, “Cutwa was formerly the military key of Moorshidabad.”

আলিবর্দী তাড়াতাড়ি মুর্শিদাবাদে প্রত্যাগমন করিয়া নবাবপরিবার স্থানান্তরিত করিবার আয়োজন করিতে লাগিলেন । পদ্মা এবং মহানন্দার সম্মিলনস্থানের নিকটে সুলতানগঞ্জ নামে একটি গঞ্জ স্থাপিত হইল । মহানন্দার খরস্রোত এবং পদ্মার প্রবল তরঙ্গ উত্তীর্ণ হইয়া মহারাষ্ট্রীয় অশ্বসেনা সহজে সেখানে আসিয়া উপদ্রব করিতে পারিবে না ; সেইজন্য সুলতানগঞ্জের নিকটবর্তী গোদাগাড়ি গ্রামে বাসভবন নির্দিষ্ট হইল । * সেই স্থানে পরিবারবর্গকে রক্ষা করিবার জন্য নওয়া-জেস্ মোহম্মদ নিযুক্ত হইলেন । তাঁহাকে রাজধানী ছাড়িয়া গোদাগাড়িতে আসিতে হইল । ঢাকার নবাব-সরকারে বৈদ্য-বংশোদ্ভব রাজবল্লভ নামে একজন পেস্কার † ছিলেন ; প্রতিভায় এবং কার্যদক্ষতায় তিনি বড়ই বিশ্বাসভাজন হইয়া উঠিয়াছিলেন । তিনিই প্রকৃতপক্ষে ঢাকার নবাব হইয়া মহারাজ রাজবল্লভ নামে পরিচিত হইয়া উঠিলেন ।

ক্রমে বর্গীর হাঙ্গামা একটি বাষিক ঘটনার পরিণত হইয়া উঠিল । ‡ নওয়াজেস্ গোদাগাড়ি ছাড়িতে পারিলেন না ; আলিবর্দী তরবারি ছাড়িয়া উল্লীষ নামাইয়া একবৎসরও বিশ্রাম লাভের সুযোগ পাইলেন না ! অগত্যা মুর্শিদাবাদে সিরাজদ্দৌলা এবং ঢাকার রাজবল্লভ সর্বো-

* গোদাগাড়ির নিকটে এখনও কতকগুলি ভগ্নস্তূপ এবং কয়েকটি পুরাতন দাঁড়ি বর্তমান আছে । এই স্থানের নাম “কেলা বাকুইপাড়া” ; ইহা রাজসাহী জেলায় অবস্থিত । একজন সেকালের ইংরাজ পরিব্রাজক রাজসাহী-পরিদর্শন উপলক্ষে লিখিয়া গিয়াছেন, “The District contains no forts, except one belonging to the Nawab of Moorshidabad, at Godagaree, which was built in former times as a place of refuge for the Nawab’s household, and is now in a most ruinous condition.”—Description of Hindoostan, vol. 1.—By Walter Hamilton.

† Hunter’s Statistical Accounts,—Dacca.

‡ Mill’s History of British India vol. III p. 161.

সর্ব্বা হইয়া উঠিলেন । বর্গীর হাঙ্গামার বঙ্গভূমি যখন হাহাকার করিয়া আর্তনাদ করিতেছিল, সিরাজদৌলা তখন প্রমোদনিদ্রায় সুখস্বপ্ন দেখিতেছিলেন ;—রাজবল্লভ সুযোগ পাইয়া শক্তিসঞ্চয় করিতেছিলেন । কালক্রমে সিরাজের মোহনিদ্রা ভাঙ্গিয়াছিল ; কিন্তু রাজবল্লভ তখন এতই শক্তিশালী যে, সিরাজ আর তাঁহাকে ক্ষুদ্রশক্তিতে বশীভূত করিতে পারিলেন না । ইহাই সিরাজদৌলার সর্ব্বনাশের মূলমন্ত্র—ইহাই ইতিহাসের গূঢ়মর্ম্ম !

১৭৪১ খ্রীষ্টাব্দের সম-সময়ে বিপুল মহারাষ্ট্র-বল দুইদলে বিভক্ত হইয়া পড়িয়াছিল । বেরার প্রদেশে রঘুজি ভোঁসলা এবং পুনা প্রদেশে বালাজি,—উভয়েই পেশোয়াপদ লাভ করিবার জন্য প্রবল প্রতিদ্বন্দ্ব আরম্ভ করিয়াছিলেন । রঘুজির আজ্ঞাবহ সেনানায়ক ভাস্কর পণ্ডিত বাঙ্গালাদেশে প্রথম পদার্পণ করেন । কিছুদিন পরে বালাজি বাহুবলে বাদশাহকে বশীভূত করিয়া ১১ লক্ষ টাকা চৌথ আদায়ের করমাণ লইয়া বিহার অঞ্চল লুণ্ঠন করিতে করিতে বাঙ্গালাদেশে উপনীত হইলেন !*

দুই দিক হইতে দুইটি প্রবল শত্রু এক সঙ্গে “যুদ্ধং দেহি” রবে সগর্বে অগ্রসর হইতেছে ; আলিবর্দী একাকী কোন্ দিক রক্ষা করিবেন ? অগত্যা একপক্ষকে হস্তগত করিয়া অপর পক্ষ আক্রমণ করাই স্থির হইল । পরামর্শ স্থির হইল বটে, কিন্তু বালাজিকে হস্তগত করিতে যে পরিমাণ উৎকোচ দিতে হইল, তাহাতে রাজকোষ শূন্য করিয়াও আলিবর্দী কুলাইয়া উঠিতে পারিলেন না । অবশেষে জমীদারদিগের নিকট ঋণ গ্রহণ করিয়া কোনরূপে লজ্জারক্ষা করিলেন, এবং বালাজির

* Stewart's History of Bengal.

সাহায্যে সহজেই ভাস্করকে তাড়াইয়া দিলেন । একবার তাড়া খাইয়াই ভাস্কর পণ্ডিত পরাজিত হইলেন না ;—একবৎসরও নিরুদ্বেগে অতিবাহিত হইল না, বর্ষা শেষে আবার ভাস্করের রণভেরী বাজিয়া উঠিল ।

এবার ভাস্করসৈন্যের সহিত নবাব-সৈন্যের মনকরার প্রান্তরে সম্মুখ-যুদ্ধের আয়োজন হইল । যুদ্ধ হইল না ; আলিবর্দী অর্থদানে তুষ্ট করিবার প্রলোভন দেখাইয়া ভাস্করকে আপন শিবিরে নিমন্ত্রণ করিয়া পাঠাইলেন । অর্থলোভে ভাস্কর পণ্ডিত নিঃশঙ্কচিত্তে অস্ত্র কয়েকজন অনুচর লইয়া নবাব-শিবিরে পদার্পণ করিলেন । ইঙ্গিতমাত্রে নবাব-সৈন্য পিঞ্জরাবদ্ধ বনশাউলের মত ভাস্কর পণ্ডিতকে হত্যা করিয়া ফেলিল ;—ভাস্কর কটিতে হইতে শাণিত খরশাণ কোষযুক্ত করিবারও অবসর পাইলেন না ! মহারাষ্ট্র-সেনা পলায়ন করিল, নবাব-সৈন্য দশ লক্ষ টাকা পুরস্কার পাইল ; * মনকরার শিবির আলিবর্দীর কলঙ্কভঞ্জে পরিণত হইল ; কিন্তু মুসলমান ইতিহাসলেখক তাহার জন্য একবারও আলিবর্দীর নিন্দা করিলেন না ! †

১৭৪৫ খৃষ্টাব্দে এক অভাবনীয় নূতন বিপদ উপস্থিত হইল ! সেনাপতি মুস্তাফা খাঁ একজন বিশ্বাসী বীরপুরুষ বলিয়া পরিচিত ছিলেন । সাহস ছিল, রণকৌশল ছিল, ইংরাজ তাড়াইবার জন্য উৎসাহ ছিল ; আলিবর্দী তাঁহার সকল পরামর্শে সম্মত না দিলেও তাঁহাকে মনে মনে শ্রদ্ধা করিতেন । সেই মুস্তাফা খাঁ সহসা আট সহস্র অনুচর লইয়া

* Mutakherin.

† “Golam Hossein, the Mahomedan historian, has no word of blame for this atrocity.”—H. Beveridge, C. S. কিন্তু হোসেন কুলীখান হত্যাকাণ্ডে এই ইতিহাস-লেখক সিরাজদৌলাকে যথেষ্ট তিরস্কার করিতে পারেন নাই ।

সিংহাসন আক্রমণের উদ্যোগ করিলেন ! আলিবর্দী বিদ্রোহদলন করিলেন, কিন্তু মুস্তাফাকে নির্বাসিত করিয়াই নিরস্ত হইলেন ; মুস্তাফা মুন্সের এবং রাজমহল লুণ্ঠন করিয়া মহারাষ্ট্রদলে মিশিয়া পড়িলেন ।

ভাস্কর পণ্ডিতের হত্যাকাণ্ডের কথা মহারাষ্ট্রদেশে প্রচারিত হইবা-
মাত্র রঘুজি স্বয়ং বাঙ্গালাদেশে পদার্পণ করিলেন । লোকে পৈতৃক
ভিত্তির মায়া মমতা ছাড়িয়া প্রাণ লইয়া দূরস্থানে পলায়ন করিতে
লাগিল, গ্রাম নগর জনশূন্য হইয়া গেল, শস্তক্ষেত্র কণ্টকবনে পরিণত
হইল. শিল্পবাণিজ্য ক্রমেই বন্ধ হইয়া আসিতে লাগিল ! *

চারিদিকে মহাবিপ্লব । আলিবর্দী একাকী অসিহস্তে ছুটাছুটি
করিয়া ক্রমেই অবসন্ন হইয়া পড়িতে লাগিলেন ! অবশেষে একাকী আর
পারিয়া উঠিলেন না ; আপন আপন ধন প্রাণ রক্ষার অণু সকলকেই
যথাযোগ্য ক্ষমতা দিতে বাধ্য হইলেন । সেই ক্ষমতার জমীদারগণ
সৈন্যবল বৃদ্ধি করিলেন ; ইংরাজগণ কাশিমবাজারে একটি ছোট খাট
রকমের দুর্গ নির্মাণ করিলেন ; কলিকাতা রক্ষার জন্য মহারাষ্ট্রখাত
ধনন করিয়া কলিকাতা ও অন্যান্য বাণিজ্য স্থানে সৈন্য সমাবেশ করিতে
আরম্ভ করিলেন । মহারাষ্ট্রবিপ্লবে নবাবের রাজকোষ শূন্য হইতে
লাগিল. বিদেশীয় বণিকদিগের পদোন্নতির সূত্রপাত হইল. দেশের
লোকের সঙ্গে তাঁহাদের আত্মীয়তা ঘনীভূত হইয়া উঠিল । কালে ইহা
হইতেই যে মুসলমান-শক্তি পদদলিত হইতে পারে, আলিবর্দী তাহা
অস্বীকার করিতেন না ; কিন্তু কি করিবেন ? নিতান্ত নিরুপায় হইয়াই
তাঁহাকে এই পথ অবলম্বন করিতে হইল ।

১৭৪৭ খৃষ্টাব্দে নবাব আলিবর্দী স্বয়ং মহারাষ্ট্র-সম্মানে বাহির হইতে পারিলেন না ; ভগিনীপতি মীরজাফর থাকে সেনাপতি করিয়া পাঠাইয়া দিলেন । মীরজাফর “সিপাহসালার” * ছিলেন ; তাহার অধীন সৈন্যদল যদিও নবাবের সৈন্য, তথাপি তাহার সাক্ষাৎভাবে নবাব-সরকার হইতে বেতন পাইত না । নবাবী আমলে এখনকার মত রাজস্বনীতি প্রচলিত ছিল না । কেবল বাদশাহের প্রাপ্য রাজস্ব নবাব-দপ্তরে জমা হইত, তন্নিম্ন প্রত্যেক বিভাগের ব্যয় নির্বাহের জন্য ভিন্ন ভিন্ন কর্মচারীর নামে ভিন্ন ভিন্ন জায়গীর নির্দিষ্ট থাকিত, সেই সকল জায়গীরের আয় হইতে তাহার আপন আপন বিভাগের ব্যয় নির্বাহ করিতেন ।

“জায়গীর আমীরুল-উমরা বক্শী” † নামে ১৮ পরগণার এক জায়গীর প্রধান সেনাপতির “জিম্মা” ছিল, তাহার আয় হইতে তিনি ইচ্ছামত আপন বিশ্বস্ত অনুচরদিগকে সৈন্যদলে গ্রহণ করিয়া নবাব দরবারে কর্তৃত্ব করিতেন । এইরূপ ব্যবস্থা প্রচলিত থাকায় সেনাপতি দিগের পক্ষে সহসা বিদ্রোহী হওয়া সহজ ছিল । সেই জন্য নিত্য অনুগত ও অন্তরঙ্গ ভিন্ন আর কেহ এই সকল উচ্চ পদে নিযুক্ত হইতে পারিতেন না । আলিবর্দী আপন ভগিনীপতি বলিয়া মীরজাফরকে

* Commandar-in-chief and Pay-master-General of the Forces.
নবাবী আমলে এই পদের নাম ছিল,—“মীর বক্শী কুল” অথবা “সিপাহসালার-অজম” ; অনেকানেক পুরাতন জমীদারী-সনদে দেখা যায় যে, “সিপাহসালারকে” † † এই সকল সনদে স্বাক্ষর করিতে হইত । সামরিক বিষয়ে জমীদারগণ যে “সিপাহসালারের” অধীন ছিলেন, ইহা তাহারই পরিচায়ক । সিপাহসালার ছিলেন বলিয়াই মীরজাফর বাঙ্গালী জমীদারদিগের সহিত সুপরিচিত হইবার অবসর পাইয়াছিলেন ।

† Grant's Analysis of Finances of Bengal.

যেমন স্নেহ করিতেন, সেইরূপ বিশ্বাস করিতেন ; কেবল সেই জন্যই মীরজাফরকে এই উচ্চ রাজপদে নিযুক্ত করিয়াছিলেন ।

মীরজাফর মহারাষ্ট্র-দমনের ভার পাইয়া মহাসমারোহে মেদিনীপুর পর্য্যন্ত গমন করিলেন ; কিন্তু মেদিনীপুর পর্য্যন্ত আসিয়াই বিলাস-তরঙ্গে ডুবিয়া পড়িলেন ! তাঁহার চরিত্রে বীরোচিত সদৃশগুণাশি যতদূর বিকশিত হইবার সুযোগ পাইয়াছিল, তাহা অপেক্ষা যৌবনোচিত বিলাসবাসনাই সমধিক ক্ষুদ্ভিলাভ করিয়াছিল ! তিনি কোন দিনই সাহসী বীরপুরুষ বলিয়া পরিচিত হইতে আগ্রহ প্রকাশ করেন নাই ; ইংরাজের ইতিহাসেও মীরজাফর “ক্লাইবের গর্দভ” বলিয়া পরিচিত !


বল নবাবের অন্তরঙ্গ বলিয়া সেনাপতি-পদে আরোহণ করিয়াছিলেন । আলিবর্দী কুটুন্দের সমরভীতির সংবাদ পাইয়া আতাউল্লা নামক আর একজন বিশ্বস্ত রণকুশল সেনাপতিকে পাঠাইয়া দিলেন ।

মীরজাফরকে সাহায্য করা দূরে থাকুক, আতাউল্লা তাঁহার সাহায্যে লক্ষ্যভাগ করিবার কল্পনা করিলেন । আতাউল্লা সিংহাসনে বসিবেন, মীরজাফর পাটনার নবাব হইবেন, এবং সেই উদ্দেশ্য সাধন কারবার জন্য উভয়ের সমবেত শক্তিতে আলিবর্দীকে সিংহাসনচ্যুত করিয়া কণ্টক দূর করিবেন ! মীরজাফর বড় মৃদুস্বভাব, বিলাসপ্রিয়, স্বার্থপরায়ণ বলিয়া সকলের নিকটেই পরিচিত ছিলেন ; সেই জন্য আতাউল্লা সহজেই তাঁহাকে স্বপক্ষে টানিয়া লইতে সুবিধা পাইলেন ।

আলিবর্দীর কপালে বিশ্রাম সুখ ছিল না । তিনি কুটুন্দের কুপ্রবৃত্তির পরিচয় পাইয়া নিজেই যুদ্ধযাত্রা করিলেন । আলিবর্দী যখন সসৈন্তে বিদ্রোহীদের সম্মুখীন হইলেন, তখন উভয় সেনাপতিই আত্ম-সমর্পণ করিলেন ; আলিবর্দী বর্গীর হাজামা দমন করিয়া সেনাপতিদ্বয়কে

পদচ্যুত করিলেন, কিন্তু কাহাকেও কোনরূপ শাস্তি দিতে সম্মত
লেন না । আলিবর্দীর সদর ব্যবহারে মীরজাফরের শিক্ষা হইল না ।
তিনি রাজধানীতে আসিয়া নবাবদরবারের আদেশ লঙ্ঘন করিয়া
যথেষ্টভাবে বিচরণ করিতে লাগিলেন । হিসাব নিকাশ তলপ করিয়া
নবাব তাঁহাকে অনেকবার ডাকিয়া পাঠাইলেন, কিন্তু কুটুম্ব আর
দরবারে হাজির হইলেন না !





পঞ্চম পরিচ্ছেদ ।

সিঁড়াজের যৌবরাজ্যাভিষেক ।

বাঙ্গালা দেশ যখন বর্গীর হাঙ্গামায় নিতান্ত ব্যতিব্যস্ত, দিল্লীর বাদ-
শাহ তখন একেবারেই শক্তিহীন হইয়া পড়িয়াছিলেন । ১৭৪৬ খৃষ্টাব্দে
আহমদশাহ আব্দালী দিল্লী লুণ্ঠন করিয়া স্বদেশে প্রত্যাগমন করেন ;
১৭৪৭ খৃষ্টাব্দে বাদশাহ মোহম্মদশাহার মৃত্যু হয় ; সেই হইতে দিল্লীর
প্রবল প্রতাপ একেবারেই বিলুপ্ত হইয়া গেল !*

সময় বুঝিয়া কেবল মাহারাত্রিদলই যে স্বাধীন রাজ্য সংস্থাপনের চেষ্টা
করিতেছিলেন তাহা নহে ; ঐহারা দিল্লীর বিশ্বাসভাজন মুসলমান

স্বাধীনতা লাভের আয়োজন করিতেছিলেন ।
 গণ কর প্রদান করিতে অসম্মত, কেমন করিয়া
 বসেন, তাহার জন্ত সর্বদাই উদ্গ্রীব । চতুর আলিবর্দী
 তে বুদ্ধিতে পারিয়া একে একে সকলকেই রাজকাৰ্য্য
 হাছিলেন ।

খাঁ ও সরদার খাঁ নামক দুইজন আফগান বীর
 প্রদেশে জায়গীর লইয়া বাস করিতে আরম্ভ
 করেন । হাজি আহমদ ও জয়েনউদ্দীনের উপর পাটনার শাসনভার
 অর্পিত থাকায়, নবাব আলিবর্দী আর আফগান জায়গীরদারদিগের
 কোন সংবাদ লইতেন না । জয়েনউদ্দীন তাঁহাদিগকে ~~অসম্মত~~
 বশীভূত ও পক্ষভুক্ত করিবার আশায় পাটনার নিয়ন্ত্রণ করিয়া
 পাঠাইলেন । ইহাতে হিতে বিপরীত হইল । আফগানগণ বশতা
 স্বীকার করিয়া নজর দিবার উপলক্ষ করিয়া পাটনায় প্রবেশ করিল ;
 দরবারে আসিয়া যথাযোগ্য সমাদরে জয়েনউদ্দীনের নিকট অবনত হইয়া
 জাহ্নু পাতিয়া উপবেশন করিল ; এবং নজর দিবার ফল করিয়া সহসা
 বীরবিক্রমে সকলে মিলিয়া আক্রমণ করিল ! জয়েনউদ্দীন অসি কোষ-
 মুক্ত করিবার জন্ত চেষ্টা করিবারও অবসর পাইলেন না ; তাঁহার
 ছিন্নমুণ্ড মস্‌নদের উপর লুটাইয়া পড়িল ! হাজি আহমদ বন্দী হইলেন ;
 সপ্তদশ দিন নিদারুণ উৎপীড়ন সহ করিয়া অবশেষে ভয়ঙ্কর
 বন্দীশালায় প্রাণ পরিত্যাগ করিলেন ; সিরাজদ্দৌলার মাতা ~~হাজি~~
বেগম আফগান-শিবিরে বন্দিনী হইলেন ! †

সংবাদ পাইয়া আলিবর্দী একেবারে মর্মান্বিত হইয়া পড়িলেন ।

* Chesney's Indian Polity.

† Stewart's History of Bengal.

শোকের অবরুদ্ধ কণ্ঠোচ্ছ্বাস নিবারণ করিয়া তাহার ব
আয়োজন করিতে লাগিলেন। পদচ্যুত ও পদাধীন সৈন্য
সেনাপতিদিগকে সম্মিলিত করিয়া আলিবর্দী যখন আলিবর্দী
শোককাহিনী বর্ণনা করিতে আরম্ভ করিলেন, তখন
একে কোরাণ স্পর্শ করিয়া অসিহস্তে তাঁহার
করিবার জন্ত শপথ করিলেন। এই উপলক্ষে ক
মীরজাফর পুনরায় সেনাপতিপদে নিযুক্ত হইলেন, আতাউল্লাও
অসিহস্তে নবাবের পার্শ্বে আসিয়া দাঁড়াইতে ক্রটি করিলেন না।
আতাউল্লার সঙ্গে হাজি অহমদের কন্যার বিবাহ হইয়াছিল, এবং
আতাউল্লার কন্যার সঙ্গে সিরাজদৌলার বিবাহের প্রস্তাব চলিতে ছিল
সুতরাং আতাউল্লাও একজন ঘনিষ্ঠ কুটুম্ব।

আলিবর্দী গতানুশোচনা পরিত্যাগ করিয়া পাটনাভিমুখে যুদ্ধযাত্রা
করিবেন, ঠিক সেই সময়ে উড়িষ্যাপ্রান্তে মহারাষ্ট্রীয়দিগের বিজয় ভেরী
বাজিয়া উঠিল। এবার আর আলিবর্দী বর্গের হাঙ্গামার গতিরোধ করিতে
অগ্রসর হইতে পারিলেন না। রাজধানীর গমনাগমনপথ রক্ষা করিবার
জন্য সাইয়েদ অহমদকে ভগবানগোলায় পাঠাইয়া দিলেন; নওয়াজেস
এবং আতাউল্লার অধীনে পাঁচ সহস্র সৈন্য রাখিয়া তাহাদের উপর
রাজধানী রক্ষার ভারপর্ণ করিলেন; এবং চারিদিকে ঘোষণা দিলেন যে,
“এবার প্রজার ধন প্রাণ রক্ষার ভার তাহাদের উপর, তাহাদের শক্তি
এবং সাহস থাকে, তাহারা বাহুবলে আত্মরক্ষা করিবে, না পারে
নইয়া পলায়ন করিবে।” লোকে যে যেখানে সুবিধা পাইল, পলা
করিতে আরম্ভ করিল। *

সিরাজদৌলা বালক হইলেও এই আকস্মিক দুর্ঘটনায় সতিমান ব্যাকুল হইয়া উঠিলেন । পিতা এবং পিতামহ উভয়েই শত্রুহস্তে নিহত, মাতা বন্দিনী, সিরাজদৌলা নীরবে এই সকল সংবাদ সহ্য করিতে পারিলেন না ; অসিহস্তে মাতামহের পার্শ্বে আসিয়া দাঁড়াইলেন । সিরাজ বালক হইলেও বীরবালক, নবাব তাঁহাকে সঙ্গে লইয়াই যুদ্ধযাত্রা করিলেন ।

ইংরাজের ইতিহাসে সিরাজদৌলা কেবল ইন্দ্রিয়পরায়ণ, অকর্ম্মণ্য, জঘন্য রুচির চঞ্চল যুবক বলিয়াই পরিচিত । * কিন্তু সিরাজদৌলা স্বয়ং অসিহস্তে যতবার সন্মুখ যুদ্ধে অগ্রসর হইয়াছেন, বিপদের সংবাদ পাইয়া যতবার ক্ষিপ্রহস্তে অসিচালনা করিয়াছেন, আলিবর্দীর আর কোন নবাবই সেরূপ দৃষ্টান্ত দেখাইয়া যাইতে পারেন নাই ! সিরাজদৌলার জীবনে ইহাই প্রথম যুদ্ধযাত্রা নহে । তিনি আশৈশব মাতামহের কণ্ঠলগ্ন হইয়া প্রায় প্রত্যেক যুদ্ধেই শিবিরে পরিভ্রমণ করিতেন । বর্দ্ধমানের নিকট মহারাষ্ট্র সেনা যে সময়ে সদর্পে আলিবর্দীর গতিরোধ করে, তখন সিরাজ নিতান্ত বালক । কিন্তু সেই সময় হইতেই তাঁহাকে নবাব-শিবিরে দেখিতে পাওয়া যায় । † তাহার পর প্রায় প্রতি বর্ষেই বর্গীর হাজামার ইতিহাসের সঙ্গে সিরাজের রণশিক্ষার ইতিহাস সংযুক্ত হইয়া রহিয়াছে । কখন মাতামহের আজ্ঞাবহ হইয়া, কখন বা রাজাজ্ঞার স্বয়ং সেনাচালনার ভার গ্রহণ করিয়া, এই বীরবালক যে সকল সমরকৌশলের পরিচয় প্রদান করেন,

“His intellect was feeble, his habits low and depraved, his propensities vicious in the extreme.”—Thornton's History of British Empire, Vol. I.

† Mustafa's Mutakherin, vol. I. 416.

বড়বানীর দুর্গজয়-কাহিনী বর্ণনা করিবার সময়ে মুসলমান ইতিহাস লেখক তাহার সমুচিত প্রশংসা করিয়া গিয়াছেন। তাঁহাকে বরণপণ্ডিত করিবেন বলিয়াই আলিবর্দী শৈশবে সেনাচালনার ভার প্রদান করিয়াছিলেন। * এই সকল ঐতিহাসিক প্রমাণের উল্লেখ করিয়াও নবাবী আমলের বাঙ্গালার ইতিহাসলেখক লিখিয়াছেন :—“অল্প শিক্ষার অভাব হইলেও, যুদ্ধ শিক্ষায় সিরাজের সবিশেষ সুবিধা ছিল ; উচ্ছৃঙ্খল সিরাজ এ সুযোগেরও সদ্ব্যবহার করিতে পারেন নাই। সচরাচর প্রচলিত ইতিহাসে সিরাজ বর্ণভীরু বলিয়া কলঙ্কিত। সে কলঙ্কের প্রমাণাভাব। তথাপি প্রচলিত কলঙ্কের সমর্থন বাসনার নাগালী ইতিহাসলেখক সন্তোষমানবলে যাহা লিখিয়াছেন, তাহার বিদ্রুত সমীচীন মত অনাবশ্যক।

বিদ্রোহী আফগানগণ বিহার অঞ্চল লুণ্ঠন করিয়া পাটনার ধনাঢ্য অধিবাসীদিগের লাঞ্ছনার একশেষ করিয়া যথার্থকি নজর আদায় করিয়া লইল এবং জয়েনউদ্দীনের রাজকোষ হস্তগত করিয়া মৈত্রবল বৃদ্ধি করিতে আরম্ভ করিল। আলিবর্দী সসৈন্তে যুদ্ধযাত্রা করিয়াছেন— সংবাদ পাইবামাত্র বিদ্রোহিদল স্বপক্ষ সবল করিবার আশায় মহারাষ্ট্র-দিগকে আহ্বান করিতে লাগিল। মহারাষ্ট্রসেনাও লাভের গন্ধ পাইয়া আনন্দে পাটনা অঞ্চলে ধাবিত হইল। আলিবর্দী স্বরিত্ত-গমনে ভাগলপুরের নিকটে মহারাষ্ট্রদলকে আক্রমণ করিলেন। তাহার সস্বল্প যুদ্ধ চাহে না ; তাড়া পাইয়া বনপথে পলায়ন ক্রটি করিল না। আলিবর্দী সসৈন্তে দুইদিকে আসিয়া উপনীত হইল।

* His intention in this was to accustom the young man to face an enemy and to command troops.—Mustafa's Mutakheri vol. I 606.

এইখানে আসিয়া এক গুপ্তচর ধরা পড়িল । তাহার বক্তৃত্যন্তরে একখানি পত্র বাহির হইল । সেই পত্রে বিশ্বাসঘাতক আতাউল্লাহ আফগানদিগকে মনের কথা খুলিয়া লিখিয়াছেন ! সুযোগ পাইলে তিনিও যে বিদ্রোহিদলে যোগদান করিবেন, তাহার প্রস্তাব করিয়াছেন ! সিরাজদ্দৌলা এই বিশ্বাসঘাতকতার পরিচয় পাইয়া একেবারে ক্রোধোন্মত্ত হইয়া উঠিলেন । বহুদর্শী বৃদ্ধ নাবাব আশু তাহার কোনরূপ প্রতিকার না করিয়া, কণ্ঠার বন্ধনমোচন করিবার জন্যই অগ্রসর হইতে লাগিলেন । দ্বারভাঙ্গা প্রদেশের যে সকল হিন্দু জমীদার আফগানদিগের অত্যাচারে জর্জরিত হইতেছিলেন, তাঁহারা যুদ্ধেরে আসিয়া আলিবর্দীর সঙ্গে মিলিলেন ।

বর্দী সংবাদ জানকীরাম বঙ্গীয় দক্ষিণরাঢ়ী কায়স্থ । ইনি বঙ্গ স্থানে শিবির স্থাপন করিয়া আলিবর্দীর নায়েবী আমলে পাটনার গম

জিম হইয়া আলিবর্দী খাঁ ইহাকে প্রথমতঃ দেওয়ান ই ত

কটকের আক্রমণে বিতাড়িত আলিবর্দীর কটক হইতে প্র

সময়, ইনি নবাবের সমভিব্যাহারে ছিলেন । পরে স্বকীয়

অর্থদ্বারা নবাবের সৈন্যসংগ্রহাদি কার্যের সহায়তা করেন

পক্ষে ইনিই প্রধান মন্ত্রী ছিলেন । সম্পূর্ণ বিশ্বাসভাজন বলি

য়ে সেনাপতি ভাস্কর পণ্ডিতের প্রাণবধের কল্পনা প্রধান

দা স্তাফা খাঁ ভিন্ন কেবল ইহারই নিকট পূর্বে প্রকাশিত

* * * অতঃপর রাজা জানকীরামের প্রভুত্ব এ

ইয়াছিল যে, নবাবের ভ্রাতুষ্পুত্রেরাও কোনও বিষয়ে দরবা

ইলে মন্ত্রিবরের সাহায্য প্রার্থনা করিতেন । পাটনার ডেপু

আরম্ভ হইয়াছে, এমন সময়ে স্মরণ বুরিয়া চতুর মহারাষ্ট্রদল নবাব-সেনাদলকে আক্রমণ করিবার জন্য অগ্রসর হইতে লাগিল। সম্মুখে প্রবল আফগানদল, পার্শ্বে লুঠন লোলুপ মহারাষ্ট্র সেনা ;—কিন্তু সেদিকে লক্ষ্য না করিয়া আলিবর্দী ক্ষিপ্তের ন্যায় কেবল সম্মুখেই অগ্রসর হই-তেছেন। সিরাজদ্দৌলা বালক, প্রবীণ রণপণ্ডিত আলিবর্দীর তুলনার শিশু অপেক্ষাও অশিক্ষিত ; কিন্তু তিনি এই ভ্রম ধরিয়া ফেলিলেন। মাতামহের অনুমতি লইয়া মহারাষ্ট্রদলকে আক্রমণ করিবার ইচ্ছা প্রকাশ করিলেন। আলিবর্দী সে কথায় কর্ণপাত করিলেন না ; কেবল সম্মুখ দিকেই অগ্রসর হইতে লাগিলেন।

সিরাজদ্দৌলা হাত-হাসিলেই সেনাপতি হইয়া উঠিলেন। কালাহলে শত্রুমিত্র মহাসমরে সিরাজদ্দৌলা অসমর্থ হইয়া পলায়ন করিলেন।

বিদ্রোহী আফগানগণ বিহার অঞ্চল লুণ্ঠন করিয়া পাটনায় আসিল। অধিবাসীদিগের লাঞ্ছনার একশেষ করিয়া যথার্থকি নজর আদায় করিয়া লইল এবং জয়েনউদ্দীনের রাজকোষ হস্তগত করিয়া সৈন্যবৃদ্ধি করিতে আরম্ভ করিল। আলিবর্দী সসৈন্তে যুদ্ধযাত্রা করিয়াছেন—যা সংবাদ পাইবামাত্র বিদ্রোহিদল গুপক্ৰমে সবল করিবার আশায় মহারাষ্ট্র-দিগকে আহ্বান করিতে লাগিল। মহারাষ্ট্রসেনাও লাভের গন্ধ পাইয়া আনন্দে পাটনা অঞ্চলে ধাবিত হইল। আলিবর্দী স্বরিত-ব্রহ্মনে ভাগলপুরের নিকটে মহারাষ্ট্রদলকে আক্রমণ করিলেন। তাহার সম্মুখ বৃদ্ধ চাহে না ; তাড়া পাইয়া বনপথে পলায়ন করিতে ক্রটি করিল না। আলিবর্দী সসৈন্তে মুন্সেরে আসিয়া উপনীত হইলেন।

* His intention in this was to accustom the young man to face an enemy and to command troops.—Mustafa's Mutakheri vol. I, 606.

রাজা জানকীরাম ।

যুদ্ধাবসানে কল্লার বন্ধন মোচন করিয়া আলিবর্দী বিহার শান্তিস্থাপন করিবার চেষ্টা করিতে লাগিলেন । পরাজিত দিল নানা স্থানে পলায়ন করিল, লোকে আবার নিরুদ্ধেগে সংসমোনাবেশ করিতে লাগিল ; পুণিয়া প্রদেশেও শান্তি সংস্থাপিত আলিবর্দী তখন মহাসমারোহে দরবার করিয়া সাইয়েদ ও পুণিয়ার এবং সিরাজদৌলাকে পাটনার নবাব নিযুক্ত করিলেন য়েদ আহমদ পুণিয়ায় গমন করিলেন । কিন্তু সিরাজদৌলি বলিয়া রাজা জানকীরাম বিহারের রাজপ্রতিনিধি হইলেন, দৌলা বিহারের নামসর্বস্ব নবাব হইয়া মাতামহের সঙ্গে র ফিরিয়া আসিলেন ।

“রাজা জানকীরাম বঙ্গীয় দক্ষিণরাঢ়ী কায়স্থ । ইনি বাঙ্গ দেওয়ান হইয়া আলিবর্দীর নায়েবী আমলে পাটনায় গম নাজিম হইয়া আলিবর্দী খাঁ ইহাকে প্রথমতঃ দেওয়ান ই ত রিক বিভাগের প্রধান মন্ত্রিপদে নিযুক্ত করিলেন । দুর্দান্ত কটকের আক্রমণে বিতাড়িত আলিবর্দীর কটক হইতে প্র সময়, ইনি নবাবের সমভিব্যাহারে ছিলেন । পরে স্বকীয় অর্থদ্বারা নবাবের সৈন্যসংগ্রহাদি কার্যের সহায়তা করেন পক্ষে ইনিই প্রধান মন্ত্রী ছিলেন । সম্পূর্ণ বিশ্বাসভাজন বলি সেনাপতি ভাস্কর পণ্ডিতের প্রাণবধের কল্পনা প্রধান শিদ্দা শুফা খাঁ ভিন্ন কেবল ইহারই নিকট পূর্বে প্রকাশিত * * * অতঃপর রাজা জানকীরামের প্রভুত্ব এ বগমা । বিহাছিল যে, নবাবের ভ্রাতুষ্পুত্রেরাও কোনও বিষয়ে দরবা ইলে মন্ত্রিবরের সাহায্য প্রার্থনা করিতেন । পাটনার ডেপু

সিরাজের পিতা জয়েনউদ্দীনের মৃত্যুর পর, ঐ পদে সিরাজকে নাম
মাত্র নিযুক্ত করিয়া, প্রকৃত প্রস্তাবে রাজা জানকীরামকেই প্রতিনিধি
শাসনকর্তা করিয়া রাখা হয় ।” *

লুণ্ঠনপরায়ণ মহারাষ্ট্রদলকে হাতের কাছে পাইয়াও আক্রমণ করা
হইল না, আতাউল্লাহ বিশ্বাসঘাতকতার পরিচয় পাইয়াও তাঁহাকে
মসৈন্যে ধনসম্পদ লইয়া স্থানান্তরে চলিয়া যাইবার অনুমতি দেওয়া
হইল, মীরজাফরের ত্রায় বিশ্বাসী কুটুমকে সমুচিত শিক্ষা না দিয়া
তাঁহাকে সেনাপতিপদে বাহাল রাখা হইল, এতকণ্ঠে বিহার প্রদেশে
শান্তি সংস্থাপন করিয়া রাজা জানকীরামকে তাহার ফলভোগ করিতে
দিয়া ~~সিরাজদৌলাকে~~ ~~কেন্দ্র~~ নামসর্বস্ব পাটনার নবাব বলিয়া ঘোষণা
করা হইল, ইহার কোন ব্যবস্থাই সিরাজদৌলার মনঃপূত হইল না !
তিনি প্রতিবাদ করিয়াও যখন আলিবর্দীর মত পরিবর্তন করিতে
পারিলেন না, তখন মাতামহের উপর নিতান্ত অসন্তুষ্ট হইয়া ক্ষুণ্ণমনেই
রাজধানীতে প্রত্যাগমন করিলেন ।

ইহার পর এক বৎসর একরূপ নিরাপদে কাটিতে না কাটিতেই
আবার উড়িষ্যা প্রদেশে মহারাষ্ট্রসেনার সমর-কোলাহল উপস্থিত হইল !
সংবাদ পাইবামাত্র মুর্শিদাবাদ হইতে ছুটিয়া যাওয়া সহজ নহে, সুতরাং
আলিবর্দী এইবার হইতে মেদিনীপুরে বাসস্থান নির্মাণ করিবার
আয়োজন করিলেন । মহারাষ্ট্রীয়দিগকে পরাজয় করিয়া আদি-
এবার কিছু দিন মেদিনীপুরেই অবস্থান করিতে আরম্ভ করিলে
সিরাজ মাতামহের অনুমতি লইয়া মুর্শিদাবাদে প্রত্যাগমন করিলেন ।

* সাহিত্য, ৬ষ্ঠ বর্ষ, ৬২৫-৬২৬ পৃঃ । শ্রীযুক্ত কালীপ্রসন্ন বন্দ্যোপাধ্যায় ।

† সিরাজদৌলা আপুনে হুজুর দারীকো রওয়ানা করা আওর মহবৎকার

সিরাজ বুঝিলেন যে, এইবার সুসময় উপস্থিত। পূণ্যায় বিজুত
আপদে সাইয়েদ আহমদ নবাবী করিতেছেন, ঢাকার বিপুল রাজ-
গুণ্ডার হাতে পাইয়া নওয়াজেস্ এবং রাজবল্লভ মুক্তহস্তে অর্থব্যয়
করিতেছেন, যাঁহারা বিজোহী বিশ্বাসঘাতক তাঁহারাও পরম সুখে
অগারব উপভোগ করিতেছেন; কেবল সিরাজদৌলাই বিহারের
সিরাজেইয়াও মাসিক বৃত্তির নির্দিষ্ট তক্কা লইয়া রজধানীতে বসিয়া
অশেষে জীবন যাপন করিবেন কেন? তিনি আর এমন করিয়া আপন
স্বার্থ পদদলিত করিতে সম্মত হইলেন না। পিতা নাই, তিনি বিহারে
সিংহাসনে বসিয়া যে প্রভূত ধনরত্ন সঞ্চয় করিয়াছিলেন, তাহাও আফ-
গানগণ লুটিয়া লইয়াছে, আজ কাল বিহারে যাহা কিছু আদ্য হইতেছে,
তাঁহাও কেবল জানকীরামেরই সৌভাগ্য বর্দ্ধন করিতেছে। সিরাজ-
দৌলার চক্ষে ইহা বড়ই অবিচার বলিয়া বোধ হইল। তিনি বিশ্বাসী
অনুচর লইয়া দেশভ্রমণ উপলক্ষে মুর্শিদাবাদ হইতে বাহির হইয়া
পড়িলেন। * মাতামহ মেদিনীপুরে, সুতরাং কেহ তাঁর সাহস করিয়া
সিরাজদৌলার গতিরোধ করিল না।

পাটনায় আসিয়াই সিরাজদৌলা ছদ্মবেশ খুলিয়া ফেলিলেন, রাজা
জানকীরামকে স্পষ্টই বলিয়া পাঠাইলেন যে, তিনি রাজপ্রতিনিধি মাত্র,

চল্, রোজকী রোকশোং মুর্শিদাবাদকে সয়ের ও তক্রীকে বাহানাসে লেকর
শিদ্দাবাদ পহুচা।”—মুতকরীণ।

* মুতকরীণে লিখিত আছে যে, “সিরাজদৌলা তাঁহার প্রিয়সহচরী লুৎফউল্লিখা
বগমকে সঙ্গে লইয়া গো-শকটে আরোহণ করিয়া প্রস্থান করেন। হোসেন কুলী
কিয়দূর পশ্চাৎদ্বার করিয়াছিলেন, ধরিতে না পারিয়া অত্যাগমন করিতে
সমর্থ হন। সিরাজদৌলার বলীবর্দ্ধ দিন বিশ ক্রোশ করিয়া ছুটিত।”

সিরাজুই পাটনার প্রকৃত নবাব। এতদিন নিজরাজ্যের কোনই সালন নাই, কিন্তু রাজা এখন সশরীরে সিংহদ্বারে শুভাগমন করিয়াছে। জানকীরামের বিষম সমস্তা উপস্থিত হইল। নবাবের অনুমতি লইয়া সিরাজদৌলাকে শাসনভার ছাড়িয়া দিতে সাহস হইল না। সিরাজদৌলার আদেশ অবহেলা করিতেও সাহস হইল না। অন্তে ইতস্ততঃ করিয়া জানকীরাম নবাবের নিকট সংবাদ পাঠাইয়া দ্বার বন্ধ করিয়া দিলেন। *

জানকীরাম ভৃত্য হইয়া প্রভুর সঙ্গে এরূপ ব্যবহার করিতে সাহস পাইবেন, তাহা সিরাজদৌলার ধারণা ছিল না; তিনি একেবারে কোপে উদ্ভূত হইয়া উঠিলেন। সিরাজ বিহারের নবাব রাজধানী, রাজহুগ, রাজকোষ সকলই তাঁহার। জানকীরাম কে? তিনি কেবল তাঁহারই প্রতিনিধি। তবে কোন্ সাহসে তিনি প্রভুর সম্মুখে হুগদ্বার অবরুদ্ধ করিয়া দিলেন? তবে কি তাঁহাকে নামমাত্র বিহারের নবাব বলিয়া মৌখিক ঘোষণা দেওয়া হইয়াছে? অবশ্য তাহাই নবাবের আদেশ; নবাবের আদেশ না থাকিলে জানকীরাম কে, যে সে তাঁহাকে এমন করিয়া অপমান করিতে সাহস পাইবে! সিরাজের অদম্য হৃদয়বেগে এত অপমান সহ করিতে পারিল না; তিনি আত্মসম্বরণ করিতে না পারিয়া বাহুবলে পিতৃ-সিংহাসন অধিকার করিবার জন্য হুগদ্বারে গোলাবর্ষণ করিতে আরম্ভ করিলেন।

* The Raja was at a loss how to act, being fearful of surrendering his charge without orders from the Nawab; and alarmed, lest any accident should happen to Serajedowla if he opposed him; at length he resolved on defending the City, till he should hear from Aliverdi Khan."—Stewart's History of Bengal.

আলিবর্দী যদি সংবাদ পাইবামাত্র দুর্গদ্বার উন্মোচন করিবার জন্ত জানকীরামকে আদেশ করিয়া পাঠাইতেন, হয়ত সহজেই সকল গোল-যোগ মিটিয়া যাইত । তিনি তাহা না করিয়া সিরাজদ্দৌলাকে মেহের উপদেশসূচক এক দীর্ঘ পত্র লিখিয়া পাঠাইলেন এবং রাজধানীতে প্রত্যাগমন করিবার জন্ত বারংবার অনুরোধ জানাইতে লাগিলেন । সিরাজের ক্রোধাগ্নি আরও দ্বিগুণবেগে জলিয়া উঠিল ।

সিরাজদ্দৌলা আর স্বার্থ নষ্ট করিয়া নবাবের হাতের ত্রীড়া-পুতুল হইয়া বসিয়া থাকিতে সম্মত নহেন । কবে নবাবের পক্ষকেশ চিরবিশ্রাম লাভ করিবে, আর কবে বা তিনি নবীন মস্তকে রাজ-মুকুট পরিয়া বাঙ্গালা, বিহার, উড়িষ্যার মসন্দে উপবেশন করিবেন,—সেই অনিশ্চিত শুভদিনের প্রতীক্ষায় অনিশ্চিত পৈতৃক-সিংহাসন পরিত্যাগ করিতে পারেন না ! আলিবর্দী সকলকেই বখাযোগ্য রাজ-পদ দিয়াছেন, কেবল শূন্যগর্ভ স্তোভবাক্যে সিরাজদ্দৌলাকেই পিতৃ-রাজ্য হইতে বঞ্চিত রাখিবেন কেন ? তিনি যখন বিহারের নবাব, তখন যেরূপে হউক আখ্যুরাজ্য অধিকার করিলেন ; তাহাতে যেন বৃদ্ধ নবাব বাধা প্রদান করিবার চেষ্টা না করেন । রাজ্য বহুবিস্তৃত ; বাহুতে বহু বল ; সুতরাং আবশ্যক হইলে মাতামহের সঙ্গে শক্তি পরীক্ষা করিতেও দৌহিত্র কাতর হইবেন না ; হয় উভয়েই অসি-হস্তে জীবন বিসর্জন করিবেন, না হয় যাহার জয় হইবে, তিনি নিরুদ্ধে রাজ্যভোগ করিবেন ! এইরূপ সংকল্প করিয়া সিরাজদ্দৌলা লিখিলেন ;—

“জোনাব আলি ! বা ওজুদ্ এজ্জহার ইস্ কাদার মেহের ও সাফ্ কাৎকে মেরে ছবমানোকে দারপায়্ পার্ওয়ারাস্ হেয় । আজাঁ জুম্লা হোসেন কুলিখাঁ কো

উরাহ মার্তাবা এজ্জাৎ ও সারুওয়ারী দিয়া কে মুখে জেলাৎ হার কে বারওয়ারত
মা-বেদাৎ বারদোয়ানকে মেরে এশেক্বালকে। এক কাদাম্ভি না বাড়া! আওর
সাহামাৎজাককে বেলায়েৎ আহাদ দে কার সাওলাৎ জাককে। পুরণীয়াকি ফোজ-
দারী আতা কারমারী। মেরে হাল পার বজুজ এনায়াৎ জোবানিকে কোই সেকাকাৎ
ও নাওয়াজেস জো এজ্জিয়াৎ মানসাব আওর এক তেদার কে লায়েক হো না
হই; হালা হারগেজ তাসরিফ নালাইয়েগা ওয়ারনা আপকা শের মেরে দামান্মে
ইয়াকে মেরা শের আপকে জের পায় ফিল হোগা।” *

পত্র পড়িয়া আমরা একালের লোক একেবারে শিহরিয়া উঠিতে
পারি; অকৃতজ্ঞ, নরাধম পশুপ্রকৃতি বলিয়া অভিধান বাছিয়া—
সিরাজদৌলাকে অভিসম্পাত করিতে পারি, আবশ্যক হইলে উপগ্রাস
লিখিয়া বসুন্ধরাকে দ্বিধা বিভক্ত হইবার জন্ত নির্বন্ধাতিশয়ে অনু-
রোধ জানাইতে পারি; আলিবর্দী ইহার কিছুই করিলেন না।

দোষ কাহার? সিরাজদৌলার কথা দূরে থাকুক, প্রবীণ আলি-
বর্দীকে কোন রাজপ্রতিনিধি এরূপ করিয়া অপমান করিলে তিনিও
কি তাহা নীরবে সহ করিতেন? সুতরাং আলিবর্দী সিরাজের উপর
অসন্তুষ্ট হইলেন না, কেবল পাছে যুদ্ধকলহে সিরাজের কোন অক-
ল্যাণ হয়, সেই চিন্তাতেই ব্যাকুল হইয়া উঠিলেন। মহারাষ্ট্রদমন
পড়িয়া থাকিল, রাজ্য ও রাজধানীর চিন্তা পড়িয়া থাকিল, অল্প
কয়েকজনমাত্র অনুচর লইয়া আলিবর্দী পাটনাভিমুখে ছুটিয়া চলিলেন।
সিরাজের উক্ত লিপির প্রত্যুত্তরে যাহা লিখিত হইল, তাহার নিম্নে
আলিবর্দী স্বহস্তে একটি ফারসী কবিতায় কেবল এইমাত্র লিখিয়া
পাঠাইলেন যে, “যাহারা ধর্মের জন্ত সন্মুখ সংগ্রামে জীবন বিসর্জন
করিতে অগ্রসর হয়, তাহারা প্রায়ই ভুলিয়া যায় যে, যাহারা সংসার-

সংগ্রামে মেহের অত্যাচার সহ করে, তাহারাই প্রকৃত বীর ! ইহাদের মধ্যে পরকালেও তুলনা হইতে পারে না ; ধর্মবীর শত্রুহস্তে নিহত হন, কিন্তু সংসারবীর কেবল মেহভাজন আত্মীয়গণের নির্যাতনেই জীবন বিসর্জন করেন !” *

সিরাজদ্দৌলা অনেক গোলাবর্ষণ করিয়াও দুর্গজয় করিতে পারিলেন না । তাঁহার প্রধান সেনাপতি মেহেদী নেশার খাঁ + নিহত হইতে না হইতেই অনিশ্চিত সৈন্যদল পলায়ন করিতে আরম্ভ করিল ! সিরাজ তখন রোষে ফোভে জর্জরিত হইয়া একখানি পর্ণকুটারে আশ্রয় গ্রহণ করিলেন । রাজা জানকীরাম সংবাদ পাইবামাত্র তাঁহার জগ্নু যথোপযুক্ত বাসস্থান নির্দেশ করিয়া দিলেন ; কিন্তু তথাপি দুর্গদ্বার উন্মোচন করিলেন না ।

সিরাজ পঞ্চদশ বৎসরের তরুণ যুবক । পলায়িত দুর্বল শত্রুর প্রতি রাজা জানকীরাম একরূপ সদয় ব্যবহার করিতেছেন কেন, সে কথা কেহ

* সে কবিতাটি এইরূপ.—

“গাজি কে পায়ে সাহাদাৎ আন্দার তাগো পোস্ত;
গাফেল্ কে শাহীদে এস্ক ফাজেল্ তার আজ্ দাস্ত্ ॥
ফার্দায়্ কেয়ামাৎ ইঁ বা আঁ কায়মানাদ্ ।
ইঁ কোস্তা দুব্ মানাস্ত্ ওঁ যা কোস্তায়ে দোস্ত ।”

—মুতক্করীণ ।

+ ইনি মুতক্করীণ-প্রণেতা সাইয়েদ গোলাম হোসেনের মাতুল । মুতক্করীণে প্রকাশ যে, ইহার বুদ্ধিতেই সিরাজদ্দৌলা পাটনা আক্রমণ করিয়াছিলেন । মেহেদী নেশার খাঁ নিহত হইলে, সিরাজ আত্মকার্যের হিতাহিত চিন্তা করিয়া বোধ হয়, মনে মনে লজ্জিত হইয়াছিলেন, এবং বোধ হয় সেই জগ্নুই নবাব গুভাগমন করিবামাত্র নিজেই তাঁহার শিবিরে উপনীত হইয়া সকল বিবাদ ভাসাইয়া দিয়াছিলেন ।

বুঝাইতে পারিল না ; বরং সকলে মিলিয়া বুঝাইয়া দিল যে, জানকী-রাম ভয় পাইয়া সন্ধির প্রস্তাব করিবার জন্তই এরূপ ব্যবহার করিতে-ছেন । সুতরাং সিরাজদৌলা সসৈন্তে দুর্গবেষ্টন করিয়া বসিয়া রহিলেন ।

নবাব আসিলেন । তাঁহার আগমনবার্তা জানিতে পারিয়া সিরাজ তাঁহার নিকট উপনীত হইলেন । * সিরাজদৌলাকে একাকী নিরস্ত্রদেহে সহসা শিবিরের মধ্যে প্রবেশ করিতে দেখিয়া নবাব তাঁহাকে একেবারে স্নেহের কোলে তুলিয়া লইলেন ; দুই গণ্ড বহিয়া স্নেহের অশ্রুধারা ঢালিয়া পড়িল ; সিরাজকে যে অক্ষতদেহে জীবিত পাইয়াছেন, ইহাতেই বৃদ্ধ মাতামহ আনন্দে উন্মত্তের মত নৃত্য করিতে লাগিলেন । মাতামহে দৌহিত্রে আর শক্তিপরীক্ষা হইতে পারিল না, অশ্রুধারায় অশ্রুধারা টানিয়া আনিল. উভয়ের অশ্রুধারায় সে ছার বিদ্রোহ কোথায় ভাসিয়া গেল !

নবাব আসিয়াছেন শুনিয়া দুর্গদ্বার উন্মুক্ত হইল, মহাকলরবে সিরাজ-সৈন্ত দুর্গমধ্যে প্রবেশ করিল । আলিবর্দী পাটনার দুর্গমধ্যে দরবারে উপবেশন করিলেন, সিংহাসনের একপার্শ্বে স্নেহভাজন দৌহিত্রকে


* সিরাজদৌলা এই উপলক্ষে অনেকের নিকট নিন্দাতাজন হইয়াছেন । কিন্তু তিনি যে আলিবর্দীর সঙ্গে কলহ করেন নাই, মৃতক্ষয়ীণই তাহার প্রমাণ । আলিবর্দীর আগমন-সংবাদ প্রাপ্ত হইবামাত্রই সিরাজ তাঁহার নিকট গিয়া রীতিমত “কদম-বোসী”—পদচূষন করিয়া অশ্রুার্থনা করিয়াছিলেন । রাজা জানকীরামের দোবেই যে এত অনর্থ ঘটিয়াছে, তাহা স্বীকার করিয়া স্বয়ং নবাব আলিবর্দীও জানকীরামকে ক্ষমা করার জন্য সিরাজকে অনুরোধ করিয়াছিলেন ।

উঠাইয়া লইলেন, এবং সকলকে শুনাইয়া দিলেন যে, আজ হইতে সিরাজদ্দৌলা বাঙ্গালা, বিহার, উড়িষ্যার যৌবরাজ্যে অভিযুক্ত হইলেন । *

সিরাজদ্দৌলা সম্ভ্রষ্ট হইলেন, কিন্তু দেশের লোকে সম্ভ্রষ্ট হইতে পারিল না। যাহারা নানা উপায়ে অর্থোপার্জন করিত, যাহারা গোপনে গোপনে সিংহাসন কাড়িয়া লইবার আয়োজন করিত, যাহারা রাজকর্মচারী হইয়াও রাজবিদ্ৰোহিতার পরিচয় দিত, যাহারা বিদেশীয় বণিক হইয়াও দেশের লোকের মুখের গ্রাস কাড়িয়া থাইত, তাহারা যখন একে একে এই সংবাদ অবগত হইল, তখন সকলেই একে একে স্বার্থরক্ষার জন্ত চিন্তিত হইয়া উঠিল !

* সুতক্রীণে ইহার উল্লেখ দেখিতে পাওয়া যায় না। কিন্তু অন্যান্য প্রমাণের উপর নির্ভর করিয়া এস্থলে আমরা মুসলমান ইতিহাস লেখকের অনুসরণ করিতে পরিলাম না।





ষষ্ঠ পরিচ্ছেদ ।

ইংরাজ বণিকের লাঞ্ছনা ।

বাল্যকাল হইতেই সিরাজদ্দৌলা ইংরাজদিগকে দুচক্ষে দেখিতে পারিতেন না। তিনি মনের ভাব গোপন না করিয়া সময়ে সময়ে ইংরাজ-বিদ্বেষের কথা নবাব-দরবারে প্রকাশ করিতেও ইতস্ততঃ করিতেন না। কালে ইংরাজের হাতে সোণার বাঙ্গালা রাজ্য বে ক্রীড়ার পুতুলের মত উচ্চ মূল্যে বিক্রীত হইবে, তাহা যেন সূচনাতেই সিরাজদ্দৌলা বুঝিতে পারিয়াছিলেন ; সেইজন্য ইংরাজদিগের বাণিজ্য-বিস্তৃতি এবং পদোন্নতি দেখিয়া তিনি ঈর্ষ্যা-কষারিত লোচনে তীব্র প্রতিবাদ করিতেন ।

সিরাজ বাল্যকাল হইতেই ইংরাজ-চরিত্র অধ্যয়ন করিবার অবসর পাইয়াছিলেন । সেকালে নবাব-দরবারে ইংরাজ প্রতিনিধির যাতায়াত ছিল । নগরোপকণ্ঠে বাণিজ্যালয় স্থাপন করিয়া কাশিমবাজারের ইংরাজগণও সর্বদাই ইতস্ততঃ বিচরণ করিতেন । ইহাদের কার্য-কলাপ দেখিয়া সিরাজের ইংরাজ-বিদ্বেষ দূর হইল না ; বরং ইহাদের প্রত্যেক কার্যের মধ্যেই গূঢ় অভিসন্ধি দেখিয়া সিরাজদৌলা মনে মনে ইংরাজদিগকে ঘৃণা করিতে শিক্ষা করিলেন । বাল্যসংস্কার সহজে দূর হইবার নহে ; বয়োবৃদ্ধিসহকারে সিরাজের সেই বাল্যসংস্কার ক্রমেই ঘনীভূত হইতে লাগিল ।

হীরাঝিলের প্রমোদভবন নিৰ্ম্মিত হইবার সময় হইতে সিরাজদৌলা সেই স্থানে নিজ নামানুসারে “মন্সুরগঞ্জ” * নামে একটি গঞ্জ স্থাপন করিয়াছিলেন । † সেই গঞ্জের সমুদয় আয় তাঁহার করায়ত্ত ছিল ; সুতরাং কিসে সেই গঞ্জের উন্নতি ও আয়বৃদ্ধি হইবে, তাহার জন্ত সিরাজদৌলা সর্বদাই সাধ্যমত চেষ্টা করিতেন । দেশী বাণিজ্যের শ্রীবৃদ্ধি না হইলে গঞ্জের শ্রীবৃদ্ধি হইতে পারে না ; ইংরাজদিগের প্রকাশ ও গুপ্ত বাণিজ্যে দেশীয় ব্যবসায়ীদিগের ক্ষতি হইয়া বিদেশীয়দিগের লাভের পথ যতই বিস্তৃত হইতে লাগিল, সিরাজদৌলা বিদেশী বণিকদিগের উপর ততই অসন্তুষ্ট হইতে লাগিলেন । ফরাশী, দিনামার, ওলন্দাজ প্রভৃতি ইউরোপীয় বণিকদিগের বিনা শুক্রে

* সিরাজদৌলার নাম—“নবাব মন্সুরোল-মোলুক-সিরাজদৌলা শাহকুলী খাঁ মিরজা মোহম্মদ হায়বৎজঙ্গ বাহাদুর ।”

† Grant's Analysis of Finances of Bengal.

বাণিজ্য করিবার অধিকার ছিল না ; সুতরাং তাহাদের প্রতি-
যোগিতায় দেশের লোকের বিশেষ ক্ষতি হইত না। কিন্তু
ইংরাজগণ বিনাশুল্কে জলে স্থলে বাণিজ্য করিবার আদেশে
বাদশাহের ফরমাণ পাইয়া নিঃসম্বল দেশীয় বণিকদের লাভের পথে
কাঁটা দিয়াছে বলিয়া, ইংরাজদিগের উপরেই তাহার বিদ্বেষ বদ্ধমূল
হইয়াছিল। বাদশাহের ফরমাণ পাইয়া কেবল যে ইষ্টইণ্ডিয়া কোম্পা-
নীই বিনাশুল্কে বাণিজ্য করিত—তাহা নহে। লাভের গন্ধ পাইয়া
কোম্পানীর কর্মচারীর আত্মীয় স্বজনেরাও এদেশে আসিয়া গোপনে
গোপনে স্বাধীন বাণিজ্য করিতেন ; এবং কোম্পানীর কর্মচারীদিগের
নিকট হইতে বিনাশুল্কে বাণিজ্য করিবার পরোয়ানা লইয়া তাঁহারাও
দেশের লোকের অন্নগ্রাস কাড়িয়া খাইতেন। জন্ উড্ নামক এইরূপ
একজন ইংরাজ বণিক কোম্পানীর নিকট বিনাশুল্কে বাণিজ্য করিবার
পরোয়ানা চাহিয়া নিজ আবেদন-পত্রে স্পষ্টই লিখিয়াছিলেন যে, স্বাধীন
ইংরাজ বণিককেও কোম্পানীর দ্বারা বিনাশুল্কে বাণিজ্য করিবার জন্ত
পরোয়ানা না দিলে সর্বনাশ হইবে ! * বাদশাহের ফরমাণ অমাত্য
করিবার উপায় নাই, যতদিন ইংরাজ থাকিবে, ততদিন তাহারা
বিনা শুল্কে বাণিজ্য করিবে ; সুতরাং ইংরাজদিগকে তাড়াইয়া দিতে না
পারিলে দেশীয় বাণিজ্যের কখনই শ্রীবৃদ্ধি হইবে না ;—বোধ হয়, সেই
জন্তই বালক সিরাজদৌলা ইংরাজদিগকে তাড়াইয়া দিবার সুযোগ
অনুসন্ধান করিতেন। সেনাপতি যুসুফা খাঁ থাকিতে তিনি সিরাজের
প্রস্তাব সমর্থন করিতেন ; কিন্তু আলিবর্দীর ভয়ে তিনিও ইংরাজ

* It will reduce a free merchant to the condition of a farmer or indeed of a meanest black fellow.."—Long's Selections.

তাড়াইবার আয়োজন করিতে পারিতেন না । প্রস্তাব উঠিলেই আলিবর্দী বলিতেন,—“মুস্তফা যুদ্ধব্যবসায়ী ; যুদ্ধ বাধিলেই তাহার লাভ, তোমরা তাহার কথায় কর্ণপাত করিও না ।” *

সিরাজের বিশ্বাস ছিল যে, সমস্ত “ফিরঙ্গীস্থানে” দশ সহস্রের অধিক অধিবাসী নাই, † এবং দেশে দেশে পণ্যদ্রব্য বিক্রয় করাই তাহাদের একমাত্র জীবনোপায় । তাহাদের দেশে যে শিল্প আছে, বাণিজ্য আছে ; রাজা আছে, রাজতন্ত্র আছে ; সৈন্ত আছে, সেনাপতি আছে ; আবশ্যক হইলে সহস্র সহস্র বীরপুরুষ জীবন বিসর্জন করিয়াও ইংলণ্ডের গৌরব-পতাকা রক্ষা করিবার জন্য অগ্রসর হইতে যে কিছুমাত্র ইতস্ততঃ করিবে না, সিরাজদৌলা বোধ হয় ততটা স্বীকার করিতেন না । আলিবর্দী ইংরাজদিগের সহিত কলহ করিতে নিষেধ করিলে, সিরাজদৌলা তাহার প্রকৃত কারণ বুঝিতে না পারিয়া বৃদ্ধ মাতামহকে ভীক্কা কাপুরুষ বলিয়া তিরস্কার করিতে ভীত হইতেন না । পরবর্তী যুগে নেপোলিয়ান যাহাদিগকে “দোহানদারের জাতি” বলিয়া উপহাস করিয়া গিয়াছেন, তাহারা পূর্ববর্তী যুগে সিরাজদৌলার চক্ষেও ততোধিক সম্মানের যোগ্য বলিয়া বিবেচিত হন নাই ।

আলিবর্দী মহারাষ্ট্র-দমনে বিব্রত হইয়া ইংরাজদিগের অত্যাচারের কথা জানিয়া শুনিয়াও প্রতীকার করিবার চেষ্টা করিতেন না । বরং

* Stewart's History of Bengal.

† Orme, Vol. II.—সিরাজদৌলার সময়ে এ দেশের লোকে ইউরোপকে “ফিরঙ্গীস্থান” বলিত ; কিন্তু “ফিরঙ্গীস্থানের জনসংখ্যা” সম্বন্ধে তাহারা যে এতদূর অজ্ঞ ছিল, সেরূপ কোন প্রমাণ পাওয়া যায় না । সিরাজদৌলার অজ্ঞতা অপবাদে একমাত্র প্রমাণ ইংরাজ-লিখিত ইতিহাস ।

সিরাজদৌলার ইংরাজ-বিদ্বেষের পরিচয় পাইয়া সময়ে সময়ে স্পষ্টই বলিতেন যে, “দুর্দান্ত সিরাজ ইংরাজদিগের সঙ্গে শীঘ্রই কলহ বিবাদে লিপ্ত হইবে ; এবং তাহা হইতেই কালে সিরাজের রাজ্য ইংরাজের করতলগত হইবে !” সিরাজদৌলা কিন্তু সে কথায় কণপাত করিতেন না। তাঁহার বিশ্বাস ছিল যে, সামান্য একটু তাড়া দিলেই বাণিজ্যের খাতাপত্র এবং মালগুদাম ফেলিয়া ইংরাজ বণিক ভেড়ার পালের মত প্রাণ লইয়া পলায়ন করিবার পথ পাইবে না। সিরাজ একবার ইংরাজ-দিগকে তাড়াইয়া দিবার জন্য সত্য সত্যই নবাবের অনুমতি চাহিয়া ছিলেন। নবাব প্রত্যুত্তরে কেবল এইমাত্র বলিলেন যে, “মহারাষ্ট্র সেনা স্থলপথে যে যুদ্ধানল জালিয়া দিয়াছে, তাহাই নির্বাণ করিতে পারি না, এ সময়ে ইংরাজের রণতরী যদি সমুদ্রে অগ্নিবর্ষণ করে, তাহা হইলে সে বাড়বানল কেমন করিয়া নির্বাণ করিব ?” *

সেই সিরাজদৌলা যৌবরাজ্যে অভিষিক্ত হইয়াছেন শুনিয়া ইংরাজ-দিগের মধ্যে মহা আতঙ্ক উপস্থিত হইল। ইংরাজ তখনও রূপাভিখারী বণিক মাত্র ; নবাব-দরবারে তাঁহাদের পদগৌরব ছিল না। তাঁহারা কেবল অর্থগৌরবে আপনাদিগের বাণিজ্যাধিকার রক্ষা করিয়া আসিতেছিলেন। সেকালে উৎকোচের মহিমা বড়ই প্রবল ছিল। ইংরাজ-গণ সেই সন্ত্রোষধির ব্যবস্থা করিয়া নবাবদিগকে ও নবাব-দরবারের পাত্রমিত্রদিগকে সর্বদাই তুষ্ট করিয়া রাখিতেন। নবাবের মনস্তৃষ্টি ও শুভদৃষ্টি আকর্ষণের জন্য সময়ে সময়ে অনেক অপব্যয় করিতে হইত, এবং এত করিয়াও তাঁহারা নিশ্চিন্ত হইতে পারিতেন না। হুগলীর ফৌজদার তাঁহাদিগের নিকট বৎসরে ২৭০০ টাকা পার্বণি আদায়

করিয়া লইতেন । * ঢাকায় রাজবল্লভ তাঁহাদিগের কুঠী বন্ধ করিয়া, নৌকা আটক করিয়া, কুঠিয়ালদিগকে ফাটক দিয়া, খাণ্ডদ্রব্য বন্ধ করিয়া, যথেষ্টরূপে উৎকোচ আদায় করিয়া লইতেন । † এই সকল কারণে ইংরাজগণ প্রাণের সঙ্গে মুসলমান-শাসন ভালবাসিতেন না, এবং মুসলমানগণও বণিকের জাতি বলিয়া ইংরাজদিগকে সেরূপ সম্মান দেখাইতেন না । মুসলমান সে সময়ে রাজা, ইংরাজ তাঁহাদের পদাশ্রিত সামান্য প্রজা ; উদরানের জন্ত জন্মভূমি ছাড়িয়া, পিতামাতা ছাড়িয়া, সুখশান্তি ছাড়িয়া, অপরিচিত দেশে, অপরিচিত জাতির সঙ্গে, বাণিজ্য, ব্যবসায়ে মিলিত হইয়াছেন ; সুতরাং মনের ভাব যাহাই থাকুক. বাহ্য ব্যবহারে মুসলমান নবাবকে ভক্তি শ্রদ্ধা জানাইতে ক্রটি করিতেন না ।

বাঙ্গালীর নিকট আলিবর্দী নিতান্ত নিরীহস্বভাব, প্রজাহিতৈষী, ধর্ম্মশীল নরপতি বলিয়া পরিচিত ছিলেন ; ‡ কিন্তু কলিকাতার ইংরাজদিগের নিকটে তাঁহার সেরূপ প্রশংসা ছিল না । ১৭৪৯ খৃষ্টাব্দে ৯ই জানুয়ারী তারিখে ইংরাজদিগের কলিকাতাস্থ প্রধান কর্ম্মচারী বারওয়েল সাহেব নবাব-দরবার হইতে নিম্নলিখিত এক খানি পত্র পান ;—
“হুগলীর সৈয়দ, মোগল আরমানী প্রভৃতি বণিকগণ অভিযোগ করিয়াছেন যে. তোমরা নাকি তাঁহাদের বহু লক্ষ টাকার পণ্যদ্রব্যপূর্ণ কয়েক-

* Long's Selections.

† Rajballav becoming Nawab of Dacca peremptorily demanded the usual visit from the three nations, the French compounded it for 4300 Rupees, the English did the same rather than have the trade stopped.—Despatch to the Court, March 1, 1754.

‡ “He was perhaps the only prince in the East whom none of his subjects wished to assassinate.” Orme's Indostan, Vol. ii.

খানি জাহাজ লুট করিয়া লইয়াছ। আণ্টনি নামক একজন মহাজন
বহুলক্ষ টাকার পণ্যদ্রব্যের সঙ্গে আমার জন্ত কতকগুলি মূল্যবান
উপচৌকন দ্রব্য আনয়ন করিতেছিলেন; শুনিলাম যে, সে জাহাজখানিও
তোমরা লুটিয়া লইয়াছ। এই সকল মহাজনগণ রাজ্যের কল্যাণসাধন
করিতেছেন, আমি তাঁহাদের অভিযোগ আর উপেক্ষা করিতে পারি
না। আমি তোমাদিগকে বাণিজ্য করিতেই অধিকার দিয়াছি, দস্যুতা
করিতে ক্ষমতা প্রদান করি নাই! এই রাজ্যদেশ পাইবামাত্র তোমরা
যদি সহজে এই সকল ক্ষতিপূরণ না কর, তবে আমি বিশেষ কঠিন
দণ্ডাজ্ঞা প্রদান করিব।” *

পত্র পাইয়া কলিকাতার ইংরাজগণ অনেক গুপ্ত মন্ত্রণা করিয়া
প্রতিবাদ-পত্র পাঠাইলেন, অপরাধ অস্বীকার করিলেন; এবং অভিযোগ-
কারী মহাজনদিগকে ধরপাকড় করিয়া মুক্তি-পত্র লেখাইয়া লইবার জন্ত
নানারূপ চেষ্টা করিতে লাগিলেন। কিন্তু কিছুতেই কিছু হইল না।
কালবিলম্ব দেখিয়া নবাব ইংরাজবাণিজ্য বন্ধ করিয়া দিলেন; ইংরাজগণ
অনন্তোপায় হইয়া জগৎশেঠের শরণাপন্ন হইলেন। ইহাতে সিরাজদৌলা
বড় আনন্দলাভ করিলেন। এতদিনের পর ইংরাজ তাড়াইবার সুযোগ
উপস্থিত দেখিয়া মাতামহকে উৎসাহিত করিতে লাগিলেন। কিন্তু
জগৎশেঠের কৃপায় ইংরাজ বণিক সে যাত্রা রক্ষা পাইলেন; অনেক

* Long's Selections from the Records of the Government of
India, Vol. I. অর্থদণ্ডের পরিমাণ ১২ লক্ষই মুদ্রিত আছে, কিন্তু শ্রীযুক্ত
কালীপ্রসন্ন বন্দ্যোপাধ্যায় মহাশয় বলেন, উহা বরং মাত্র, এক লক্ষ বিশ হাজার
হইবে।

অনুন্নয় বিনয় করিয়া ১২ লক্ষ টাকা অর্থদণ্ড দিয়া বাণিজ্যাধিকার ফিরিয়া পাইলেন । *

সিরাজদৌলা যৌবরাজ্যে অভিবিক্ত হইয়াই রাজ্যপরিদর্শনে বাহির হইলেন । সে কালের ইংরাজদিগের সেরূপ সৈন্তবল ছিল না ; অনু-রোধ উপরোধে কার্যোদ্ধার না হইলে, তোষামোদ ও উৎকোচের আশ্রয় গ্রহণ করিতে হইত ; বিলাতের কর্তৃপক্ষগণও তাহারই সমর্থন করিতেন । নবাব-সরকারে কাহারও পদোন্নতি হইলে, তাঁহার শুভদৃষ্টি আকর্ষণের জন্য নজর দিতে হইবে বলিয়া ইংরাজের মুখ শুকাইয়া উঠিত । সুতরাং সিরাজদৌলার রাজ্যপরিদর্শনের সংবাদে ইংরাজের বড়ই আশঙ্কা উপস্থিত হইল ।

সিরাজদৌলা হুগলীতে পদার্পণ করিবামাত্র অভ্যর্থনার সমারোহে চারিদিকে হৈ হৈ পড়িয়া গেল । ফরাশী এবং দিনামারগণ অগ্রসূচী হইয়া হুগলীতে আসিয়া সিরাজকে অভ্যর্থনা করিলেন । মহারাজ নন্দকুমার এবং খোজা বাজিদ তখন হুগলীর সর্ব্বেসর্ব্বা । তাঁহাদের অনুকম্পায় ফরাশী এবং দিনামার সিরাজদৌলার শুভদৃষ্টি লাভ করিয়া ধন্ত হইলেন । ইংরাজদিগকে অনুপস্থিত দেখিয়া* হুগলীর ফৌজদার তাঁহাদিগকেও তলপ দিলেন । ইংরাজদিগের সভাপতি বহুবিধ উপঢৌকন লইয়া সসম্মানে সিরাজের সম্মুখে জানু পাতিয়া উপবেশন করিলেন । এই উপলক্ষে ইংরাজদিগের ১৫৫৬০ টাকা ব্যয় হইয়া গেল । যে বাবত যত টাকা ব্যয় হইল, ইংরাজগণ তাহার হিসাব যত্নপূর্ব্বক লিখিয়া রাখিয়াছেন । তাহা হইতে সে কালের আচার

* The English got off after paying the Nawab through the Siets 1200000 Rupees.—Long's Selections.

ব্যবহারের কিয়ৎপরিমাণে পরিচয় পাওয়া যায় । * সিরাজদৌলা সন্তুষ্ট হইলেন কি না জানিবার উপায় নাই ; কিন্তু ইংরাজদিগের বিশ্বাস হইল যে, তিনি ইংরাজদের উপর বড়ই সন্তুষ্ট হইয়াছেন । ইহাতে কৃতার্থম্ভূত হইয়া কলিকাতার ইংরাজগণ ১৭৫২ খৃষ্টাব্দে ১৮ই সেপ্টেম্বর তারিখের পত্রে বিলাতে সেই শুভ-সংবাদ জ্ঞাপন করিলেন । †

ইংরাজদিগের এই পত্র পড়িয়া মনে হয় যে, সিরাজদৌলার মতিগতি পরিবর্তনের জন্য উৎকোচ উপঢৌকন দিয়াও তাঁহার একেবারে নিশ্চিত হইতে সাহস পান নাই । কেবল দিন কতকের জন্য কথঞ্চিৎ নিরাপদ হইলেন বলিয়াই এত আনন্দোচ্ছ্বাস !

এইবার রাজ্য-পরিদর্শন উপলক্ষে সিরাজদৌলা নানা স্থানে পরিভ্রমণ করিয়া যেমন অনেক উপঢৌকন প্রাপ্ত হইলেন, সেইরূপ অনেক স্থানেই তাঁহার এবং তাঁহার পারিষদবর্গের অত্যাচারে লোকের নিকট তাঁহার প্রবল প্রতাপ প্রকাশিত হইয়া পড়িল । মহারাষ্ট্রদমনে নিরন্তর শিবিরে শিবিরে পরিভ্রমণ করিয়া আলিবর্দীর স্বাস্থ্যভঙ্গ হইয়াছিল, সুতরাং এই সময় হইতেই সিরাজদৌলা যৌবরাজ্যে অভিষিক্ত হইয়া অনেক পরিমাণে রাজকার্য্যে লিপ্ত হইতে আরম্ভ করিয়াছিলেন ।

* ৩৫ খান মোহর	৫৭৭,	১ হীরার আংটি	১৪৩৬,
নগদ টাকা	৫৫০০,	২৬ খান মোহর আলিবর্দীর বেগমের	
মোমের বাতি	১১০০,	নরজ বাঘত	৪২৯,
ঘড়ি	৮৮০,	ফকির বিদায়	১৮৪,
২ জোড়া আরসি	৫৫০,	হুগলির সেখগণ	৭৪৬,
২ খণ্ড খেত মর্শ্বর	২২০,	হুগলির ফৌজদারের নজর	৭৭০,
১ পিস্তল	১১০,	ইত্যাদি ।	

† ইংরাজী পত্র পরিশিষ্টে মুদ্রিত হইল ।

ইংরাজ এখন ভারতবর্ষের রাজা—বাহা করেন, তাহাই শোভা পায়। যে দেশের প্রজাশক্তিকে পদদলিত করিয়া মোগল পাঠান মুসলমান ভূপতির বহুশতাব্দী ধরিয়া বাহুবলে রাজ্যশাসন করিয়াছেন, সে দেশের লোকের পক্ষে অল্প বিস্তর অত্যাচার অবিচার নীরবে সহ করা অভ্যাস হইয়া গিয়াছিল ; সুতরাং রাজা একটু সামান্য উৎপীড়ন করিলেও তাহারা সহসা হৃদয়-বেদনা প্রকাশ করিতে চেষ্টা করিত না। কিন্তু সেকালের ইংরাজ বণিক হইয়াও, নিরীহ লোকের উপর উৎপীড়ন করিবার সুযোগ পাইলে ছাড়িতেন না। এদেশে পদার্পণ করিয়াই ‘‘কালী আদমি’’ বলিয়া ইংরাজ যে নাসিকা-কুঞ্জন করিয়াছিলেন, আজ পর্যন্ত তাহা দূর হয় নাই ! সুতরাং ‘‘কালী আদমি’’দিগের বড়ই কষ্ট হইতে লাগিল। সেই কালী আদমির স্বার্থরক্ষার জন্ত সিরাজদৌলা অগ্রসর হইলেন। তিনি চৌকিতে চৌকিতে ইংরাজদের নৌকা আটক করিয়া তাহা সত্য সত্য কোম্পানীর নৌকা কি অন্য কোন অর্থলোলুপ ইংরাজ বণিকের নৌকা, তাহার অনুসন্ধান আরম্ভ করিয়া দিলেন। সে অনুসন্धानে যখন প্রকাশ পাইল যে, কোম্পানীর দোহাই দিয়া ইংরাজ মাত্রই বিনাশুল্কে বাণিজ্য করিয়া আসিতেছেন, তখন যেগুলি সত্য সত্যই কোম্পানীর নৌকা, তাহার উপরেও সন্দেহ জন্মিতে লাগিল। অগত্যা কোম্পানীর লোকেরাও কথঞ্চিৎ উৎকোচ না দিয়া পরিব্রাজ্য পাইতে পারিলেন না। * এই সূত্রে কোম্পানীর কলিকাতা দরবারে অভিযোগ উপস্থিত হইতে লাগিল। ‘‘কালী

* Native cloth-merchants complain of the detention of their goods by the exorbitant exactions of the chowkeys, that what used formerly to come down in ten days was now twenty days on its way.”—Long’s Selections.

আদমির’’ স্বার্থরক্ষার চেষ্টা করিয়া সিরাজদৌলা শ্বেতকায় বিদেশীয় বাণিকের চক্ষুঃশূল হইয়া উঠিলেন ; ইহার জন্তও ইতিহাস-লেখকদিগের হাতে তাঁহাকে কত না লাঞ্ছনা ভোগ করিতে হইয়াছে ।

রাজকার্য্য পরিদর্শন উপলক্ষে ইংরাজদিগের বাণিজ্য-কৌশল এবং ছল প্রতারণা ধরিতে পারিলেই সিরাজদৌলা তাঁহাদের লাঞ্ছনার এক-শেষ করিতে আরম্ভ করিলেন । মেরিনামক একখানি জাহাজ এইরূপে বড়ই বিড়ম্বিত হয় । হলওয়েল সাহেব তাহাতে মগ্নপীড়িত হইয়া ইংরাজ-দরবারে অভিযোগ করেন,—মেরি যে কোম্পানীর জাহাজ না হইয়াও বিনাশুল্কে বাণিজ্য করিবার পরোয়ানা লইয়াছিল, এবং এইরূপে বিনাশুল্কে ইংরাজ মাত্রকেই বাণিজ্য করিয়া অর্থোপার্জনের অবসর না দিলে তাঁহাদের দুর্দশার সীমা থাকিবে না, ইহাই হলওয়েলের অভিযোগ । * সুতরাং ইংরাজমাত্রেই সিরাজদৌলার শত্রু হইয়া উঠিতে লাগিলেন ।

ক্রমে এই সকল কথা বিলাতের কর্তৃপক্ষীয়দিগের কর্ণগোচর হইল । তাঁহারা পূর্বরীতির অনুসরণে নবাবের তুষ্টিসম্পাদনের জন্ত আরও কিছু অর্থব্যয় করিয়া কলহ বিবাদ নিবারণ করিবার পরামর্শ দিতে লাগিলেন ।

কলিকাতার ইংরাজগণ অগত্যা আরও কিছু উপহার উপঢৌকন লইয়া সিরাজদৌলার নিকট হাজির হইলেন । কিন্তু তাহাতেও উভয়ের মনোমালিন্য দূর হইল না । কেবল প্রকাশ্য উৎপীড়ন কিছু-দিনের জন্ত রহিত হইল মাত্র । ইংরাজ দরবার তত্পলক্ষে সিরাজকে ঘোটক উপঢৌকন দিবার মন্তব্য অবধারণ করিলেন । †

* পরিশিষ্টে ইংরাজী অভিযোগপত্র দ্রষ্টব্য ।

† পরিশিষ্টে মন্তব্যলিপি দ্রষ্টব্য ।



সপ্তম পরিচ্ছেদ ।

ইন্দ্রিয়-বিকার ।

সিরাজদৌলার সমাধি-মন্দির লক্ষ্য করিয়া একজন সুলেখক লিখিয়া গিয়াছেন যে :—“আলিবর্দীর নিকটেই তাঁহার স্নেহপুত্র সিরাজদৌলা শায়িত । এই সিরাজদৌলা, গর্ভস্থ সন্তান কিরূপে বাস করে তাহা দেখিবার জন্ত গুর্কিণীর উদর বিদীর্ণ করিত, রাজপ্রাসাদে বসিয়া মুমূর্ষুর অঙ্গবিক্ষোভ দেখিয়া আনন্দলাভের জন্ত নৌকামধ্যে নরনারী আবদ্ধ করিয়া নিমজ্জিত করিবার আদেশ দিত ;—কক্ষমধ্যে উপপত্নীগণকে ইষ্টকদ্বারা জীবিতাবস্থায় সমাধি নিবদ্ধ করিত ;—মাতার পরপুরুষ সন্তোগের প্রতিশোধ লইবার জন্ত রমণীমাত্রেয়ই সতীত্বনাশ করিত ;—তরবারী ও বর্ষাধারিণী তাতার, জর্জিয়া ও হাবসীদেশের রমণীগণকে অন্তঃপুরের দ্বাররক্ষায় নিযুক্ত রাখিত ;—মুর্শিদাবাদের

প্রকাশ্য রাজপথে নরহত্যা করিত ;—বহু রমণী সন্তোষ করিয়া এবং নরহত্যার পুণ্যলাভ করিয়া মহম্মদের মতের প্রধান দুইটী উপদেশ পালন করিয়া মোসলমান চরিত্রের আদর্শরূপে প্রতিভাত হইত !* ইহাই যে এদেশের সাধারণ জনশ্রুতি হইয়া দাঁড়াইয়াছে, তাহাতে সন্দেহ নাই ! এতদিনের পর এই জনশ্রুতির প্রত্যেক কথার সত্য মিথ্যা আলোচনা করিবার চেষ্টা করা বিড়ম্বনা মাত্র ! তথাপি জনশ্রুতিকে সত্য বলিয়া গ্রহণ করিবার পূর্বে দুই একটি কথার আলোচনা করা আবশ্যিক ।

যে লেখক একজন গতজীব হতভাগ্য নরপতির সমাধি মন্দিরের জীর্ণ তোরণদ্বারে দাঁড়াইয়াও, তাহাকে এবং তাহার ধর্মপ্রবর্তক মহম্মদকে লক্ষ্য করিয়া, এত অধিক সরস পদ-লালিত্য বিকাশ করিতে ইতস্ততঃ করেন নাই, তিনি একজন বর্তমান যুগের ইংরাজি-শিক্ষিত নব্য-বাঙ্গালী ! সমসাময়িক ইংরাজ এবং বাঙ্গালী মিলিয়া তাহার সর্বনাশ করিয়াছিল, পরবর্ত্তী ইংরাজ এবং বাঙ্গালীর নিকটেও তিনি সুবিচার লাভ করিতে পারেন নাই । বাঙ্গালী সিরাজদৌলাকে কি জন্তু সিংহাসনচ্যুত করিয়াছিল, এ পর্য্যন্ত তাহার বিচার হয় নাই ; কিন্তু এ দেশে বাণিজ্য করিতে আসিয়া, রাজবিদ্রোহীদের সঙ্গে গুপ্তমন্ত্রণায় মিলিত হইয়া, ইংরাজগণ কি জন্তু সিরাজদৌলার সর্বনাশের সহায়তা করিয়াছিলেন, ইংলণ্ডের লোকে তাহার বিচার করিয়াছিল। সেই বিচারে আব্রুপক্ষসমর্থনের জন্তু অভিযুক্ত ইংরাজগণ + সিরাজদৌলার যে সকল

* Travels of a Hindu.

+ Holwell's India Tracts.

Evidence of Mr. Cook, in the first Report of the Committee of House of Commons 1772.

Scrafton's Reflections.

অপবাদ ঘটনা করিয়াছিলেন, তাহাই এখন ইতিহাসে বাস্তব ঘটনা বলিয়া সমাদরে স্থানলাভ করিয়াছে ।

মোগল সাম্রাজ্যের অধঃপতনসময়ে ভারতবর্ষের সকল প্রদেশেই অস্বাভাবিক পরিমাণে অরাজকতার সূত্রপাত হইয়াছিল । বাঙ্গলাদেশে আবার দীর্ঘস্থায়ী বর্গীর হাঙ্গামা উপস্থিত হইয়া সেই অরাজকতা শক্তিশালী হইয়া উঠিয়াছিল । আলিবর্দী সুযোগ পাইয়া বাদশাহকে কর প্রদান করিতে ভুলিয়া গিয়াছিলেন ; জমীদারগণও অবসর পাইয়া প্রকারান্তরে স্বাধীন হইয়া উঠিতেছিলেন ;—সিরাজদৌলা সেই অরাজকতার গতিরোধ করিয়া কঠোরহস্তে দুষ্টির দমন করিবার আয়োজন করিবেন এবং আবশ্যক হইলে পাষাণদলনে কিছুমাত্র ইতস্ততঃ করিবেন না ; অকুরেই তাহার পরিচয় পাওয়া গিয়াছিল । সকলে মিলিয়া সেই জন্ত সময় থাকিতে সিরাজদৌলার সর্বনাশের আয়োজন করিতেছিল । আত্মপক্ষসমর্থনের জন্ত যখন যাহা প্রয়োজন হইয়াছে, কি ইংরাজ কি বাঙ্গালী,—কেহই তাহাতে পশ্চাৎপদ হন নাই । স্মৃতিরাং তাঁহাদের বর্ণনা সত্য বলিয়া গ্রহণ করিয়া ইতিহাস সিরাজদৌলার জন্ত লঘুপাপে গুরুদণ্ডের ব্যবস্থা করিয়া আসিয়াছে ।

ইংরাজদিগের ইতিহাসে সিরাজদৌলার অনেক কুকীর্তির উল্লেখ আছে, আমরা যথাস্থানে তাহার আলোচনা করিব । বাঙ্গালীর নিকট সিরাজদৌলা কেবল ইন্দ্রিয়পরায়ণ অর্থপিপাসু উচ্ছৃঙ্খল যুবক বলিয়াই পরিচিত ;—এই পরিচয় কিয়দংশে অতিরঞ্জিত হইলেও, একেবারে মিথ্যা নহে । কিন্তু সত্য হইলেও যে যে কারণে সিরাজদৌলার ইন্দ্রিয়বিকার এবং অর্থপিপাসা উপস্থিত হইয়াছিল, তাহার মূল্যায়ন করা আবশ্যক ।

মাতামহের অসঙ্গত স্নেহ-পরায়ণতায় সিরাজদৌলার বাল্যজীবনে সুশিক্ষার বীজ পতিত হইতে পারে নাই । স্বার্থ-সাধনের জন্ত অনেকেই সুযোগ পাইয়া অপরিণামদর্শী তরুণ যুবককে প্রলোভনের পথে টানিয়া আনিয়াছিল ! সেকালের নবাবদিগের মধ্যে ইন্দ্রিয়বিলাস বিশেষ দোষাবহ ছিল না ; সুতরাং সিরাজদৌলার রাজ্যন্তঃপুরে অগণিত সেবাদাসী দেখিয়া তাঁহারা অপবাদ রটনা করিয়াছেন, তাঁহারা সেকালের সমাজনীতি লইয়া সিরাজদৌলার সমালোচনা করেন নাই ।

সেকালের রাজা বাদশাহেরা সমাজ-নিয়ম উল্লঙ্ঘন করিয়া যথেষ্টভাবে জীবনযাপন করিতেন । তাঁহাদের সহিত অন্তর্লোকেই সামাজিক ব্যাপারে মিলিত হইবার অধিকার পাইত । অনেক সময়ে হয় ত লোকে তাঁহা-দিগকে চক্ষুচক্ষে দর্শন করিবারও অবসর পাইত না । গোপনে রাজ্যন্তঃপুরে বা প্রমোদভবনে তাঁহারা যে সকল ধর্মবিগহিত কার্য্যে লিপ্ত হইতেন, বাহিরের লোকে তাহার বিন্দু বিসর্গও জানিতে পারিত না । সুতরাং কল্পনা-লোলুপ জনসাধারণ অনেক সময়েই তিলে তাল করিয়া তুলিত ।

সিরাজের নিকটে কেহ আলিবর্দীর জায় ধর্মজীবন ও পুণ্য-কার্য্যের প্রত্যাশা করিত না । ইন্দ্রিয়বিকার মুসলমান ভূপতিদিগের সাধারণ কলঙ্ক,—তাই এক জন সে কলঙ্কের হাত হইতে মুক্তিলাভ করিয়া লোকসমাজে পূজনীয় হইয়াছেন বলিয়া, লোকে সকলের চরিত্রেই সেরূপ জিতেন্দ্রিয়তা দেখিবার আশা করিত না । সুতরাং অত্যাচার সদৃশ থাকিলে, লোকে নবাব এবং বাদশাহদিগের ইন্দ্রিয়বিকার লইয়া বিশেষ আন্দোলন করিত না ! বরং কেহ কেহ স্বার্থসাধনের জন্ত পাপ-পথের সহায়তা করিয়া ধনোপার্জন করিতেও কুণ্ঠিত হইত না, এবং তাহার জন্ত লোকসমাজে কেহই নিন্দাভাজন হইত না !

সেকালের ইংরাজদিগের চরিত্রেও ইন্দ্রিয়বিকার কিয়ৎপরিমাণে পরিষ্কৃত হইয়া উঠিয়াছিল । পলাসির যুদ্ধাবসানে সিরাজদৌলার শিবিরের অনেক বারবানিতাই পলায়ন করিবার অবসর পায় নাই । মীরজাফর তাহাদিগকে সমাদরে সম্মিলিত করিয়া লর্ড ক্লাইবের শিবিরে পাঠাইয়া দিয়াছিলেন । * ইচ্ছা না থাকিলেও পদস্থ ব্যক্তিদিগকে দশ জনে মিলিয়া পাপের পথে টানিয়া আনে । সিরাজদৌলাকেও সেই দশ জনে মিলিয়াই ইন্দ্রিয়বিকারের পাপপঙ্কে টানিয়া আনিতেছিল ।

রূপ ছিল, যৌবন ছিল, নবাবের প্রিয়পুত্র বলিয়া সকলের নিকটেই সমাদর ছিল ; তাহার পর লোকে যখন শুনিতে পাইল যে, সিরাজদৌলাই বাঙ্গালা, বিহার, উড়িষ্যার ভবিষ্যত নবাব, তখন দশজনে মিলিয়া বিবিধ উপায়ে তাঁহার উপর আধিপত্যবিস্তারের চেষ্টা করিতে লাগিল । সিরাজ যেরূপ উচ্ছৃঙ্খল-স্বভাব, স্বাধীনচেতা তেজস্বী যুবক, তাহাতে অত্র কোন উপায়ে তাঁহার উপর আধিপত্যবিস্তারের সম্ভাবনা ছিল না ;—সুতরাং লোকে যৌবনসুলভ চাঞ্চল্যের সহায়তায় তাঁহার সঙ্গে ঘনিষ্ঠতা স্থাপন করিতে আরম্ভ করিল ।

সিরাজ যৌবনোদ্যমের পূর্বেই সঙ্গদোষে একটু একটু করিয়া সুরাপান করিতে শিখিয়াছিলেন । যখন যৌবন-জল-তরঙ্গে দেহমন তরঙ্গায়িত হইয়া উঠিল, তখন সঙ্গগুণে আনুষঙ্গিক পাপ-লিপ্সাও চরিতার্থ করিতে শিক্ষা করিলেন ! ইহাতে সিরাজদৌলার যত দোষ, তাঁহার প্রলোভনদাতা, উৎসাহদাতা সহকারীদিগের ততোধিক অপরাধ ।

* “Many of Suraj-a-Dowla’s women taken in the camp had been offered to Clive by Meerjaffier immediately after the battle of Plassey.”—Travels of a Hindu.

এই দোষে যাহারা সমধিক লিপ্ত হইয়াছিলেন, তাহারা কে, কোন শ্রেণীর লোক, কি উদ্দেশ্যে সিরাজদৌলার সঙ্গে অনবরত ছারার ছার পরিভ্রমণ করিতেন, ইতিহাস তাহার কোন সংবাদই লিখিয়া রাখে নাই। যাহারা প্রধান অপরাধী, তাহারা “বেকসুর খালাস” পাইয়াছেন, আর তাহাদের মোহজালে জড়িত হইয়া মোহাক্ক বালক একাকী সকলের কলঙ্ক বহন করিয়া লোকসমাজে শত গঞ্জন। সহ্য করিতেছে !

যাহারা সিরাজদৌলাকে পাপমূর্তিতে লোকসমাজে পরিচিত করিয়া স্বার্থসাধনের পথ সহজ করিয়া তুলিয়াছিল, তাহারা প্রাণপণে কলঙ্করটনা না করিলে লোকে অল্পদিনের মধ্যেই এ সকল কথা ভুলিয়া যাইত। সম্রাট আকবরের স্মৃতি-মন্দিরের নিকটে ভারতবর্ষের সকল শ্রেণীর হিন্দু মুসলমান এখনও শ্রদ্ধা ভক্তি অর্পণ করিতেছে ;— সেই প্রবীণ নরপতির লোহিত প্রসূরখচিত সুগঠিত দুর্গ-প্রাচীরের অভ্যন্তরে মন্মথরচিত হনু্য-তলে কত জাতির, কত ধর্মের, কত কুলকামিনী তাহার বিলাস-বাসনা চরিতার্থ করিতেন, ইতিহাসে তাহা অপরিচিত নাই। তেজস্বিনী অভিমানিনী রাজপুত্রমণী যোধা বাইয়ের নাম বাঙ্গালীর নিকট অপরি-জ্ঞাত নহে। কিন্তু তিনিও আকবরের পাটরাণী হইয়া সিংহাসনের অর্দ্ধাংশভাগিনী হইয়াছিলেন ! আগ্রার রাজদুর্গের মধ্যে এখনও “নওরোজার বাজারের” কঙ্কণলি ধূলি-পরিণত হয় নাই ; সেখানে বর্ষে বর্ষে যত কুকীর্তির অভিনয় হইত, তাহাও লোকসমাজে লুক্কায়িত ছিল ন।। জাহাঙ্গীর বাদসাহ কৌশলক্রমে সের আকগানকে হত্যা করাইয়া, তাহার আলোকসামান্য। পরমরূপবতী সহধর্মিণী মুরজাহানকে সিংহাসনে বসাইয়া, তাহারই নামে মুদ্রা প্রচলিত করিয়া রাজ্যপালন করিতেন ; লোকে পরমসমাদরে পরদার-নিরত সম্রাটের সম্মুখে জাহ্নু পাতিয়া উপ-

বেশন করিত । দেখিয়া শুনিয়া সহিয়া গিয়াছিল ; সুতরাং বাদশাহ বা নবাবদিগের গুপ্ত চরিত্র লইয়া কেহ কোনরূপ আন্দোলন করিত না !

আমরা সিরাজদ্দৌলার ইন্দ্রিয়বিকারে গুণানুবাদ করিতেছি না, তাঁহার পাপ-লিপ্সায়ও সমর্থন করিতেছি না ;—আমরা কেবল সমসাময়িক ইতিহাস লইয়া তাহার আলোচনা করিতেছি । সেই ইতিহাসে যে সকল আনুমানিক প্রমাণ এখনো বর্তমান আছে, তাহার দুই একটি আলোচনা করিলেই প্রকৃত অবস্থা প্রকাশ হইয়া পড়িবে ।

মহারাজ মোহনলালের নাম অনেকের নিকটেই সুপরিচিত । বাঙ্গালী কবি* তাঁহার বীরত্ব বর্ণনা করিতে গিয়া যে সকল কবিতা রচনা করিয়াছেন, তাহাও অনেকের নিকট সমাদর লাভ করিয়াছে । কিন্তু মোহনলাল হিন্দু হইয়াও কি উদ্দেশ্যে সিরাজদ্দৌলার সিংহাসন ও জীবন রক্ষার জন্য প্রাণবিসর্জন করিয়াছিলেন, কবি তাহার মূলতত্ত্ব আলোচনা করেন নাই ।

মোহনলাল একজন সামান্য অবস্থার লোক । নবাব-সরকারে তাঁহার কোনই পদ-গৌরব ছিল না । সিরাজদ্দৌলা যখন যৌবনোন্মাদে মত্ত, সেই সময়ে যে সকল লোক দলে দলে তাঁহার পার্শ্বচর হইয়াছিলেন, মোহনলাল তাহাদিগেরই একজন । মোহনলালের একটি সর্বাঙ্গসুন্দরী ভাগিনী ছিলেন । রূপে তিনি বঙ্গসুন্দরীদিগের মধ্যে সমধিক রূপবতী বলিয়া পরিচিত । যৌবনোদগমে সেই অতুল রূপরাশি ক্রমেই বিকশিত হইয়া উঠিতে লাগিল । এই রূপসী ক্ষীণাঙ্গীদিগের মধ্যেও ক্ষীণাঙ্গী বলিয়া পরিচিত ছিলেন । ইহার দেহভার ৩২ সেরের অধিক ছিল

* নবীনচন্দ্র সেন ।

না ;*—এই অপরূপ রূপলাবণ্যের কথা সিরাজদৌলার নিকট অধিক দিন লুকায়িত রহিল না। তখন সেই রূপরাশি সিরাজদৌলার অন্তঃপুরে আসিয়া উপনীত হইল !†

মহারাজ মানসিংহ মুসলমানকে ভগিনীদান করিয়া মোগলের বিজয়-পতাকা দেশ বিদেশে বহন করিয়াছিলেন। তাঁহার অগণিত সন্তানবৃন্দ, কেহ অখারোহী, কেহ পদাতিকদলের সেনানায়ক হইয়া উচ্চ-রাজপদ উপভোগ করিয়াছিলেন ;—একদিনের জন্তও বলদর্পিত মানসিংহের ক্ষত্রিয়-শোণিত অপমানচিত্তায় উত্তপ্ত হইয়া উঠে নাই ! একবার এই ভগিনীদান লক্ষ্য করিয়া রাণা প্রতাপ ব্যঙ্গ করিয়াছিলেন, তাহাতে লজ্জা বা ঘৃণা বোধ হওয়া দূরে থাকুক, সেই অপরাধের সমুচিত দণ্ড-বিধানের জন্ত সম্রাটকে উত্তেজিত করিয়া, রাজপুত-গৌরবরবি মহারাণা প্রতাপ সিংহকে শত যুদ্ধে পরাজিত, মর্ম্বপীড়িত, গৃহতাড়িত, বন-নির্বাসিত করিয়াও মানসিংহের মনঃক্ষোভ দূর হয় নাই। ইহার একমাত্র কারণ এই যে, মানসিংহ জানিয়া শুনিয়াই মোগলকে ভগিনীদান করিয়াছিলেন।

* “The translator of the Sayer tells us that the Indian idea of a beautiful woman is that her skin be of a golden colour, and so transparent, that when she eats *pan*, the red fluid can be seen passing down her throat, and that she weigh only twenty-two sirs (44 lbs.) Stewart’s 64 is, perhaps, a mistake for 44.”—H. Beveridge. C. S.

† শ্রীযুক্ত কালীপ্রসন্ন বন্দ্যোপাধ্যায় মহাশয় এই ভগিনীদান কাহিনী বিশ্বাস করেন না। মৃতকরীণের অনুবাদক হাজি মুস্তাফা নামধারী করাসী পণ্ডিত টীকাচ্ছলে এই কাহিনী লিপিবদ্ধ করিয়া গিয়াছেন, তাহা বন্দ্যোপাধ্যায় মহাশয়ের মতে “অসম্ভব”, কারণ মোসলমান রচিত ইতিহাসে ইহার উল্লেখ নাই।

মোহনলালের ইতিহাসও সেইরূপ । তিনি সামান্য পদবী হইতে সিরাজদৌলার প্রধান মন্ত্রিপদে আরোহণ করিয়াছিলেন, নগণ্য মৈনিক হইয়াও উত্তরকালে “মহারাজ” উপাধি লাভ করিয়াছিলেন, তাহার পুত্র পুণিয়ার নবাব হইয়াছিলেন ; এবং যখন দেশের সমুদয় রাজা জমিদার মিলিয়া সিরাজদৌলাকে সিংহাসনচ্যুত করিতে অগ্রসর, তখন মোহনলাল একাকী অসাধারণ বীরপ্রতাপে সিরাজের সিংহাসন রক্ষার জন্ত জীবন বিসর্জন করিয়াছিলেন । মোহনলালের জায় বীরপুরুষ কি স্বেচ্ছায় ভগিনীদান না করিলে এতাদিক উৎসাহের সঙ্গে আমরণ সিরাজদৌলার কল্যাণসাধন করিতে সম্মত হইতেন ?*

মোহনলালের জায় আরও কতলোকে এইরূপে সিরাজদৌলার উপর আধিপত্যবিস্তারের চেষ্টা করিয়াছিলেন, ইতিহাসে তাহার পরিচয় পাইবার উপায় নাই । তবে রাজ্যপরিদর্শন উপলক্ষে সিরাজদৌলা নানা

“নবাবী আমলে হিন্দু কর্মচারী” নামক “সাহিত্যে” প্রকাশিত একটি ঐতিহাসিক প্রবন্ধে (জ্যৈষ্ঠ ১৩০৫) বন্ধুবর শ্রীযুক্ত কালীপ্রসন্ন বন্দ্যোপাধ্যায় লিখিয়াছেন, যে, “ইংরাজ মহাদ্ভারী বীর-প্রবর মোহনলালের যে অপবাদ রটাইবার চেষ্টা করিয়াছেন—তাহার সমালোচনা এখানে নিম্প্রয়োজন ।” আমরা ইহাকে “অপবাদ” বলিয়া গ্রহণ করিতে প্রস্তুত নহি । মহারাজ মানসিংহ এবং মোহনলাল উভয়েই সমাদরের পাত্র ;—মোগলকে ভগিনীদান করিয়াছিলেন বলিয়া বীরত্ব-গৌরব অবসন্ন হইতে পারে না । বন্দ্যোপাধ্যায় মহাশয় স্বকৃত বাঙ্গালার ইতিহাসে (১৩০৮) বলিয়াছেন—“মোহনলালের এই অত্যধিক উন্নতিই সিরাজের অধঃপতনের বীজ বপন করিয়া রাখিল ।” কিন্তু সে উন্নতির মূল কি তাহা প্রদর্শিত না হওয়ার, মুস্তাফা বর্ণিত ভগিনীদান কাহিনী কেবল মুণের কথায় উড়াইয়া দিতে সাহস হয় না ।

স্থানে উপস্থিত হইবামাত্র, স্থানীয় সম্রাট জমিদার এবং ফৌজদারগণ যে তাঁহার মনস্তৃষ্টি ও শুভদৃষ্টিলাভের প্রত্যাশায় গায় পড়িয়া অনেক সুন্দরী ললনার সর্বনাশ সাধন করিতেন, তাহা একেবারে অস্বীকার করিবার উপায় নাই ।

ছলে, বলে, কৌশলে এবং অর্থ-বিনিময়ে অনেক কুলকামিনী সিরাজের অঙ্কশায়িনী হইয়াছিলেন ; কিন্তু সিরাজদৌলা তাঁহাদিগকে নিশাবসানে বিগত-সৌরভ কুসুমস্তবকের গ্রায় আবর্জনারাশির সঙ্গে রাজপথে ফেলিয়া দিতেন না । সকলেই যথাযোগ্য সম্মানের সঙ্গে তাঁহার রাজ্যান্তঃপুরে স্থানলাভ করিয়াছিলেন, এবং এইজন্তই তাঁহার অন্তঃপুরে সতর্ক প্রহরী সশস্ত্রশরীরে নিশিদিন দ্বাররক্ষায় নিযুক্ত থাকিত । সিরাজদৌলার অধঃপতনের পর তাঁহার অন্তঃপুরে যে বহুশত রমণী প্রহরীবেষ্টিত হইয়া বাস করিতেছিলেন, তাঁহাদিগের সংখ্যা গণনা করিয়া ইংরাজ ইতিহাস-লেখকেরা শিহরিয়া উঠিয়াছিলেন । কিন্তু তাঁহারা কাহার রমণী, কি স্থলে রাজ্যান্তঃপুরে স্থানলাভ করিয়াছিলেন, কেহ তাহার তত্ত্বানুসন্ধান করেন নাই । কালক্রমে সেই সকল রমণীগণ যখন ইংরাজের কৃপায় বৃত্তি লাভ করেন, তখন প্রকৃত অবস্থা কথঞ্চিৎ প্রকাশ হইয়াছিল, এবং তাঁহাদের মধ্যে অধিকাংশই যে সরফরাজ খাঁর বেগমমণ্ডলী, তাহা ইংরাজ-রাজের কাগজপত্রে উল্লিখিত হইয়াছিল । কিন্তু ইতিহাস-লেখকেরা আর ভ্রমসংশোধন করা প্রয়োজনোধ করেন নাই ।

সিরাজদৌলার সমসাময়িক ইংরাজ এবং মুসলমান ইতিহাসলেখকগণ তাঁহার জীবনকালে যে সকল ইতিহাস লিপিবদ্ধ করিয়াছেন, তাহার মধ্যে তাঁহার অনেক কুকীর্তির উল্লেখ আছে ; কিন্তু গুর্কিনীর গর্ভবিদা-

রণ, নৌকা সহিত ভগীরথীগর্ভে নরনারী-নিমজ্জন প্রভৃতি অদ্ভুত
অত্যাচারের কোনই উল্লেখ নাই ! বলা বাহুল্য যে, ইহার অধিকাংশই
“রচা কথা” ! *

* আধুনিক বাঙ্গালী লেখকবর্গের মধ্যে নবাবী আমলের বাঙ্গালার ইতিহাস
লেখক বন্দ্যোপাধ্যায় মহাশয় সিরাজের চরিত্রহীনতার নিদর্শন যেখানে যাহা পাইয়া-
ছেন সমস্তে সঙ্কলিত করিয়া দিয়াছেন । অবশেষে তিনিও লিখিয়াছেন :—ইহাতে
গুর্জরীণ গর্ভবিদারণ, জলে জনপূর্ণ পোত নিমজ্জন, সংকুলজাতা পতিব্রতা কুলবনিতা-
দিগের সতীত্বাপহরণ আদি যাবতীয় উৎকট নিষ্ঠুর ব্যাপার তাঁহার নিত্যকর্মের মধ্যে
পরিগণিত ছিল—ইত্যাদি নির্দেশ করিবার কোন কারণ নাই ।”





অষ্টম পরিচ্ছেদ ।

জমীদারদিগের আতঙ্ক ।

বর্গীর হাজামার গতিরোধ করিতে গিয়া আলিবর্দীর রাজকোষ শূন্য হইয়া পড়িয়াছিল । নিতান্ত প্রয়োজনীয় ব্যয় নির্বাহের জন্তও সময়ে সময়ে ঋণগ্রহণ করিতে হইত । আজ এখানে, কাল সেখানে, কখন হস্তিপৃষ্ঠে, কখন অশ্বারোহণে, কখন উড়িয়াপ্রান্তে, কখন বা বিহারের বন্ধুর ভূমিতে, অসিহস্তে শত্রুসেনার পশ্চাদ্ধাবন করিয়া, আলিবর্দী জরাপলিত-কলেবরে ব্যাধিজড়িত হইয়া পড়িলেন । কিন্তু এত করিয়াও মহারাষ্ট্র-লুণ্ঠন নিবারণ করিতে পারিলেন না ! নিয়ত শিবিরে শিবিরে পরিভ্রমণ করিলে রাজকার্য্যে মনোনিবেশ করিবার সময় হয় না ; আবার রাজধানীতে বসিয়া নিপুণভাবে রাজকার্য্যে মনোনিবেশ করিবার চেষ্টা করিলে বর্গীর হাজামার গ্রাম নগর উৎসন্ন হইয়া যায় ; অগত্যা আলিবর্দী প্রজারক্ষার জন্ত দেশে দেশে শত্রুসেনার পশ্চাতে পশ্চাতে

ছুটাছুটি করিয়া পরিশ্রান্ত হইয়া পড়িলেন । কিন্তু বাহাদিগের ধন মান রক্ষার জন্য জীবনপাত করিলেন, এক বৎসরের জন্তেও তাহাদের দুঃখের হাহাকার নিবারণ করিতে পারিলেন না ? এ দিকে মহারাষ্ট্র সেনাপতিও আলিবর্দীর ত্রায় প্রবল প্রতিদ্বন্দ্বীর সহিত নিয়ত যুদ্ধকলহে লিপ্ত হইয়া একদিনের জন্তেও বিশ্রাম-সুখ লাভ করিবার অবসর পান নাই । সূত্রাং ১৭৫১ খৃষ্টাব্দে সন্ধির প্রস্তাব উপস্থিত হইলে, উভয় পক্ষই সানন্দে সাগ্রহে সন্ধিসংস্থাপন করিতে স্বীকৃত হইলেন ।

বহু বৎসরের পর যুদ্ধকোলাহল শান্ত হইল । মহারাষ্ট্রীয়দিগের সহিত সন্ধি সংস্থাপিত হইয়া, সুবর্ণরেখা নদী উড়িয়া ও বাঙ্গালাদেশের সীমান্ত-রেখা বলিয়া নির্দিষ্ট হইল । মহারাষ্ট্রসেনা আর সুবর্ণরেখা পার হইবার চেষ্টা না করিলে, নবাব তাহাদিগকে বৎসর বৎসর ১২ লক্ষ টাকা “চৌথ” প্রদান করিবেন, এইরূপ সন্ধিপত্র স্বাক্ষরিত হইয়া গেল ।*

সন্ধি হইল বটে, কিন্তু চৌথ প্রদানের উপায় হইল না । অগত্যা আলিবর্দী জমিদারদিগের সহিত মন্ত্রণা করিয়া, “চৌথ মারহাট্টা”† নামে এক নূতন বাজে জমা বার করিলেন ; এবং নবাব-সরকারের ব্যয়-সংক্ষেপ করিবার জন্ত, অধিকাংশ সৈন্যদলকে পদচ্যুত করিলেন । দেশে শান্তি সংস্থাপিত হইল ।

আলিবর্দীর পূর্ববর্তী নবাবদিগের আমলে বাঙ্গালী জমিদারদিগের বিশেষ আধিপত্য ছিল না । যথাসময়ে রাজকর পরিশোধ করিতে না পারিলে, সকলকেই সবিশেষ লাঞ্ছনা ভোগ করিতে হইত । কেহ

* Stewart's History of Bengal.

† Fifth Report. vol. I.

কারাগারে নিষ্কিণ হইতেন, কাহারও জমীদারী অথোর হস্তে সমর্পিত হইত, কাহারও বা “বৈকুণ্ঠবাসের” ব্যবস্থা হইত । *

জমীদারদিগের সহায়তায় এবং জগৎশেঠের অনুকম্পায় আলিবর্দী সিংহাসনে আরোহণ করেন । সুতরাং তাঁহার শাসনসময়ে জমীদার-দলই প্রকৃতপ্রস্তাবে সিংহাসনের মালিক হইয়া উঠিয়াছিলেন । আলি-বর্দী তাঁহাদের সহিত বাহুতে বাহুতে মিলিত হইয়া শত্রুদলন করিতেন, এবং জমীদারদলের মতামত না লইয়া কোন কার্যে হস্তক্ষেপ করিতেন না । সিরাজদৌলার নিকট ইহা প্রীতিকর বলিয়া বোধ হইত না । তিনি সিংহাসনে আরোহণ করিলে দুষ্টদল দমন করিবার জন্য যে স্বভা-বতঃই আয়োজন করিবেন, তাহা সকলেই একরূপ আকারে ইঙ্গিতে বুঝিতে পারিলেন । সুতরাং আলিবর্দীর রুগ্নদশায় সিরাজদৌলাকে সাক্ষাৎসম্মুখে রাজকাৰ্য্যে লিপ্ত হইতে দেখিয়া, জমীদারদল আতঙ্কিত হইলেন ।

এই সকল জমীদারদিগের মধ্যে সখ্যাসংস্থাপন হইতে লাগিল । সকলেই ভবিষ্যতের জন্য উদ্বিগ্ন হইয়া উঠিলেন । সেকালে রাজসাহীর জমীদারীই এদেশে, এমন কি সমুদয় ভারতবর্ষে, সর্বাপেক্ষা সুবৃহৎ জমীদারী বলিয়া পরিচিত ছিল । তাহার চতুঃসীমা ভ্রমণ করিয়া আসিতে

* মুর্শিদ কুলীখাঁর শাসনসময়ে মুর্শিদাবাদে একটি গর্ভের মধ্যে বাবদীর পুতিগন্ধ-ময় পদার্থ সঞ্চিত রাখিয়া রাজস্বদানে অশক্ত জমীদারদিগকে তাহার মধ্যে টানিয়া আনিয়া নির্ঘাতন করিবার কথা শুনিতে পাওয়া যায় । ইহাকে সেকালের মুসল-মানেরা ব্যঙ্গচ্ছন্দে “বৈকুণ্ঠ” বলিয়া ব্যাখ্যা করিতেন । মুসলমান ইতিহাসে এ কথা-র উল্লেখ নাই, কিন্তু সমসাময়িক ইংরাজেরা ইহা লিখিয়া গিয়াছেন । প্রযুক্ত কালীপ্রসন্ন কন্যোপাধ্যায় মহাশয় ইহার স্মৃতির প্রতিবাদ করিয়াছেন ।

৩৫ দিন সম্বর লাগিত। * এই বিস্তীর্ণ জনপদের শাসনভার গ্রহণ করিয়া, প্রাতঃস্মরণীয়া রাণী ভবানী, পুণ্যকীর্তিতে ভারতবর্ষে আপন নাম চিরস্মরণীয় করিতেছিলেন। তাঁহার রাজ্যসীমার নিকটেই সনাম-খাত মহারাজ কৃষ্ণচন্দ্রের রাজধানী। তাঁহার রাজ্য সমুদ্রকূল পর্যন্ত বিস্তৃত।† বিদ্যাবুদ্ধি ও যশোগৌরবে কৃষ্ণচন্দ্র ও বাঙ্গালীর নিকট চিরস্মরণীয় হইয়া উঠিতেছিলেন। এই সকল প্রবল প্রতাপশালী হিন্দু জমীদারগণ বিদ্যাবুদ্ধি, শাসনকৌশল ও বাহুবলে যেকোন পরাক্রান্ত হইয়া উঠিতেছিলেন, তাহাতে সহসা তাঁহাদিগকে উপেক্ষা করিবার চেষ্টা না করিলে, হয় ত সিরাজদৌলার শোচনীয় ইতিহাস অশ্রুভাবে লিখিত হইত।

সেকালে এই সকল জমীদারদিগের স্বার্থ-রক্ষার জন্য কোন সভা সমিতি ছিল না। তাঁহারা রাজকার্য উপলক্ষে রাজধানী মুর্শিদাবাদে ভাগমন করিলে, অবসরসময়ে, শেঠভবনে সম্মিলিত হইতেন। সেখানে বসিয়াই দেশের সুখ দুঃখের কথার আলোচনা হইত। কালক্রমে শেঠভবন বাঙ্গালী জমীদারদিগের মন্ত্রভবন হইয়া উঠিয়াছিল। সে শেঠভবন এখন ভাগীরথীগর্ভে বিলীন হইয়াছে; ‡ যাহা কিছু ধ্বংসাব-

* Holwell.

† দ্বিতীয়বংশাবলীচরিত।

‡ “In Mohimapore, north of Jaffraganj, and on the left-hand side of the road to Azimgunj, there may be seen the ruined house of Jagat Seth, “the Banker of the World.” The Morshidabad Min was here, and its foundations still exist. The only relic of former magnificence is an impluvium or cistern, with a stone border.
——H. Beveridge. c. s.

শেষ বর্তমান আছে, তাহাও বন জঙ্গলে, লতাগুলে ঢাকিয়া পড়িয়াছে ! চারি দিক হইতে কি যেন এক বিষাদের উষ্ণাশ্বাস বহিতেছে যে, সেখানে পদার্পণ করিলে আর অশ্রুসংবরণ করা যায় না ! সে ঐশ্বর্য্য কোন্ মস্তবলে বেলাশায়িত ধূলিপটলের ছায় উড়িয়া গিয়াছে ! মহিমা-পুরের সে উজ্জল মহিমা কোন্ অভিসম্পাতে যেন মসীমলিন বিকটমূর্তি ধারণ করিয়াছে ! সে রত্নদীপালোকিত রাজভবনে আর সায়াছে প্রদীপ-শিখাও ভাল করিয়া আলোক বিস্তার করে না ! চারি দিকে ভগ্নস্তূপ, তাহারই মধ্যে কয়েকটি জীর্ণকক্ষে ইতিহাস-বিখ্যাত জগৎশেঠের বর্তমান বংশধর ইংরাজদত্ত মাসিক বৃত্তির উপর নির্ভর করিয়া কোনরূপে জীবন-ধারণ করিতেন ; এখন তাহাও রহিত হইয়া গিয়াছে !*

জগৎশেঠ এবং প্রধান প্রধান জমীদারগণের যেরূপ ক্ষমতাবৃদ্ধি হইয়াছিল, তাহাতে সিরাজদৌলা মনে মনে বিরক্ত হইয়া উঠিয়াছিলেন ;— তাহাতে জমীদারদলও তাঁহার উপর অসন্তুষ্ট হইয়াছিলেন । এই অসন্তোষ কালে বিলীন হইতে পারিত । জমীদারদলকে সাদর সম্ভাষণে আপ্যায়িত করিলে কালে তাঁহাদিগের সাহায্য ও সহানুভূতি লাভ করাও অসম্ভব হইত না । + কিন্তু স্বভাব-দোষে সিরাজদৌলা সেই সুযোগ

* ১৮৯৫ খ্রীষ্টাব্দে মুর্শিদাবাদ প্রাদেশিক সমিতির সম্মিলনসময়ে, অনরেবল্, শ্রীযুক্ত সুরেন্দ্রনাথ বন্দ্যোপাধ্যায় প্রভৃতি অনেক গণ্যমান্য বাঙ্গালী মহিমাপুরের ভগ্নাবশেষ দেখিতে গিয়াছিলেন ; তখন অল্প অল্প বৃষ্টি হইতেছিল ; জগৎশেঠের বর্তমান বংশধর তাঁহাদিগকে অন্ত্যর্থনা করিয়া বসিতে বলেন, এমন একটু স্থানও খুঁজিয়া পাইলেন না !

+ প্রভুপুত্র সরকারজকে নিহত করিয়া সিংহাসনে আরোহণ করার লোকে আলিবন্দীর নামে যেরূপ শিহরিয়া উঠিয়াছিল, কালে তাহা সম্পূর্ণরূপে বিলীন হইয়া গিয়াছিল ।

হারাইলেন ! দুইটি কারণে আলিবর্দীর জীবনকালেই জমীদারদল সিরাজের শত্রুপক্ষের সহিত মিলিত হইলেন ।

রাণী ভবানী বিধবা হিন্দুরমণী,—গঙ্গাবাস উপলক্ষে মুর্শিদাবাদের নিকটবর্তী বড়নগরের রাজবাটীতে অবস্থান করিতেন । বড়নগরের রাজবাটীর এখন জীর্ণাবস্থা । কিন্তু রাণী ভবানীর সম্বন্ধ-নির্মিত দেব-মন্দিরগুলি এখনও পরিব্রাজকদিগের নিকট সমধিক গৌরবের বস্তু বলিয়া পরিচিত । * রাণী ভবানীর পুণ্যনাম বাঙ্গালী হিন্দুমান্ত্রের নিকটই প্রাতঃস্মরণীয় হইয়াছে । শিক্ষাবিস্তারের জন্ত, স্বদেশপ্রেমের জন্ত, শাসনকৌশলের জন্ত, পুণ্যকীর্তির জন্ত, দরিদ্রপালনের জন্ত, রাণী ভবানী স্বদেশীয়দিগের নিকট পূজনীয়া দেবী বলিয়া পরিচিতা হইয়াছেন । † তারা নাম্নী তাঁহার একমাত্র বিধবা কন্যাও তাঁহার সহিত বড়নগরের রাজবাটীতে থাকিয়া গঙ্গাবাস করিতেন । তারা বালবিধবা । অপরূপ রূপলাবণ্যে সর্বাসমুন্দরী বলিয়া সর্বজন-প্রশংসিতা । তিনি মাতার সাধু দৃষ্টান্ত অনুসরণ করিয়া, পরসেবাব্রতে জীবন উৎসর্গ করিয়া বাঙ্গালীর নিকট গুরুত্বরধারিণী ব্রহ্মচারিণী বলিয়া পূজনীয়া হইয়া ছিলেন । বৈধব্যের কঠোর ব্রহ্মচর্য্যায় এই অনুপম রূপরাশি মলিন না হইয়া আরও যেন উজ্জ্বল হইয়া উঠিয়াছিল । সিরাজদৌলার নিকট

* Baranagar is famous as the place where Rani Bhawani spent the last years of her life, and where she died. She built some remarkable temples here. In size or shape, they are ordinary enough, but two of them are “richly ornamented with terra cotta tiles, each containing a figure of Hindu Gods very excellently modelled and in perfect preservation.”—H. Beveridge. c. s.

† “Rani Bhawani is a heroine among the Bengalees.”—*I bid.*

তারার অমুপম রূপলাবণ্যের কথা অধিক দিন লুক্কায়িত রহিল না । একদিন প্রাসাদশিখরে পাদচারণ করিতে করিতে আজানুলম্বিত কেশপাশ উন্মুক্ত করিয়া রাজকুমারী তারা স্বচ্ছন্দভাবে বায়ুসেবন করিতেছিলেন । সেই সময়ে ক্রোড়বাহিনী ভাগীরথী-জলে সিরাজদৌলার বিলাসতরণী মন্থরগতিতে ভাসিয়া যাইতেছিল । কক্ষণে সেই অতুলনীয় রূপের ফলিতজ্যোতি চকিতের ত্রাশ সিরাজের পাপচক্ষে পতিত হইল ! সিরাজ নবীন যুবক, চিত্ত দুর্দমনীয়বেগে নিয়ত অসংযত, পারিষদবর্গের অপরাজিত উত্তেজনার সর্বদা মদ-দর্পিত ; সুতরাং সিরাজ সেই রূপরাশি হস্তগত করিবার জন্য উন্মত্ত হৃদয়ে উপায় উদ্ভাবনে নিযুক্ত হইলেন । মুসলমান ইতিহাস-লেখক এই কুকীর্তির কোন উল্লেখ করেন নাই, কিন্তু হিন্দু দিগের মধ্যে বংশানুক্রমে এই জনাপবাদ প্রচলিত হইয়া আসিতেছে ।* যদি রাজ্যাবিনিময়েও সিরাজের মতিভ্রম দূর করা সম্ভব হইত, রাণী ভবানী হয় ত তাহাতেও ইতস্ততঃ করিতেন না । কিন্তু সিরাজের নামে সকলেই শিহরিয়া উঠিলেন । অবশেষে বিচক্ষণ পরামর্শদাতৃগণ একদিন মহাসমারোহে গঙ্গাতীরে এক চিতাকুণ্ড প্রজ্জ্বলিত করিলেন, ধূমপুঞ্জে ভাগীরথীতীর আচ্ছন্ন হইয়া পড়িল, সঙ্গে সঙ্গে চারি দিকে রাষ্ট্র হইল যে, রাজকুমারী তারা সহসা পরলোক গমন করিয়াছেন ! ইহাতে তারা ঠাকুরাণীর ধর্মরক্ষা হইল বটে, কিন্তু সিরাজের পাপলিপ্সা ভস্ম

* রাণী ভবানীর বংশধর বড়নগর রাজবাটীর স্বর্গীয় রাজা উমেশচন্দ্রের নিকট এই কাহিনী সংগ্রহ করিয়া একজন সুলেখক নব্যভারত পত্রিকায় তাহার বিস্তৃত বিবরণ প্রকাশ করিয়া গিয়াছেন । কিন্তু রাজসাহী প্রদেশে এই জনশ্রুতি বহুবিধ আকার ধারণ করিয়াছে ।

হইল কি না, কে বলিতে পারে ? প্রকৃত ঘটনা কতদিন গোপনে থাকিবে ? ~~৭.৭~~ সিরাজদ্দৌলা যখন শুনিবেন যে, তারা ঠাকুরাণী এখনও জীবিত রহিয়াছেন, তখন সে রাজরোষ কে নিবারণ করিবে ? সুতরাং সময় থাকিতে জমীদারদল গোপনে গোপনে সিরাজদ্দৌলার সর্বনাশ-সাধনের চিন্তা করিতে লাগিলেন । তাঁহারা বুঝিলেন যে, আর না,— ইহার পরেও যদি তাঁহারা সিরাজদ্দৌলাকে সিংহাসনে আরোহণ করিবার অবসর দেন, তবে আর জাতিধর্ম রক্ষা করিবার উপায় থাকিবে না ! সিরাজ যে সত্য সত্যই কাহারও নিকলঙ্ককূলে কালিমা ঢালিয়া দিয়াছিলেন, তাহা নহে ; তিনি যে সিংহাসনে আরোহণ করিলেও শত্রু-সঙ্কুল বাঙ্গলাদেশে এই সকল ঘণিত ব্যাপারে লিপ্ত হইবার অবসর পাইবেন, তাহাও নহে ; পাছে সিরাজদ্দৌলা নবাব হইলে লোকের জাতিধর্মে হস্তক্ষেপ করেন, এই আশঙ্কাতেই লোকে ব্যাকুল হইয়া উঠিল । ~~সিরাজ~~ নবাবীয় অতুল ঐশ্বর্যশালিনী প্রতিভাময়ী বীররমণীও যাহার ভয়ে ~~কলিকতা~~ নগর ছাড়িয়া পলায়ন করিলেন, দুর্বল জমীদারদল যে তাঁহার ভয়ে জীবন্ত হইবেন, তাহাতে আর আশ্চর্যের কথা কি ? সরফরাজ খাঁ যখন জগৎশেঠের পুত্রবধূর অপমান করিয়াছিলেন, তখন বাঙ্গালী জমীদারগণ জগৎশেঠের অপমানে অপমান বোধ করিয়া এক-প্রাণ একমন হইয়া সরফরাজের সর্বনাশসাধনের সহায়তা করিয়াছিলেন । এবারেও সকলে মিলিয়া সেই উদ্দেশ্যে জগৎশেঠের সহিত মন্ত্রণা করিতে আরম্ভ করিলেন । জগৎশেঠ জমীদারদিগের আশ্রয়বৃক্ষ, আবার জমীদারগণ অনেকেই জগৎশেঠের ধনগৌরব বর্দ্ধন করিবার মূল কারণ ; সুতরাং স্বার্থ রক্ষার জন্যই হউক, আর স্বদেশের কল্যাণ সাধনের জন্তই হউক, জগৎশেঠকে জমীদার দলের সহায়তা করিতে

হইল, সিংহাসনে পদার্পণ করিবার পূর্বেই সিরাজদৌলার সমাধিগহ্বর খনন করিবার আয়োজন হইল।

জগৎশেঠের ঐশ্বর্যের কথা কাহারও নিকট অপরিচিত ছিল না। তাহা সত্য সত্যই “প্রবাদের মত” সমস্ত ভারতবর্ষে রাষ্ট্র হইয়া পড়িয়াছিল। সেই ঐশ্বর্যই জগৎশেঠের পদগৌরবের মূল। সিংহাসনে আরোহণ করিবার পূর্বে, সম্রাট ফররোক্‌শায়ার কিছুদিন বাঙ্গালাদেশের রাজপ্রতিনিধি হইয়াছিলেন। তখন তাঁহার একরূপ দৈহিকদশা। সেই সময়েই সিংহাসনলাভের জন্ত আয়োজন করা আবশ্যক হইয়া উঠিয়াছিল। সুতরাং তিনিও একদিন জগৎশেঠের দ্বারস্থ হইয়াছিলেন। জগৎশেঠ শাহজাদার প্রার্থনা পূরণ করায়, সেই অর্থবলে বলীয়ান হইয়া, শাহজাদা ফররোক্‌শায়ার ভারতবর্ষের সিংহাসনে আরোহণ করেন, এবং শেঠবংশের উপকার স্বরণ করিয়া ‘জগৎশেঠ’ উপাধিযুক্ত এক রত্নমোহর ও ফরমান প্রদান করেন। তদনুসারে জগৎশেঠ বাঙ্গালা, বিহার, উড়িষ্যার নবাব বাহাদুরের বাম-পার্শ্বে আসন প্রাপ্ত হন, এবং নবাবগণ তাঁহার কথা উপেক্ষা করিয়া কোন কার্যে হস্তক্ষেপ না করেন, তন্মধ্যে রাজ্যদেশ প্রচারিত হয়। নবাব মুশিদ-কুলীখাঁ প্রথমতঃ নবাবদেওয়ান ছিলেন। সম্রাট কিছুতেই তাঁহাকে নবাব-নাজিম পদপ্রদান করিতে সম্মত হন নাই। অবশেষে জগৎশেঠের অনুরোধে কুলীখাঁ নবাবীপদে আরুঢ় হইয়াছিলেন;—মুশিদ কুলী খাঁর নবাবী সনদেও এ কথার উল্লেখ আছে। * এই সকল কারণে জগৎশেঠ পদগৌরবে প্রায় নবাবদিগের সমকক্ষ হইয়া উঠিয়া-

ছিলেন । রাজস্বসংগ্রাহের ভার জগৎশেঠের উপরেই সমর্পিত হইয়াছিল । প্রতিবর্ষে “পুণ্যাহ” উপলক্ষে জমীদারগণকে তাঁহার প্রাঙ্গণে সমবেত হইতে হইত । রাজস্ব পরিশোধ করিতে অশক্ত হইলে, তাঁহার নিকটেই ঋণগ্রহণ করিতে হইত । মুদ্রাযন্ত্র তাঁহারই প্রাঙ্গণে প্রতিষ্ঠিত ছিল । এই সকল উপায়ে জগৎশেঠের প্রভূত অর্থাগম্য হইত, এবং পাছে কোন অত্যাচারী নবাব বলপূর্ব্বক সেই ধনভাণ্ডার লুণ্ঠন করেন, সেইজন্য জগৎশেঠের বেতনভোগী দুই সহস্র অশ্বারোহী তাঁহার পুরী রক্ষা করিত ।*


দেশ অরাজক হইলে, নবাব অত্যাচারী হইলে, কিম্বা জমীদারদল বিদ্রোহোন্মুখ হইলে, সর্ব্বাঙ্গে জগৎশেঠেরই সর্ব্বনাশ ! হয় তাঁহার সঞ্চিত ধন লুণ্ঠিত হইবে, না হয় তাঁহার অর্থাগমের দ্বার রুদ্ধ হইবে । যে দিক দিয়াই হউক, তাঁহারই আশঙ্কা সর্ব্বাপেক্ষা অধিক । সুতরাং জমীদারদল অসন্তুষ্ট ও বিদ্রোহোন্মুখ হইতেছেন দেখিয়া, স্বার্থরক্ষার জন্ত জগৎশেঠকে তাঁহাদের দলে মিলিত হইতে হইল । তখন সকলে মিলিয়া সিরাজদ্দৌলার সিংহাসনলাভে বাধা দিবার জন্ত নিপুণভাবে যত্না করিতে আরম্ভ করিলেন ।

সিরাজদ্দৌলা মোহান্ন যুবক । মুসলমান গৃহে জন্মগ্রহণ করিয়া, মুসলমানসহবাসে বিলাসগৌরবে লালিতপালিত হইয়া এবং নিয়ত কুকীর্্তিপরাশ্রয় পারিষদবর্গে বেষ্টিত থাকিয়া, তিনি হিন্দুহৃদয়ের গূঢ়মর্ম্ম অধ্যয়ন করিবার অবসর পান নাই । হিন্দুদিগের মধ্যে যে বিধবাবিবাহ নাই ;—মুসলমানের ছায়াস্পর্শেও যে তাহাদিগের জন্ত গজান্বানের

ব্যবস্থা প্রচলিত রহিয়াছে ;—বিধবার ব্রহ্মচর্য্য অক্ষরে অক্ষরে প্রতি-
পালিত হউক আর না হউক, বিধবাকে ধর্ম্মপথে ব্রহ্মা করিবার জন্ত
শাস্ত্র, লোকাচার ও কর্তব্যাবুদ্ধি যে সকলকেই সমানভাবে অনুপ্রাণিত
করিয়া রাখিয়াছে ;—বিধবার অবগুণ্ঠন ভেদ করিয়া পাপদৃষ্টিতে তাহার
অঙ্গে দৃষ্টিপাত করিলে নিতান্ত অসংযতচিত্ত পাপকর্ম্মনিরত নরাধম
হিন্দুও যে মর্ম্মপীড়িত হইয়া লগুড় উত্তোলন করিবে—বোধ হয়
সিরাজদৌলা ততটা বিশ্বাস করিতে শিক্ষা করেন নাই । স্বার্থসাধনের
জন্ত, অনেক হিন্দুসন্তান, কেহ কন্যা, কেহ বা ভগিনী দান করিয়া,
মোগলের মনস্কামনা পূর্ণ করিয়াছিলেন । সুতরাং সিরাজদৌলার
বিশ্বাস ছিল যে, তিনি যখন সিংহাসনের ভাবী উত্তরাধিকারী, তখন
ভয়ে হউক আর ভক্তিতে হউক যাহা চাহিবেন, লোকে তাহাই আনিয়া
চরণতলে উৎসর্গ করিয়া দিবে । কেবল এইরূপ অন্ধ বিশ্বাসেই তিনি
সাহস করিয়া অতুল ঐশ্বর্য্যশালিনী রাণী ভবানীর নিকট অর্থবিনিময়ে
তারার রূপরাশি ক্রয় করিবার প্রস্তাব করিতে সাহসী হইয়াছিলেন । *
ইহাতে সিরাজদৌলার দুর্দ্দমনীয় হৃদয়বেগের পরিচয় রহিয়া গিয়াছে ।
এই দুর্দ্দমনীয় হৃদয়বেগ না থাকিলে, তাঁহার এরূপ মতিভ্রম হইত কি
না, কে বলিতে পারে ?

কালক্রমে সিরাজের এই ছুষ্ঠাভিসন্ধির কথা লোকে ভুলিয়া যাইত ।
যে পাপকল্পনা কল্পনামাত্রেই পর্য্যবসিত হইয়াছিল, তাহা ইতিহাস হইতে
বহুদূরে পড়িয়া থাকিত । কিন্তু যাহারা স্বার্থসাধনের জন্ত ধীরে ধীরে
সিরাজদৌলার অধঃপতনসাধনচেষ্টায় তাঁহার বিরুদ্ধে লোকচিত্ত প্রধুমিত

করিয়া তুলিতেছিলেন, তাঁহারা এমন সুযোগ ত্যাগ করিতে সম্মত হইলেন না। ইহার জন্ত রাণী ভবানী কোনদিনই উচ্চবাচ্য করেন নাই ; বরং এ পাপকাহিনী বিলুপ্ত করিবার জন্তই চেষ্টা করিয়াছিলেন। কিন্তু রাজবল্লভ-প্রমুখ রাজকর্মচারিগণ জানিতেন যে, সিরাজের বিরুদ্ধে হিন্দুহৃদয় বিদ্বেষবিষে পূর্ণ করিবার এমন সুযোগ আর ঘটিয়া উঠিবে না। রাণী ভবানী যে দেশের প্রাতঃস্মরণীয়া পূজনীয়া দেবী, যে দেশের নরনারী তাঁহার দানশীলতার কথা স্মরণ করিয়া প্রভাতে সায়াছে দুই হাত তুলিয়া জয়ধ্বনি করিয়া থাকে, সে দেশে এই কাহিনীকে লতা-পল্লবে সুশোভিত করিয়া তুলিতে পারিলে, জনশ্রুতি-লোলুপ জনসাধারণ যে সহজেই সিরাজদৌলাকে নরপিশাচ বলিয়া বিশ্বাস করিবে, তাহাতে সন্দেহ নাই। রাজবল্লভ এবং জগৎশেঠ তাহা জানিতেন। সুতরাং সকলেই আগ্রহাতিশয্যে এই জনশ্রুতি দেশবিদেশে রটনা করিয়া দিলেন। সিরাজদৌলা সিংহাসনে আরোহণ করিবার পূর্বেই, লোকে তাঁহার নামে শিহরিয়া উঠিতে শিক্ষা করিল।





নবম পরিচ্ছেদ ।

—o—o—o—
অর্থ-পিপাসা ।

ভারতবর্ষের তত্ত্ববিচারপরায়ণ দার্শনিক-কবি লিখিয়া গিয়াছেন :—

“অর্থমনর্থং ভাবয় নিত্যং

নাস্তি ততঃ সুখ-লেশঃ সত্যম্ ।”

তৈলাধার পাত্র, কি পাত্রাধার তৈল ? তাহারই কূট সিদ্ধান্ত মীমাংসা করিবার জন্ত প্রভাত হইতে সন্ধ্যা এবং সন্ধ্যা হইতে প্রভাত পর্য্যন্ত মস্তিষ্ক-সঞ্চালন করিয়া যাঁহারা গ্রামশাস্ত্রের সূক্ষ্মাতিসূক্ষ্ম টীকা টিপ্সনী লিখিয়া জীবনপাত করিয়াছেন, তাঁহাদের চক্ষে হয় ত অর্থই সকল অনর্থের মূল ! “অসারে খলু সংসারে” জন্মকল্ল-পীড়িত নিজাম-গর-ভাড়া, দুঃখবিষাদ-ভাড়া মানবজীবনে বীতরাগ হইয়া যাঁহারা কুহে-

অর্থপিপাসার মূল ।

লিকা বেষ্টিত সূত্রভাষ্যের পদানুসরণ করিয়া লোকালয় অপেক্ষা বনচর-সেবিত অরণ্য জীবনকেই শ্রেয়ঃকল্প বলিয়া প্রচার করিয়া গিয়াছেন, তাহাদের চক্ষেও হয় শু অর্থই সকল অনর্থের মূল ! কিন্তু মাটির দেহ লইয়া মাটির পৃথিবীতে বাস করিয়া, জীবন-সংগ্রামের সহস্র সংঘর্ষে বায়ু-তাড়িত ধূলিপটলের ন্যায় দেশ হইতে দেশান্তরে ছুটিয়া, পুঞ্জকণ্ঠার ক্ষুধার অনমুষ্টির জন্য ঘাহারা ললাটের ক্ষেদবিন্দু ক্ষরণ করিয়া, সংসার-সেবায় পলে পলে হৃদয়শোণিত ঢালিয়া দিতেছে, তাহারা দার্শনিক-তত্ত্বের বৈজ্ঞানিক ব্যাখ্যা বুঝিতে পারে না ; অর্থই তাহাদের পরম পরমার্থ । জীবনধারণের জন্য, প্রতিদিনের অভাব মোচনের জন্য, আত্মরক্ষার জন্ত, আত্মাধিকারসংস্থাপন করিবার জন্ত, এ সংসারে প্রতিপদে অর্থের সর্বদাষ্ট আবশ্যক । সেই জন্য সংসারের নরনারীর জীবন সমালোচনা করিতে হইলে, দার্শনিক ব্যাখ্যা দূরে রাখিয়া, সংসার-বিজ্ঞানের প্রতিদিবসের অভিজ্ঞতা লইয়াই তত্ত্ববিচার করিতে হইবে ।

মাটির পৃথিবীতে জন্মগ্রহণ করিয়া, ক্ষণভঙ্গুর মাটির সিংহাসনের জন্য সিরাজদৌলা এত লালায়িত কেন ? দুই দিন পরেই যে জল-বিশ্ব গভীর অভলম্পর্শ জীবন-সমুদ্রের অনন্ত জলরাশিতে মিশিয়া যাইবে । যে রাজ্য, যে রাজসিংহাসন, যে চতুরঙ্গসেনাসেবিত রণপতাকা দুই দিন পরেই পরের হাতের ক্রীড়াকন্ডুকে পর্যাবসিত হইবে, তাহার জন্য সিরাজদৌলার এত মস্তিষ্ক-কণ্ডূরন কেন ? ঘাহারা এরূপভাবে সিরাজদৌলার জীবন-সমালোচনা করিবেন, তাহাদের হাতে সিরাজদৌলার পরিত্রাণলাভের কিছুমাত্র সম্ভাবনা নাই । কিন্তু ঘাহারা সংসার-তত্ত্ব বিচার করিয়া, পৃথিবীর অত্যাগত স্বাধীন ভূপতিদিগের কার্য্যকার্য্যের তুলনাদি লইয়া, সিরাজদৌলার কৃতাপরাধের পরিমাপ করিতে অগ্রসর

হইবেন, তাঁহারাই বলিবেন যে, সিরাজ যে কেবল অন্যায় কৌশলে পিঞ্জরাবদ্ধ বনশার্দুলের নায় নৃশংসভাবে নিহত হইয়াছেন, তাহাই নহে ;—তাঁহার নাম, তাঁহার স্মৃতি, তাঁহার ইতিহাসও কত অন্যায় আক্রমণে চূর্ণবিচূর্ণ হইয়া গিয়াছে ! বাঙ্গালী তাঁহার উপর যে অন্য খজাহস্ত হইয়াছিলেন, তাহার একটির মূল ইন্দ্ৰিয়-বিকার, অপরটির মূল অর্থপিপাসা । প্রথমটির আলোচনা হইয়াছে ; দ্বিতীয়টিরও আলোচনা করা আবশ্যক ।

মুর্শিদাবাদের অনতিদূরেই মতিঝিল । মতিঝিলের পূর্ব সৌভাগ্য এখন তিরোহিত হইয়া গিয়াছে । এখন মতিঝিল কেবল কণ্টক-বনে বেষ্টিত । কিন্তু বাঙ্গালার ইতিহাস হইতে মতিঝিলের নাম বিলুপ্ত হইবার সম্ভাবনা নাই । ইংরাজ মহিলা বিবি কিন্ডারলি ১৭৬৬ খ্রীষ্টাব্দে মতিঝিলের রমণীয় স্থান পরিদর্শন করিয়া, বিলাতে যে পত্র লিখিয়াছিলেন, সে পত্রখানির কিয়দংশ এখন এ দেশেও প্রচারিত হইয়াছে । মূলপত্রখানি ইংলণ্ডের “ব্রিটিশ মিউজিয়মে” সযত্নে রক্ষিত হইয়া আসিতেছে । * এই মতিঝিলের রাজপ্রাসাদ নির্মাণ করিতে কত অর্থই না ব্যয়িত হইয়াছিল ! চিরদিনের আনন্দকানন সাজাইবার জন্য কক্ষে কক্ষে কত বহুমূল্য বিলাসদ্রব্যই না পুঞ্জীকৃত হইয়াছিল ! কিন্তু কেহ কি স্বপ্নেও জানিত যে, কালক্রমে তাহা ইংরাজের বাসভবনে পরিণত হইয়া অবশেষে জীর্ণস্তূপে রূপান্তরিত হইবে ? এই প্রাসাদের কক্ষে কক্ষে ভ্রমণ করিবার সময়ে, ইংরাজ-মহিলা বিবি কিন্ডারলির

বিস্ময়-বিস্ফারিত নয়নযুগলও পুরাতন স্মরণ করিয়া অশ্রুসিক্ত হইয়া উঠিয়াছিল ! *

মতিঝিলের সে নবাব-ভবন এখন ধূলিবিলুপ্তিত, তাহার কক্ষমন্দির-খচিত সুরচিত তোরণদ্বারের ভগ্নাবশেষমাত্র বর্তমান ;—তাহাও লতা-গুল্মে ঢাকিয়া পড়িতেছে ! ভাগীরথী আর তাহার পাদধৌত করিয়া প্রবাহিত হয় না ! ঝিলের নীল সলিলে আর পদ্মকোরক তেমন শোভায় বিকশিত হয় না ! চারিদিক হইতে কি যেন এক গভীর মর্দ-বেদনার হাহাকার বহন করিয়া তীরতরুগুলি বায়ুভরে নিরন্তর শন্ শন্ করিতেছে ! ঝিলের জল শৈবাল শাদলে কলঙ্কিত হইয়াছে ! লতানিকুল তৃণকণ্টকে পরিপূর্ণ হইয়াছে ! বনজন্তুর নিভৃত নিকেতন বলিয়া জন-সমাগম রহিত হইয়া গিয়াছে ! যে দিন লর্ড ক্লাইব “দেওয়ানী সনন্দ” ঘোষণা করিয়া মতিঝিলের প্রাসাদ-কক্ষে প্রথম পুণ্যাহের সূচনা করিয়া-ছিলেন, যে দিন মতিঝিলের শূন্যকক্ষে ওয়ারেন হেস্টিংস, স্তর জন সোর প্রভৃতি ইংরাজকর্মচারিগণ বাসভবন নির্দেশ করিয়াছিলেন, সে দিনও কেহ জানিত না যে, মতিঝিলের এরূপ শোচনীয় পরিণাম হইবে !

* “We may easily suppose that the *Nabab* who expended such great sums of money to build, to plant, and to dig that immense lake, little foresaw that it should ever become a place of residence for an English Chief, to be embellished and altered according to his taste, to be defiled by christians, or contaminated by swine’s flesh.

“Much less could he foresee that his successors on the *Musnud* should be obliged to court these chiefs, that they should hold the Subahship only as a gift from the English, and be by them maintained in all the pagentry without any of the power of royalty.”

মুসলমান রাজ্য যেমন ইতিহাসগত, মতিঝিলের রাজপ্রাসাদও সেইরূপ ইতিহাসগত,—তাহাকে আর জীবন্তভাবে দেখিবার উপায় নাই ।

নওয়াজেস্ মোহম্মদ এইখানে বিপুল অর্থ ব্যয় করিয়া বাসভবন নির্মাণ করিয়াছিলেন । নিজামতের পত্রসংগ্রহ পুস্তকে এখনও যে সকল আবেদনপত্র রক্ষিত হইয়া আসিয়াছে, তাহার মধ্যে একখানি পত্রে প্রকাশ আছে যে, নওয়াজেস্ মোহম্মদ এইখানে ১৭৪৩ খ্রীষ্টাব্দের সম-
কালে একটি মসজিদ, একটি মাদ্রাসা এবং একটি অতিথিশালা নির্মাণ করিয়াছিলেন । সে মসজিদটি এখনও রক্ষিত হইয়া আসিতেছে ।
বর্গীর হাদামা উপলক্ষে নওয়াজেস্ মোহম্মদ কখন গোদাগাড়িতে কখন বা মুর্শিদাবাদে অবস্থান করিতেন । তদুপলক্ষেই মতিঝিলে বাসভবন নির্মাণ করিয়াছিলেন । যখন শুনিলেন যে, আলিবর্দী উত্তর কালের জন্ত সিরাজদৌলাকেই সিংহাসনের উত্তরাধিকারী মনোনীত করিয়া-
ছেন, তখন হইতে নওয়াজেস্ সিরাজের সিংহাসনলাভে বাধা দিবার জন্য বহুপরিকর হন, এবং সেই উদ্দেশ্যে মুর্শিদাবাদেই নিয়ত বাস করিতে আরম্ভ করেন ।

এইরূপে মতিঝিলে নিয়ত বাস করিবার সময়ে, দীনদুঃখীর অশ্রু-
মোচন করিয়া, ক্ষুধার্তের অন্নসংস্থান করিয়া, পীড়িতের ঔষধদানের ব্যবস্থা করিয়া, স্ভাবমূলভ সদয় ব্যবহারগুণে নওয়াজেস্ অল্পদিনের মধ্যে কি হিন্দু কি মুসলমান সকলের নিকটেই সম্মানভাজন হইয়া উঠিয়াছিলেন । * তাহার সুযোগ্য প্রতিনিধিপ্রভুভক্ত রাজবল্লভ ঢাকা

* “He was much esteemed by the people for his clemency and charities to the friendless and poor.”—Stewarts History of Bengal.

হইতে যে রাজকর পাঠাইয়া দিতেন, নওরাজেস তাহা লইয়া এইরূপে সঞ্চয় করিতে আরম্ভ করার লোকে তাঁহার গোলাম হইয়া উঠিতে লাগিল। আলিবর্দীর জীবনকাল যতই শেষ হইয়া আসিতে লাগিল, নওরাজেসের গুপ্তকল্পনা ততই ফুটিয়া উঠিতে লাগিল। ক্রমে ক্রমে রাজবল্লভও কৃষ্ণবল্লভ নামক সুযোগ্য পুত্রের হস্তে ঢাকার রাজভাণ্ডার সমর্পণ করিয়া মুর্শিদাবাদে শুভাগমন করিলেন। সকলেই বুঝিল যে, আলিবর্দীর মনোবাঞ্ছা যাহাই হউক না কেন, বৃদ্ধ নবাবের শেষ নিশ্বাস পতিত হইতে না হইতেই, রাজবল্লভের সহায়তায়, অর্থবলে বলীয়ান নওরাজেস মোহম্মদই বঙ্গ, বিহার, উড়িষ্যার মসনদে আরোহণ করিবেন। সিরাজের উচ্ছৃঙ্খল ব্যবহারে যাহারা মর্ম্মপীড়িত, নওরাজেসের সদয় ব্যবহারে তাহারা পরম প্রীতিলাভ করিয়াছিলেন। সিরাজ বালক ; নওরাজেস পরিণামদর্শী ব্যোজ্যেষ্ঠ। সিরাজদৌল একবার স্বাধীনভাবে রাজদণ্ড পরিচালনা করিবার অবসর পাইগেই ইচ্ছামত দুষ্টদমন করিবেন বলিয়া যাহাদের মনে মনে ভয় ছিল, তাহারা দেখিলেন যে, নওরাজেসই মনের মত নবাব। কিছুই স্বচক্ষে দেখেন না, কিছুই স্বকর্ণে শুনে ন না ;—রাজকার্য্য লইয়া কোনরূপ গোলযোগ করিবার কিছুমাত্র সম্ভাবনা নাই ! হুতরাং স্বার্থলুপ্ত কর্ম্মচারিদল সহজেই নওরাজেসের পক্ষপাতী হইয়া উঠিতে লাগিলেন। নওরাজেসও সময় বুঝিয়া মুক্তহস্তে অর্থব্যয় করতে আরম্ভ করিলেন। জমীদারদল সময় বুঝিয়া নওরাজেসের দরবারেই বিশেষরূপে গভায়াত করিতে আরম্ভ করিলেন। মাসিক বৃত্তির নিদিষ্ট তক্ষায় সিরাজদৌলারই ভাল করিয়া আহার বিহার চলে না, লোকে আর কেমন করিয়া তাঁহার কাছে সাহায্য ভিক্ষা করিবে ? আর ইচ্ছা থাকিলেই বা কে সাহসে বুক বাধিয়া সিংহবিবরতুল্য সিরাজদৌলার

বাসভবনের সম্মুখীন হইবে ? মতিঝিলের অব্যবহৃত দ্বার অতিক্রম করিতে সেরূপ কোন ইতস্ততঃ ছিল না। সেখানে একবার পদার্পণ করিতে পারিলেই হইল। সেখানে স্মৃতিহীন আদবকায়দার খুঁটি-নাটি নাই ; গুরু লঘু বলিয়া আসন-পার্থক্য নাই ; প্রভু-ভৃত্য বলিয়া ভিন্নভাব নাই ; যেন আগন্তুক অতিথিগণই মতিঝিলের প্রভু, আর মতিঝিলের অধিপতি নওয়াজেস্ মোহম্মদই তাঁহাদের পদানত ভৃত্য। সুতরাং লোকে দিন দিনই নওয়াজেসের পক্ষভুক্ত হইয়া উঠিতে লাগিল। *

সিরাজদৌলা এই সকল কারণে বড়ই উদ্বিগ্ন হইয়া উঠিলেন। মহারাষ্ট্রীয়দিগের সঙ্গে সন্ধিসংস্থাপন করিয়া নিরুদ্বেগে রাজ্যভোগ করিবার জন্য আলিবর্দী যখন রাজধানীতে প্রত্যাগমন করিলেন, তখনই বুঝিলেন যে অনাহারে, অনিদ্রায়, শত্রুসেনার পশ্চাতে পশ্চাতে ছুটিয়া তাঁহার বলিষ্ঠ বীরতত্ত্বও রোগ-জর্জরিত হইয়া পড়িয়াছে। একে বৃদ্ধ দশা, তাহাতে থল ব্যাধি ; আলিবর্দী আর ভাল করিয়া রাজকার্য্যে

* "He used to spend Rupees 37000 a month in charitiesHe was fond of living well, and of amusement and pleasures ; could not bear to be upon bad terms with any one ; and was not pleased when a disservice was rendered to anotherHe loved to live with his servants, as their friend and companion ; and with his acquaintances as their brother and equal. All his friends and acquaintances were admitted to the liberty of smoking their *Hooquas* in his presence, and to drink coffee whilst he was conversing familiarly with them."—Sair Mutakherin (Mustapha's translation.)

মনোনিবেশ করিবার অবসর পাইলেন না। তাঁহার নিয়োগানুসারে সিরাজদৌলাই সকল কার্য নির্বাহ করিতে আরম্ভ করিলেন। কিন্তু রাজকার্যে হস্তক্ষেপ করিতে না করিতেই সিরাজের মোহনিদ্রা ভাঙ্গিয়া গেল। সম্মুখে যে সিংহাসনে বলদর্পিত মাতামহ দৃঢ়পদে আসীন রহিয়াছেন, যে সিংহাসনের ভবিষ্যৎ উত্তরাধিকারী বলিয়া ধাত্রীক্রোড় হইতে সিরাজদৌলা পরম সমাদরে লালিত পালিত হইয়া আসিয়াছেন, সে সিংহাসনে যে একদিনের জন্ত ও সিরাজদৌলার পদস্পর্শ হইবে, তাহার নিশ্চয়তা কি ? কর্মচারিগণ স্বার্থসাধন করিবার প্রলোভনে নওয়াজেসের পক্ষভুক্ত হইয়াছেন, রাজবল্লভ বিপুল ধনভাণ্ডার লইয়া নওয়াজেসের হিতাকাঙ্ক্ষায় নিযুক্ত রহিয়াছেন, সিরাজের বিরুদ্ধে লোকচিত্ত বিবেচ-বিষে পরিপূর্ণ করিবার কোন আয়োজনেরই ক্রটি হইতেছে না। এদিকে সিরাজদৌলার আশা ভরসার একমাত্র সহায় বৃদ্ধ নবাব অস্তিমশ্যায়, — রাজকোষ অর্থশূন্য, — দেশ শত্রুসঙ্কুল। এক্ষণে অবস্থায় বাহুবলে সিংহাসন রক্ষা করিবার জন্য, সিরাজদৌলাও গোপনে গোপনে আয়োজন করিতে লাগিলেন। নওয়াজেস্ ঢাকার নবাব, রাজবল্লভ নওয়াজেসের প্রতিনিধি; — উভয়েই বিপুল ধনসঞ্চয় করিয়াছেন, এবং উভয়েই সিরাজদৌলার চক্ষে প্রধান শ্রেণীর রাজবিদ্রোহী। যদি সিরাজদৌলা কোনরূপে একবার সিংহাসনে পদার্পণ করিবার অবসর পান, তবে যে তিনি নওয়াজেস্ ও রাজবল্লভকেই সর্বাগ্রে শাসন করিবেন, সকলেরই তাহা দৃঢ়নিশ্চয় হইল। তখন আত্মরক্ষা ও স্বার্থসাধনের জন্ত নওয়াজেস এবং রাজবল্লভ প্রকাণ্ডভাবে আত্মপক্ষ প্রবল করিতে আরম্ভ করিলেন।

সিরাজদৌলার ভবিষ্যৎ অদৃষ্টাকাশ ঘন-তমসাক্রম হইয়া আসিতে লাগিল। তিনি স্পষ্টই বুঝিতে পারিলেন যে, বাহুবল ভিন্ন সিংহাসন

রক্ষার উপারান্তর নাই। কিন্তু বাহুবল শুধু শারীরিক বল নহে ;—
তাহার জন্ত বিশ্বস্ত রণকৌশল সেনানায়ক চাই, কলহ বিবাদে জয়লাভ
করিতে পারে, একরূপ সাহসী সৈন্তদল চাই, এবং এই সকল সৈন্য-
দলকে অন্নবস্ত্র ও বেতন দিয়া প্রতিপালন করিতে পারেন, একরূপ
অর্থবল চাই। সিরাজদৌলার ইহার কোন সম্বলই নাই।

সেকালে রাজধানীতে যে সকল ধনশালী বণিক ও জমীদারদিগের
বসতি ছিল, তাঁহারা জানিতেন যে, দেশে বিচার নাই, বাহুবল অথবা
নবাবের ইচ্ছাই একমাত্র প্রবলশক্তি। সুতরাং তাঁহারা মুখে নবাবের
অধীন বলিয়া পরিচয় দিলেও, কার্যতঃ বাহুবলে বাহুবল পরাস্ত
করিবার জন্ত, আবশ্যক মত সৈন্তদল পোষণ করিতেন ; এবং সর্বদা
সতর্ক প্রহরীর মত আত্ম-পার্শ্ব রক্ষা করিতেন। সিংহাসন লইয়া-
নওয়াজেসের সঙ্গে কলহবিবাদ উপস্থিত হইলে, এই শ্রেণীর নাগরিকগণ
যে ইঙ্গিতমাত্রে নওয়াজেসের পক্ষাবলম্বন করিবেন, তাহা বুঝিতে
সিরাজদৌলার বিলম্ব হইল না।

দেশে যুদ্ধব্যবসায়ী লোকের অভাব ছিল না। আজ যে বাঙ্গালী
রাজানুমতি না। লইয়া একখানি জরাজীর্ণ পুরাতন তরবারিও
ব্যবহার করিতে পারে না, আজ যে বাঙ্গালী মসীমলিনমূর্তি
হাব্‌সী অপেক্ষাও অল্পব্যবহারের অযোগ্য বলিয়া রাজবিধির কঠিন
নিগড়ে আবদ্ধ হইয়া পড়িয়াছে, সেই বাঙ্গালীও তখন অশ্বারোহী
ও পদাতিক দলে প্রবেশ করিত, এবং প্রতিভা ও রণকৌশল
থাকিলে সেনাপতি-পদেও অভিষিক্ত হইত। বাঙ্গালী ভিন্ন
হিন্দুস্থানী হিন্দু মুসলমান, এবং পর্তুগিজ ফরাসী ওলন্দাজগণও
সৈন্যদলে প্রবেশ করিবার প্রত্যাশায় দলে দলে দেশে দেশে ঘুরিয়া

বেড়াইত । টাকা থাকিলে সপ্তাহের মধ্যে যে কেহ সহস্র সহস্র সেনা সংগ্রহ করিতে সক্ষম হইত । ইহারা কোন নির্দিষ্ট সেনানিবাসে বাস করিত না । আবশ্যক হইলে যে কেহ অর্থবিনিময়ে এই সকল শোণিত-লোলুপ সৈনিকদলের সাহায্য ক্রয় করিতে সক্ষম হইত । নবাব বা বাদশাহদিগের জীবনকাল যতই শেষ হইয়া আসিত, এই শ্রেণীর লুণ্ঠনলোলুপ সৈনিকগণ ততই রাজধানীর আশে পাশে সমবেত হইতে আরম্ভ করিত । ইহাদের সাহায্যে, ভারতবর্ষের অনেক বাদসাহ, প্রকৃত উত্তরাধিকারীকে পথের ফকির করিয়া, বাহুবলে দিল্লীর সিংহাসনে আরোহণ করিয়াছিলেন । সিরাজদ্দৌলা তাহা জানিতেন, আর জানিতেন বলিয়াই আপন দৈন্যদশা এবং নওয়াজেসের অর্থবলের তুলনা করিয়া শিহরিয়া উঠিতেন । হাতে টাকা থাকিলে সৈন্যদল সংগ্রহ করা তাঁহার পক্ষেও সহজ কথা ; কিন্তু টাকা কোথায় ? সিরাজদ্দৌলা টাকা টাকা করিয়া ব্যাকুল হইয়া উঠিলেন, ইহাই তাঁহার অর্থপিপাসার মূল ।

সিরাজ অর্থপিপাসায় ব্যাকুল হইয়া চারিদিকে শ্যেনদৃষ্টিতে নয়ন-সঞ্চালন করিতেছেন, এমন সময়ে সহসা এক নূতন বিপদ উপস্থিত হইল । নওয়াজেসের হিতৈষীদিগের মধ্যে রাজবল্লভ এবং হোসেন কুলী খাঁর নাম বাঙ্গালার ইতিহাসে পরিচিত হইয়াছে ; তাঁহারা উভয়েই বিদ্যাবুদ্ধি এবং কুটিল-নীতির জন্য সমধিক শক্তিশালী হইয়া উঠিয়াছিলেন । হোসেন কুলীর হস্তে নওয়াজেসের ধনভাণ্ডার ন্যস্ত ছিল । তদুপলক্ষে নওয়াজেসের সংসারে হোসেন কুলীর যথেষ্ট প্রভুত্ব ছিল । কিন্তু কৰ্ম্মদোষে হোসেন কুলীখাঁ সেই প্রভুত্বের সদ্যবহার করিতে পারেন নাই । তাঁহার নামের সঙ্গে নওয়াজেসের বেগম ঘসেটির নাম সংযুক্ত করিয়া দাসদাসীগণ অনেক কথা কাণাকাণি করিত ; সে কথা

ক্রমেই পল্লবিত হইয়া উঠিতেছিল। সকলেই তাহা জানিত, কিন্তু উক্তস্বভাব সিরাজদৌলাকে কেহই সাহস করিয়া সে কথা বলিতে পারিত না। অবশেষে পারিবারিক কলঙ্ক যখন ক্রমেই বহুবিস্তৃত হইয়া পড়িল, তখন আলিবর্দী-বেগম গোপনে কলঙ্কমোচন করিবার জন্ত সে পাণকথা সিরাজের কর্ণগোচর করিলেন। সিরাজদৌলা আর আত্ম-সম্বরণ করিতে পারিলেন না। মুর্শিদাবাদের রাজপথ হোসেন কুলীর হৃদয়-শোণিতে কলঙ্কিত হইল; তাহার দেহ খণ্ডবিখণ্ড করিয়া হস্তিপৃষ্ঠে তুলিয়া নগরের প্রকাশ্য পথে পথে রাজানুচরেরা বহন করিয়া চলিল। এ সংবাদে নওরাজেস বা আলিবর্দী কোন কাতরোক্তি বা বিরক্তি প্রকাশ করিলেন না; * কিন্তু ইহাতে উত্তরকালে রাজবল্লভের অন্তরাত্মা কাঁপিয়া উঠিয়াছিল। তাহার সম্বন্ধেও একজন সমসাময়িক ইংরাজ লেখক কলঙ্করটনা করিয়া গিয়াছেন †

রাজবল্লভ সিরাজদৌলার নামে মিথ্যা কলঙ্ক রটনা করিবার জন্ত, এবং তাহার বিরুদ্ধে গণ্যমান্য সামন্তবর্গকে উত্তেজিত করিবার জন্ত, অনেক কথাই প্রচার করিতে লাগিলেন। সেই সকল কথা এখন

* হোসেনকুলীর সহিত নওরাজেস পত্নী এবং সিরাজ জননী উভয়ের নামই সংযুক্ত হইয়াছিল। আলিবর্দী ও নওরাজেস মহম্মদ হোসেনকুলীর হত্যাকাণ্ডে সম্মতি দান করিয়াছিলেন। ইহার বিশেষ বিবরণ মূতক্ষরীণে বিবৃত রহিয়াছে।

† A Gentoo, named Rajah-bullub, had succeeded Hossein Cooley Khan in the post of Duan or prime minister to Nowagis; after whose death his influence continued with the widow, with whom he was supposed to be more intimate than became either her rank, or his religion." Orme, ii, 49. অনেকে বলেন, ইহা রাজবল্লভের অলীক কলঙ্ক! কিন্তু তাহার চরিতাখ্যায়ক অশ্লি-লিখিত ইতিহাস পাঠ করিয়াও এ বিষয়ে নীরব রহিয়াছেন কেন?

ইতিহাসেও স্থানলাভ করিয়াছে ; এবং তাহাকে মূলভিত্তি করিয়া, ইতিহাস-লেখকগণ এখনও বর্ণনালালিত্য বিস্তার করিবার জন্ত সকলকে শুনাইয়া বলিতেছেন যে, “সিরাজদ্দৌলার নৃশংস স্বভাবের আর অধিক কি পরিচয় দিব ? তাঁহার ভয়ে মুর্শিদাবাদের প্রকাণ্ড রাজপথেও লোকে নিরাপদে চলাচল করিতে পারিত না, তিনি স্বহস্তে রাজপথে নিরপরাধ নাগরিকদিগকে খণ্ড খণ্ড করিয়া কাটিয়া ফেলিতেন !” *

হোসেন কুলীর হত্যাকাণ্ডের জনশ্রুতি মুখে মুখে বিস্তৃতিলাভ করিয়া এতই রূপান্তরিত হইয়া পড়িয়াছে যে, একজন সুলেখক তাহার উল্লেখ করিতে গিয়া একখানি মাসিক পত্রিকায় লিখিয়া গিয়াছেন যে,— “হোসেনকুলী সিরাজদ্দৌলার শিক্ষাগুরু ছিলেন, বাল্যকালে সিরাজকে বড়ই নিদারুণভাবে বেত্রাঘাত করিতেন ; সিংহাসনে পদার্পণ করিয়া সিরাজদ্দৌলা তাহার প্রতিশোধ লইবার জন্ত সর্বজনসমক্ষে হোসেন কুলীকে হত্যা করেন !” † বলা বাহুল্য যে, ইহা সর্বৈব স্বকপোল-কল্পিত !

লোকে যাহাই বলুক, পাপ চিরদিনই পাপ। হোসেন কুলীকে হত্যা করিয়া, সিরাজদ্দৌলা যে সেই পাপশ্রুতি আমরণ বহন করিয়া-ছিলেন, তাহার পরিচয় যথাস্থানে প্রকাশিত হইবে। যেকোন ঘটনাচক্রে পতিত হইয়া সিরাজদ্দৌলা এই হত্যাকাণ্ডে লিপ্ত হইয়াছিলেন, সিরাজ-

* হোসেন কুলীকেও সিরাজদ্দৌলা স্বহস্তে নিহত করেন নাই। মাতামহীর উত্তেজনায় মাতামহ ও নোয়াজেসের সম্মতিক্রমে সিরাজের উপর এই পারিবারিক কলঙ্ক মোচনের ভার পতিত হওয়ার তাঁহার সম্মুখে ও তাঁহার আদেশে এই হত্যাকাণ্ড সাধিত হয়। সাময়িক উত্তেজনায় হোসেন কুলীর এক ভ্রাতাও নির্দয়রূপে নিহত হন।

† জন্মভূমি।

দৌলা কেন,—নিতান্ত নিরীহস্বভাব দরিদ্র গৃহস্থের পক্ষেও, সেরূপ ক্ষেত্রে আত্মসংবরণ করা সহজ হইত না।

ইংলণ্ডের ধর্মযাজক ও ধর্ম্মানুপ্রাণিত নরনারী এক সময়ে স্বদেশের অসহনীয় রাজশাসনের তীব্র কশাঘাত সহ করিতে অক্ষম হইয়া, চির-জীবনের জন্য স্বদেশ স্বজাতির মায়ামমতা বিসর্জন দিয়া, জন্মভূমির পবিত্র সীমা উলঙ্ঘন করিয়া, দলে দলে গৃহত্যাগিত নীর্ণ কুকুরের ছায় আমেরিকার নবাবিহীন উর্বর ক্ষেত্রে ভয়ে ভয়ে পাদবিক্ষেপ করিয়া-ছিলেন! তাঁহাদের সে দিনের দুঃখকাহিনী শ্রবণ করিয়া আমেরিকার ইতিহাস-লেখক জীবন্ত ভাষায় ইতিহাস লিখিয়া গিয়াছেন।* ইউ-রোপের সে অসহনীয় শাসন চলিয়া গিয়াছে। একদিন যাহারা গৃহত্যাগিত হইয়া শত ক্লেশ অসত্য দেশে জীবনবিসর্জন করিয়াছিলেন, এখন ইউরোপে “আমেরিকার তীর্থযাত্রী” বলিয়া তাঁহাদের স্মৃতির কতই সমাদর! কিন্তু সেই সকল তীর্থযাত্রী ধর্ম্মযাজকগণ এবং ধর্ম্মানুপ্রাণিত প্রবীণ ইংরাজগণ একবার আমেরিকার সাগর-চূষিত শান্ত, শীতল, উদার রাজ্যে অতিথির বেশে আশ্রয়লাভ করিয়া, পরক্ষণেই সে দেশের আশ্রয়দাতা আদিম অধিবাসীদিগকে দিনে দিনে রহিয়া রহিয়া ক্রম-ভাবে ধনে বংশে বিনাশ করিয়াছিলেন,—কৈ, ইতিহাস ত তাহার জন্য একবারও শিহরিয়া উঠে নাই। তাঁহাদের তুলনার অপরিণামদর্শী সিরাজদৌলার এই হত্যাপরাধ কি বড়ই দুঃখের ?



দশম পরিচ্ছেদ ।

ইংরাজ-চরিত্র ।

হোসেন কুলীর হত্যাকাণ্ডে কলঙ্ক উপার্জন করাই সার হইল ! লাভের মধ্যে রাজবল্লভ সতর্ক হইলেন এবং আত্মপক্ষ স বল করিবার জন্য নানা উপায়ে চেষ্টা করিতে লাগিলেন । কৃষ্ণশয্যাশায়ী বৃদ্ধ নবাব, দৌহিত্রের ভবিষ্যদাকাশ ঘনতমসচ্ছন্ন দেখিয়া, কপালে করাঘাত করিতে লাগিলেন ; এবং এই সময় হইতে সর্বদা সত্বপদেশ দিয়া সিরাজ-চরিত্র সংশোধন ও তাঁহার কল্যাণসাধনের চেষ্টা করিতে লাগিলেন । আলিবর্দী যে সিরাজদৌলাকে প্রাণের অধিক ভালবাসিতেন, মুসলমান ইতিহাসলেখক * বারম্বার সে কথা উল্লেখ করিয়া গিয়াছেন ;—কিন্তু

যৌবনোন্মত্ত সিরাজদৌলা সে কথা প্রায়ই স্বীকার করিতেন না । আলিবর্দী সেই সকল কথা স্মরণ করিয়াই সিরাজদৌলাকে লিখিয়াছিলেন যে, 'ঐহারা সংসার-সংগ্রামে স্নেহের অত্যাচার সহ করেন, তাঁহারাই যথার্থ বীরপুরুষ !'

সেই স্নেহপরায়ণ মাতামহ যখন চিরদিনের মত উদরীরোগে শয্যা-শায়ী হইয়া পড়িলেন, যখন স্বার্থসাধনের জন্ত বড়যন্ত্রনিপুণ রাজবল্লভ আলিবর্দীর সিংহাসনে নওয়াজেস্ মোহম্মদকে বসাইয়া দিয়া সিরাজদৌলার সকল অভিমান চূর্ণ করিবার আয়োজন করিতে লাগিলেন, তখন সিরাজদৌলাও বুঝিলেন যে, আলিবর্দীই তাঁহার একমাত্র অকুজিম সুহৃৎ, এবং নিরাশ্রয়ের আশ্রয়স্থল ! এই সময় হইতে সিরাজের সে দুর্দমনীয় হৃদয়বেগ ক্রমেই অবসন্ন হইয়া আসিতে লাগিল, প্রমোদ-কোলাহল শান্তিলাভ করিল, পার্শ্বচরদিগের পাশবনৃত্য তিরোহিত হইল, হিরাঝিলের প্রমোদকঙ্কের মদিরোৎসাহিত অট্টহাস্ত নীরব হইয়া পড়িল, সহসা তানলয়-পরিপূরিত প্রমোদসঙ্গীত অর্দ্ধপথে স্তম্ভিত হইয়া কণ্ঠরোধ করিল !—সিরাজদৌলা প্রতিনিয়ত মাতামহের ক্লম-শয্যা-পার্শ্বে উপবেশন করিয়া ভবিষ্যতের শাসননীতি এবং কার্য্যপদ্ধতির উপদেশ গ্রহণ করিতে আরম্ভ করিলেন ।

মহারাজ্যদিগের সঙ্গে সন্ধিসংস্থাপন করায়, বর্গীর হাঙ্গামা চিরদিনের মত শান্তিলাভ করিয়াছিল ; কিন্তু উড়িষ্যা প্রদেশ চিরদিনের মতই নবাবের শাসন-বহির্ভূত হইয়া গিয়াছিল । পূর্ণিয়া প্রদেশে সাইয়েদ আহমদ রাজত্ব করিতেছিলেন, — সে দেশে সিরাজের হিতাকাঙ্ক্ষী কোথায় ? ঢাকা রাজবল্লভের করতলগত, সেখানেই বা কে সিরাজদৌলার স্বপক্ষে দাঁড়াইতে সাহস করিবে ? বিহার প্রদেশের কিয়দংশ

মহারাজকবলে উৎসর্গীকৃত হইয়াছে, — যাহা রাজা রামনারায়ণের শাসনাধীনে রহিয়াছে, তাহাতেও রামনারায়ণের সুশাসন ভাল করিয়া সংস্থাপিত হইতে পারে নাই । সিরাজদৌলা বুঝিলেন যে, কেবলমাত্র মুর্শিদাবাদ প্রদেশেই যাহা কিছু সাক্ষাৎসমক্ষে নবাবের শাসনক্ষমতা বর্তমান । কিন্তু সে প্রদেশের প্রতিভাশালিনী শাসনকর্ত্তী রাণী ভবানী, ধনকুবের জগৎশেঠ, বা অধ্যবসায়শীল ইংরাজবণিকের নিকট বিপদের দিনে সহায়তা লাভ করিবার সম্ভাবনা নাই ! রাজবল্লভের চেষ্টায় রাজধানীর ক্ষমতাশালী পাত্রমিত্রগণ সকলেই অল্লাধিক পরিমাণে সিরাজের শত্রুপক্ষের মঙ্গলাকাজ্জী হইয়া উঠিয়াছেন ! সিরাজদৌলার আর কি রহিল । একমাত্র স্নেহপরায়ণ মাতামহ, তিনিও যে অন্তিম-শয্যায় শয়ন করিয়াছেন, তাহা ত্যাগ করিয়া পুনরায় বীরদর্পে গাত্রোথান করিবার সম্ভাবনা নাই ! তথাপি সিরাজদৌলা ক্রমে ক্রমে তাহারই কণ্ঠলগ্ন হইয়া পড়িলেন ।

সময় থাকিতে নিয়ত আলিবর্দীর স্থায় ধর্মপরায়ণ প্রজাহিতৈষী প্রবীণ নরপতির সাধু দৃষ্টান্তের অনুকরণ করিলে, সিরাজ-চরিত্র যে অন্ত্রবিধ উপাদানে গঠিত হইত, এবং বাঙ্গালা, বিহার, উড়িষ্যার বর্তমান ইতিহাস যে অন্ত্রবিধ আকার ধারণ করিত, তাহা সহজেই অনুমান করা যাইতে পারে । কিন্তু মুসলমানের পাপের ভরা পূর্ণ হইয়া আসিয়াছিল, বুঝি সেই জন্তই সময় থাকিতে সিরাজদৌলার মোহনিদ্রা ভাঙিল না !

মুসলমান ধর্মে সিরাজদৌলা কোনদিনই আত্মশুদ্ধ হন নাই ; বরং ধর্ম্মানুরাগে অনুপ্রাণিত হইয়া, তিনি বহুবল্লে বহুবল্লে আরব দেশের মক্কা-মক্কীচিকাবেষ্টিত মদিনা নগরের পবিত্র মৃত্তিকা ভারতবর্ষে আহরণ করিয়া, তাহার উপর যে পুণ্য মসজিদ গঠন করিয়াছিলেন, তাহা বহু-

দিন পর্যন্ত ভাগীরথীতীরে সিরাজদৌলার ধর্মবিশ্বাসের সাক্ষিক্রমে দণ্ডায়মান ছিল। * কিন্তু আশ্রাবান মুসলমান হইয়াও, সিরাজদৌলা তরুণজীবনে সঙ্গদোষে শাস্ত্রশাসন উল্লঙ্ঘন করিয়া সুরাপান অভ্যাস করিয়াছিলেন! সেই সঙ্গদোষেই সুরাসহচরীদিগের তরল লাবণ্য তাঁহাকে ঝাল্যজীবনেই আত্মহারা করিয়া তুলিয়াছিল! আলিবর্দী সেই পাপপ্রবৃত্তি দমন করিবার জন্ত এতদিন একবারও চেষ্টা করেন নাই। এখন অন্তিম সময় যতই নিকট হইতে লাগিল, সিরাজের পরিণাম চিন্তা করিয়া, আলিবর্দী ততই ব্যাকুল হইয়া উঠিতে লাগিলেন। অবশেষে একদিন রুমশযাপার্শ্বে সিরাজদৌলাকে আহ্বান করিয়া, কোরাণ-শপথ পূর্বক ধর্মপ্রতিজ্ঞার আবদ্ধ করিলেন; সেইদিন হইতে সিরাজদৌলা চিরজীবনের জন্ত সুরাপান পরিত্যাগ করিলেন! যে হৃদয়মণীর হৃদয়-বেগের বশীভূত হইয়া, সিরাজদৌলা আপন হাতে আপনার সমাধি-গহ্বর খনন করিবার জন্ত, শৈশবেই সুরাপাত্র গ্রহণ করিয়াছিলেন, সেই তেজস্বী-হৃদয়ের বীরপ্রতাপেই, একবারমাত্র মাতামহের অন্তিম শয্যা স্পর্শ করিয়া, চিরদিনের জন্ত সুরাপাত্র চূর্ণ করিয়া ফেলিলেন! ইংলণ্ডের দ্বিতীয় জেমস্, আমরণকাল দুর্নীতিপরায়ণ থাকিয়াও, ইতিহাসে ধর্ম-পরায়ণ আদর্শ নরপতি বলিয়া প্রশংসালভ করিয়াছেন, আর মোহাক সিরাজদৌলা অপরিণত জীবনে অতি অল্পদিনমাত্র পাপকুহকে আত্ম-বিসর্জন করিয়া, সমুদ্র-ধাকিতে বীরপ্রতাপে আত্ম-সংশোধনে কৃতকার্য হইয়াও, জগতের চক্রে, ইতিহাসের চক্রে, তাঁহার বাদেশীর হিন্দু-মুসলমানের চক্রে, “সুরাপানী অশুভ কচির পরম-পায়ণ” বলিয়া তিরস্কৃত করিতেছেন,—ইহারই নাম অদৃষ্ট-বিড়ম্বনা।

সিরাজদৌলা রাজকার্যে হস্তক্ষেপ করিয়া বিরূপভাবে রাজধর্ম প্রতিপালন করিয়াছিলেন, তাহা অনেকের নিকটেই অপরিচিত । কেন না, যে সামান্য কয়েক মাস তিনি সিংহাসনে উপবেশন করিয়াছিলেন, তাহা কেবল বুদ্ধকোলাহলেই অতিবাহিত হইয়া গিয়াছিল ; নিশ্চিন্ত-মনে রাজকার্য পরিচালনা করিবার অবসর ঘটিয়া উঠে নাই । সুতরাং সিরাজদৌলার শাসনকার্যের সমালোচনা করিতে হইলে, নবাব আলি-বর্দীর শেষ জীবনে তিনি যখন প্রতিনিধিরূপে রাজ্যশাসন করিয়াছিলেন, সেই সময়ের ইতিহাসেরই আলোচনা করা আবশ্যিক । সে ইতিহাসে সিরাজদৌলা এবং ইংরাজ-বণিক, কে বিরূপ চরিত্রের পরিচয় রাখিয়া গিয়াছেন, তাহার তথ্যসম্মান না করিয়া, অনেকেই বলিয়া থাকেন যে, সে কালের ইংরাজ দেবতা—আর সিরাজ অশুর, তাই অশুর দলনের জন্তই পলাসির সমরক্ষেত্রে ইংরাজ-দেবতা সঙ্গীনস্কন্ধে অবতীর্ণ হইয়াছিলেন !

ইংরাজ ইতিহাস-লেখকগণ বহুযত্নে সিরাজদৌলার যে নৃশংসচরিত্র অঙ্কন করিয়া গিয়াছেন, ইংরাজ দপ্তরের কাগজপত্রে কিন্তু সে রূপ চরিত্রের পরিচয় পাওয়া যায় না । সিরাজ ইংরাজদিগকে বিশ্বাস করিতেন না ; তাহাদিগকে ছুচক্ষে দেখিতে পারিতেন না । তাহাদের ছল-চাতুরী ও কুটিল কৌশল ধরিতে পারিলে সাধ্যমত দণ্ডদান করিতেন । এসকলই সত্য কথা । কিন্তু রাজকার্যে লিপ্ত হইয়া সেই সিরাজদৌলা ইংরাজদিগকে কোনদিনই ছল চাতুরী বা জাল জুয়াচুরী করিয়া অপদস্থ বা সর্বস্বান্ত করিবার চেষ্টা করেন নাই । বরং কোন কোন কার্যে স্পষ্টই বুঝিতে পারা যায় যে, ইংরাজদিগের উপর রাজা বা জমীদারগণ কিঞ্চিদ্ভ্রাতৃও উৎপীড়ন করিলে, সিরাজদৌলা কঠোর-

হস্তে জমীদারগণকে শাসন করিয়া, ইংরাজের বাণিজ্যরক্ষার সহায়তা করিতেন। ইহার দুই একটি দৃষ্টান্ত এখনও বর্তমান আছে।

এখন যেমন কলিকাতা মহানগরী মফঃস্বলবাসী ধনী-সন্তানদিগের সাধারণ প্রমোদশালায় পরিণত হইয়াছে, সেকালে কলিকাতায় এরূপ কোন উৎকট প্রলোভন বর্তমান ছিল না। কেহ বাণিজ্যব্যবসায়ে অর্থোপার্জন করিবার জন্য, কেহ বা বর্গীর হাজামায় নিরাপদ হইবার সম্ভাবনায় সময়ে সময়ে কলিকাতায় আসিয়া বাস করিতে আরম্ভ করিয়াছিলেন। বর্দ্ধমানের মহারাজ তিলকচাঁদ বর্গীর হাজামায় উপযু্যপরি বিপর্যস্ত হইয়া, অবশেষে কলিকাতায় একটি রাজবাটী নির্মাণ করিয়াছিলেন; অবসর সময়ে সেখানে আসিয়া দুই দশ দিন বাস করিতেন, অধিকাংশ সময় তাহা কৰ্মচারিগণের রক্ষণাধীনেই পড়িয়া থাকিত। রামজীবন কবিরাজ নামে মহারাজের একজন তহশিলদার, গোপনে গোপনে ইংরাজদিগের সঙ্গে বাণিজ্যব্যাপারে লিপ্ত হইয়া, কিঞ্চিৎ কিঞ্চিৎ অর্থোপার্জন করিতেন। যে কারণে হউক, রামজীবন একবার জন উড্ নামক একজন ইংরাজ-বণিকের নিকট কিছু ঋণগ্রস্ত হইয়া পড়েন। উড্ সাহেব রামজীবনের নামে কলিকাতার “মেয়রকোর্টে” ৬৩৫৭ টাকার এক ডিক্রী করিয়া রাখিয়াছিলেন। * এই টাকার সহিত অবশ্যই বর্দ্ধমান-রাজের কোন সংস্রব ছিল না। কিন্তু ইংরাজ-বণিক যখন সহজে রামজীবনের নিকট হইতে টাকা আদায় করিতে পারিলেন না, তখন ইংরাজ-আদালতের তৎকাল-প্রচলিত অদ্ভুত বিচার-কৌশলে রামজীব-

* The Gomasta owed Rupees 6357 to a European, the payment of which could not be secured.”—Rev. Long.

নের ঋণ আদায়ের জন্ত বর্ধমানের মহারাজের কলিকাতায় রাজবাটী
ক্রোক করিয়া তালাবদ্ধ করিয়া ফেলিলেন ! এই আকস্মিক অত্যাচারে
বর্ধমানের মহারাজ মর্মপীড়িত হইয়া, উক্ত ইংরাজ-বাণিককে শিক্ষা
দিবার জন্ত, নিজ অধিকার মধ্যে যেখানে যেখানে ইংরাজের বাণিজ্য-
লয় ছিল, তাহা তালাবদ্ধ করিয়া গোমস্তাদিগকে কারাবদ্ধ করিলেন ;—
বর্ধমান প্রদেশে ইংরাজ-বাণিজ্য বদ্ধ হইয়া গেল । * আলিবর্দীর শাসন-
সময়ে জমীদারগণ স্বাধিকার মধ্যে স্বাধীন হইয়া উঠিয়াছিলেন, সুতরাং
বর্ধমানরাজের এই কার্য্যে বিশেষ অপরাধ ছিল না । কিন্তু দোষ কাহার,
তাহার অনুসন্ধান না করিয়াই ইংরাজ-দরবার স্থির করিলেন যে, মহা-
রাজের ব্যবহার নিতান্ত অসঙ্গত এবং অপমানজনক.—যেহেতু ইউক,
তাহার প্রতিকার করিতে হইবে । † ইংরাজবাণিক নবাবদরবারে অভি-
যোগ করিলেন । সিরাজদৌলাই তখন প্রকৃত নবাব,—আলিবর্দীর
নামে তিনিই বঙ্গভাগ্য শাসন করিতেছিলেন । সিরাজদৌলা জমিদার-
দিগের স্বাধীনশক্তিকে দমন করিবার জন্ত যেহেতু লালায়িত, তাহাতে
এই অভিযোগ শ্রবণ করিয়া তিনি বর্ধমানের মহারাজকে বিলক্ষণ
অপ্রতিভ করিবার অবসর পাইলেন । ইংরাজগণ যে নিতান্ত অসঙ্গতরূপে
রামজীবনের ঋণের জন্ত মহারাজের সম্পত্তি আটক করিয়াছিলেন, সে
কথা পড়িয়া থাকিল । মহারাজ তিলকচাঁদ কি জন্ত নবাব-দরবারে
অভিযোগ না করিয়া স্বয়ং তাহার প্রতিবিধান করিতে ব্যগ্র হইয়া-

* Consultations. 1 April, 1755.

† “Upon taking into consideration this affair, the Board are
of opinion the Rajah has taken a step by no means warrantable
and extremely insolent.”—Long’s Selections.

ছিলেন,—তাহারই বিচার উপস্থিত । সে বিচারে মহারাজ পরাস্ত হইলেন ! নবাব-দরবারের আদেশে তাঁহাকে অবিলম্বে ইংরাজ বাণিজ্য রক্ষা করিতে হইল । এতদুপলক্ষে নবাব-দরবার হইতে যে মীমাংসাপত্র বাহির হইয়াছিল, ইংরাজগণ তাহার ইংরাজী অনুবাদ সময়ে রক্ষা করিয়াছেন । *

এই ব্যবহারের সঙ্গে রাজবল্লভের ব্যবহারের একটু তুলনা করা আবশ্যিক । রাজবল্লভ ইংরাজদিগের নিকট বন্ধু বলিয়াই পরিচিত । ইংরাজ যখন সিরাজদৌলার সঙ্গে প্রকাশ্য শত্রুতার লিপ্ত হন, রাজবল্লভের পুত্র কৃষ্ণবল্লভ তখন ইংরাজ-দুর্গে আশ্রয় লইয়াছিলেন ! কিন্তু রাজবল্লভ যখন ঢাকার নবাব বলিয়া পরিচিত ছিলেন, সে সময়ে তিনি বিনা কারণে ইংরাজদিগের দুর্গতির একশেষ করিয়া ছাড়িয়া দিয়াছিলেন ! রাজবল্লভ একবার নজর তলব করিয়া পাঠাইলেন, ইংরাজ তাহাতে ক্রক্ষেপ করিলেন না ;—অমনি রাজবল্লভ ইংরাজদিগের গোমস্তাবর্গকে কারারুদ্ধ করিলেন, ইংরাজের বাণিজ্য বন্ধ করিয়া দিলেন, এবং বাথরগঞ্জ হইতে ঢাকা অঞ্চলে নৌকাপথে ইংরাজ-বণিকের যে সকল চাউল ধান আসিতেছিল, তাহা আটক করিয়া ফেলিলেন ;—রাজবল্লভের শাসনে লোকে সাহস করিয়া আর ইংরাজের চাকরী করিতেও স্বীকৃত হইল না ! † রাজবল্লভ পার্শ্বণী আদায়ের বা নজর আদায়ের উপলক্ষ করিয়া প্রায় মধ্যে মধ্যেই একরূপ ব্যবহার করিতেন !

* পরিলিষ্টে দ্রষ্টব্য ।

† They have received lately many insults from the Government there, and particularly in their giving public orders that no person there shall serve the factory."—Long's Selections.

তিনি মুর্শিদাবাদে চলিয়া আসিলে, তাঁহার পুত্র কৃষ্ণবল্লভ কিছু দিন ঢাকার নবাবী করিয়াছিলেন । কৃষ্ণবল্লভের অধীনে মীর আবুতালের নামে একজন নাএব ছিল । সে ওলন্দাজ বণিকদিগের একজন খেতাব-কর্মচারীকেও কারারুদ্ধ করিয়া উৎপীড়ন করিতে ছাড়ে নাই ! এই সকল কথা ইংরাজগণ কাগজপত্রে লিখিয়া রাখিয়াছিলেন, কিন্তু সিরাজদ্দৌলার বিরুদ্ধে খজাধারণ বা লেখনী চালনা করিবার সময়ে ইহা স্মরণ করা আবশ্যক মনে করেন নাই ।

রাজবল্লভের এবং কৃষ্ণবল্লভের উৎপীড়নে ইউরোপীয় বণিকগণ এরূপ বিপর্যস্ত হইতেন যে, সময়ে সময়ে তজ্জন্ত নবাব-দরবারে সমুদায় শ্রেণীর ইউরোপীয় বণিকগণ সমবেতভাবে অভিযোগ উপস্থিত করিয়া পরিত্রাণ পাইতেন । কিন্তু অতি সামান্য সামান্য বিষয় লইয়া সেই ইংরাজেরাই আবার আশ্রয়দাতা মুসলমান নবাবের সঙ্গে কলহ করিতেও ইতস্ততঃ করিতেন না ! কলিকাতাবাসী, কি হিন্দু কি মুসলমান, কেহ নিঃসন্তান অবস্থায় পরলোক গমন করিলে, নবাব-সরকার হইতে তাহাদের ধনসম্পত্তি হস্তগত করিবার আয়োজন হইলে, ইংরাজগণ একটা না একটা ধূয়া ধরিয়া তখনই তাহাতে বাধা প্রদান করিয়া আসিয়াছেন । * ফরাসীদিগের সঙ্গে ইংরাজের কুটুমিতারও অন্ত ছিল না । শত্রুতারও অরধি ছিল না । আলিবর্দীর শাসনকালের শেষ দশায় ইউরোপে ইংরাজ এবং ফরাসীর মধ্যে যুদ্ধ বাধিবার উপক্রম হয় । সেই ধূয়া ধরিয়া ইংরাজগণ কলিকাতার দুর্গসংস্কার এবং সৈন্যদল গঠন

* "The Nawab Aliverdi Khan repeatedly claimed the property of Calcutta-Natives dying without male issue on the ground that in such cases the Mogul becomes heir."—Rev. Long.

করিবার চেষ্টা করিতে লাগিলেন। তাঁহারা যে নবাবের আশ্রয়ে নবাবের রাজ্যে নিরুদ্বেগে বাণিজ্য ব্যবসায় লিপ্ত হইয়া অর্থোপার্জন করিবার অধিকার পাইয়াছেন, তাহার জন্ত কৃতজ্ঞ হওয়া দূরে থাকুক, যাহাতে কলিকাতা নগরে নবাবের শাসনক্ষমতা প্রতিষ্ঠালাভ করিতে না পারে, সময় এবং সুযোগ পাইলেই তাহার জন্ত প্রাণপণে যত্ন করিতেন !

আলিবর্দী ইহা জানিতেন। কিন্তু বর্গির হাঙ্গামায় লিপ্ত হইয়া তিনি জানিয়া শুনিয়াও উচ্চবাচ্য করিতেন না। এখন ইংরাজ বণিকের ধৃষ্টতা ও অকুতোভয়তা লক্ষ্য করিয়া সিরাজদৌলাকে সাবধান করিবার সময়ে স্পষ্টই বলিতে লাগিলেন যে, ইংরাজের বর্ণশক্তি খর্ব করিতে না পারিলে, বাঙ্গালা রাজ্যের কদাচ মঙ্গল হইবে না। * এতদিনের পর আলিবর্দীর ঞ্চায় প্রবীণ ধর্মশীল নরপতিকেও আপন মতের পোষকতা করিতে দেখিয়া, সিরাজদৌলাও পুলকিত হইয়া উঠিলেন। কিন্তু সে পুলক কেবল ক্ষণিক পুলকমাত্র ! যখন বাহুবল ছিল, ধনবল ছিল, দেশে দেশে আলিবর্দীর প্রবল প্রতাপে শত্রুহৃদয় কম্পিত হইত, তখন যাহা সম্ভব হইত, এখন আর তাহা সম্ভব হইতে পারে না। আর সে দিন নাই !

ইংরাজ, ফরাসী, দিনামার, ওলন্দাজ—সকলেই বিদেশী বণিক ; নবাব-সরকারের অনুকম্পায় বাঙ্গালাদেশে বাণিজ্য করিতেছেন। তাঁহাদের মধ্যে ইউরোপথণ্ডে যুদ্ধই হউক আর সন্ধিই সংস্থাপিত হউক, তাহার সঙ্গে বাঙ্গালাদেশের যে কিছুমাত্র সংস্রব থাকিতে পারে, সিরাজদৌলা তাহা বুঝিতে পারিলেন না। ফরাসীর সহিত ইংরাজের ইউরোপথণ্ডে যুদ্ধ বাধিলে, বাঙ্গালাদেশে ইংরাজ-দুর্গ-সংস্কার

* "His last advice to his grandson was to deprive the English of Military power."—Holwell's Tracts, page 286.

করিবার আবশ্যক কি ? ইউরোপে যুদ্ধ বাধিয়াছে বলিয়া ফরাসীরা কি কলিকাতা লুণ্ঠন করিতে পারেন ? সুতরাং সিরাজদ্দৌলা ভাবিলেন যে, দুর্গসংস্কার করাই ইংরাজের উদ্দেশ্য, ফরাসী-যুদ্ধের আশঙ্কার সংবাদ একটা ধূয়া মাত্র ! ইংরাজগণ কেবল দুর্গসংস্কারের চেষ্টা করিয়াই নিরস্ত হইলেন না । তাঁহারা বিলাতের কর্তৃপক্ষীয়দিগের আদেশ পাইয়া, কলিকাতা রক্ষার জন্ত অতিরিক্ত সেনাদল গঠন করিতে আরম্ভ করিলেন ।* এদিকে আলিবর্দী উপদেশ দিতেছেন যে, ইংরাজের রণশক্তি খর্ব করিতে না পারিলে বাঙ্গালা রাজ্যের কিছুতেই কল্যাণ নাই, ওদিকে সেই ইংরাজ দিন দিনই রণশক্তি প্রবল হইতে প্রবলতর করিয়া তুলিতেছেন ! সিরাজদ্দৌলা ইহা নীরবে সহ করিতে পারিলেন না । প্রায় সর্বদাই মাতামহের নিকটে আসিয়া ইংরাজদিগের বিরুদ্ধে অভিযোগ করিতে আরম্ভ করিলেন ।

রাজবল্লভ ইংরাজদিগের রীতি নীতি ও কার্য্য প্রণালী বিলক্ষণরূপে অবগত ছিলেন । তিনি এই সময়ে কাশিমবাজারের ইংরাজকুঠীর গোমস্তা ওয়াট্‌স্ সাহেবকে হাত করিতে আরম্ভ করিলেন । ওয়াট্‌স্ কলিকাতার ইংরাজ দরবারে প্রায় প্রত্যহই সংবাদ পাঠাইতেন ;— ইংরাজ গবর্ণর তাহাতেই মুর্শিদাবাদ দরবারের প্রত্যেক কথা ঘরে বসিয়া প্রতিদিন পাঠ করিবার অবসর পাইতেন । রাজবল্লভ ওয়াট্‌স্কে হাত করার, কলিকাতার ইংরাজ-দরবারও তাঁহার হাত হইয়া গেল ! সিরাজদ্দৌলা এ সকল কথার সন্ধান পাইয়া, ইহা যে প্রকাশ্য শত্রুতার পূর্বলক্ষণ, তাহা বুঝিতে পারিয়াছিলেন । কিন্তু বুঝিলে আর কি

* Court's letter, 11 February, 1756.

হইবে ? আলিবর্দীর উদররোগ ক্রমে অসাধ্য হইয়া উঠিল ! মুম্বু নবাবের অন্তিম সময়ে আর যুদ্ধকোলাহল উপস্থিত করিতে পারিলেন না । রাজবল্লভ এবং ইংরাজ বণিক সমর ও সুযোগ পাইয়া পরস্পরের সঙ্গে প্রীতিবন্ধন সুদৃঢ় করিতে আরম্ভ করিলেন । সিরাজদৌলার ক্রোধাগ্নি নির্বাপিত হইল না, তাহা ধীরে ধীরে প্রধূমিত হইতে লাগিল * ।

* Thornton's History of British India, Vol. I.





একাদশ পরিচ্ছেদ ।

রুদ্ধ নবাবের অন্তিম উপদেশ ।

বিধাতার বিড়ম্বনায় রাজবল্লভের সকল চেষ্টাই বিফল হইয়া গেল ! ১৭৫৬ খৃষ্টাব্দে আলিবর্দী বর্তমানে নওয়াজেস্ মহম্মদের মৃত্যু হইল ! * রাজবল্লভের মাথায় আকাশ ভাঙ্গিয়া পড়িল ! মুসলমান, ইতিহাসলেখক বলেন যে, “সকলে মিলিয়া ধরাধরি করিয়া শবদেহ যখন সমাধিগহ্বরের নিকটস্থ করিল, তখন চারিদিক হইতে সহস্র সহস্র কণ্ঠে এমন ককণ ক্রন্দন উখিত হইল যে, সমাধিস্থানে কেহ কখন তেমন আর্তিনাদ শ্রবণ করে নাই।” † সকলই ফুরাইল । নওয়াজেস্ মহিষী ঘসেটি বেগম

* নবাবী আমলের বাদশাহার ইতিহাসে এই ঘটনা ১৭৫৫ খ্রীষ্টাব্দে উল্লিখিত হইয়াছে ।

† Sair Mutakherin.

যতিঝিলে আন্তনাদ করিতে লাগিলেন। সিরাজদৌলা যে তাঁহার কত না দুর্গতি করিবেন, তাহা ভাবিয়া আকুল হইয়া উঠিলেন। ইহার অল্পদিন পরেই পূর্ণিয়ার সাইয়েদ আহমদেরও মৃত্যু হইল! তাঁহার পুত্র শওকতজঙ্গ পূর্ণিয়া প্রদেশের নবাব হইলেন। শওকত তরুণ যুবক, ঘসেটি বেগম অন্তঃপুরচারিণী দুর্বল রমণী ;—সুতরাং সিরাজের কণ্টক দূর হইল বলিয়া আলিবর্দী আশ্বাসলাভ করিতে না করিতেই রাজবল্লভ এক নূতন প্রতিদ্বন্দী উপস্থিত করিলেন।

নওয়াজেসের কোন সন্তান সন্ততি ছিল না। তিনি সেই জন্ত সিরাজদৌলার কনিষ্ঠ সহোদরকে পোষ্যপুত্র গ্রহণ করিয়াছিলেন। সে পোষ্যপুত্র নওয়াজেসের জীবনকালেই পরলোক গমন করে। কিন্তু তাহার একটি অল্পবয়স্ক পুত্রসন্তান বর্তমান ছিল। রাজবল্লভ সেই শিশুসন্তানকে সিংহাসনে বসাইয়া ঘসেটি বেগমের নামে স্বয়ং বাঙ্গালা, বিহার, উড়িষ্যার নবাবী করিবার কল্পনা করিলেন *।

আলিবর্দীর জীবনের আশা ফুরাইয়া আসিতেছে, সুনিপুণ রাজ-বৈদ্যগণ বৃদ্ধ নবাবের দিকে সাক্ষনয়নে দৃষ্টিপাত করিয়া ভগ্নহৃদয়ে ফিরিয়া আসিতেছেন, সিরাজদৌলা নিশিদিন মাতামহের শয্যাপার্শ্বে কণ্ঠলগ্ন হইয়া বসিয়া রহিয়াছেন ;—রাজবল্লভ বুঝিলেন, ইহাই উপযুক্ত সুসময়। তিনি কৃষ্ণবল্লভকে সংবাদ পাঠাইলেন যে, “আর কি দেখিতেছ, ঢাকার ধনসম্পদ ও পরিবার লইয়া নৌকাপথে কলিকাতা অঞ্চলে পলায়ন কর।” কলিকাতায় গিয়া কৃষ্ণবল্লভ বাহাতে ইংরাজের আশ্রয় পান, তাহার জন্ত ওয়াট্‌স সাহেবকে বিশেষভাবে অনুরোধ জানাইলেন। ইংরাজ ইতিহাসলেখক বলেন যে, “ওয়াট্‌স সাহেবের বিশেষ

* Sair Mutakherin.

অপরাধ ছিল না । সকলেই বলিতে লাগিল যে, বৃদ্ধ নবাবের শেষ-
নিঃশ্বাস পতিত হইতে যাহা কিছু অপেক্ষা, রাজবল্লভ থাকিতে সিরাজ-
দৌলা কখনই সিংহাসনে বসিবার অবসর পাইবেন না ; ঘসেটি বেগমের
পালিত সন্তানই সিংহাসনে আরোহণ করিবে,—অতএব ঘসেটি বেগমের
চিরানুগত বিশ্বস্ত মন্ত্রী রাজবল্লভের অনুরোধ আর কেমন করিয়া
উপেক্ষা করা যায় ? ওয়াট্‌স্ যখন অনুরোধপত্র পাঠাইলেন, গবর্ণর
ডেক সাহেব তখন স্বাস্থ্যভাভের জন্ত বালেশ্বরের বন্দরে বায়ুপরিবর্তন
করিতেছিলেন । তাঁহাকে জিজ্ঞাসা না করিয়াই কলিকাতার ইংরাজগণ
কৃষ্ণবল্লভকে কলিকাতায় আশ্রয় দিতে স্বীকৃত হইলেন ।” এদিকে কৃষ্ণ-
বল্লভ ৬পুরুষোত্তমধাম দর্শন করিবেন বলিয়া, সপরিবারে নৌকাপথে
যাত্রা করিলেন । ঢাকার বিপুল ধনভাণ্ডার বহন করিয়া কৃষ্ণবল্লভের
তীর্থযাত্রার তরঙ্গীগুলি পথ ভুলিয়া পদ্মা ও জলঙ্গী নদী বাহিয়া ভাগীরথীতে
আসিয়া উপস্থিত হইল এবং লোকে ভাল করিয়া বুঝিতে না বুঝিতে
কলিকাতার বন্দরে গিয়া নিরাপদে উপনীত হইল ।*

সিরাজদৌলা যে অত্যাচারী নিষ্ঠুর নবাব, তাহা বলিয়া রাজবল্লভ
ভীত হইলেন না । তিনি জানিতেন যে, সিরাজদৌলাই প্রকৃত নবাব,
আলিবর্দীর স্নেহপুত্র এবং প্রতিভাশালী তেজস্বী যুবক । সিরাজ-
দৌলা সিংহাসনে আরোহণ করিলে ঢাকার নেয়াবতে উপযুক্ত নবাব
নির্বাচন করিবার এবং পূর্বনবাব নওয়াজেস মোহম্মদ ও রাজবল্লভের
হিসাব নিকাশ লইবার অধিকার সিরাজদৌলারই হইবে । † নবাব

* Orme's Indostan, ii 49.

† এই সময়ে রাজবল্লভ নিকাশ দিবার জন্যই মুর্শিদাবাদে আনীত হইয়া
ছিলেন ।

নাজিম বলিয়াই হউক, আর নওয়াজেসের উত্তরাধিকারী বলিয়াই হউক, নওয়াজেসের ধনরত্নে রাজবল্লভ অপেক্ষা সিরাজদৌলারই যে শাস্তানু-মোদিত অধিকার, তাহা কেহই অস্বীকার করিতে পারিবে না । সিরাজ-দৌলা সেই অধিকার সংস্থাপন করিয়া পিতৃব্যের ত্যক্তসম্পত্তি সহ পিতৃব্য-স্বমণী ঘসেটি বেগমকে অন্তঃপুরে আনিয়া প্রতিপালন করিতে চাহিলে রাজবল্লভ কি বলিয়া বাধা দিবেন ? আর লোকেই বা কি বলিবে ? সিরাজদৌলা সিংহাসনে বসিতে নাপারিলে এ সকল গোলযোগের কিছু-মাত্র সম্ভাবনা থাকে না । অগত্যা রাজবল্লভ মতিঝিলে সেনাসংগ্রহ করিয়া বাহুবলে ও মন্ত্রণাকৌশলে সিরাজদৌলার গতিরোধ করিবার চেষ্টা করিতে লাগিলেন ।

সেকালে পথ ঘাটের তত সুবিধা ছিল না । লোকে নৌকাপথে দেশ বিদেশে যাতায়াত করিত । সিপাহীরা নৌকায় চড়িয়া যুদ্ধযাত্রা করিত, বণিকেরা নৌকাযোগে বাণিজ্য ব্যাপার চালাইত, বিলাসীরা নৌকায় নৌকায় জলবিহারে বাহির হইত ;—পদ্মা এবং ভাগীরথী বহিরা লোকে সহজেই মুর্শিদাবাদে আসিতে পারিত । মুর্শিদাবাদে কয়েকটি নগরভোরণ ভিন্ন কোন দুর্গ কি নগরপ্রাচীর ছিল না । রাজ-ধানী নিতান্ত অরক্ষিত অবস্থাতেই পড়িয়াছিল । দেশ অরক্ষিত, প্রজা নিরপেক্ষ, জমীদারদল অসন্তুষ্ট ; এরূপ অবস্থায় কেহ সাহস করিয়া সহসা আক্রমণ করিলে সহজেই কার্যসিদ্ধি হইতে পারে । সুতরাং জমীদারগণ ও জগৎশেঠ মনের মত নবাব নির্বাচন করিবার জন্ত চেষ্টা করিতে লাগিলেন । আলিবর্দী যদিও সিরাজদৌলাকে সিংহাসনে বসাইবেন বলিয়া পূর্বেই ঘোষণা দিয়াছিলেন, এবং সিরাজদৌলা তদনু-সারে ইউরোপীয়দিগের নিকটেও নজর পাইতে আরম্ভ করিয়াছিলেন,

তথাপি মুসলমান ইতিহাসলেখক সাইয়েদ গোলামহোসেন সে কথা স্বীকার করেন নাই । সাইয়েদ আহমদের সঙ্গে বিশেষ ঘনিষ্ঠতা থাকার তিনি অনেক সময়ে তাঁহার দরবারের শোভাবর্ধন করিতেন । তিনি লিখিয়া গিয়াছেন যে, মৃত্যুর পূর্ব পর্য্যন্তও সাইয়েদ আহমদের বিশ্বাস ছিল যে, তিনিই আলিবর্দীর সিংহাসনে আরোহণ করিবেন ।* তাঁহার অভাবে তাঁহার পুত্র শওকতজঙ্গ বাহাদুর পুণিয়ার নবাব হইয়াছিলেন ; আলিবর্দীর সিংহাসনের উপর তাঁহারও কিঞ্চিৎ লোভদৃষ্টি পতিত হইয়াছিল । লোকে এ সকল কথা জানিত । রাজবল্লভ অনন্তোপায় হইয়া একটি শিশুসন্তানকে সিংহাসনে বসাইবার কল্পনা করিতেছিলেন ; কিন্তু এখন সকলে মিলিয়া শওকতজঙ্গকে নবাব করিবার প্রস্তাব তুলিলেন ।

অর্থব্যয় করিতে হইবে না ; শরীরের রক্ত ক্ষয় করিয়া নিরন্তর শিবিরে শিবিরে মৃত্যুক্রোড় আলিঙ্গন করিবার জন্ত রূপাণহস্তে ছুটাছুটি করিতে হইবে না , জয় পরাজয়ের উৎকট চিন্তায় ব্যাকুল-হৃদয়ে বিনিদ্র-নয়নে কালপ্রতীক্ষা করিতে হইবে না ; যে যেখানে আছে, যে যেদিকে ভাবে আছে, যে যেমন পদগৌরব সম্ভোগ করিতেছে, তাহা সকলই স্থির থাকিবে,—কেবল একটি মুখের কথা বলিলেই যদি শওকতজঙ্গ আসিয়া সিরাজদৌলার মুণ্ডচ্ছেদ করিয়া সিংহাসনে আরোহণ করিতে অগ্রসর হন,—তবে তাহাতে আর জমীদারদের ইতস্ততঃ কি ? মৃতরাং সকলে সহজেই সম্মত হইলেন ।

শওকতজঙ্গ বাহাদুর ইহাতে অসম্মত হইলেন না ;—কিন্তু তাঁহার প্রবীণ মন্ত্রীদল একটু ইতস্ততের মধ্যে পড়িলেন । অবশেষে তাঁহাদের

মন্ত্রণাক্রমে দিল্লী হইতে একখানি বাদশাহী সনন্দ আনাইবার চেষ্টা করাই স্থির হইয়া গেল ;—দিল্লীতে প্রচুর অর্থবৃষ্টি হইতে লাগিল । *

যাহারা সিরাজদৌলাকে পদচ্যুত করিবার জন্ত এই সকল ষড়যন্ত্রে লিপ্ত হইতেছিলেন, তাঁহারা সকলেই শওকতজঙ্গ ও তদীয় পিতা সাইয়েদ আহমদকে বিলক্ষণরূপে চিনিতেন । সাইয়েদ আহমদ প্রথমে উড়িষ্যার শাসনকর্তা ছিলেন । তিনি সেখানে উৎকলরমণীর উৎকট-সৌন্দর্য্যে আত্মবিস্মৃত হইয়া গৃহস্থ-ললনার সর্বনাশ সাধনের আয়োজন করায় ধর্ম্মশীল আলিবর্দী তাঁহাকে উড়িষ্যা হইতে দূর করিয়া দিয়াছিলেন ।† সেই সাইয়েদ আহমদের দৃষ্টান্ত ও উপদেশ পাইয়া শওকতজঙ্গ তরল-হৃদয়ে সুশিক্ষালাভের অবসর পান নাই । সিরাজ বরং বিদ্যালাভ করিয়াছিলেন, সময়ে সময়ে রাজকাৰ্য্য পরিদর্শন করিয়া রাজনীতিজ্ঞ হইয়াছিলেন, এবং আবশ্যক হইলে অসিহস্তে সম্মুখযুদ্ধে বীরের ত্রায় জীবন বিসর্জন করিতেও যে কাতর নহেন, তাহারও পরিচয় প্রদান করিয়াছিলেন । কিন্তু শওকতজঙ্গের ইহার কোন সদ্বৃণই ছিল না । তথাপি লোকে বাছিয়া বাছিয়া সিরাজের পরিবার্ত্তে শওকতজঙ্গকে সিংহাসনে বসাইবার জন্ত ব্যাকুল হইয়াছিল কেন? ইহার একমাত্র উত্তর এই যে, দেশের জন্ত বা দেশের জন্ত কেহই ব্যাকুল হয় নাই, সকলেই আপন আপন পার্থসাঁধনের জন্ত ব্যাকুল হইয়াছিল । সেই জন্য পাত্রাপাত্র বিচার করা আবশ্যক হয় নাই । ইহারাই কালে সিরাজদৌলার কলঙ্করটনা করিয়া আত্মপাপ ক্ষালন করিয়া গিয়াছেন ! ‡

* Stewarts History.

† “Being much addicted to pleasure, he was guilty of excesses in procuring women of his *harem* from the inhabitants.” Stewart.

‡ শ্রীযুক্ত কালীপ্রসন্ন বন্দ্যোপাধ্যায় মহাশয় কুচক্রী পাত্রমিত্রগণের পক্ষ সমর্থ-

নওয়াজেস্ এবং সাইয়েদ আহমদের মৃত্যুর অব্যবহিত পূর্বে বিলাত হইতে সংবাদ আসিয়াছিল যে, ফরাসীরা বহুসংখ্যক রণতরী সাজাইয়া ভারতবর্ষ আক্রমণ করিতে আসিতেছেন। সংবাদ সত্য হউক, আর মিথ্যা হউক, কলিকাতার ইংরাজগণ কিন্তু সেই ধূম ধরিয়া দুর্গসংস্কারের জন্ত বিলাত হইতে তিন চারি জন ভাল ভাল কারিগর পাঠাইবার প্রার্থনায় পত্র লিখিতে আরম্ভ করিয়াছিলেন। * কণেল স্কট একবার ৭৫০০০ টাকায় দুর্গসংস্কার করিবার প্রস্তাব করিয়াছিলেন। † তখন তাহা কাহারও মনঃপূত হয় নাই। এখন সকলেই তাড়াতাড়ি দুর্গসংস্কারের জন্য ব্যাকুল হইয়া উঠিলেন।

ফরাসীদিগের সহিত কলহ বিবাদের সূচনা হইবামাত্র বিলাতের কর্তৃপক্ষীয়গণ এদেশের ইংরাজদিগকে সাবধান করিয়া পত্র লিখিলেন। ‡

নের জন্ত এই তর্কের প্রতিবাদচ্ছলে স্বকৃত বাঙ্গালার ইতিহাসে লিখিয়াছেন :—
“সম্ভবতঃ শওকতের সমস্ত বিদ্যা বুদ্ধি মুর্শিদাবাদ দরবারে পরিজ্ঞাত ছিল না। দূরত্ব অনেক সময়ে বস্তুর সৌন্দর্য্যবর্দ্ধক হইয়া থাকে বলিয়াই সেই আহম্মদের অহমুখ পুত্রকে তাহার প্রথমতঃ চিনিতে পারেন নাই।” (২২৮ পৃষ্ঠা) বলা বাহুল্য, এই অনুমান বন্দোপাধ্যায় মহাশয়ের অনুমান মাত্র—নচেৎ পাত্রমিত্রগণের পক্ষে আর কৈফিয়ৎ নাই।

* “We make bold to make known to Your Honors that it is highly necessary to send three or four expert Gentlemen educated in the branch of Engineering and carrying on in the most regular manner Plans of Fortifications.—Despatch to Court, 22 August, 1755.

† Revd. Long.

‡ Courts letter, 29 December, 1755. We must recommend it to you in the strongest manner to be as well on your guard as the nature and circumstances of your presidency will permit to defend our estate in Bengal; and, in particular, that you will do all in your power to engage the Nabab to give you his protection as the only and most effectual measure for the security of the Settlement and property.

তাহাদের মতামুসারে চলিতে হইলে, কলিকাতার ইংরাজদিগকে নবাবের শরণাগত হইয়া তাহার আশ্রয়ে আশ্রয় করা করিতে হইত ; এবং তাহাতে নবাব সরকারের সহিত ইংরাজবণিকের কিছুমাত্র সংঘর্ষ উপস্থিত হইবার সম্ভাবনা থাকিত না । কিন্তু কলিকাতার ইংরাজগণ সিরাজদৌলার সাহায্য ভিক্ষার আদেশ পাইয়াও, সিরাজদৌলার শত্রুদলের সহায়তা করিতে অগ্রসর হইলেন, এবং নবাবের অহুমতি না লইয়াই দুর্গ সংস্কারে হস্তক্ষেপ করিলেন ।

আলিবর্দীর আর অধিকদিন বাঁচিবার আশা রহিল না ।—একে বৃদ্ধকাল তাহাতে উদরী রোগ । সুতরাং কিছুকাল চিকিৎসকের উপদেশ পালন করিয়া অবশেষে আলিবর্দী ঔষধ সেবন পরিত্যাগ করিলেন । সকলেই বুঝিল যে, জীবনপ্রদীপ আর অধিকদিন আলোকদান করিবেনা ।

আলিবর্দীর শেষদিন যতই নিকট হইতে লাগিল, সিরাজদৌলার ভবিষ্যদাকাশ ততই তমসাচ্ছন্ন হইয়া আসিতে লাগিল । অবশেষে এক দিন বৃদ্ধমাতামহ দৌহিত্রকে সান্ত্বনাবাক্যে আশ্বস্ত করিবার জন্য সর্ব সময়ে বলিতে আরম্ভ করিলেন :—

“আমি কেবল বৃদ্ধক্ষেত্রে অসিহস্তে জীবনযাপন করিয়াই সংসার হইতে অবসর গ্রহণ করিলাম ! কিন্তু কাহার জন্য এত যুদ্ধ যুঝিলাম, কাহার জন্যই বা কৌশলনীতিতে রাজ্যরক্ষা করিবার জন্য প্রাণপণ করিয়া মরিলাম ? তোমার জন্যই ত এত করিয়াছি ।

“আমার অভাবে তোমার বিরূপ দুর্গতি হইবে, তাহা ভাবিয়া কত রজনী জাগরণে অতিবাহিত করিয়াছি ;—তুমি তাহা কিছুই জান না । আমার অভাবে, কে কি ভাবে তোমার সর্বনাশ করিতে পারে, তাহা আমার কিছুই অপরিজ্ঞাত নাই ।

“হোসেনকুলী খাঁর বিদ্যাবুদ্ধি এবং খ্যাতি প্রতিপত্তি ছিল। শওকতজঙ্গের প্রতি তাহার ঐকান্তিক অনুরাগ জন্মিয়াছিল। আজ হোসেনকুলী জীবিত থাকিলে তোমার পথ কণ্টকশূন্য হইত না। সে হোসেনকুলী আর নাই।

“দেওয়ান মাণিকচাঁদ তোমার প্রবল শত্রু হইয়া উঠিত। সেইজন্য আমি তাহাকে রাজপ্রসাদ দানে পরিতুষ্ট করিয়া রাখিয়াছি।

“এখন আর কি বলিব? আমার শেষ উপদেশ শ্রবণ কর। ইউরোপীয় বণিকদিগের বিরূপ শক্তিবৃদ্ধি হইতেছে, তাহার প্রতি সর্বদাই তীক্ষ্ণদৃষ্টি রাখিও। তাহারাই তোমার একমাত্র আশঙ্কার স্থল।

“পরমেশ্বর আমার এই দীর্ঘজীবনকে আরও কিছুদিন পৃথিবীতে জীবিত রাখিলে, আমিই তোমার এ আশঙ্কা নিশ্চূল করিয়া দিতাম। কিন্তু তাহা হইল না। এ কার্য এখন তোমাকেই একাকী সাধন করিতে হইবে।

“ইহার। তেলঙ্গ প্রদেশের যুদ্ধ ব্যাপারে লিপ্ত হইয়া যেরূপ কুটিলনীতির পরিচয় দিয়াছে, তাহা দেখিয়া তোমাকে সর্বদা সতর্ক থাকিতে হইবে। ইহার। দেশের লোকের গৃহবিবাদে উপলক্ষ করিয়া সে দেশ আপনাদের মধ্যে বাঁটিয়া লইয়া প্রজাদিগের বথাসর্বস্ব লুটিয়া লইয়াছে।

“কিন্তু সমুদায় ইউরোপীয় বণিকদিগকেই একসঙ্গে পদানত করিবার চেষ্টা করিও না। ইংরাজদিগেরই সমধিক ক্ষমতাবৃদ্ধি হইয়াছে। সে দিন তাহার। অঙ্গুরা দেশ জয় করিয়া আসিয়াছে;—তাহাদিগকেই সর্বপ্রথমে দমন করিও।

“ইংরাজদিগকে দমন করিতে পারিলে, অন্যান্য ইউরোপীয় বণিকেরা আর মাথা তুলিয়া উৎপাত করিতে সাহস পাইবে না । ইংরাজদিগকে কিছুতেই দুর্গনির্মাণ বা সেনাসংগ্রহ করিবার প্রশ্রয় দিও না ;— যদি দাও, এ দেশ আর তোমার থাকিবে না ।”*

আমরা যে সময়ের কথা বলিতেছি, তৎকালে কাশিমবাজারের ইংরাজ-কুঠিতে ডাক্তার ফোর্থ নামে একজন ডাক্তার-সাহেব ছিলেন । তিনি কেবল ঔষধপত্র লইয়াই বসিয়া থাকিতেন না ; আবশ্যকমত কোম্পানীর সকল প্রকার কার্যই সম্পাদন করিতেন । ইহাই সেকালের রীতি হইয়া দাঁড়াইয়াছিল ;—আজ যিনি মালগুদামে বসিয়া দাদনের খাতাপত্র লিখিতেছেন, কাল আবার আবশ্যক উপস্থিত হইলে, তাঁহা-কেই, কালি কলম ছাড়িয়া, বন্দুকের উপর সঙ্গীণ চড়াইয়া, কোম্পানীর বাণিজ্য রক্ষার জন্য যুদ্ধক্ষেত্রেও অগ্রসর হইতে হইত । এই প্রথার বশবর্তী হইয়া, ডাক্তার-সাহেব মধ্য মধ্য ইংরাজ পার্শ্বনিধি সাজিয়া নবাবদরবারেও যাতায়াত করিতেন । আলীবর্দী যখন নিতান্তই শয্যা-শায়ী হইয়া পড়িলেন, তখন নবাবদরবারের গতিবিধি পর্য্যবেক্ষণ করিবার জন্য ডাক্তার ফোর্থকে প্রায় প্রত্যাহ্ন নবাবের নিকট গমন করিতে হইত । ইহাই তখন তাঁহার মুখ্যকর্ম্য হইয়া উঠিয়াছিল । তিনি

* Ivc's journal. আলীবর্দীর অন্তিম উপদেশ ইংরাজদিগের গ্রন্থে স্বীকৃত হইলেও, নবাবী আমলের বাঙ্গালার ইতিহাসে উহা অবিস্মার্য বলিয়া কথিত হইয়াছে । ইঙ্গিতে ইহাও বলা হইয়াছে যে—“আলীবর্দীর কথিত উপদেশকে গ্রন্থি স্বরূপ ধরিয়া সিরাজ চরিত্র সমালোচনা করা অন্যান্য হইয়াছে ।” বন্দোপাধ্যায় মহাশয় মীরজাফরকে বাঁচাইবার জন্য সিরাজদৌলাকে আলালের ঘরের ছুলাল সাজাইতে গিয়া আলীবর্দীর উপদেশ অবিস্মার্য করিতে বাধ্য ;—যাহাদের সেসকল বাধ্য বাধকতা নাই, তাঁহারা অবিস্মার্য করিবেন কেন ?

চিকিৎসক, আলিবর্দী রোগী ; সুতরাং রোগীর গৃহ তাঁহার পক্ষে অব্যবহৃত দ্বার ;—তিনি প্রায় প্রতিদিনই সেই ধূয়া ধরিয়া সেখানে গিয়া হাজির হইতেন, এবং যেদিন বাহা শুনিতেন, আনুপূর্বিক বিবরণ যত্ন-পূর্বক লিখিয়া রাখিতেন। এ স্থলে তাহার কিয়দংশ উদ্ধৃত করা আবশ্যক ।

পূর্বেই বলিয়াছি যে, রাজবল্লভের সঙ্গে কাশিমবাজারের ইংরাজ-দিগের ঘনিষ্ঠতা সংস্থাপিত হইয়া সেই স্থলে কৃষ্ণবল্লভ কলিকাতায় আশ্রয়লাভ করিয়াছিলেন। রাজবল্লভ ঘসেটি বেগমের পক্ষাবলম্বী, এবং বলিতে কি, তিনিই তখন ঘসেটি বেগমের একমাত্র নিরাশ্রয়ের আশ্রয়। সুতরাং সেই রাজবল্লভের সঙ্গে ইংরাজদিগের ঘনিষ্ঠতা দেখিয়া সিরাজদ্দৌলার দৃঢ় বিশ্বাস হইয়াছিল যে, ইংরাজেরাও ঘসেটি বেগমের দলভুক্ত হইয়াছেন। ইহা নিতান্ত মিথ্যা জনরব নহে। যিনিই নিরপেক্ষভাবে ইতিহাস আলোচনা করিবেন, তিনিই স্বীকার করিবেন যে, সিরাজদ্দৌলা মিছামিছি ইংরাজদিগের নামে কলঙ্করটনা করিবার জন্য এ কথা প্রকাশ করেন নাই ;—ইংরাজ ইতিহাস লেখকও প্রকারান্তরে বলিয়া গিয়াছেন যে, ‘সকলেই ভাবিয়াছিল যে, আলিবর্দীর অভাবে ঘসেটি বেগমেরই আধিপত্য হইবে, সুতরাং তাঁহার প্রধান পার্শ্বচর ও পরামর্শদাতা রাজা রাজবল্লভকে হাতের মধ্যে রাখিবার জন্যই ইংরাজেরা কৃষ্ণবল্লভকে কলিকাতায় আশ্রয় দিতে বাধ্য হইয়াছিলেন।’*

* There remained no hopes of Aliverdy's recovery ; upon which the widow of Nowagis had quitted Muxadabad and encamped with 10000 men at Moota Gill, a garden two miles south of the city; and many now began to think and to say that she would prevail in her opposition against Surajo Dowla. Mr. Watts therefore was easily induced to oblige her minister and advised the presidency to comply with his request. — Orme's Indostan, ii, 50.

ডাক্তার ফোর্থ কিন্তু এ কথা অস্বীকার করিয়া সিরাজদৌলাকেই কলহ-প্রিয় চঞ্চল যুবক বলিয়া লোকসমাজে প্রতিপন্ন করিবার চেষ্টা করিয়া গিয়াছেন। তিনি বলেন :—

“আমি প্রতিদিন প্রাতঃকালে বৃদ্ধ নবাবকে দেখিয়া আসিতাম। যত্নের একপক্ষ পূর্বে একদিন তাঁহাকে দেখিতে গিয়াছি, এমন সময়ে সিরাজদৌলা আসিয়া নিবেদন করিলেন যে, তিনি সংবাদ পাইয়াছেন, আমরা নাকি ঘসেটি বেগমের সাহায্য করিতে স্বীকৃত হইয়াছি।

“বৃদ্ধ নবাব তৎক্ষণাৎ আমার দিকে চাহিয়া জিজ্ঞাসা করিলেন ;—
‘এ কথা কি সত্য ?’

“আমি বলিলাম,—‘না, ইহা কখনই সত্য নহে। আমাদের অপদস্থ করিবার প্রত্যাশায় আমাদের শত্রুপক্ষ একরূপ জনরবের সৃষ্টি করিয়া থাকিবে। ইংরাজ কোম্পানী বণিক, তাহারা সৈনিক নহে ;—দেশের রাষ্ট্রবিপ্লবে তাহারা যোগদান করিবে কেন ? এই ত প্রায় শতাধিক বৎসর আমরা এ দেশে বাণিজ্য করিয়া আসিতেছি, আমরা ত চিরদিন কেবল বাণিজ্য লইয়াই সন্তুষ্ট রহিয়াছি ; আমরা ত কখনই রাষ্ট্রবিপ্লবে কাহারও পক্ষসমর্থন করি নাই ?’

“তখন বৃদ্ধ নবাব জিজ্ঞাসা করিলেন, ‘তোমাদের কাশিমবাজারের কুঠী, না কেলা ?—সেখানে কতজন সৈনিক থাকে ?’

“আমি বলিলাম,—‘যাহা নিয়ম, তাহার বেশী থাকে না। কর্মচারী সমেত মোট ৪০ জন মাত্র।’

‘কখন কি তাহার বেশী থাকিত না ?’

‘থাকিত । কিন্তু সে কেবল বর্গীর হাঙ্গামার সময়ে ; বর্গীর হাঙ্গামা নিরস্ত হইবার পর হইতে সে সকল অতিরিক্ত সৈন্যদল কলিকাতায় চলিয়া গিয়াছে ।’

‘তোমাদের যুদ্ধজাহাজ কোথায় থাকে ?’

‘বোম্বাই ।’

‘সে সকল যুদ্ধজাহাজ এ দেশে আসিবে না ?’

‘আমি তা বলিতে পারি না ;—আসিবার কোন কারণ দেখা যায় না ।’

‘তিন মাস পূর্বেও তোমাদের কতকগুলি যুদ্ধজাহাজ এসেছিল না কি ?’

‘এসেছিল । এমন ছ’ একখানি জাহাজত প্রতি বৎসরেই আসিয়া থাকে ;—রসদ সংগ্রহ করাই তাহার উদ্দেশ্য ।’

‘এ প্রদেশে যুদ্ধজাহাজ আনিবার প্রয়োজন কি ?’

‘কোম্পানীর বাণিজ্যরক্ষা এবং ফরাসীযুদ্ধের আশঙ্কা নিবারণ করাই আমাদের একমাত্র উদ্দেশ্য ।’

‘ফরাসীদিগের সঙ্গে তোমাদের আবার কি যুদ্ধ বাধিয়াছে ?’

‘না । এখনও বাধে নাই :—শীঘ্রই বাধিবার আশঙ্কা আছে’ ।’’*

এ সকল কথোপকথন ডাক্তার-সাহেবের স্বহস্তলিখিত বিবরণীর অনুবাদমাত্র । ডাক্তার ফোর্থ যে কোম্পানীর লবণের মর্যাদা রক্ষা করিতে কিছুমাত্র ইতস্ততঃ করেন নাই, তাঁহার নিজের কথাই তাহার অকাট্য প্রমাণ ! তিনি ইংরাজদিগকে নিরীহস্বভাব মেঘশাবক বলিয়া

প্রতিপন্ন করিবার জন্য কত কথাই বলিয়াছিলেন ; কিন্তু আমরা ইংরাজালিখিত ইতিহাসেই প্রমাণ পাইতেছি যে, ইংরাজগণ নবাবের অনুমতি না লইয়া দুর্গসংস্কারে হস্তক্ষেপ করিয়াছিলেন ; রাজবল্লভ এবং ঘসেটি বেগমের সহায়তা করিবার জন্য কৃষ্ণবল্লভকে কলিকাতায় আশ্রয় দিয়াছিলেন ; নবাববাহাদুরের আশ্রয়গ্রহণ করিবার জন্য বিলাত হইতে আদেশ পাইয়াও নবাবের শত্রুপক্ষের আশ্রয় গ্রহণ করিয়াছিলেন ; এবং ফরাসীদিগের সহিত যুদ্ধ না বাধিতেই সেই ধূয়া ধরিয়া রণসজ্জা করিতে-
ছিলেন ;—অথচ সিরাজদৌলা যেমন অভিযোগ করিণেন যে, ইংরাজেরা ঘসেটি বেগমের পক্ষাবলম্বন করিতেছেন, ইংরাজ-প্রতিনিধি ফোর্থ সাহেব অমনি অবলীলাক্রমে বলিয়া উঠিলেন, “সে কি কথা ” ইংরাজ ত বণিকমাত্র, তাহারা কি রাজনৈতিক কলহবিবাদে কাহারও পক্ষাবলম্বন করিতে পারে ? এ সব নিশ্চয়ই কোন শত্রুপক্ষের রচা কথা ।”

আলিবর্দীর শেষদিন নিকট হইয়া আসিল—রোগক্লিষ্ট দুর্বল দেহ অবসন্ন হইয়া পড়িল। ১৭৫৬ খৃষ্টাব্দের ৯ এপ্রিল প্রজাবৎসল শান্ত-স্বভাব বৃদ্ধ নবাব আলিবর্দী চিরশান্তির শীতল ক্রোড়ে ঘুমাইয়া পড়িলেন ।*

* Aliverdi Khan, the ablest of all the Nababs, is buried at Khusbagh, on the west side of the river, and opposite Motijhil. H. Beveridge c. s.



দ্বাদশ পরিচ্ছেদ ।

ইংরাজ-বণিকের উদ্ধত-স্বভাব ।

১৭৫৬ খ্রীষ্টাব্দের এপ্রেল মাসে * নবাব মনুহরোল্ মোলক সিরাজ-দৌলা-শাহকুলীখাঁ-মীরজা-মোহম্মদ-হায়বৎজঙ্গ বাহাদুর বাঙ্গালা, বিহার, উড়িষ্যার মস্নদে আরোহণ করেন। শত্রুদলের মনের ভাব বাহাই থাকুক, কেহ আর প্রকাশ্যে বাধা দিতে সাহস পাইল না;—যে যেখানে ছিল, সকলেই যথাযোগ্য রাজভক্তি প্রদর্শন করিতে ত্রুটি করিল না। ইউরোপীয় বণিকেরাও কার্য্যতঃ সিরাজদৌলাকেই নবাব বলিয়া স্বীকার করিয়া লইলেন, এবং যথাকালে স্বদেশে তৎসংবাদ প্রেরণ করিয়া পূর্ব-বৎ বাণিজ্যব্যাপারে নিযুক্ত রহিলেন।

সিরাজদৌলা যখন সিংহাসনে আরোহণ করেন, কলিকাতার তখন বড়ই শোচনীয় অবস্থা। একে ইংরাজদিগের সংখ্যা নিতান্ত অল্প,

* Stewart's History of Bengal.

তাহাতে প্রায় প্রতি বৎসরেই সহস্রাধিক ইংরাজ অকালে কালকবলে পতিত হইতেন ;—অনেকেই কলিকাতার জলবায়ুর প্রকোপ সহ করিতে পারিতেন না । ইংরাজদিগের যত্নে একটি দাতব্য চিকিৎসালয় সংস্থাপিত হইয়াছিল ; তাহাতে প্রবেশ করিবার জন্ত আগ্রহের অবধি ছিল না ;—কিন্তু যাহারা প্রাণের দায়ে প্রবেশ করিতেন, তাঁহারা অনেকেই ফিরিয়া আসিবার অবসর পাইতেন না । *

বর্ষাসমাগমে জরবিকারের প্রবল প্রতাপে অনেকেই শয্যাগত হইতেন । যাহারা কোনরূপে ভালর ভালর বর্ষাকাল কাটাইয়া দিতে পারিতেন, তাঁহারা প্রতি বৎসরে ১৫ই অক্টোবরের শরৎকৌমুদী-বিধৌত প্রশান্ত নিশীথে প্রীতিভোজনে সম্মিলিত হইয়া পরস্পর পরস্পর সমাদরে প্রগাঢ় স্নেহালিঙ্গন করিয়া আনন্দোচ্ছ্বাস উদ্বেলিত করিতেন । †

বর্গীর হাঙ্গামা নিবারণ করিবার জন্ত ইংরাজ বাঙ্গালী মিলিত হইয়া নগররক্ষার্থ অগ্র পশ্চাৎ বিচার না করিয়া স্বহস্তে যে “মহারাত্রি খাত” খনন করিয়াছিলেন, তাহার গর্ভোদ্গত পুতিগন্ধে নাগরিকদিগের নাসারন্ধ্র জলিয়া উঠিত । পথ ঘাটের কিছুমাত্র পারিপাট্য ছিল না ;—বাহা ছিল, তাহাও কখন ধূলায়, কখন কাদায়, এবং নিরন্তর গুকারজনক বীভৎস দ্রব্যে পরিপূর্ণ হইয়া থাকিত । সেকালের লাল-

* There was an Hospital in Calcutta, which many entered but few came out of to give an account of their treatment.—

Hamilton.

† Revd. Long.

দীর্ঘিই সাধারণের নিকট “পার্ক” বলিয়া পরিচিত ছিল ; কিন্তু তাহার পুতিগন্ধও বহুদূর পর্য্যন্ত পথিকদিগকে ব্যতিব্যস্ত করিয়া তুলিত । *

এখন যেখানে খেতান্ন নর-শাদ্দুলগণ সৌধ-ধবল চৌরঙ্গী অঞ্চলে সশরীরে স্বর্গস্থ উপভোগ করেন, সেকালে সেখানে কেবল বন—শাদ্দুল-নির্নাদ-মুখরিত শ্রামল বন-বিটপিরাজি বিরাজ করিত । ১৭৫১ খৃষ্টাব্দে ইষ্টক প্রস্তুতের জন্য তাহার কিয়দংশ নিম্নূল হইয়াছিল ; কিন্তু তথাপি সে নিবিড় বন একেবারে উৎসাদিত হয় নাই ;—নগরের মধ্যেও অনেক স্থানেই তরুগুল্লতা স্বচ্ছন্দবনজাত স্বাভাবিক শোভা বিকাশ করিয়া সগৌরবে অঙ্গপ্রত্যঙ্গ বিস্তার করিত । † লোকে কেবল বাণিজ্য-লোভে অথবা বর্গীর ভয়েই এরূপ স্থানে বাস করিতে সন্মত হইত । কিন্তু আভ্যন্তরিক অবস্থা যতই শোচনীয় হউক, ভাগীরথী-তীর-সমাপ্রিত সুগঠিত অট্টালিকাসমূহের বাহাডম্বরে কলিকাতা বহুজনাকীর্ণ মহানগরী বলিয়াই প্রতিভাত হইত ।

এই নবজাত মহানগরে ইংরাজের প্রবল প্রতাপ ধীরে ধীরে প্রতিষ্ঠালাভ করিতেছিল । তাঁহার নবাবের রাজ্যে বাস করিয়াও নিজ সহর কলিকাতার মধ্যে স্বাধীনতা-প্রিয়তার পরিচয় দিতে ক্রটি করিতেন না । তাঁহাদের অনুমতিক্রমে পর্তুগীজ, আরমানী, মোগল এবং হিন্দু বণিকেরাও কলিকাতার বাসস্থান নির্মাণ করিয়া বাণিজ্য-ব্যাপারে প্রভূত অর্থোপার্জন করিতেন ।

* Complaints were made in 1755 that owing to the washing of people and horses in the great tank, it is so offensive at times, there is no passing to the Southward or Northward.—Rev'd. Long.

† In 1762 an order was issued to clear the town of jungle.—Rev'd. Long.

আরমানী বণিকদিগের মধ্যে খোজা বাজিদের নাম নানা কারণে বাঙ্গালার ইতিহাসে স্থানলাভ করিয়াছে। তিনি লবণের ব্যবসায়ে একাধিপত্য লাভ করিয়া পদগৌরবে সকলের নিকটেই সম্মানান্বিত হইয়া উঠিয়াছিলেন; এবং তজ্জন্ত নবাব-দরবার হইতে “ফখর-অল-তোজ্জার” অর্থাৎ “বণিকগৌরব” উপাধি লাভ করিয়া এ দেশে যথেষ্ট ক্ষমতাশালী হইয়াছিলেন।

হিন্দু বণিকদিগের মধ্যে উমাচরণের নাম “উমিচাঁদ” বলিয়া ইংরাজ-লিখিত ইতিহাসমাত্রেই চিরপরিচিত হইয়া রহিয়াছে। * ইংরাজেরা তাঁহাকে ধূর্ততার প্রতিমূর্তি বলিয়া লোকসমাজে প্রতিপন্ন করিবার জন্ত যথেষ্ট আয়াস স্বীকার করিয়া গিয়াছেন; এবং সুললিত-পদবিদ্যাস-নিপুণ লভ মেকনে আবার বর্ণনাটি সর্বাপেক্ষ সুন্দর করিবার জন্ত তাঁহাকে “ধূর্ত বাঙ্গালী” বলিয়া পরিচয় দিতেও ইতস্ততঃ করেন নাই। উমিচাঁদ বাঙ্গালী ছিলেন না। তিনি পশ্চিমাঞ্চলের হিন্দুবণিক, কেবল বাঙ্গালা বিহারে বাণিজ্য করিবার জন্তই বাঙ্গালা দেশে বাস করিতেন। উমিচাঁদকে “বণিক” বলিয়া পরিচয় দিলে, সম্পূর্ণ পরিচয় দেওয়া হয় না। তাঁহার শত-সৌধ-বিভূষিত বিচিত্র রাজপুরী, তাঁহার কুসুমদামসজ্জিত সুবিখ্যাত পুষ্পোদ্যান, তাঁহার মণিমাণিক্যখচিত রাজভাণ্ডার, তাঁহার সমস্ত সৈনিক-বেষ্টিত সুগঠিত সিংহদ্বার দেখিয়া, অস্ত্রের কথা দূরে থাকুক — ইংরাজেরাও তাঁহাকে একজন রাজা বলিয়াই মনে করি-

* উমিচাঁদ বিকৃত নাম। পুরাতনগ্রন্থে আমিরচাঁদ ও আমিনচাঁদ নাম এবং হুটারের গ্রন্থে উমাচরণ নাম দেখা গিয়াছে। নবাবী আমলের বাঙ্গালার ইতিহাসে উমিচাঁদ নাম পরিগৃহীত হইয়াছে। এরূপ ক্ষেত্রে সচরাচর প্রচলিত উমিচাঁদ নাম বিকৃত হইলেও গ্রহণ করা ভাল।

তেন* শেঠদিগের মধ্যে যেমন জগৎশেঠ, বণিকদিগের মধ্যে সেইরূপ উমিচাঁদ নবাব-দরবারে সবিশেষ সুপরিচিত ও পদগৌরবান্বিত হইয়াছিলেন ; ইংরাজবণিক বিপদে পড়িলে সর্বদাই তাঁহার শরণাগত হইতেন ; এবং অনেকবার তাঁহার অনুকম্পাবলেই যে লজ্জারক্ষা হইয়াছিল, এখনও তাহার কিছু কিছু পরিচয় প্রাপ্ত হওয়া যায় । †

ইংরাজেরা উমিচাঁদের সহায়তা লাভ করিয়াই বাঙ্গালাদেশে বাণিজ্যবিস্তারের সুবিধা পাইয়াছিলেন । তাঁহার যোগে গ্রামে গ্রামে টাকা “দাদন” করিয়া ইংরাজেরা কার্পাস এবং পটুবস্ত্র ক্রয় করিয়া প্রভূত অর্থোপার্জন করিতেন । একরূপ সুবিধা না পাইলে, অপরিচিত-দেশে ইংরাজের আত্মশক্তি সহজে প্রতিষ্ঠালাভ করিবার অবসর পাইত কি না সন্দেহ । কিন্তু ইংরাজের সঙ্গে দেশের লোকের পরিচয় হইয়া-মাত্র বিধাতার বিড়ম্বনায় ইংরাজেরা উমিচাঁদকে উপেক্ষা করিতে আরম্ভ করিলেন । সিরাজদ্দৌলা যখন সিংহাসনে আরোহণ করেন, তখন ইংরাজবণিক আর পূর্ববৎ উমিচাঁদকে বিশ্বাস করিতেন না ; উভয়ের মধ্যে যে মনোমালিন্যের সূত্রপাত হইয়াছিল, তাহা বিলক্ষণ ঘনীভূত হইয়া উঠিয়াছিল ।

* The extent of his habitation, divided into various departments, the number of his servants continually employed in various occupations, and a retinue of armed men in constant pay, resembled more the *estate* of a prince, than the *condition* of a merchant.—Orme, vol. II. 50.

† He had acquired so much influence with the Bengal Government that the Presidency, in times of difficulty, used to employ his mediation with the Nabab.—Orme. vol. II. 50.

সেকালে এ দেশের লোকের যেরূপ সরল প্রকৃতি ছিল, তাঁহাতে তাঁহারা ইংরাজদিগের অধ্যবসায়, অকুতোভয়তা এবং বিদ্যাবুদ্ধির পরিচয় পাইয়া নিঃসন্দেহে বিশ্বাসস্থাপন করিয়া ইংরাজের পক্ষপাতী হইয়া পড়িয়াছিলেন। তজ্জন্ত ইংরাজের পথ কিছু সুগম হইয়া উঠিয়াছিল।

সিরাজদ্দৌলা ইংরাজদিগকে চিনিয়াছিলেন। রাজকার্যো লিপ্ত হইয়া ইংরাজের কুটিল নীতির পরিচয় পাইয়া সিরাজদ্দৌলার ইংরাজ-বিদ্বেষ বদ্ধমূল হইয়া উঠিয়াছিল। ইংরাজেরা নবাবের অনুমতি না লইয়া দুর্গসংস্কারে হস্তক্ষেপ করিয়াছিলেন; এবং পলায়িত কৃষ্ণবল্লভকে পরম সমাদরে কলিকাতায় আশ্রয়দান করিয়াছিলেন;—ইহাতে সিরাজদ্দৌলার ক্রোধাগ্নিতে যুতাহতি পতিত হইয়াছিল। তিনি সিংহাসনে পদার্পণ করিবামাত্র বৃদ্ধ মাতামহের অন্তিম উপদেশ * স্মরণ করিয়া ইংরাজদিগকে শাসন করিবার জন্ত তাঁহাদের কাশিমবাজারের “গোমস্তা” ওয়াট্‌স সাহেবকে ডাকিয়া পাঠাইলেন।

ওয়াট্‌স সাহেব উপনীত হইলে, সিরাজদ্দৌলা কোন কথা গোপন করিলেন না;—তাঁহাকে পরিস্কার করিয়া বুঝাইয়া বলিলেন যে, “আমি তোমাদের ব্যবহারে মোটের উপর বড়ই অসন্তুষ্ট হইয়াছি। শুনিলাম যে, তোমরা নাকি আমার অনুমতির অপেক্ষা না করিয়াই কলিকাতার নিকটে দুর্গ নির্মাণ করিতেছ? আমি কিছুতেই এরূপ কার্যের প্রশ্রয় দিতে পারিব না। আমি তোমাদিগকে বণিক বলিয়াই জানি;—

* His last advice to his grandson was to deprive the English of military power.—Holwell's Tracts.

যদি বণিকের আয় শান্তভাবে বাস করিতে চাও, আমি তোমাদিগকে সমাদরে আশ্রয়দান করিব । কিন্তু মনে রাখিও যে, আমিই এ দেশের নবাব ;— যদি দুর্গপ্রাচীর চূর্ণ করিতে ক্রটি হয়, তবে কিছুতেই আমাকে সন্তুষ্ট করিতে পারিবে না ।”

ওয়াট্‌স সাহেব এ সকল কথাই সন্তুষ্ট দিতে পারিলেন না । ইংরাজ ইতিহাসলেখক অর্ন্স সাহেব বলিয়া গিয়াছেন যে, “ওয়াট্‌স সাহেব সিরাজদৌলার ইংরাজ-বিদ্বেষের পরিচয় পাইয়াও এ সকল কথা ইংরাজ-দরবারে জ্ঞাপন করেন নাই ;—কেবল তাহাতেই ত উত্তরকালে এত অনর্থ উৎপন্ন হইয়াছিল ।” * কিন্তু ওয়াট্‌স সাহেব যে এ সকল কথা যথাসময়ে কলিকাতায় লিখিয়া পাঠাইয়াছিলেন, তাহার বিশিষ্ট প্রমাণ অদ্যাপিও বর্তমান রহিয়াছে । †

* It was unfortunate, Mr. Watts had neglected to inform the precedence of the complaints which Shiraj-Daula had made.—Orme, vol. II. 55.

† Sometime before Kasimbazar was attacked, Mr. Watts acquainted the Governor and Council that he was told from the Durbar, by order of the Nabab, that he had great reason to be dissatisfied with the late conduct of the English in general. Besides he had heard they were building new fortifications near Calcutta without ever applying to him or consulting him about it, which he by no means approved of ; for he looked upon us only as a set of merchants, and therefore if we chose to reside in his dominions under that denomination we were extremely welcome, but as prince of the country he forthwith insisted on the demolition of all those new buildings we had made—Hastings’ MSS. in the British Museum, vol. 29.209.

সিরাজদৌলার অসন্তোষের প্রকৃত কারণ কি, তাহা ইংরাজ-দিগের মধ্যে কাহারও নিকট অপরিজ্ঞাত ছিল না। ইংরাজের দোষক্ষালনের জন্য ইতিহাসপৃষ্ঠায় যাহাই লিখিত হউক, পদাশ্রিত বণিক হইয়া নবাবের ইচ্ছা এবং আদেশের প্রতিকূলে দুর্গসংস্কারে হস্তক্ষেপ করিয়া ইংরাজেরা যে যথেষ্ট পরিমাণে উদ্ধত স্বভাবের পরিচয় দিয়া-ছিলেন, সে বিষয়ে কাহারও সন্দেহ হইতে পারে না। কলিকাতার ইংরাজ-দরবার যে এই সামান্য কথাটি একেবারেই বুঝিতেন না, তাহা বলিতে গেলে সত্যের অপলাপ করা হয়। তাঁহারা জানিতেন, বুঝিতেন, এবং ইহাও বিশ্বাস করিতেন যে, সরলভাবে অনুমতি ভিক্ষা করিলে ইংরাজ-বিদ্রোহী সিরাজদৌলা কন্মিন্‌কালেও ইংরাজ-দিগকে দুর্গসংস্কারের অনুমতি প্রদান করিবেন না। সুতরাং তাঁহারা জানিয়া গিয়াই সিরাজদৌলার মুখাপেক্ষা করিতে সম্মত হন নাই। ইহাতে ইতিহাসের বিচারে ইংরাজকেই অপরাধী হইতে হইবে।

সিরাজদৌলা অরণ্যে রোদন করিলেন ;—না ওয়াট্‌স সাহেব, না কলিকাতার ইংরাজ-দরবার,—কেহই সে কথার সত্ত্বের প্রদান করিলেন না। সিরাজদৌলা “উদ্ধত প্রকৃতির আশঙ্কিত যুবক” হইলে তৎক্ষণাৎ মহান্ অনর্থ উৎপন্ন হইতে বিলম্ব ঘটিত না। কিন্তু সিরাজদৌলা মন্য-পীড়িত হইয়াও আত্ম-সংযম করিলেন। যে দুর্দমনীয় হৃদয়বেগ সিরাজদৌলাকে যৌবনে অশেষ পাপপঙ্কে টানিয়া লইতেছিল, সিংহাসনে আরোহণ করিবারাত্র সে হৃদয়বেগ অবসন্ন হইয়া পড়িয়াছিল। নচেৎ ক্ষুদ্রজীবী ইংরাজ-গোয়স্তা ওয়াট্‌স সাহেবকে লাঞ্ছনা করিতে কতক্ষণ? সিরাজদৌলা তাঁহাকে আর কোন কথাই বলিলেন না ;—সাক্ষাৎভাবে

ইংরাজ-দরবারের প্রত্যুত্তর পাইবার জন্ত কলিকাতায় রাজদূত পাঠাই-
বার আয়োজন করিতে লাগিলেন ।

এই সময় হইতে সিরাজদ্দৌলা যেরূপ সতর্ক পাদবিক্ষেপে ধীরে ধীরে
গন্তব্যপথে অগ্রসর হইতে আরম্ভ করিয়াছিলেন, ইতিহাসে তাহার
যথোপযুক্ত আলোচনা হয় নাই ; সেই জন্ত কেহ অজ্ঞতাবশতঃ, কেহ বা
স্বার্থসাধনের জন্ত তাঁহার অযথা কলঙ্ক রটনা করিয়া গিয়াছেন । ইংরা-
জেরা যে সহজে দুর্গপ্রাচীর চূর্ণ করিতে সম্মত হইবেন না, সে কথা
কাহারও অবিদিত ছিল না । ভাল হউক আর মন্দ হউক, তাঁহারা
যখন একবার মুসলমান নবাবের দুর্বলতার অবসর পাইয়া মুসলমান
রাজ্যে দুর্গরচনা করিয়া লইয়াছেন, তখন সহসা যে তাঁহাদিগকে সাধা-
রণ বণিকসমিতির ন্যায় পদানত করা সহজ হইবে না, সিরাজদ্দৌলাও
তাহা বুঝিতেন ;—সেইজন্ত একজন সামান্য রাজদূত না পাঠাইয়া,
সম্ভ্রান্ত সুকৌশলসম্পন্ন প্রতিভাশালী ব্যক্তিকে দৌত্যকার্যে নিয়োগ
করিবার জন্ত খোজা বাজিদের উপর এই দৌত্যকার্যের ভার সমর্পিত
হইল ; সিরাজদ্দৌলার আশা ছিল যে, হয় ত তাঁহার পরামর্শে ও সহপ-
দেশে ইংরাজের মতিভ্রম দূর হইবে, এবং বিনা রক্তপাতে ইংরাজের
সহিত কলহবিবাদ নীরবে মীমাংসিত হইয়া যাইবে ।

খোজা বাজিদ চেষ্টার ক্রটি করিলেন না । তিনি যথাসময়ে কলি-
কাতার ইংরাজ-দরবারে উপনীত হইয়া একে একে সকল কথা বুঝাইয়া
বলিলেন ;—কিন্তু সে কথায় কেহ কর্ণপাত করিল না । বরং হিতে
বিপরীত হইল । ইংরাজেরা নবাবের পত্রের কোনরূপ প্রত্যুত্তর না
দিয়া, সেই সম্ভ্রান্ত রাজদূতকে অশেষ প্রকারে লাঞ্চিত ও অপমানিত
করিয়া নগর-বহিষ্কৃত করিয়া দিলেন । ইহা কাহারও স্বকপোল-কল্পিত

নূতন কথা নহে। বিলাতের বৃটিশ মিউজিয়মে রক্ষিত হস্তলিখিত পুরাতন ইতিহাসে ইহা দেখিতে পাওয়া যায়।*

সিরাজদৌলা ইহাতেও ধৈর্য্যচ্যুত হইলেন না। তিনি কেবল ইংরাজের উদ্ধত স্বভাবের পরিচয় পাইয়া এইমাত্র বুঝিয়া রাখিলেন যে, শীঘ্রই হুক, আর বিলশ্বেই হুক, ইংরাজের উৎকট রোগের উৎকট চিকিৎসা প্রয়োগ করিতে হইবে। কিন্তু সহসা সেরূপ ব্যবস্থা না করিয়া পুনরায় দূত পাঠাইবার চেষ্টা করিতে লাগিলেন।

সিরাজদৌলার অধীনে রাজা রামরাম সিংহ চরাধিপতির উচ্চপদে নিযুক্ত ছিলেন। বর্গীর হাঙ্গামার অবসান সময়ে রামরাম সিংহ মেদিনীপুরের কোজদার-পদে নিযুক্ত থাকিয়া যেরূপ প্রভুভক্তির পরিচয় প্রদান করিয়াছিলেন, তাহারই পুরস্কারস্বরূপ নবাব আলিবর্দী তাঁহাকে চরাধিপতি নিযুক্ত করিয়াছিলেন। নবাব আলিবর্দী এবং সিরাজদৌলা উভয়েই রামরাম সিংহকে সর্বিশেষ শ্রদ্ধা করিতেন, এবং বিশ্বাসী রাজকর্মচারী বলিয়া অনেক বিষয়ে তাঁহার পরামর্শ গ্রহণ করিতেন। সিরাজদৌলা রাজা রামরাম সিংহের উপরে কলিকাতার দূত পাঠাইবার ভার প্রণ করিলেন। খোজা বাজিদের অপমানের কথা চারি দিকে রাষ্ট্র হইয়া পড়িয়াছিল;—যাহারা খোজা বাজিদের গ্রায় সম্ভ্রান্ত রাজদূতকে এমন অপমান করিয়া তাড়াইয়া দিতে কিছুমাত্র ইতস্ততঃ করিল না,

* Hasting's MSS. vol. 29.209. "The Nabab at the same time sent to the President and Council, Fuckeer Tougur, with a message much to the same purport, which *as they did not intend to comply with*, looking upon it as a most unpreccented demand, treated the messenger *with a great deal of ignominy* and turned him out of their bounds without any answer at all."

তাহারা যে অল্প কাহাকেও সম্মান প্রদর্শন করিবে, তাহার কিছুমান সম্ভাবনা ছিল না । হয় ত পূর্বে কোনরূপ আভাস পাইলে রাজদূতকে কলিকাতায় পদার্পণ করিতেও বাধা প্রদান করিতে পারে ; সুচতুর চরাধিপতি রামরাম সিংহ তজ্জন্ম এক নূতন কৌশল অবলম্বন করিলেন । তাহার ভ্রাতাকে * দৌত্যকার্যে নিযুক্ত করিয়া তাঁহাকে ফেরিওয়ালার ছদ্মবেশে একখানি ডিপ্লী নৌকায় কলিকাতায় পাঠাইয়া দিলেন । রাজদূতকে কেহ চিনিতে পারিল না, তিনি নিরাপদে উমিটাদের গৃহে আশ্রয়লাভ করিলেন, এবং বণিকরাজের সঙ্গে ইংরাজ-দরবারে উপস্থিত হইয়া আত্মপ্রকাশ করিলেন । কিন্তু তাঁহার ভাগ্যেও লাঞ্ছনার একশেষ হইল !

এই সকল পুরাকাহিনী পাঠ করিতে করিতে স্বতঃই জিজ্ঞাসা করিতে ইচ্ছা হয়,—ইংরাজেরা এত দূর উদ্ধত হইয়া উঠিয়াছিলেন কেন ? অথবা এ সকল নিতান্ত অলীক জনাপবাদ বলিলে ক্ষতি কি ? যাহারা পদাশ্রিত বিদেশীয় বণিক, তাঁহাদের এত স্পর্ধা, এত সাহস, এত বাহুবল ? বাস্তবিক পূর্বাপর সমস্ত ঘটনার আলোচনা না করিলে, এ সকল কথা নিতান্ত জনাপবাদ বলিয়া পরিত্যাগ করিতে ইচ্ছা হয় । কিন্তু ইহা জনাপবাদ নহে ;—ইহার নিগূঢ় রহস্য উদ্ঘাটন করিলে কাহারও আর বিশ্বাসের কারণ থাকিবে না ।

সিরাজদ্দৌলা যদিও নিরুদ্বেগে সিংহাসনে পদার্পণ করিয়াছিলেন, তথাপি অনেকেই বিশ্বাস করিত যে, রাজবল্লভ জীবিত থাকিতে সিরাজ-

* শ্রীযুক্ত বিহারীলাল সরকার “জয়ভূমিতে” লিখিয়াছেন যে, অমর কামরাম সিংহই এই দৌত্য-কার্যে গমন করিয়াছিলেন । আমরা কিন্তু কোমরহানে তাহার নিদর্শন পাইলাম না ।

দৌলার নিস্তার নাই ;--যেমন করিয়া হউক, সিরাজদৌলাকে শীঘ্রই সিংহাসনচ্যুত করিয়া ঘসেটি বেগমের নামে মহারাজ রাজবল্লভই বাঙ্গালা, বিহার, উড়িষ্যা নবাবী করিতে আরম্ভ করিবেন। আলি-বর্দী জীবিত থাকিতেই ইংরাজেরা ইহার কিছু কিছু আভাস পাইয়াছিলেন ; এবং কোনরূপে রাজবল্লভকে হস্তগত রাখিবার জন্য তাঁহার পূর্বকৃত সমুদায় অত্যাচার বিস্মৃত হইয়া, ইংরাজেরা তাঁহার পলায়িত পুত্র রুঞ্চবল্লভকে কলিকাতায় আশ্রয়দান করিয়াছিলেন। ওয়াট্‌স সাহেব প্রায় প্রতাহই লিখিতে লাগিলেন যে, “সিরাজদৌলা সিংহাসনে আরোহণ করিলে কি হইবে ? এখনও ঘসেটি বেগমের আশা নিশ্চূল হয় নাই।” সুতরাং ইংরাজেরা রাজবল্লভকে হাতছাড়া করিয়া সিরাজদৌলার পক্ষাবলম্বন করিতে সাহস পাইলেন না।

উত্তরকালে যখন রাজবল্লভের সমুদয় আশা ভরসা একেবারে নিশ্চূল হইয়া গেল এবং সিরাজদৌলাই সগৌরবে রাজ্যশাসন করিতে আরম্ভ করিলেন তখন ইংরাজ ইতিহাসলেখকদিগের গলদঘর্ম্ম উপস্থিত হইল। তাঁহারা আদ্যোপান্ত সকল কথা গোপন করিয়া কেবল এইমাত্র লিখিয়া রাখিলেন যে, “একজন রাজদূত আসিয়াছিল, তাহা সত্য কথা। কিন্তু নবাব সিরাজদৌলাই যে সেই রাজদূত পাঠাইয়াছিলেন, তাহা আমরা কেমন করিয়া বুঝিব ? রাজদূত সামান্য ফেরিওয়ালার স্থায় ছদ্মবেশে নগর প্রবেশ করিয়া আমাদের পরমশত্রু “উমিচাঁদের” বাজিতে প্রবেশ করিয়াছিল কেন ? উমিচাঁদের সঙ্গে আমাদের কলহ বিবাদ,—আমরা ভাবিয়াছিলাম যে, উমিচাঁদ আদর বাড়াইবার জন্য এই কৌশলজাল বিস্তার করিয়াছেন। সেই জন্যই ত আমরা রাজদূতকে উপেক্ষা করিয়াছিলাম। নচেৎ, আমরা যদি ঘৃণাকরেও বুঝিতাম যে, স্বয়ং সিরাজ-

দৌল। রাজদূত পাঠাইয়া দিয়াছেন,—সর্বনাশ ! আমরা কি বাতুল যে, তাঁহাকে এমন করিয়া অপমান করিব ?” *

পরবর্তী ইতিহাসলেখকেরা যাহাই বলুন, একজন সমসাময়িক ইতিহাসলেখক কিন্তু একেবারে সকল কথা অস্বীকার করিতে পারেন নাই । তিনি বলেন যে, “রাজা রামরাম সিংহের ভ্রাতা যেদিন কলিকাতায় উপনীত হন, সেদিন গবর্ণর ড্রেক সাহেব রাজধানীতে ছিলেন না ;—সহর-কোতোয়াল হলওয়েল সাহেবের সঙ্গেই রাজদূতের প্রথম সন্দর্শন ঘটে । তৎপরদিন ড্রেক সাহেব শুভাগমন করিলে মন্ত্রিসভার অধিবেশন হইল । যাহারা উপস্থিত ছিলেন, সকলেই বলিলেন যে, এ কেবল উমিটাদের কুটিল কৌশল । কারণ, কাশিমবাজার হইতে সংবাদ আসিয়াছিল যে, ঘসেটি বেগমের আশা ভরসা নিশ্চূল হয় নাই । এরূপ অবস্থায় রাজদূত যে পত্র আনয়ন করিয়াছিলেন, তাহা সকলেরই চক্ষে সন্দেহাত্মক বোধ হইতে লাগিল । কেহই তাহার উত্তর দেওয়া আবশ্যক মনে করিলেন না । রাজদূতকে বিদায় দিবার আদেশ হইলে, অশিক্ষিত ভৃত্যবর্গ একে আর করিয়া তুলিল ;—তাহারা রাজদূতকে সর্বশেষ অপমান করিয়া তাড়াইয়া দিল ।” † ইহাতে পাছে

* ইংরাজদিগের উকীল তৎকালে এইরূপ মর্মেই নবাব-দরবারে ‘কৈফিয়ৎ’ প্রদান করিয়াছিলেন । সেই উকীলের ওকালতি এখন ইতিহাসেও স্থানলাভ করিয়াছে ।

† The Governor returning the next day summoned a Council, of which the majority being prepossessed against Omichand, concluded that the messenger was an engine prepared by himself to

সিরাজদৌলা অসন্তুষ্ট হন, তজ্জন্তু সাবধান হইবার উপদেশ দিয়া তাড়া-
তাড়ি ওয়াট্‌স্ সাহেবকে পত্র লেখা হইল ।

সকল কথা একত্র সমালোচনা করিতে গেলে কাহারও সহিত
কাহারও ঐক্য হয় না । যদি উমাচরণের কুটিল-কৌশল বলিয়াই ধারণা
হইয়াছিল, তবে আবার ওয়াট্‌স্ সাহেবকে সাবধান হইবার জন্ত পত্র
লেখা হইল কেন ? ঘসেটি বেগমের সিংহাসনলাভের আশা নিশ্চূল
হইয়াছে কি না, সে কথারই বা বিচার করিবার প্রয়োজন হইল কেন ?
দেখিয়া শুনিয়া মনে হয় যে, ইংরাজেরা উত্তরকালে দোষক্ষালনের জন্ত
যে সকল কুটিল কৈফিয়তের অবতারণা করিয়া গিয়াছেন, কার্যকালে
তাহার প্রতি কেহই আস্থা স্থাপন করেন নাই ;—রাজবল্লভকে ও
হাতছাড়া করা হইবে না, সিরাজদৌলাকেও উত্তেজিত করা হইবে
না, —বোধ হয়, ইহাই তাঁহাদিগের মূলমন্ত্র হইয়া উঠিয়াছিল ।

সিরাজদৌলার নিকট এই অযাচিত অপমানের সংবাদ উপস্থিত
হইবামাত্র, ইংরাজ প্রতিনিধি ওয়াট্‌স্ সাহেব একজন উকীল লইয়া
দরবারে উপনীত হইলেন, এবং উকীলের মুখ দিয়া পূর্বশিক্ষিত সুললিত

alarm them, and restore his own importance ; and as the last ad-
vices received from Kashimbazar described the event between
Shirajudoula and the widow of Nowagis to be dubious, the Council
resolved that both the messenger and his letter were too suspicious
to be received, and the servants, who were ordered to bid him
depart, turned him out of the Factory and off the shore with in-
solence and derision ; but letters were despatched to Mr. Watts
instructing him to guard against any evil consequences from this
proceeding.—Orme, Vol. II. 54.

কৈফিয়ৎ আবৃত্তি করাইয়া সমস্ত্রমে আসনগ্রহণ করিলেন । ইংরাজেরা যে সিরাজদ্দৌলাকে দুর্দান্ত নরপিশাচ বলিয়া বর্ণনা করিয়া গিয়াছেন, সেই-উদ্ধত যুবক বাঙ্গালা, বিহার, উড়িষ্যার প্রবল প্রতাপান্বিত মোগল রাজসিংহাসনে বসিয়া পদাশ্রিত বণিকসমিতির এইরূপ উদ্ধত ব্যবহারের পরিচয় পাইয়াও কোনরূপ হৃদয়বিকার প্রকাশ করিলেন না । তিনি বুঝিলেন যে, কেবল গৃহকলহের ছিদ্রানুসন্ধান পাইয়াই ইংরাজ বণিক উদ্ধত স্বভাবের পরিচয় প্রদান করিতে ইতস্ততঃ করিতেছেন না । সুতরাং সর্বাগ্রে ঘসেটি বেগমের চক্রান্ত চূর্ণ করিবার জন্য চেষ্টা করিতে লাগিলেন ।

ঘসেটি বেগম বিধবা । সিরাজদ্দৌলা ভিন্ন তাঁহার আর কেহ পরমা-শ্রীয়া নাই । সুতরাং বৈধবাদশায় একাকিনী মতিঝিলের রাজপ্রাসাদে স্বাধীনভাবে বিচরণ না করিয়া রাজাস্তঃপুরে সিরাজদ্দৌলার মাতা ও আলিবর্দীর মহিষীর সহিত একত্র বাস করিবার জন্য সিরাজদ্দৌলা বিনীত-ভাবে আত্ম-নিবেদন করিলেন । রাজবল্লভের স্বার্থসিদ্ধির সহজ পথ চিরকুদ্ধ হইতেছে বলিয়া তিনি তুরী ভেরী বাজাইয়া মতিঝিলের সিংহদ্বারে সেনাসমাবেশ করিতে আরম্ভ করিলেন । সিরাজদ্দৌলা ইহাতে উদ্ভ্যস্ত না হইয়া তাঁহাকে রাজসদনে আহ্বান করিলেন, এবং তাঁহার সকল প্রকার কুচরিত্রের কথা অবগত থাকিয়াও তাঁহার পদগৌরব অক্ষুণ্ণ রাখিয়া বিনারক্তপাতে মতিঝিল অধিকার করিয়া পিতৃব্যরমণীকে রাজাস্তঃপুরে আনয়ন করিলেন । যেরূপ স্ক্রকোশলে বিনা রক্তপাতে এই প্রধূমিত বিবাদবহি নির্বাণলাভ করিল, তাহার ~~জন্ত~~ ইতিহাস একবারও . সিরাজদ্দৌলাকে সাধুবাদ প্রদান করে নাই ;—বরং প্রকৃত কাহিনী গোপন করিয়া লিখিয়া রাখিয়াছে যে, “সিরাজদ্দৌলার

কথা আর অধিক কি বলিব; তিনি সিংহাসনে পদার্পণ করিবামাত্র আপন পিতৃব্যরমণীর সর্বস্ব লুণ্ঠন করিয়াছিলেন ।”

* এই ঘটনা যে ইংরাজদিগের কৈফিয়ৎ পাইবার পরে সংঘটিত হয়, ইংরাজ-লেখকেরা তাহা একরাস্তরে স্বীকার করিয়া গিয়াছেন। বন্দ্যোপাধ্যায় মহাশয় নবাব আমলের বাঙ্গালার ইতিহাসেও তাহা স্বীকার করিয়াছেন। কিন্তু বাঙ্গালায় ইহাও লিখিয়াছেন, — “তথাপি পরমাত্মীয় ভগ্নীপুত্র মাতৃস্বসাকে অন্তঃপুরে আনাইবার অধিকারী, ইত্যাদি কথায় সিরাজের সমস্ত অত্যাচার সমর্থন করিতে যাওয়া বিড়ম্বনা মাত্র।” কোতূকের বিষয় এই যে, ধনরত্ন সহ মাতৃস্বসাকে রাজান্তঃপুরে আনয়ন করা ভিন্ন আর কোন অত্যাচার বন্দ্যোপাধ্যায় মহাশয়ও লিপিবদ্ধ করেন নাই। রাজবল্লভের সহিত সন্ধিসূত্রে বিনা রক্তপাতে যে এই ঘটনা সংঘটিত হয়, তাহারও উল্লেখ করা প্রয়োজন বলিয়া বিবেচিত হয় নাই। উপরন্তু বন্দ্যোপাধ্যায় মহাশয় লিখিয়াছেন যে, এরূপ বিনা রক্তপাতে উদ্দেশ্য সাধনের বাহাদুরী প্রবীণ মস্তিষ্কের—সিরাজদৌলার নহে। সেই কথার সমর্থন জন্য বলিয়াছেন যে, এই ঘটনার পরে প্রবীণ মস্তিষ্ক পদচ্যুত হন। কিন্তু এরূপ অনুমাণের ভিত্তি কোথায়, তাহা প্রদর্শিত হয় নাই। সিরাজ কাহারও কথায় কর্ণপাত করিতেন না, ঔদ্ধত্যবশতঃ যাহা মনে করিতেন তাহাই করিতেন—ইহা বন্দ্যোপাধ্যায় মহাশয় একাধিকবার বর্ণনা করিয়া মুক্তকণ্ঠে হইতে প্রমাণ উদ্ধৃত করিয়াছেন। তাহা সত্য হইলে, মতিঝিল অধিকারের বাহাদুরী সিরাজেরই প্রাপ্য হইয়া পড়ে। তদ্বারা বন্দ্যোপাধ্যায়-বর্ণিত সিরাজচিত্র স্ফুটিত হইয়া যায় বলিয়াই কি এতলে প্রবীণ মস্তিষ্কের উপদেশের অবতারণা করা হয় নাই ?





ত্রয়োদশ পরিচ্ছেদ ।

কাশিমবাজার অবরোধ ।

মুসলমানের পুরাতন রাজধানী মুর্শিদাবাদের সৌভাগ্য-কাহিনী কালক্রমে জনশ্রুতিমাত্রে পর্য্যবসিত হইয়াছে । কিন্তু সিরাজদ্দৌলার সময়ে তাহার বড়ই গৌরবের অবস্থা ছিল । ভাগীরথীতীর-সমান্বিত সুরচিত পুষ্পোদ্যান, এবং তন্মধ্যবর্তী উভয়-তটান্তর্মিলিত সুগঠিত অট্টালিকাশ্রেণী সেকালের মুসলমান রাজধানীকে গর্বোন্নত বৃটিশ রাজনগরী লণ্ডনের মতই সৌভাগ্যশালী করিয়া তুলিয়াছিল ; বরং লণ্ডন অপেক্ষা মুর্শিদাবাদের ধনগৌরব যে সমধিক ক্ষুণ্ণিভ করিয়াছিল, সেকালের ইংরাজ রাজপুরুষেরাও তাহা মুক্তকণ্ঠে স্বীকার করিয়া গিয়াছেন । *

* The city of Muxudabad is as extensive, populous, and rich as the city of London, with this difference, that there are individuals in the first possessing infinitely greater property than any in the last city.—Evidence of Lord Clive before the Committee of the House of Commons—1772.

এই মোগল রাজধানীতে কোনরূপ রাজদুর্গ ছিল না ; কয়েকটি নগর-তোরণ ভিন্ন পুরাঁরক্ষার জন্ত প্রাচীর পর্য্যন্তও দেখিতে পাওয়া যাইত না । মোগলের প্রবল প্রতাপ চূর্ণ করিয়া কেহ যে সহসা বাহুবলে রাজধানী অধিকার করিতে সাহস পাইবে, এমন কথা স্বপ্নেও কল্পনায় স্থান পাইত না ।

রাজধানীর এইরূপ অরক্ষিত অবস্থার সন্ধান পাইয়া লুণ্ঠনলোলুপ মহারাষ্ট্রসেনা যখন সত্যসত্যই নগর আক্রমণ পূর্ব্বক জগৎশেঠের ভাণ্ডার পর্য্যন্ত লুণ্ঠিয়া লইয়া গেল, তখন কাহারো কাহারো কথঞ্চিৎ চেতনা হইয়াছিল । কিন্তু আলিবর্দী সে দিকে লক্ষ্য না করিয়া, স্ব স্ব ধনপ্রাণ-রক্ষার জন্ত প্রজাসাধারণকে স্বাধীনতা প্রদান করিয়াই নিরস্ত হইয়াছিলেন ; রাজধানীরক্ষার জন্ত কোনরূপ আয়োজন আরম্ভ হয় নাই । আর কেহ কিছু করুক না করুক, সূচতুর বৃটিশ বণিক সেই সুযোগে কাশিমবাজারের বাণিজ্যাগারের চারি দিকে প্রাচীর গাঁথিয়া, কামান পাতিয়া, সিংহদ্বার সাজাইয়া, একটি ছোট খাট রকমের দুর্গরচনা করিয়াছিলেন । কালক্রমে তাহা ধূলিপরিণত হইয়াছে । কেবল স্থান-নির্দেশের জন্ত কতকগুলি স্বচ্ছন্দবনজাত তীরতরু মগৌরবে আকাশে অঙ্গ বিস্তার করিয়া দৃঢ়পদে দণ্ডায়মান রহিয়াছে ; ভাগীরথী-প্রোত সসঙ্ঘমে তাহার নিকট হইতে বহুদূরে প্রস্থান করিয়া, ধ্বংসাবশিষ্ট ইংরাজদুর্গের পরিত্যক্ত ভিত্তিভূমি আরও ভীষণতর করিয়া তুলিয়াছে । *

* There is a rough plan of the Fort in Tieffenthaler, I. 453. plate XXXI. শ্রীযুক্ত কালীপ্রসন্ন বন্দ্যোপাধ্যায় বলেন ‘বহুদূর বনজাত তীরতরু উদ্যানভর বিক্রমে নিরাকৃত হইয়াছে । কিন্তু এই সকল পুরাতন বৃক্ষ শুধু সেদিন পর্য্যন্তও বর্তমান ছিল ।’

এই ইংরাজ-দুর্গটি সমচতুষ্কোণ না হইলেও দেখিতে প্রায় চতুষ্কোণ বলিয়াই বোধ হইত । চারি দিকে দৃঢ়োন্নত দুর্গপ্রাচীর, প্রাচীর-সংলগ্ন চারিটি সুদৃঢ় বুরুজ, প্রত্যেক বুরুজে দশটি করিয়া কামান পাতা ;— নদীর দিকে প্রাচীরের উপর দিয়া সারি সারি বাইশটি কামান, এবং সিংহদ্বারের উভয় পার্শ্বে দুইটি বৃহদায়তন আগ্নেয়াস্ত্র নিরন্তর বদনব্যাদান করিয়া ব্রিটিশ-বলিকের সমর-কৌশলের পরিচয় প্রদান করিত । “সেলামীর তোপ” বলিয়া ইংরাজেরা আরো অনেকগুলি তোপ আনাইয়া দুর্গমধ্যে সাজাইয়া রাখিয়াছিলেন ; বুরুজলহ উপস্থিত হইলে, তাহাতেও গোলা-বর্ষণ করিবার সুবিধা হইতে পারিত । এই সকল কারণে কাশিমবাজারের ইংরাজদুর্গ সহসা হস্তগত করিবার সম্ভাবনা ছিল না ।*

এই ক্ষুদ্রকাষ ইংরাজদুর্গে উইলিয়ম ওয়াটস্, কলেট্, বাটসন্, সাই-ক্‌স্, এইচ্ ওয়াটস্, চেম্বার্স্, ওয়ারেন হেষ্টিংস প্রভৃতি ইংরাজ কন্স-চারিগণ বাস করিয়া কোম্পানী বাহাদুরের বাণিজ্য ব্যবসায়ের ভিত্তি-মূল রক্ষা করিতেন ;—দুর্গরক্ষার জন্য লেফ্‌টেন্যান্ট ইলিয়টের অধীনে কতকগুলি গোলন্দাজ সেনা দুর্গমধ্যে পাদচারণ করিয়া বেড়াইত । †

একজন ইংরাজ ইতিহাসলেখক বলিয়া গিয়াছেন যে, সিরাজদ্দৌলা কাশিমবাজার অবরোধ করিতে না করিতেই ইংরাজেরা নির্বিবাদে দুর্গত্যাগ করিয়া নবাবের নিকট আত্ম-সমর্পণ করিয়াছিলেন । ‡

* Captain Grant.

† Hastings' MSS. Vol. 29.209.

‡ He forthwith presented himself at the gate of the English factory at Cassimbazar, which immediately surrendered, without an effort being made to defend it.—Thornton's History of British Empire vol. I. 187.

এ কথা সম্পূর্ণ সত্য নহে। বিলাতের 'ব্রিটিশ মিউজিয়মে' কাশিমবাজার অবরোধের একখানি হস্তলিখিত ইতিহাস আছে, কেহ কেহ বলেন যে, তাহা ওয়ারেন হেস্টিংসের রচিত। মুর্শিদাবাদের ভূত-পূর্ব বিচারপতি বিভারিজ্ মহোদয় তাহার কিয়দংশ এ দেশে প্রকাশিত করিয়া * অনেকের ভ্রম সংশোধন করিয়া দিয়াছেন। যাহারই রচিত হউক, সেগুলি যে ইংরাজলিখিত সমসাময়িক আত্মকাহিনী, তাহাতে সন্দেহ নাই। তাহা শ্রেণীবদ্ধ ইতিহাস নহে, সুতরাং কোন বিশেষ মত-সংস্থাপনের জন্তু কিম্বা একজনের দোষে আর একজনকে অপরাধী করিবার জন্তু কোনরূপ প্রয়াস স্বীকার করিতে হয় নাই। ইংরাজ লেখনীর যদৃচ্ছাংগত সাময়িক কাহিনী বলিয়া সেগুলি যথার্থই সমধিক সমাদরের সামগ্রী।

কাশিমবাজারের ইংরাজ সওদাগরেরা সকলেই জানিতেন যে, তাঁহারা ঘসেটি বেগমের পক্ষপাতী বলিয়া, আজি হউক, কালি হউক, আর দশ দিন পরেই হউক, বুদ্ধ নবাবের মানব লীলা অবসানপ্রাপ্ত হইলেই, সিরাজদৌলার সহিত তাঁহাদিগের তুমুল সংঘর্ষের সূত্রপাত হইবে। সেই জন্তু সময় থাকিতে তাঁহারা গোপনে গোপনে কাশিমবাজারের ইংরাজভূর্গে সাধ্যমত গুলি গোলা সংগ্রহ করিতে ক্রটি করেন নাই। এইরূপে কাশিমবাজারে যে সকল বুদ্ধসরঞ্জাম পুঞ্জীভূত হইয়াছিল, তাহার কথা স্মরণ করিয়া উত্তরকালে কাপ্তান গ্রান্ট কতই আক্ষেপ করিয়া গিয়াছেন। †

Calcutta Review.

We may justly impute all our misfortunes to the loss of that place, (Cassimbazr) as it not only supplied our enemies with artillery and ammunition of all kinds, but flushed them with hopes of winning as easy a conquest of our chief settlement.—Captain Grant.

ঘসেটি বেগমকে বশীভূত করিয়াই সিরাজদৌলা নিশ্চিত হইবার অবসর পাইলেন না । উত্তরে পূর্ণিমাধিপতি শওকতজঙ্গ, এবং দক্ষিণে কলিকাতাবাসী উদ্ধত ইংরাজ তখনো প্রবল স্পর্ধায় তাঁহার রাজশক্তিকে উপহাস করিতে ছিলেন । সুতরাং সিরাজদৌলা রাজধানীর যড়যন্ত্র চূর্ণ করিবামাত্র, পূর্ণিমার যড়যন্ত্র চূর্ণ করিবার জন্ত সসৈন্তে রাজমহলের পথে পূর্ণিমাভিমুখে যুদ্ধযাত্রা করিলেন । গমন-কালে কলিকাতাবাসী উদ্ধত ইংরাজকে পুনরায় তর্জ্জন গর্জ্জন করিয়া লিখিয়া পাঠাইলেন যে, “ইংরাজ-গবর্ণর ডেক সাহেব পত্রপাঠ দুর্গপ্রাচীর চূর্ণ না করিলে সিরাজদৌলা সশরীরে শুভাগমন করিয়া ডেক সাহেবকে ভাগীরথীগর্ভে নিক্ষেপ করিবেন ।” *

যথাকালে এই পত্র ইংরেজ-দরবারের হস্তগত হইল । তাঁহার এত দিন মহারাজ রাজবল্লভ এবং ঘসেটি বেগমের মুখের দিকে চাহিয়া, সিরাজদৌলার প্রেরিত সম্রাস্ত রাজদূতদিগকে অপমান করিয়া নগর-বহিষ্কৃত করিতে কিছুমাত্র ইতস্ততঃ করেন নাই ; রাজলিপি পাইয়াও তাঁহার প্রত্যুত্তর প্রদান করা আবশ্যক বলিয়া স্বীকার করেন নাই ; কিন্তু এখন সেই সিরাজদৌলা আবার তর্জ্জন গর্জ্জন করিয়া পত্র লিখিতেছেন দেখিয়া, সকলেই আতঙ্কযুক্ত হইলেন । এবার পত্রোত্তর প্রদত্ত হইল, কিন্তু তাহাতে প্রকৃত প্রস্তাবের কিছুমাত্র উত্তর প্রদত্ত হইল না ।

মহামতি ডেক লিখিয়া পাঠাইলেন যে, “সর্বৈব মিথ্যা কথা ! কে বলিল যে, ইংরেজেরা কলিকাতায় নগর-প্রাচীর রচনা করিতেছেন ?

* That unless upon receipt of that order, he (Mr. Drake) did not immediately begin and pull down those fortifications, he would come down himself and throw him in the river.—Hastings' Mss. vol., 29209.

কজাসীদিগের সঙ্গে আবার যুদ্ধ বাধিবার সম্ভাবনা হইয়াছে, কেবল সেই আশঙ্কায় নদীতীরের কামান পাতিবার স্থানগুলি মেরামত করা হইতেছে ।” * ড্রেক সাহেবের এইরূপ প্রত্যুত্তরে ইংরাজ ইতিহাসলেখকও সন্তুষ্ট হইতে পারেন নাই ; তিনিও লিখিয়া গিয়াছেন যে, সিরাজদৌলা ইংরেজদিগের উপর যেরূপ খড়্গহস্ত হইয়া উঠিয়াছিলেন, তাহাতে এরূপ সময়ে এই প্রকার প্রত্যুত্তর প্রেরণ করা যুক্তিসঙ্গত হয় নাই । †

ইহারই নাম “ধান ভানিতে মহীপালের গীত ।” ইংরাজেরা বাগবাজারের নিকট পেরিং নামক একটি নূতন দুর্গপ্রাকার রচনা করিয়াছিলেন, এবং কলিকাতার ইংরাজদুর্গে ইচ্ছানুরূপ সংস্কারকার্য্যে হস্তক্ষেপ করিয়াছিলেন, অথচ তাহার কোন কার্য্যের জন্তই সিরাজদৌলার অনুমতির অপেক্ষা করেন নাই । সিরাজদৌলা তাঁহাদিগকে পুরাতন দুর্গ চূর্ণ করিতে বলেন নাই, বাগবাজারের নিকট যে নূতন দুর্গ-প্রাকার রচিত হইয়াছিল, তাহাই চূর্ণ করিতে বলিয়াছিলেন । ড্রেক সাহেব তাহার সম্বন্ধে রাম গঙ্গা বিষ্ণু কোন কথাই দস্তখ্ত করিলেন না ।

● That the Nabab had been misinformed by those who had represented to him that the English were building a wall round the town, that they had dug no ditch since the invasion of the Marattas, at which time such a work was executed at the request of the Indian inhabitants, and with the knowledge and approbation of Aliverdy ; that in the late war between England and France, the french had attacked and taken the town of Madras, contrary to the neutrality, which it was expected would have been preserved in the Mogal's dominions ; and that there being at present great appearance of another war between the two nations, the English were under apprehensions that the French would act in the same manner in Bengal ;—to prevent which, they were repairing their line of guns on the bank of the river. —Orme, ii. 55-56.

I bid,

উক্ত ইংরাজের কুটিল কৌশল সিরাজদৌলার তীক্ষ্ণ দৃষ্টিতে ধূলি নিক্ষেপ করিতে পারিল না। তিনি যখন রাজমহল পর্য্যন্ত আসিয়া পৌঁছিয়াছেন, সেই সময়ে ডেক সাহেবের পত্রখানি তাঁহার হস্তগত হইল। পত্র পড়িয়া সিরাজদৌলা একেবারে আগুন হইয়া উঠিলেন, পাত্রমিত্র আত্মীয় অন্তরঙ্গ,—যাঁহারা তাঁহার কাছে ঝাঁড়াইয়া ছিলেন, কেহই সাহস করিয়া বাঙ্‌নিষ্পত্তি করিতে পারিলেন না। * সিরাজদৌলা গর্জন করিয়া উঠিলেন;—অভিমানিনী কালসাপিনী পদাহতা হইয়া যেমন সফেন হলাহলকণা বিকিরণ করিতে করিতে উর্দ্ধ-শিখরে গর্জন করিয়া উঠে, সেইরূপ তীব্র তেজে গর্জন করিয়া উঠিলেন। সমুদয় হস্তাশ্ব রথ পদাতি আজ্ঞামাত্রে পটমণ্ডপ উঠাইয়া লইয়া আবার মুর্শিদাবাদ অভিযুখে মহাকলরবে ধাবিত হইল; সকলেই বুঝিল যে, এবার আর ইংরাজের নিষ্ঠার নাই! এই মুহূর্ত্ত হইতে সিরাজদৌলার ইতিহাস রুধির-কর্দমে কলঙ্কিত হইবার সূত্রপাত হইল। রাজমহলের পটমণ্ডপে উক্ত ইংরাজের অসংযত লেখনী সিরাজদৌলার অদৃষ্ট ক্ষেত্রে যে বিষবৃক্ষের বীজ বপন করিল, সিরাজদৌলার পরবর্ত্তী জীবনকাহিনী কেবল সেই বিষবৃক্ষের ক্রমবিকাশের শোচনীয় ইতিহাস! †

জগতের স্বাধীন নরপতিদিগের তুলনা লইয়া সিরাজদৌলার এই রাজরোধের সমালোচনা করিতে হইলে কেহই তাঁহাকে ভৎসনা করি-

* Stewart's History of Bengal.

† নবাবী আমলের বাঙ্গালার ইতিহাসে লিখিত হইয়াছে;—“ইহাতে ইংরাজগণের উপর আক্রোশ বৃদ্ধির কোন ন্যায়সঙ্গত কারণ দেখা যায় না।” (২১৩ পৃষ্ঠা।) আবার ২১২ পৃষ্ঠায় লিখিত হইয়াছে;—“প্রেরিত দূতের অবমাননা ও দুর্গনির্মাণকাপারে ইংরেজ অধ্যক্ষের প্রত্যাশার, সিরাজদৌলার ক্রোধস্বাক্ষরের পক্ষে যথেষ্ট কারণ সন্দেহ নাই।”

বার অবসর পাইবেন না। সিরাজদৌলা যেরূপ উদ্ভাস্ত হইয়া ইংরাজের বিরুদ্ধে খড়াহস্ত হইয়াছিলেন, তাহা অপেক্ষা কত তুচ্ছ কথা লইয়া গায়ে পড়িয়া ইংরাজ-রাজ এই জ্ঞানোজ্জল যুক্তিতর্ক-পরিচালিত উনবিংশ শতাব্দীতেও কত দেশে কত লোমহর্ষণ ভীষণ দাবানল প্রজলিত করিতে বাধ্য হইতেছেন। রাজশক্তি চিরদিনই প্রভুশক্তি; শত্রু হউক আর मित्र হউক, প্রতিদ্বন্দ্বী প্রবল পরাক্রান্ত স্বাধীন নরপতি হউক, আর পদাশ্রিত দীনহীন দুর্বল প্রজাই হউক,—যে কেহ সমুন্নত রাজশক্তির প্রতি উপেক্ষা প্রদর্শন করিবে, তাহাকেই পদানত করিবার জন্ত রাজরোণ উৎক্ষিপ্ত হইয়া উঠিবে। ইহাই সকল দেশের রাজধর্ম। সিরাজদৌলা সেই রাজধর্মের মর্যাদারক্ষার্থ পদাশ্রিত ইংরাজ-বণিকের ঘৃষ্টতার সমুচিত প্রতিফল প্রদান জন্ত তাঁহাদিগের কাশিমবাজারের ক্ষুদ্র দুর্গ অবরোধ করিবার আদেশ প্রদান করিলেন।

কি কি ঘটনাপরম্পরার নিত্যন্ত উৎপীড়িত হইয়া সিরাজদৌলা কাশিমবাজার অবরোধ করিতে বাধ্য হইয়াছিলেন, অনেকে অনেক কারণে তাহার মূল্যহুমকান করা আবশ্যক বলিয়া বিবেচনা করেন নাই। সুতরাং তাঁহাদিগের ইতিহাসে ‘কাশিমবাজার অবরোধ’ ও যে সিরাজদৌলার কলঙ্কসংখ্যা বৃদ্ধি করিয়াছে, তাহাতে কিছুমাত্র বিশ্বাসের কারণ নাই। কিন্তু, সিরাজদৌলা নিত্যন্ত উদ্ভাস্ত হইয়াও কিরূপ সুকৌশল-পূর্ণ সহিষ্ণুতা প্রকাশপূর্বক বিনা রক্তপাতে কাশিমবাজার হস্তগত করিয়াছিলেন, তাহার আলোচনা করিলেই সত্যনির্ণয় করিতে আর কেশবীকার করিতে হইবে না।

১৭৫৬ খৃষ্টাব্দের ২৪শে মে সোমবার অপরাহ্নে উদয়বেগ জমাদার তিন সহস্র অশ্বারোহী লইয়া কাশিমবাজারে উপনীত হইয়া নীরবে

শিবির-সন্নিবেশ করিলেন । নবাবের সিপাহী সেনা প্রায় মধ্যে মধ্যে একপভাবে কাশিমবাজারে শিবির-সন্নিবেশ করিত ; সুতরাং সেদিন আর কেহ কোনরূপ কৌতুহল প্রকাশ করিল না । রজনী প্রভাত হইতে না হইতে আরো দুই শত অশ্বারোহী এবং কতকগুলি বরকন্দাজ আসিয়া উন্নয়বেগের শিবিরে মিলিত হইল ; এবং সন্ধ্যার পূর্বে দুইটি সুশিক্ষিত রণহস্তী হেলিতে ছলিতে কাশিমবাজারে গুভাগমন করিল । ইহাতেই ইংরাজদিগের প্রাণ কাঁপিয়া উঠিল ! তাঁহারা কিরূপভাবে নবাবের সম্ভ্রান্ত রাজদূতকে কলিকাতা হইতে বহিষ্কৃত করিয়া দিয়াছিলেন, সে কথা কাহারও অপরিজ্ঞাত ছিল না ; সুতরাং একে একে দুই একটি করিয়া সূচতুর ইংরাজ-কুঠিয়াল ইতস্ততঃ পলায়ন করিতে আরম্ভ করিলেন । * বাহারা দুর্গমধ্যে রহিলেন, তাঁহারা সকলেই মনে করিলেন যে, এতদিনে প্রায়শ্চিত্তকাল সমুপস্থিত হইয়াছে ;—যেমন রজনীর অন্ধকার ঘনীভূত হইয়া আসিবে, অমনি নবাবসেনা বলপূর্বক দুর্গপ্রবেশ করিয়া ইংরাজদিগকে ধনবংশে বিনাশ করিয়া তীব্র প্রতিহিংসা সাধন করিবে ! তখন দুর্গমধ্যে কেবল ৩৫ জন গোরা আর ৩৫ জন কালা সিপাহী, আর জন কত লক্ষর ভিন্ন অধিক সেনাবল ছিল না । তাহারাই অগত্যা তুরী ভেঙী বাজাইয়া, শিরদ্বাণ বাঁধিয়া, কোমরবন্ধ আঁটিয়া, তালে তালে পা ফেলিতে ফেলিতে, বন্দুকের উপর সর্দীন চড়াইয়া সগর্বে সিংহদ্বার রোধ করিয়া দাঁড়াইল । কিন্তু সিপাহীরা সেদিনও দুর্গ

* Hastings escaped at about the same time, and the Cassimbazar tradition, which is probably a true one, is that he owed his safety to his Dewan Kanta Babu, who concealed him in a room.—H. Beveridge, C. S. বন্দোপাধ্যায় মহাশয়ের মতে হেষ্টিংস এই সময়ে আড়ম্ব ছিলেন ।

আক্রমণের কোনরূপ আয়োজন করিল না ; বরং জমাদার উমরবেগ নখাগ্রগণনীয় ইংরাজ সেনাগণকে সগর্বে পদচালনা করিতে দেখিয়া সূচনাতেই বলিয়া পাঠাইলেন যে, তিনি যুদ্ধ করিতে আসেন নাই । সে কথাই কেহ কণপাত করিল না । ওয়াট্‌স্ সাহেব আহাৰ নিদ্রা পরিত্যাগ করিয়া অক্ষুণ্ণ অধ্যবসায়ে সমুদয় রজনী অন্নপান সংগ্রহ করিতে লাগিলেন ; অগণিত নবাবসেনা বাহুবলে দুর্গ আক্রমণ করিলে, তাঁহারাও যে বাহুবলে আত্মরক্ষা করিতে কিছুমাত্র ক্রটি করিবেন না, তাহারই আভাস প্রদান করিতে লাগিলেন, এবং সেই উদ্দেশ্যে বড় বড় কামানে গুলি, গোলা, বারুদ বোঝাই করিয়া, আক্রমণ প্রতীকার সিংহদ্বার রোধ করিয়া সসৈন্তে অপেক্ষা করিতে লাগিলেন ।

সোম, মঙ্গল, বুধ চলিয়া গিয়াছে ; বৃহস্পতিবারও চলিয়া যায় । প্রাচীরের বাহিরে সিপাহী সেনা কাতারে কাতারে সমবেত হইতেছে, ইচ্ছা করিলে এখনি কাশিমবাজারের ক্ষুদ্র দুর্গ ধূমপুঞ্জ সমাচ্ছন্ন করিয়া মুহূর্ত্তমধ্যে ভস্মাবশেষ করিতে পারে ; অথচ একজন সিপাহীও বন্দুক উঠাইতেছে না কেন ? ইংরাজগণ একেবারে কিংকর্তব্যবিমূঢ় হইয়া পড়িলেন । অবশেষে একরূপ নিদারুণ উৎকর্ষা অসহ্য হইয়া উঠিল ;— ব্যাপার কি, তাহা নির্ণয় করিবার জন্ত সকলে মিলিয়া পরামর্শ করিয়া ডাক্তার ফোর্ধকে উমরবেগের নিকট পাঠাইয়া দিলেন ।

ডাক্তার সাহেব যথাকালে দুর্গমধ্যে প্রত্যাগমন করিলে অকৃত তথা প্রকাশিত হইয়া পড়িল । সকলেই শুনিল যে, ওয়াট্‌স্ সাহেবকে নবাব দরবারে হাজির হইয়া একখানি মুচলিকা-নামা দিখিয়া দিতে হইবে ; সহজে সম্মত না হইলে তাঁহাকে বলপূর্ব্বক ধরিয়া লইয়া

যাইবে,—সেই জন্তই এত নৈশসামন্ত সম্মিলিত হইয়াছে। কোতূহল নিবৃত্ত হইল বটে, কিন্তু উৎকণ্ঠা দূর হইল না। উমরবেগের কথার উপর নির্ভর করিয়া ওয়াট্‌স সাহেব আত্মসমর্পণ করিতে সাহস পাইলেন না। নবাবের অভিপ্রায় কি, তাহা জানিবার জন্ত যথাবিহিত সম্মান-পুরস্কার আবেদন-পত্র প্রেরিত হইল। তাহাতে লিখিত হইল যে, নবাববাহাদুরের অভিপ্রায় অবগত হইতেই যাহা কিছু অপেক্ষা, তিনি যাহা বলিবেন, ইংরাজেরা তাহাতেই সন্মত হইবেন। যথাকালে কেবল এইমাত্র উত্তর আসিল ;—“দুর্গপ্রাকার চূর্ণ করিয়া ফেল ; তাহাই নবাবের একমাত্র অভিপ্রায়।” *

ইংরাজেরা শিষ্টাচারের অনুরোধে লিখিয়াছিলেন যে, নবাববাহাদুর যাহা চাহিবেন, তাঁহারা তাহাতেই সন্মত হইবেন। এক্ষণে নবাব যাহা চাহিলেন, ওয়াট্‌স সাহেব তাহাতে শিহরিয়া উঠিলেন। তিনি জানিতেন যে, ইংরাজ-দরবার প্রাণান্তেও এরূপ ত্যাগস্বীকার করিতে প্রস্তুত নহেন। বাস্তবিক কলিকাতার ইংরাজ-দরবার সিরাজদ্দৌলাকে ভাল করিয়া চিনিত্তে পারেন নাই। তাঁহারা কাশিমবাজার অবরোধের সংবাদ পাইয়া বুঝিয়াছিলেন যে, ইহা হয় ত কিছু উৎকোচ উপচৌকন আদায় করিবার নূতন কৌশল। সুতরাং যেমন বুঝিয়াছিলেন, সেই-রূপ ভাবেই নবাবের মনস্তৃষ্টিসাধনের আয়োজন করিয়াছিলেন। সিরাজদ্দৌলা বালক হইলেও দেশের রাজা ;—এখন হয় ত তাঁহাকে আর মোমের পুতুলে কি কাচের খেলনার প্রতারিত করা সহজ হইবে না, এমন কথা ইংরাজের উর্বরমস্তিকে স্থানলাভ করিল না ! তাঁহারা

পাত্রমিত্রদিগকে হস্তগত করিলেন, চিরাভ্যস্ত মহাস্থ প্রয়োগে ইচ্ছানুরূপ সন্ধি-স্থাপনের আয়োজন করিলেন ; কিন্তু ইংরাজের কষ্ট-সঙ্কিত অর্থে ভূতের বাপের শ্রদ্ধাই সার হইল ;—সিরাজদৌলা বিচলিত হইলেন না ।

ইংরাজেরা অনন্তোপায় হইয়া দেওয়ান রাজবল্লভকে * ধরিয়া পরামর্শ করিতে বসিলেন । দেওয়ানজী সিরাজদৌলার আকার প্রকার দেখিয়া স্পষ্টই বুঝিয়াছিলেন যে, এবার আর যত্নোষধিতে কুলাইবে না ; তিনি বলিলেন যে, ওয়াট্‌স সাহেব যদি হাতে কামাল বাঁধিয়া হীনবেশে সিরাজদৌলার নিকট উপস্থিত হইতে সাহস পান, তবে তিনি একবার চেষ্টা করিয়া দেখিতে পারেন । † ওয়াট্‌স সাহেব বিলক্ষণ ইতস্ততের মধ্যে পড়িলেন ।

জগৎশেষ প্রভৃতি সম্ভ্রান্ত পাত্রমিত্রদিগের সহায়তা লাভ করিয়াও ইংরাজ-বণিক সিরাজদৌলার মনস্তৃষ্টি করিতে পারিলেন না । তখন কলিকাতার ইংরাজ-দরবার নিতান্ত নিরুপায় হইয়া ওয়াট্‌সকে সংবাদ পাঠাইলেন যে, আর কালবিলম্ব করিয়া কি হইবে ; তাহাতে সিরাজদৌলার মনস্তৃষ্টি হয়, তাহাতেই সম্মত হইতে হইবে । ‡ এই উপদেশ শিরোধার্য্য করিয়া ওয়াট্‌স সাহেব দেওয়ানজীর পরামর্শ মতেই নবাব-দরবারের সম্মুখীন হইলেন ।

* “মহারাজা রাজবল্লভ, ছত্রভরামের জ্যেষ্ঠপুত্র । সিরাজের রাজত্বকালেই পিতৃ-সাহায্যে ইনি খালসার ক্রাই রায়ান অর্থাৎ দেওয়ানী পদে নিযুক্ত হন বলিয়া কথিত আছে । পিতাপুত্র উভয়েই ক্রাইবের যথেষ্ট সাহায্য করিয়াছিলেন । ক্রাইবও তজ্জন্ত বিশেষ কৃতজ্ঞ ছিলেন ।”— সাহিত্য, ষষ্ঠ বর্ষ, ৬৯৭ ।

† Hastings' MSS. vol. 29209.

‡ The Presidency were now very eager to appease the Subadar, they offered to submit to any condition which he pleased to impose.—Mill's History of British India Vol. III. 147.

ওয়াট্‌স্ সাহেব নবাব-দরবারে উপনীত হইবামাত্র সিরাজদ্দৌলা ইংরাজদিগের উক্ত ব্যবহার লক্ষ্য করিয়া তাঁহাকে যৎপরোনাস্তি ভৎসনা করিলেন; ওয়াট্‌স্ বাতাহতকদলীপত্রের ত্বয় থর থর করিয়া কাঁপিতে লাগিলেন; কেহ কেহ ভাবিলেন যে, ইহার পর ত ওয়াট্‌স্ সাহেবকে ডালকুতার মুখে নিক্ষেপ করা হইবে। কিন্তু সিরাজদ্দৌলা ক্রোধাক্ত হইয়া আত্মকাৰ্য্য বিস্মৃত হইলেন না। ওয়াট্‌স্‌কে স্বতন্ত্র পট-মণ্ডপে পাঠাইয়া দিয়া তাঁহাকে প্রস্তাবিত মুচলিকাপত্রে স্বাক্ষর করিবার জন্ত আদেশ করা হইল। ওয়াট্‌স্ সাহেব আশু প্রাণদান পাইয়া ক্ষিপ্ৰ-হস্তে মুচলিকা স্বাক্ষর করিয়া হাঁপ ছাড়িয়া পরিত্রাণলাভ করিলেন। “কলিকাতার নবপ্রতিষ্ঠিত পেরিং হুর্গপ্রাকার চূর্ণ করিতে হইবে; যে সকল বিশ্বাসঘাতক কর্মচারী রাজদণ্ড হইতে অব্যাহতি পাইবার জন্ত কলিকাতার পলায়ন করিয়া থাকে, তাহাদিগকে বাঁধিয়া আনিয়া দিতে হইবে; বিনা শুক্রে বাণিজ্য করিবার জন্ত ইষ্টইণ্ডিয়া কোম্পানী যে বাদশাহী সনন্দ পাইয়াছেন, তাহার দোহাই দিয়া অন্য লোকেও বিনা শুক্রে বাণিজ্য চালাইয়া রাজকোষের ধন ক্ষতি করিতেছে, তাহার পূরণ করিতে হইবে; এবং কলিকাতার জমীদার হল্ডয়েল সাহেবের প্রবল প্রতাপে দেশীয় প্রজাবৃন্দ যে সকল নির্যাতন সহ করিতেছে, তাহা রহিত করিতে হইবে;”—এই মর্মে মুচলিকাপত্র লিখিত ও স্বাক্ষরিত হইল। *

* The purport of the Muchalka was nearly as follows :—

To destroy the redoubt etc. newly built at Perrins near Calcutta ; to deliver up any of his subjects that should fly to us for protection (to evade justice) on his demanding such subject ; to give an account of the dastaks for several years past, and to pay

ইতিহাসলেখকদিগের স্বকপোলকল্পিত বা আত্মস্বার্থ বিজৃষ্টিত সরস পদলালিত্য অপেক্ষা এই সকল কাগজপত্র অধিকতর মূল্যবান। ইহাতে সিরাজ-চরিত্রের যে পরিচয় প্রাপ্ত হওয়া যায়, তাহার সহিত ইতিহাস-বর্ণিত সিরাজদৌলার আকাশপাতাল প্রভেদ। ইংরাজেরা পদাশ্রিত বণিক হইয়াও নবাবের বিনানুমতিতে যে দুর্গপ্রাকার রচনা করিয়া-ছিলেন, কোন্ স্বাধীন নরপতি তাহা চূর্ণ করিবার জন্ত আয়োজন না করিতেন? ইহাতে সিরাজদৌলার প্রবল প্রতাপ ও শাসনদাড়াই প্রকাশিত হইয়াছে। ইংরাজেরা পলায়িত রাজকর্মচারীদিগকে নিবি-বাদে কলিকাতায় আশ্রয় দিবার অবসর পাইলে নবাবের রাজশক্তিকে আর কেহ মুহূর্তের জন্তও সম্মান করিত না, আবশ্যক হইলেই কলি-কাতায় পলায়ন করিত। শাসনসংরক্ষণের জন্ত অবশ্যই তাহার গতি-রোধ করা আবশ্যক। কোম্পানীর নামের দোহাই দিয়া ইংরাজগণ যাহাকে তাহাকে বিনা শুদ্ধে বাণিজ্য করিবার পরোয়ানা বিক্রয় করিয়া আদ্যোদর পরিপূর্ণ করিতেন; তাহাতে দেশের লোকের স্বাধীন বাণিজ্য অবসর হইত, রাজকোষ শুষ্কগ্রহণে অযথা বঞ্চিত হইত। এরূপ স্বেচ্ছাচার নিবারণ না করিলে কোন্ নরপতি সিংহাসনের অধিকারী বলিয়া গর্ব করিতে পারিতেন? হলওয়েলের অত্যাচারে কালা বাদলী জর্জরিত হইতেছিল, তাহার গতিরোধ করিবার চেষ্টা না করিলে কোন্ নিরপেক্ষ ইতিহাসলেখক সিরাজদৌলাকে আশীর্বাদ করিতে সম্মত হই-

a sum of money that should be agreed on, for the bad use made of them, to the great prejudice of his revenues; and lastly to put a stop to the Zemindar's (Holwell's) extensive power, to the great prejudice of his subjects.—Hastings' MSS. vol. 29209, ইহার শেষোক্ত সর্বত্র কিছু অংশ কোন ইতিহাসে দেখিতে পাওয়া যায় না।

ভেন ? এই মুচলিকা-পত্রে সিরাজদৌলার যেরূপ চরিত্র প্রকাশিত
রহিয়াছে, কম জন নোভাগ্যশালী স্বাধীন নরপতি বাঙ্গালা, বিহার,
উড়িষ্যার মননে উপবেশন করিয়া সেরূপ চরিত্রবল, সেরূপ শাসন
কৌশল, সেরূপ প্রজাহিতৈষণার পরিচয় প্রদান করিয়াছেন ? তথাপি
সিরাজদৌলা ইংরাজের ইতিহাসে ইহার জন্তও শতধিকারে সম্বোধিত
হইয়াছেন । আর আমরা তাহাকেই স্বদেশের ইতিহাস বলিয়া পরম
সমাদরে পুস্তকালয় সুসজ্জিত করিতেছি ! *

৪ঠা জুন মুচলিকা-পত্র স্বাক্ষরিত হইয়া কাশিমবাজারের ইংরাজ দুর্গ
সিরাজদৌলার হস্তে সমর্পিত হইল । লেফটেন্যান্ট ইলিয়ট সেই অভি-
মানে আত্মহত্যা করিলেন । ওয়াট্‌স্ এবং চেম্বার্স মুচলিকার সর্ত্ত-পাল-
নের জন্ত প্রতিভূরূপ মুশিদাবাদে অবস্থান করিতে বাধ্য হইলেন । †
কাশিম বাজার আবার শান্তমূর্ত্তি ধারণ করিল । যেরূপ সুকৌশলে কিনা
রক্তপাতে এই সকল রাজকার্য্য সুসম্পন্ন হইল, কি ইংরাজ কি বাঙ্গালী
কেহই তাহার মর্যাদা করিয়া সিরাজদৌলার শাসনপ্রতিভার গুণানুবাদ
করিলেন না ; বরং অনেকেই কুটিলকটাক্ষে জিজ্ঞাসা করিতে লাগিলেন
যে, দুর্গ হস্তগত হইল, মুচলিকা স্বাক্ষরিত হইল, ইংরাজ অগদস্থ হইল,
তথাপি ওয়াট্‌স্ এবং চেম্বার্সকে কারারুদ্ধ অপরাধীর দ্বায় মুশিদাবাদে
বসাইয়া রাখা হইল কেন ?

* এতদিনের পর বাঙ্গালী লিখিত নবাবী আমলের যে সূত্র ইতিহাস সংকলিত
হইয়াছে, তাহাতে এই সিদ্ধান্ত স্বীকৃত হয় নাই । সিরাজ অনেক পরামর্শ গ্রহণের
পাত্র ছিলেন না, তাহা পুনঃ পুনঃ লিখিয়াও, কিনা রক্তপাতে কাশিমবাজার অবরোধ
সময়ে সিরাজকে তাহার অবস্থাপ্রাপ্য প্রশংসা প্রদত্ত হয় নাই !

† Hasting's MSS. vol. 29209.

সিরাজদৌলা দেখিয়াছিলেন যে, কলিকাতার ইংরাজ দরবারই ইংরাজ-দিগের হর্ত্ত। কর্ত্তা বিধাতা ; কাশিমবাজারের কুঠিমালাগণ নগণ্য রাজ-কর্ম্মচারিমাাত্র,—সর্ব্বাংশে কলিকাতার মুখাপেক্ষী। সুতরাং কাশিম-বাজারের ইংরাজ গোমস্তা যেক্রপভাবে মুচলিকাপত্র স্বাক্ষর করিলেন, কলিকাতার ইংরাজ-দরবার তাহা স্বীকার না করা পর্য্যন্ত নিশ্চিত হই-ইবার উপায় নাই। অগত্যা কলিকাতার ইংরাজ-দরবারকে শাসন-কোশলে বশীভূত করিবার জন্তই ওয়াট্‌স ও চেম্বার্সকে মুর্শিদাবাদে অবরুদ্ধ করিয়া রাখা হইল। ওয়াট্‌স এবং চেম্বার্স একপক্ষ মুর্শিদাবাদে অবস্থান করিলেন ; এই সুদীর্ঘ অবসর পাইয়াও কলিকাতার ইংরাজ-দরবার মুচলিকা সম্বন্ধে মতামত প্রদান করিলেন না। • এ দিকে বিবি ওয়াট্‌স বেগমমণ্ডলীতে যাতায়াত করিয়া করুণ ক্রন্দনে সকলকে ব্যতি-ব্যস্ত করিয়া তুলিলেন। বিবি ওয়াট্‌সের সঙ্গে সিরাজদৌলার মাতার বন্ধিত্ব ছিল। সেই সুবাদে করুণাময়ী সিরাজ-জননী বন্দিধরের মুক্তি-দানের জন্ত সর্ব্বদা অনুরোধ জানাইতে লাগিলেন। অবশেষে মাতৃ-আজ্ঞা প্রতিপালন করিবার জন্ত নিতান্ত অনিচ্ছাক্রমে সিরাজদৌলা ইংরাজদরবারকে আপাততঃ মুক্তিদান করিতে বাধ্য হইলেন।

একজন সমসাময়িক ইংরাজ-লেখক এই মুচলিকানামার সমালোচনা করিয়া লিখিয়া গিয়াছেন যে, “ফরাসীদিগের সঙ্গে বিবাদ বিসংবাদে সম্ভাবনা থাকিতে মুচলিকা-পত্রের প্রথম সর্ভ পালন করা অসম্ভব ; বাণিজ্যরক্ষা করিতে হইলে, মধ্যো মধ্যো পদাশ্রিত ইংরাজবন্দুদিগকে আশ্রয়দান করা আবশ্যক হইয়া থাকে, সুতরাং দ্বিতীয় সর্ভ পালন

• বন্দোপাধ্যায় মহাশয় বলেন, “কলিকাতা হইতে উত্তর আসিবার সময় দেওয়া হয় নাই।”

করাও তথৈবচ ; আর তৃতীয় সৰ্ত্ত পালন করিতে হইলেই যে অর্থদণ্ড প্রদান করিতে হইবে, তাহাতে মনোহ নাই ; কারণ বিনা শুক্রে বাণিজ্য করিতে হইলেই কিঞ্চিৎ গোলযোগ ঘটয়া থাকে ।”*

ইংরাজেরা যে মুচলিকা পালন করিবেন না, সে কথা অল্পদিনের মধ্যেই সিরাজদৌলার কর্ণগোচর হইল । তিনি ইংরাজের কুটিল কৌশলের পরিচয় পাইয়া জলিয়া উঠিলেন । ইঁহারাই না বলিয়াছিলেন যে, নবাবের অভিপ্রায় কি, তাহাই অবগত হইতে যাহা কিছু অপেক্ষা ? ইঁহারাই না মুচলিকা পালন করিবেন বলিয়া বিবি ওয়াটসের নয়ন-কজ্জলে ইংরাজ বন্দীর মুক্তিপত্র লিখাইয়া লইয়াছিলেন ? সিরাজদৌলা অনেক সহ্য করিয়াছেন ; আর সহ্য করিতে পারিলেন না ;—ইহাই তাঁহার সৰ্ব্বপ্রধান অপরাধ ! তাঁহার রোষকষাঘ্নিত নয়নযুগল হইতে অগ্নিফুলিঙ্গ নির্গত হইতে লাগিল । মাতামহের অন্তিম উপদেশ স্মৃতিপটে অনল-অক্ষরে জলিয়া উঠিল । † সুতরাং সিরাজদৌলা আর আলস্তে কালক্ষয় না করিয়া, কলিকাতায় দূত পাঠাইয়া দিয়া স্বয়ং সসৈন্তে যুদ্ধ-যাত্রার আয়োজন করিতে লাগিলেন ।

সিরাজদৌলা পদে পদে অপমানিত হইয়া যেরূপ উদ্ভ্যাক্ত হইয়া উঠিয়াছিলেন, তাহা স্মরণ করিলে, কলিকাতা আক্রমণের জন্ত তাঁহাকে ভৎসনা করা যায় না । কিন্তু কলিকাতা আক্রমণই তাঁহার কাল হইল । তিনি যদি ইংরাজ-শক্তির সহিত সংঘর্ষ উপস্থিত না করিতেন, তাহা হইলে তাঁহার ইতিহাস কিরূপ আকার ধারণ করিত, তাহা কেহ বলিতে

* Scrafton's Reflections.

† They who, we see, are every day using all their policy and their power, against what they themselves say is the Law of the Most High are only to be restrained by force.

An Enquiry into our National Conduct.

পারে না । নানাদিক হইতে নানা বিরুদ্ধ-শক্তি যেরূপভাবে কেন্দ্রীভূত হইয়া আনিতেছিল, ইংরাজদিগের উদ্ধত ব্যবহার তাহারই বাক্যক্ষুর্তিমাত্র, সুতরাং বাহুবলে আত্মরক্ষা করিয়া রাজশক্তি সংস্থাপনের চেষ্টা না করিলেও যে সিরাজ-জীবন দীর্ঘস্থায়ী হইতে পারিত, তাহারই বা নিশ্চয়তা কি ?

সিরাজদৌলা যে নিতান্ত নিরুপায় হইয়াই বাহুবলের আশ্রয় গ্রহণ করিয়াছিলেন, ইংরাজেরা সে কথা স্বীকার করিতে প্রস্তুত নহেন । তাঁহারা আত্মোপাত্ত সকল কথা আলোচনা না করিয়াই লিখিয়া গিয়াছেন যে, “কাশিমবাজার হস্তগত করিয়া, ইংরেজদিগের কাকূতি মিনতি শ্রবণ করিয়া, নবাবের বিশ্বাস জন্মিয়াছিল যে, ইংরাজ তাঁহার ভয়ে এতই জড়সড় হইয়াছেন যে, এ সময়ে বাহুবলে কলিকাতা আক্রমণ করিতে পারিলে সহজেই কার্য্যসিদ্ধি হইবে ; ইংরাজদিগকে পরাজয় করিয়া বখেটে অর্থ-লুণ্ঠনের সুবিধা হইবে ; কেবল সেই জন্যই সিরাজদৌলা কলিকাতা আক্রমণ করিতে ধাবিত হইয়াছিলেন ।”

* The Subadar had a wish for a triumph, which he thought might be easily obtained ; and he was greedy of riches, with which, in the imagination of the natives, Calcutta was filled. — Mill's History of British India, vol. iii. 147. মহম্মদ রেজাখাঁর দেওয়ানী আমলে সঙ্কলিত নজরুল নামার উপর নির্ভর করিয়া বন্দোপাধ্যায় মহাশয়ও এই মত অবলম্বন করিয়াছেন ! নবাবী আমলের বাঙ্গালার ইতিহাসে (২১৩ পৃষ্ঠায়) লিখিত হইয়াছে — “ইহাতে ইংরাজগণের উপর আক্রোশবৃদ্ধির ন্যায়সঙ্গত কোন কারণ দেখা যায় না ।

* * * সমস্ত বিচার করিয়া দেখিলে গোলাম হোসেনের মতেই বলিতে হয়, সিরাজের নৃত্তিক অহমিকার ধূমেই পূর্ণ ছিল ।” ২৩৫ পৃষ্ঠায় এই মত পরিভ্যাগ করিয়া বন্দোপাধ্যায় মহাশয় লিখিয়াছেন, — “অবিদ্যাতে ঐতিহাসিকগণ বাহাই বলুন, একথা অবশ্য স্বীকার্য্য যে, ইংরাজকর্ম্মচারিগণের হঠকারিতার প্রমাণত উদ্ভূত হইয়াই সিরাজদৌলা ইংরাজ উৎপাতে বদ্ধ পরিকর হন ; তবে কলিকাতা পর্য্যন্ত গিয়া ইংরাজ পৌঁছন কিঞ্চিৎ অতিরিক্ত হইয়া পড়িয়াছিল ।” নবাবী আমলের বাঙ্গালার ইতিহাসের সর্বত্র মত সামঞ্জস্য রক্ষিত হয় নাই ।



চতুর্দশ পরিচ্ছেদ ।

কলিকাতা আক্রমণ ।

৭ই জুন প্রাতঃকালে কলিকাতার ইংরাজ-সওদাগরেরা সংবাদ পাইলেন যে, কাশিমবাজার নবাবের হস্তগত হইয়াছে ; স্বয়ং সিরাজদৌলা সৈন্তে কলিকাতা আক্রমণ করিবার জন্ত যুদ্ধযাত্রা করিতেছেন ! সেই দিনই ঢাকা, বেলশ্বর, জগদীয়া, প্রভৃতি মফঃস্বল কুঠীর ইংরাজ-কর্মচারী-দিগকে তহবিলপত্র কুক্ষিগত করিয়া নিরাপদ স্থানে সরিয়া পড়িবার জন্ত তাড়াতাড়ি পত্র লেখা হইল ।* রোজার ড়েক তখন কলিকাতার গভর্ণর ।

* *The 7th. June.*—Advice early in the morning was received at Calcutta of the loss of Cassimbazar factory, and that the Nabab was upon full march, with all his forces, for Fort William. The same day orders were sent to the Chiefs of Dacca, Jugdea, and Ballasore to withdraw and quit their factories, with what effects they could secure.—Hasting's MSS. vol. 29209.

তিনি বাহুবলে নগররক্ষা করিবে বলিয়া, সেনাদল সংগ্রহ করিবার জন্ত নগরের মধ্যে ঢোল পিটিয়া দিয়া, সবিশেষ উৎসাহের সঙ্গে কলিকাতা-বাসী ইংরাজ, ফিরঙ্গী, আরমানী, পর্তুগীজ,—সকলকেই পরস্পর সমাদরে সম্মিলিত করিয়া, রীতিমত সমর-কৌশল শিক্ষা দিতে আরম্ভ করিলেন ।

ইংরাজ ইতিহাস-লেখক জেমস্ মিল লিখিয়া গিয়াছেন যে,— ইংরাজ দরবার কোন দিনই নবাবের নিকট কাকূতি মিনতি জানাইতে ক্রটি করেন নাই ; সুতরাং তাঁহারা স্বভাবতই ভাবিয়া রাখিয়াছিলেন যে, সিরাজদৌলা আর মড়ার উপর খাঁড়ার ঘা মারিবেন না,—কেবল সেই ভরসায় নিশ্চিন্ত হইয়াই ইংরাজেরা সময় থাকিতে নগররক্ষার জন্ত কোন-রূপ আয়োজন করিবার চেষ্টা করেন নাই ।*

স্বদেশীয় বণিক-সমিতির পরাজয়কলঙ্ক অপসারণ করিবার পক্ষে ইহা অপেক্ষা উৎকৃষ্ট কৈফিয়ৎ ইংরাজের ইতিহাসে অল্পই দেখিতে পাওয়া যায় । এই কৈফিয়ৎ অত্যন্ত মুখরোচক ; সিরাজদৌলার অমানুষিক নির্দিয় স্বভাবের অভ্রান্ত নিদর্শন ; এবং পরবর্তী লেখকসম্প্রদায়ের ঐতিহাসিক গবেষণার উৎকৃষ্ট পথ-প্রদর্শক । কিন্তু ইহা যেমন দুন্দর শূকো-শলপূর্ণ, সেইরূপ সরল সত্যসংযুক্ত বলিয়া গ্রহীত হইতে পারে না ।

ইংরাজেরা যে যথোপযুক্তভাবে নগররক্ষার সুব্যবস্থা করিতে ক্রটি করিয়াছিলেন, সে কথা সত্য হইলেও, ইংরাজের অপরিণামদর্শিত্বই তাহার প্রধান কারণ । তাঁহারা যে কারমনোবাক্যে সিরাজদৌলাকে বৎপন্নোন্মত্তি উদ্ভূত করিয়া তুলিয়াছিলেন, তাহা কাহারও অগোচর

* The Presidency, trusting to the success of their humility and prayers, neglected too long the means of defence.—Mill's History of British India, vol. iii. 147.

ছিল না। তাহার পর যখন সংবাদ পাইলেন যে, মর্সাহত সিরাজদৌলা কাশিমবাজার অবরোধ করিয়া, ইংরাজ রাজকর্মচারী ওয়ার্টন্ সাহেবকে কারারুদ্ধ করিয়া মুচলিকা-পত্র স্বাক্ষরিত করাইয়া লইয়া, স্বয়ং সসৈন্তে যুদ্ধযাত্রা করিতেছেন, তখন আর নিশ্চিত থাকিবার অবসর কোথায় ? তথাপি ইংরাজেরা নগর-রক্ষার জন্ত যথোপযুক্ত আয়োজন করিলেন না কেন ? সিরাজদৌলার বিচিত্র ইতিহাসের আত্মোপাস্ত বেক্রপ রহস্তপরিপূর্ণ, ইংরাজবণিকের একরূপ বিমূঢ় ব্যবহারের মূলেও সেইরূপ নিগূঢ় রহস্ত বর্তমান।

ইংরাজেরা জানিতেন যে, সিরাজদৌলার রাজসিংহাসন “নামিনী দলগতজুলমির তরলং,” — কখন কোন্ ফুৎকারে উড়িয়া যাইবে, তাহার কিছুমাত্র নিশ্চয়তা নাই। তাঁহার সেনানায়কদিগের মধ্যে অনেকেই অর্থগ্ৰস্থ ; যাঁহারা মন্ত্রণাদাতা পাত্রমিত্র, তাঁহারাও অনেকেই মজ্রৌষধির ক্রীতদাস ; সিংহাসন কাহার, — সিরাজের না শওকতজঙ্গের, — এ সকল গুরুতর প্রশ্নের এখনও মীমাংসা হইতে বিলম্ব রহিয়াছে ; এমন অবস্থায় ইংরাজেরা মনে করিয়াছিলেন যে, সিরাজদৌলার কথায় দুর্গ-প্রাকার চূর্ণ করিবেন কেন ? তিনি কি শত্রুসঙ্কুল রাজসিংহাসন পশ্চাতে ফেলিয়া স্বয়ং সসৈন্তে এত দূর অগ্রসর হইতে সাহস পাইবেন ? এ যুদ্ধসজ্জা কেবল বাহাডুখর ভিন্ন আর কি হইতে পারে ? ইহার জন্ত আবার প্রাণপণ করিয়া নগররক্ষার আয়োজন করিয়া কি হইবে ? বাহাডুখর বিস্তার করিবার জন্ত নবাব-সেনা সত্য সত্যই কলিকাতা পর্য্যন্ত অগ্রসর হইলেই বা আতঙ্কিত হইবার কারণ কি ? বাণিজ্য-রক্ষার জন্ত কত সময়ে কত অর্থ অনর্থক অপব্যয় করিতে হয় ; — না হয় এতদুপলক্ষে নবাবসেনানায়কদিগের মনস্তৃষ্টিসাধনার্থ কিঞ্চিৎ অপব্যয়

হইয়া যাইবে ! আর যদি সিরাজদৌলাই সশরীরে শুভাগমন করেন, তাহাতেই বা ভীত হইবার প্রয়োজন কি ? তিনি ত সেই মাতামহস্নেহ-পালিত অপরিণতবয়স্ক অসংযতচিত্ত দুর্বল বালক ;—সময়োচিত সরল তোষামোদে এবং পদোচিত কয়েক সহস্র রজতখণ্ড প্রয়োগ করিতে পারিলেই, অর্থ-লোলুপ নবীন নরপতি বিনা বাক্যব্যয়ে তাড়াতাড়ি মুর্শিদাবাদে প্রত্যাগমন করিতে কিছুমাত্র ইতস্ততঃ করিবেন না ।

এই সিদ্ধান্ত একেবারে ভ্রান্ত সিদ্ধান্ত নহে । কলিকাতায় বসিয়া নবাব-দরবারের প্রতিদিবসের তর্ক বিতর্কের যে সকল গুপ্ত সমাচার শুনিতে পাওয়া যাইত, তাহাতে ইংরাজদিগের মনে এইরূপ সিদ্ধান্তই সুদৃঢ় হইয়া উঠিয়াছিল । সিরাজদৌলা যখন কলিকাতা আক্রমণের গুপ্তসঙ্কল্প পাত্রমিত্রদিগের নিকট দস্তফুট করিলেন, তখন উৎকোচ-গ্রাহী ইংরাজহিতৈষী রাজকর্মচারিমাতেই চারি দিক হইতে প্রবল প্রতিবাদ আরম্ভ করিলেন । তাঁহাদের প্রতিবাদের স্থূল মর্ম্ম সেই এক কথা ;—“এখনও সুসময় উপনীত হয় নাই ; এখনও সিংহাসন নিরাপদ হয় নাই ; এখনও শওকতজঙ্গ পদানত হয় নাই ; ইংরাজেরা নিতান্ত নিরীহ-সভার বণিক্জাতি, তাহাদের দ্বারা এ দেশের প্রভূত কল্যাণ সাধিত হইতেছে ; ইত্যাদি ইত্যাদি ।” * সিরাজদৌলা বুঝিলেন যে,

* Seat Mootabray (Mahatab Roy) and Roop Chund, the sons of the banker Jaggatseat who had succeeded to the wealth and employments of their father, and derived great advantages from the European trade in the Province, ventured to represent the English as a colony of inoffensive and useful merchants, and earnestly entreated the Nabob to moderate his resentment against them ; but their remonstrances were vain.—Orme, vol. II: 58.

এই সকল স্বার্থীক মস্তিদল, আপনারা অন্তরালে থাকিয়া, প্রকারান্তরে ইংরাজদিগের স্পর্ধাবুদ্ধির সহায়তা করিতেছেন ! সুতরাং তিনি আর কাহারও কথায় কণপাত না করিয়া, সসৈন্তে যুদ্ধযাত্রা করিবার আদেশ প্রদান করিলেন । খোজা বাজিদ এই সময়ে ছগলীতে অবস্থান করিতেছিলেন ; ইংরাজদিগের প্ররোচনায় তিনিও নবাবকে নিবৃত্ত হইবার জন্ত অনুরোধ করিতে অগ্রসর হইয়াছিলেন । কিন্তু সিরাজদৌলা বলিলেন যে, “ডেক সাহেব তাঁহাকে বড়ই অপমান করিয়াছেন ;—নবাব মুর্শিদকুলীখাঁর আমলে ইংরাজেরা যেরূপভাবে বাণিজ্য লইয়াই সমুপস্থিত ছিলেন, এখনও যদি তাঁহারা সেইরূপভাবে বাস করিতে সম্মত থাকেন, তবেই ইংরাজদিগকে আশ্রয়দান করা কর্তব্য ; নচেৎ ইহাদিগকে আর কোন কারণে এ দেশে বাস করিবার প্রশ্রয় দেওয়া যাইবে না ।” *

তৎকালে কলিকাতায় যে অল্প কয়েক সহস্র ইংরাজ বণিকের বসতি ছিল, তাঁহারা যেমন সংখ্যায় নগণ্য, সেইরূপ সমরকৌশলে নিতান্ত অনিশ্চিত । তাঁহাদিগকে পরাজয় করিতে সবিশেষ আড়ম্বর করা নিম্প্রয়োজন । সিরাজদৌলা তাহা জানিতেন । কিন্তু পাছে তাঁহার অনুপস্থিতিকালের অবসর পাইয়া কুচক্রিদল শওকতজঙ্গকে সিংহাসনে বসাইয়া দিয়া সর্বনাশসাধন করে, এই ভয়ে বাঁহার বাঁহার প্রতি সন্দেহ সমধিক প্রবল, তাঁহাদের সকলকেই সঙ্গে লইয়া যুদ্ধযাত্রা করিলেন ;—নিতান্ত অনুগত কয়েক জন সেনানায়ক রাজধানীরক্ষার জন্ত মুর্শিদাবাদে অবস্থান করিতে লাগিলেন । ইচ্ছা না থাকিলেও, রাজবল্লভ, জগৎশেঠ, মীরজাকর, মাণিকচাঁদ,—সকলকেই সসৈন্তে নবাবের অনুগমন করিতে হইল ।

সিরাজদৌলা যে এইরূপ সুকৌশলে রাজধানীর আপদাশঙ্কা নিবারণ করিয়া, মহাসমারোহে নিশ্চিন্তহৃদয়ে সসৈন্তে কলিকাতার দিকে অগ্রসর হইতে সক্ষম হইবেন, ইংরাজদিগের তত দূর ধারণা ছিল না। এই জুন প্রাতঃকালে এই সংবাদ কলিকাতার ইংরাজমহলে সবিশেষ হলধূল বাধাইয়া দিল। আর সময় নাই, যাহা কিছু করিবার এখনই তাহা সম্পন্ন করা আবশ্যক ; কিন্তু রণকুশল সেনাপতির অভাবে কোন কার্যেরই শৃঙ্খলা হইতে পারিল না। তথাপি যত দূর সম্ভব, ইংরাজেরা প্রাণপণে আত্মরক্ষার আয়োজন করিতে আরম্ভ করিলেন। বাগ্‌বাজারে পেরিং নামক যে নূতন দুর্গপ্রাকার নির্মিত হইয়াছিল, সেখানে রাশি রাশি আধেরাস্ত্র সজ্জীভূত হইল; জলপথে নগরাক্রমণ করিবার আশঙ্কা আছে ; তজ্জন্ত বাগ্‌বাজারের খালের ধারে ভাগীরথীগর্ভে যুদ্ধজাহাজ সুরক্ষিত হইল ; পোনের শত ঠিকা সিপাহী নিযুক্ত করিয়া মহারাত্রি খাতের ধারে ধারে স্থানে স্থানে সমাবেশ করা হইল ; দুর্গপ্রাচীরের যথাসাধ্য সংস্কার-কার্য্য সুসম্পন্ন করিয়া তন্মধ্যে অন্নপান সঞ্চয় করা হইল ; মাদ্রাজে সাহায্যভিক্ষার জন্ত পত্র লেখা হইল ; এবং নগররক্ষার জন্ত ওলন্দাজ ও ফরাসীদিগের সহায়তালোভের প্রার্থনার তাঁহাদের নিকট দূত প্রেরিত হইল।

ওলন্দাজেরা কর্তব্যনিষ্ঠ সরলস্বভাব নিরীহ বণিক ; তাঁহারা গায়ে পড়িয়া নবাবের সঙ্গে কলহস্থিতি করিতে সম্মত হইলেন না। ফরাসীরা চিরদিনই কোতুকপ্রিয়। তাঁহারা বলিয়া পাঠাইলেন যে, বৃটিশসিংহ যদি প্রাণভয়ে নিভাস্তই জড়সড় হইয়া থাকেন, তবে তিনি অবলীলাক্রমে চন্দননগরের ফরাসীদুর্গে পলায়ন করিতে পারেন ; সেখানে আশ্রয়গ্রহণ করিলে আশ্রিতের প্রাণরক্ষার জন্ত

ফরাসীবীরগণ জীবনবিসর্জন করিতে কাতর হইবে না ! * এই নিদারুণ বিপৎসময়ে চিরশত্রু ফরাসীবণিকের একুশ মর্মান্তিক পরিহাসবাক্যে ইংরাজেরা নিতান্ত নিকৃপায় হইয়া বাহুবলে আত্মরক্ষার জন্ত দলে দলে সমর-শিক্ষায় নিযুক্ত হইলেন ।

নগররক্ষার আয়োজন শেষ হইবামাত্র ইংরাজেরা নিতান্ত অসহিষ্ণু হইয়া উঠিলেন । সিরাজদ্দৌলার অভিপ্রায় কি ;—তিনি কাশিমবাজারের গ্রাম বিনা রক্তপাতে সমুদয় তর্কের মীমাংসা করিবেন, কিম্বা অসিহস্তে কলিকাতার পল্লীতে পল্লীতে রক্তগঙ্গা প্রবাহিত করিবেন ;—সে কথা কেহই বিচার করিবার চেষ্টা করিলেন না ! সিরাজদ্দৌলা যখন অর্দ্ধপথে অগ্রসর, সেই সময়ে ইংরাজেরা কথঞ্চিৎ আত্মবলের পরিচয় দিবার জন্ত ব্যাকুল হইয়া উঠিলেন ।

জলপথে বহিঃশত্রুর আক্রমণনিবারণের জন্ত কলিকাতার আড়াই ক্রোশ দক্ষিণে, ভাগীরথীর পশ্চিমতীরে, টানা নামক স্থানে, নবাবী আমলে একটি ক্ষুদ্র দুর্গ সংস্থাপিত হইয়াছিল । † সে দুর্গে ১৩টি কামান লইয়া ৫০ জন সিপাহী নদীমুখ রক্ষা করিত, এবং বহুদিন শত্রুসেনার সন্ধান না পাইয়া সকলেই নিরুদ্ধেগে বিশ্রামস্থল উপভোগ করিত । ইংরাজেরা ১৩ই জুন প্রাতঃকালে চারিখানি যুদ্ধজাহাজ লইয়া সহসা এই ক্ষুদ্র দুর্গ আক্রমণ করিয়া, প্রচণ্ডপ্রতাপে গোলাবর্ষণ করিতে আরম্ভ করিলেন । অকস্মাৎ বজ্রনির্দেহ হতবুদ্ধি হইয়া, সিপাহী-সেনা হুগলী অভিমুখে পলায়ন করিল ; টানার ক্ষুদ্র দুর্গপ্রাচীরে বৃটিশ-বিজয়-বৈজয়ন্তী সর্গোরবে অঙ্গবিস্তার করিবামাত্র বৃটিশবাহিনী দুর্গপ্রাচীরের আগ্নেয়াস্ত্র

* Stewart's History of Bengal.

† সেকালে যেখানে টানার দুর্গ সংস্থাপিত হইয়াছিল, এখন সেখানে শিবপুর কোম্পানীর বাগান Royal Botanical Gardens.—Revd. Long.

গুলি অকস্মাৎ করিয়া একে একে ভাগীরথীগর্ভে নিক্ষেপ করিতে আরম্ভ করিল।

এই সংবাদে হুগলীর ফৌজদার স্পষ্টই বুঝিতে পারিলেন যে, এত দিনে ইংরাজের সর্বনাশ হইল! একে সিরাজদৌল। ইংরাজবিদ্বেষী, তাহাতে বারম্বার অবমানিত হইয়াছেন; অতঃপর ইংরাজের এই ধৃষ্টতার পরিচয় পাইবামাত্র আর কাহারও কথায় কণপাত করিতে সম্মত হইবেন না। ফৌজদার তাড়াতাড়ি দুর্গ উদ্ধারকল্পে সিপাহীসেনা প্রেরণ করিতে বাধ্য হইলেন।

১৪ই জুন টানার দুর্গদ্বারে ইংরাজ বাঙ্গালীর শক্তিপরীক্ষা আরম্ভ হইল। দুই সহস্র সিপাহী-সেনা মুহুমুহু কামান-ধ্বনিতে দিগ্বাঙল মেঘাচ্ছন্ন করিয়া দৃঢ়পদে দুর্গদ্বারে সমবেত হইবামাত্র, ইংরাজ বীরপুরুষেরা পৃষ্ঠপ্রদর্শন করিতে কিছুমাত্র লজ্জাবোধ করিলেন না! কিন্তু পৃষ্ঠপ্রদর্শন করিয়াও অনেকে নিস্তার পাইলেন না; সিপাহীরা জাহাজের উপর মুসলধারায় গুলি বর্ষণ করিয়া ইংরাজ-সেনাদলকে ব্যতিব্যস্ত করিয়া তুলিল। তাঁহারা গোলা বারুদের যথেষ্ট অপব্যয় করিয়াও সিপাহীদিগকে দুর্গ হইতে তাড়িত করিতে সক্ষম হইলেন না! কলিকাতা হইতে কতকগুলি নূতন বীরপুরুষ আসিয়া ছত্রভঙ্গ ইংরাজ-সেনাকে উৎসাহিত করিয়া, বীরকীৰ্ত্তি-সংস্থাপনের জন্য প্রাণপণে চেষ্টা করিয়া দেখিলেন; যখন তাহাতেও সিপাহী-সেনা হটিল না, তখন ইংরাজেরা নিতান্ত ভয়মনোব্রত্রে, নৌগর তুলিয়া, জাহাজ খুলিয়া, ধীরে ধীরে কলিকাতাভিমুখে প্রত্যাগমন করিতে বাধ্য হইলেন।*

* Whilst the Nabob was advancing, it was determined to

একমাত্র অশ্লি-লিখিত ইতিহাস ভিন্ন ইংরাজ-লিখিত আর কোন ইতিহাসে এই অপকীর্তির কথা দেখিতে পাওয়া যায় না। ইহার সহিত কলিকাতা-ধ্বংসের কিরূপ নিগূঢ় সম্বন্ধ, তাহার সমালোচনা না করিয়া, মিল এবং থরন্টন্ সিরাজদৌলাকে শোণিতলোলুপ উৎপীড়নপরায়ণ নৃশংস নবাব বলিয়া পরিচিত করিবার চেষ্টা করিয়া গিয়াছেন। মিল এবং থরন্টন্ যে বিশেষ সূক্ষ্মাতিসূক্ষ্মরূপে অশ্লি-লিখিত আদিম ইতিহাসখানি সম্বন্ধে অধ্যয়ন করিয়াছিলেন, তাহা তাঁহাদের স্বপ্রণীত ইতিহাসের প্রায় প্রত্যেক পৃষ্ঠায় টীকাচ্ছলে অভিযুক্ত রহিয়াছে। তাঁহারা অনেক কথাই অশ্লি-লিখিত ইতিহাস তইতে উদ্ধৃত করিয়া গিয়াছেন। কিন্তু আশ্চর্যের কথা এই যে,

take possession of the Fort of Tannah, which lay about 5 miles below Calcutta, on the opposite shore and commanded the narrowest part of the river between Hughly and the Sea with 13 pieces of cannon. Two ships of 300 tons, and two brigantines, anchored before it early in the morning of the 13th June ; and as soon as they began to fire, the Moorish garrison which did not exceed 50 men, fled ; on which some Europeans and Laskars landed and having disabled part of the cannon, flung the rest into the river. But the next day they were attacked by a detachment of 2000 men, sent from Hughly, who stormed the fort, drove them to their boats, and then began to fire, with their matchlocks and two small fieldpieces on the vessels, which endeavoured in vain with their cannons and musketry to dislodge them. The next day a reinforcement of 30 soldiers were sent from Calcutta; but the cannonade having made no impression, they and the vessels returned to the town.—Orme, vol II, 59-60.

কি মিল, কি থরন্টন্, কেহই টানার দুর্গাক্রমণ-কাহিনীর কোনরূপ আভাষ প্রদান করেন নাই।

আর একজন ইংরাজ-লেখক আবার লিপিকোশলে মিল এবং থরন্টন্কেও পরাজয় করিয়া, লিখিয়া গিয়াছেন যে, “কি সিরাজদৌলা, কি পাত্রমিত্রগণ, কেহই ইংরাজদিগের সক্রিয় আবেদনে কর্ণপাত করিলেন না; অসহায় ইংরাজদিগের সর্বনাশসাধনের জন্ত সকলেই সসৈন্তে অগ্রসর হইতে লাগিলেন; ন্যায় ও ধর্ম্মানুমোদিত সুবিচার লাভের পথ একেবারেই অবরুদ্ধ হইয়া গেল।”* আমরা কিন্তু ইংরাজ-লিখিত ইতিহাস পড়িয়া দেখিতে পাইতেছি যে, সক্রিয় আবেদনের সঙ্গে সঙ্গে ইংরাজ সেনার সগর্ব্ব আশ্ফালন এবং কামানমুখে অনলবর্ষণ !

কলিকাতার কালা বাঙ্গালীদিগের উপর সিরাজদৌলার বিরূপ স্নেহদৃষ্টি ছিল, তাহার পরিচয় ক্রমশঃ প্রকাশিত হইতে লাগিল। সকলেই বুঝিতে পারিলেন যে, কেবলমাত্র ইংরাজ-বণিকের উদ্ধত-ব্যবহারের সমুচিত শিক্ষাদানের জন্তই সিরাজদৌলা সসৈন্তে গুতা-গমন করিতেছেন। তখন ইংরাজদিগের অন্তরাত্মা কাঁপিয়া উঠিল। তাঁহারা এতদিন ঘসেটি বেগমের গুণদৃষ্টিলাভের জন্ত রাজবল্লভের পুত্র পলায়িত কৃষ্ণবল্লভকে পরম-সমাদরে কলিকাতায় আশ্রয়দান

* No one dared to plead for the unfortunate English and the Subah, surrounded by a thousand greedy minions, and hanging officers, all eager for the plunder of so rich a place, heard nothing but the most servile applauses of his resolution. Thus the avenues to justice and mercy were shut up, and all our submissive offers ineffectual.—Scrafton.

করিয়া, সিরাজদৌলাকে নানাপ্রকারে অপমান করিতে কিছুমাত্র ক্রটি করেন নাই। কিন্তু এখন সকলেই শুনিলেন যে, সিরাজদৌলা রাজবল্লভের সঙ্গে সন্ধিসংস্থাপন করায়, তিনিও নবাব-সেনার সহিত কলিকাতায় গুভাগমন করিতেছেন। ইংরাজদিগের মনে হইল যে, নবাবসেনা নগরোপকণ্ঠে পদার্পণ করিতে না করিতে কৃষ্ণবল্লভও পিতার জায় সিরাজদৌলার অনুগত হইয়া পড়িবেন, এবং হয় ত, নবাব-শিবিরে পলায়ন করিয়া, ইংরাজদিগের গৃহছিদ্রের সন্ধান প্রদান করিয়া, নগরাক্রমণের সহায়তা সম্পাদন করিতে ইতস্ততঃ করিবেন না। অতএব সকলে মিলিয়া কৃষ্ণবল্লভকে রাজ-বিদ্রোহী অপরাধীর জায় ইংরাজদুর্গে কারারুদ্ধ করিয়া ফেলিলেন। ইংরাজদিগের এইরূপ নিষ্ঠুর ব্যবহারে দেশের লোক শিহরিয়া উঠিল।

দেশীয় বণিকদিগের মধ্যে অনেকেই কলিকাতায় বাসস্থান নির্মাণ করিয়াছিলেন। নগরাক্রমণকালে পাছে তাঁহাদের কোন-রূপ অনিষ্ট হয়, সেই জন্ত চরাধিপতি রাজা রামরামসিংহ গোপনে উমিচাঁদকে একখানি গুপ্তলিপি পাঠাইয়া দূর স্থানে সরিয়া পড়িবার জন্ত উপদেশ করিয়া পাঠাইলেন। ইংরাজদিগের তীব্র তাড়নায় গুপ্তচরের নিকট হইতে সেই পত্রখানি ইংরাজদিগেরই হস্তগত হইল। তখন সকলেই তর্জন গর্জন করিয়া উমিচাঁদকে কারারুদ্ধ করিবার জন্ত লোকসম্মত প্রেরণ করিতে লাগিলেন। উমিচাঁদ ইহার বিন্দুবিসর্গ কিছুই জানিতে পারেন নাই; তাঁহাকে সহসা ইংরাজসেনা বন্দিবেশে রাজপথ দিয়া টানিয়া লইয়া চলিল; দেশের লোক হাহাকার করিয়া উঠিল।

উমিচাঁদের সংসারে তাঁহার কুটুম্ব হাজারিমল্ল কার্য্যাধ্যক্ষ ছিলেন। তিনি এইরূপ উৎপীড়নে আতঙ্কযুক্ত হইয়া, ধনরত্ন ও পরিবারবর্গ লইয়া অন্য স্থানে পলায়ন করিবার আয়োজন করিতে লাগিলেন। ইহা ইংরাজদিগের সহ্য হইল না। কাতারে কাতারে ইংরাজসেনা বীরদর্পে উমিচাঁদের বাটী অবরোধ করিবার জন্য ধাবিত হইতে লাগিল। উমিচাঁদের প্রভুভক্ত বিশ্বাসী বৃদ্ধ জমাদার জগন্নাথ * সঙ্গশজাত ক্ষত্রিয়-সন্তান। তিনি উমিচাঁদের বেতনভোগী বরকন্দাজ ও ভৃত্যবর্গ সমবেত করিয়া পুরীরক্ষার জন্য বদ্ধপরিকর হইলেন। ফিরিঙ্গীরা আসিয়া সিংহদ্বারে হাতাহাতি আরম্ভ করিল; উভয়পক্ষেই শোণিত-স্রোত প্রবাহিত হইল; অবশেষে উমিচাঁদের বরকন্দাজগণ আর পারিয়া উঠিল না;—একে একে অনেকেই ধরাশায়ী হইতে লাগিল। মানুষের যাহা সাধ্য ছিল, তাহা শেষ হইয়া গেল! ফিরিঙ্গীসেনা মহাকলরবে অন্তঃপুরের দিকে অগ্রসর হইতে লাগিল। তখন জগন্নাথের ক্ষত্রিয়শোণিত উত্তপ্ত হইয়া উঠিল! যে আর্য্য-মহিলার অন্তঃপুরদ্বারে ভগবান্ সহস্ররশ্মিও নিতান্ত সসঙ্কমে করসঞ্চালন করিতে বাধ্য হইয়াছেন, সেখানে স্লেচ্ছসেনার পদস্পর্শ হইবে? যে প্রভু-পরিবারের নিফলক কুলের অবগুণ্ঠনবতী কুলস্বমণীগণ কখনও পরপুরুষের ছায়াস্পর্শ করেন নাই, তাঁহাদের পবিত্রদেহ স্লেচ্ছ করস্পর্শে কলঙ্কিত হইবে?—ইহা অপেক্ষা হিন্দুমহিলার পক্ষে মৃত্যু-ক্রোড়ই যে সুকোমল পুষ্পশয্যা, মুহূর্ত্তের মধ্যে সেই ঐতিহাসিক হিন্দু গৌরব-নীতি বিছাদবেগে জগন্নাথের শিরায় শিরায় সঞ্চারিত হইয়া

* নবাবী আমলের বাঙ্গালার ইতিহাসে এই জমাদার জগমন্তু সিংহ নামে কথিত।

উঠিল ! হতভাগা আর অগ্র পশ্চাৎ বিচার করিতে পারিল না ; ক্ষিপ্ৰহস্তে অন্তঃপুরদ্বারে চিতাকুণ্ড প্রজ্জ্বলিত করিয়া দিল ; তাহার পর,—তাহার পর,—স্বহস্তে একে একে প্রভু-পরিবারের ত্রয়োদশটি মহিলামস্তক দেহবিচ্যুত করিয়া, সতী-শোণিত-পরিপ্লুত শানিত খরসান আত্মবক্ষে বিদ্ধ করিয়া দিয়া রুধিরকর্দমে লুটাইয়া পড়িল । অমুকুল পবনসঞ্চরণে ধূমজ্যোতিঃ বিকিরণ করিয়া চিতাকুণ্ডের দীপ্ত-শিখা চারি দিকে লোলজিহ্বা বিস্তার করিতে করিতে প্রাসাদে, প্রাঙ্গণে, কক্ষ-তলে, সিংহদ্বারে তীব্রতেজে গর্জন করিয়া উঠিল ! ফিরিঙ্গীসেনা জমাদারকে ধরাধরি করিয়া বাহিরে লইয়া আসিল ; কিন্তু আর পুরপ্রবেশ করিবার অবসর পাইল না ; উমিটাদের ইন্দ্রভবন এইরূপে অশানভঙ্গে সমাচ্ছন্ন হইয়া পড়িল ! কেবল সেই শোকসমাচার আমরণ কীর্তন করিবার জন্য হতভাগ্য বৃদ্ধ জমাদারের জীবনবায়ু দেহবহির্গত হইল না ! *

সিরাজদ্দৌলা মহাসমারোহে সসৈন্তে হুগলীতে আসিয়া পদার্পণ করিবামাত্র চারি দিকে সে সংবাদ বিদ্যবেগে প্রচারিত হইয়া পড়িল । ভাগীরথীবক্ষ বিতাড়িত করিয়া মুর্শিদাবাদ হইতে যে শত শত সুসজ্জিত রণতরঙ্গী হুগলীতে আসিয়া অপেক্ষা করিতেছিল, তাহার সহিত হুগলীর ফৌজদার আরও অনেকগুলি তরঙ্গী সংযোগ করিয়া দিয়া সিপাহী-সেনার

* The head of the peon, who was an Indian of a high caste, set fire to the house, and, in order to save the women of the family from the dishonor of being exposed to strangers, entered their apartments, and killed, it is said, thirteen of them with his own hand ; after which, he stabbed himself, but contrary to his intention, not mortally,—Orme. vol. II, 60.

পক্ষে অপর পারে উপনীত হইবার সুব্যবস্থা করিতে লাগিলেন । সিরাজদৌলার আদেশে ওলন্দাজ এবং ফরাসীবণিক রাজসন্দর্শনে সমবেত হইলেন; ইউরোপে ইংরাজদিগের সহিত সন্ধি হইয়াছে বলিয়া তাঁহারা কলিকাতা আক্রমণে সহায়তা করিতে সম্মত হইলেন না । সিরাজদৌলা তজ্জন্ত কোনরূপ পীড়াপীড়ি না করিয়া ফরাসীদিগের নিকট বারুদ চাহিয়া লইয়া কলিকাতাভিমুখে অগ্রসর হইতে লাগিলেন ।

কলিকাতার লোকে সংবাদ পাইয়া একেবারে জড়সড় হইয়া উঠিল; —এত কলকৌশল, এত সগর্ভ আশ্ফালন, এত রণকৌশল-শিক্ষাপ্রণালী, সকলই যেন সিরাজদৌলার নামে সহসা অবসন্ন হইয়া পড়িল । নগরের মধ্যে তুমুল কোলাহল উপস্থিত হইল । ইংরাজ অধিবাসিগণ যিনি যেখানে ছিলেন,—মুহূর্ত্তের মধ্যে আপন আপন সুসজ্জিত বাসভবনের দিকে সাক্ষর্য্যনে একবারমাত্র দৃষ্টিনিষ্ক্ষেপ করিয়া স্ত্রী পুত্র লইয়া দুর্গাভ্যন্তরে পলায়ন করিতে লাগিলেন; দেশীয় বণিকগণ যিনি যে পথে সুবিধা পাইলেন, নগর হইতে বহিষ্কৃত হইয়া পড়িতে লাগিলেন; পথে, ঘাটে, নদীসৈকতে, বনান্তরালে, সকল স্থানেই মহাকলরবে নরনারী, বালকবালিকা, শত্রু মিত্র কাতারে কাতারে পলায়ন করিতে আরম্ভ করিল । সকলেই পলায়ন করিল, কিন্তু হার ! ফিরিঙ্গীদল বড়ই বিপন্ন হইয়া পড়িল । ইংরাজের অনুকরণ করিয়া সাহেব সাজিয়া, দেশের লোকের সঙ্গে প্রণয়বন্ধন বিচ্ছিন্ন করিয়া, এতদিন ফিরিঙ্গীদিগকে সবিশেষ ক্লেশভোগ করিতে হয় নাই । কিন্তু আজ বিপদের দিনে তাহাদের মসীমলিন মূর্ত্তির উপর তুমারধবল সাহেবী পরিচ্ছদ বড়ই বিড়ম্বনায় কারণ হইয়া উঠিল ! সকলেই বুঝিল যে, ফিরিঙ্গীরাই যথার্থ “ন মাতা ন পিতা ন চ বন্ধু;” — তাহারা কি বাঙ্গালীদলে, কি সাহেবমণ্ডলীতে, কোন

স্থানেই আশ্রয়লাভ করিবার অবসর পাইল না। তখন সকলে মিলিয়া দুর্গদ্বারে সমবেত হইয়া দুর্গমধ্যে আশ্রয়লাভ করিবার জন্ত করুণক্রন্দনে পাষণদ্রব্য বিগলিত করিতে লাগিল। অবশেষে নিতান্ত নিরুপার হইয়া তাহাদিগকেও দুর্গমধ্যে আশ্রয়দান করিতে হইল। ইংরাজদুর্গ স্বেচ্ছাচারের লীলাভূমি হইয়া উঠিল ;—কেবল কোলাহল, কেবল আর্ত-নাদ, কেবল স্বার্থচিন্তা ;—সকলেই বুঝিল যে, নগর রক্ষা করা ক্রমেই অসম্ভব হইয়া উঠিতেছে।

নবাবের বৃহদায়তন দেশীয় আগ্নেয়াস্ত্র যখন ভীমগর্জনে তাঁহার আগমনবার্তা ঘোষণা করিতে লাগিল, ইংরাজেরা তখন নিতান্ত ব্যতিব্যস্ত হইয়া নবাবের মনস্তুষ্টিসাধনের জন্ত কৌশলজাল বিস্তার করিতে ক্রটি করিলেন না। অর্থ-প্রলোভনে সিরাজদৌলাকে রাজধানীতে প্রত্যাগত করাইবার জন্ত উৎকোচ উপঢৌকন লইয়া নানারূপ কাকুতি মিনতি জানাইতেও রূপগতা করিলেন না। কিন্তু সিরাজদৌলা কিছুতেই সন্তুষ্ট হইলেন না। * যখন সকল চেষ্টা নিষ্ফল হইয়া গেল, তখন বিপদে পড়িয়া ইংরাজ-বীরপুরুষেরা নগররক্ষার জন্ত আপন আপন সঙ্কেতভূমিতে সমবেত হইতে লাগিলেন ; বাহিরে নবাবশিবিরে ঘন ঘন কামানগর্জন, ভিতরে ইংরাজমণ্ডলীতে ততোধিক তুমুল কোলাহল ;—এইরূপে উৎ-

* The usual method of calming the angry feelings of eastern princes was resorted to. A sum of money was tendered in purchase of the Subahder's absence, but refused.—Thornton's History of the British Empire, vol. I. 189. বন্দোপাধ্যায় মহাশয় বলেন, “সম্ভবতঃ” ধরনটনের এই উক্তি ভ্রমাস্কব। কেন ভ্রমাস্কব, তাহার কোন কারণ বা যুক্তি প্রদর্শিত হয় নাই।

কঠোর, উদ্বিগ্ন, প্রতিযুক্তের পরাজয় চিন্তায়, ইংরাজ-সেনা বিনিদ্রনে
রজনীযাপন করিতে লাগিল ।

যাহারা দুর্গরক্ষার্থ বন্ধপরি কর হইয়াছিল, হলওয়েল তাহাদের সংখ্যা-
নির্দেশ করিতে গিয়া লিখিয়া গিয়াছেন যে, তন্মধ্যে ৬০ জনের অধিক
ইউরোপীয় সেনা ও সেনানায়ক ছিল না ;—এই ক্ষুদ্র সেনাদল যে ভীত-
কম্পিতকলেবরে তুমুল কোলাহল তুলিবে, তাহাতে আর আশ্চর্য্যের
কথা কি ? *

* The troops in garrison consisted, by the "Muster-rolls laid
before us about the 6th or 8th of June, of 145 in battalion, and 45
of the train officers included, in both only 60 Europeans."—Holwells
India Tract's, P. 302.





পঞ্চদশ পরিচ্ছেদ ।

অন্ধকূপ-হত্যা ।

এখন আর কলিকাতার পুরাতন কেল্লার চিহ্নমাত্রও বর্তমান নাই । সে কেল্লা পূর্বপশ্চিমে দুইশত দশ গজ, দক্ষিণাংশে একশত ত্রিশ গজ, এবং উত্তরাংশে কেবলমাত্র একশত গজ পরিসর ছিল । চারিদিকে সুদৃঢ় প্রাচীর, চারি কোণে চারিটি বুরুজ, প্রত্যেক বুরুজে দশটি কামান, পূর্ব-দিকের সুগঠিত সিংহদ্বারে পাঁচটি আশ্বেয়াস্ত্র নিয়ত বদন ব্যাদান করিয়া, বৃটিশ-বণিকের অকুণ্ঠ অধ্যবসায়ের পরিচয় প্রদান করিত । * নবাব এব্রাহিম খাঁর শাসনশিথিলতার অবসর পাইয়া, সভাসিংহ এবং রহিম খাঁ যে সময়ে বর্ধমানে স্বাধীন রাজ্য সংস্থাপন করিবার অয়োজন করিতে-ছিলেন, সেই সময় চুঁচুড়ানিবাসী ওলন্দাজ এবং চন্দননগরনিবাসী কন্নাসী-দিগের দ্বায় সুতানটী-নিবাসী ইংরাজ বণিকেরাও কলিকাতার একটা

* Stewart's History of Bengal.

ছোটখাট দুর্গ নির্মাণ করেন । * কালক্রমে সেই দুর্গ “ফোর্ট উইলিয়ম” নামে পরিচিত হইয়া ইংরাজদিগের সর্বপ্রধান আশ্রয়স্থান হইয়া উঠিয়াছিল ।

এই নবজাত ইংরাজ-দুর্গের পশ্চিমপার্শ্বে ভাগীরথী-স্রোত অবিরাম-গতিতে সমুদ্রাভিমুখে প্রবাহিত হইত ; পূর্বদিকে সিংহদ্বারের নিকট হইতে সরল সুপ্রশস্ত লালবাজারের রাজপথ বরাবর পূর্বাভিমুখে বালিয়া-ঘাটা পর্য্যন্ত প্রচলিত ছিল । নগররক্ষার আয়োজন শেষ হইলে, দুর্গরক্ষার জন্য ইংরাজেরা পূর্ব, উত্তর এবং দক্ষিণ,—তিনদিকে তিনটি তোপমঞ্চ নির্মাণ করিয়া, তাহার উপর লক্ষ্যভেদী আগ্নেয়াস্ত্র পুঞ্জীকৃত করিয়াছিলেন । সকলেই ভাবিয়াছিলেন যে, সিরাজদৌলা কোনক্রমে নগর-প্রবেশ করিতে পারিলেও, এই সকল তোপমঞ্চ বর্তমান থাকিতে, কিছু-তেই দুর্গপ্রবেশ করিতে পারিবেন না । বোধ হয়, সেই ভরসায় অনেকেই সাহস করিয়া দুর্গমধ্যে আশ্রয়গ্রহণ করিয়াছিলেন ।

যে সকল বীরপুঙ্গবগণ যুদ্ধের প্রথম উপক্রমেই নগররক্ষার আশায় জলাঞ্জলি দিয়া সর্বপ্রযত্নে আত্মরক্ষা করিবার জন্য, ত্রাসকম্পিতকলেবরা ইংরাজ-মহিলার কণ্ঠলগ্ন হইয়া, দ্রুতপদে দুর্গাভ্যন্তর হইতে একে একে পলায়ন করিয়াছিলেন, তাঁহাদের মধ্যে কেহ কেহ আত্মকর্তব্য সমর্থন করিবার জন্য উত্তরকালে অবলীলাক্রমে লিখিয়া গিয়াছেন যে,—“দুর্গ-প্রাচীর যেরূপ জরাজীর্ণ হইয়া উঠিয়াছিল, তাহাতে সাহস করিয়া দুর্গমধ্যে বাস করিলেই বা কি হইত ? আর কোন কারণে না হউক, নিতান্ত অপ্রত্যাভেই পরাজয় স্বীকার করিতে হইত ! গোলা, বারুদ এত অপ্রচুর

যে, তাহাতে তিন দিনের অধিক আশ্রয় করা সম্ভব হইত না ! সত্য বটে, আগ্নেয়াস্ত্রের অভাব ছিল না, কিন্তু তাহার অধিকাংশ কেবল চক্র-হীন গতিহীন অবস্থায় ভগ্নকলেবরে প্রাচীরমূলে পড়িয়া থাকিত ;—সেগুলি ব্যবহার করিবার উপায় ছিল না । * কেল্লার অবস্থা সত্য সত্যই এরূপ শোচনীয় হইলে, তাহাদের আর অপরাধ কি ? কিন্তু তাহাদের কেল্লা এরূপ জরাজীর্ণ, “রসদ” এরূপ অপ্রচুর, অস্ত্রশস্ত্র এরূপ অকর্মণ্য,—তাহারা যে কোন্ সাহসে সিরাজদ্দৌলার বিপুল সেনা-তরঙ্গের সম্মুখে বুক বাধিয়া দণ্ডারমান হইয়াছিলেন, কেহই সে কথা যথাযথ মীমাংসা করিবার চেষ্টা করেন নাই !

কলিকাতার দক্ষিণাংশে মহারাষ্ট্র-খাত সম্পূর্ণ হয় নাই ; চারিদিকে বেক্রপ বিজন বন, তাহাতে নবাব-সেনা হয় ত সে পথের সন্ধান জানিত না । সুতরাং তাহারা মগরের উত্তরাংশে বরাহমগরে শিবিরসন্নিবেশ করিয়া বাগীবাজারের পথেই মগর-প্রবেশের আয়োজন করিতে লাগিল ।

১৮ই জুন প্রাতঃকালে নবাব-সেনা কামানে অগ্নি-সংযোগ করিল । † ইংরাজ-সেনা সবিশেষ দৃঢ়তার সঙ্গে তাহাদিগের আক্রমণবেগ প্রতিহত করিবার জন্য জলদ্রব বিকল্পিত করিয়া জাহাজ হইতে এবং গেরিঃ নামক দুর্গপ্রাকার হইতে যুগপৎ গোলাবর্ষণ করিতেছিল ; সুতরাং নবাবের সিপাহী-সেনা সহজে বাগীবাজারের দিকে অগ্রসর হইতে

* First Report of the Committee of the House of Commons, 1772.

† নবাবী আর্মির বাজার ইতিহাসের মতে ১৬ই জুন হইতে যুদ্ধারম্ভ হয় ।

পারিল না। অনেক চেষ্টায় খালের ধারের একটি ক্ষুদ্র বোপের মধ্যে কয়েকজন সিপাহী ধীরে ধীরে অগ্রসর হইয়াছিল; কিন্তু পিস্কার্ড নামক একজন ইংরাজ সেনানী রজনীযোগে তাহাদিগকে নিতান্ত অসহায় অবস্থায় থণ্ড থণ্ড করিয়া ফেলিলেন! ক্ষণিক উল্লাসে নিক্সাগো-মুখ দীপশিখার জ্বায় ইংরাজপ্রতাপ চারিদিকে উদ্ভাসিত হইয়া উঠিল! *

উমাচরণের আহত জমাদার অলক্ষিতভাবে নগর হইতে পলায়ন করিয়া একেবারে নবাব-শিবিরে উপনীত হইলেন; এবং সিরাজদৌলার নিকট আদ্যোপান্ত সকল কথা নিবেদন করিয়া দক্ষিণ এবং পূর্বাঞ্চল হইতে নগরাক্রমণের গুপ্তসন্ধান প্রকাশ করিয়া দিলেন। রজনী প্রভাত হইবামাত্র উত্তরের কামানগর্জন নীরব হইয়া গেল, পূর্ব এবং দক্ষিণদিক হইতে যুগপৎ লৌহপিণ্ড ছুটিয়া আসিতে লাগিল। ইংরাজেরা তাড়াতাড়ি তোপমঞ্চে আরোহণ করিয়া নগররক্ষার জন্ত কামানে অগ্নিসংযোগ করিতে ধাবিত হইলেন।

বালবাজারের রাস্তার উপর যে পূর্বতোপমঞ্চ নিশ্চিত হইয়াছিল, তাহার কিয়দূর সম্মুখেই “জেলখানা”। ইংরাজেরা তাহার উত্তর প্রাচীরে ছিদ্র ফুটাইয়া কয়েকটি কামান পাতিয়া রাখিয়াছিলেন, এবং বালবাজারের রাজপথে নবাব-সেনাদল নগরপ্রবেশ করিবামাত্র, জেলখানা ও পূর্বতোপমঞ্চ হইতে যুগপৎ অনলবর্ষণ করিয়া শত্রুসেনার সর্বনাশ করিবেন ভাবিয়া কথঞ্চিৎ হঠাৎকরণেই যুদ্ধক্ষেত্রে অগ্রসর হইতেছিলেন। কিন্তু নবাব-সেনা নিকোঁধের জ্বায় সরল রাজপথ

বহিয়া তোপমঞ্চের সম্মুখ দিয়া অগ্রসর হইল না । তাহারা প্রহরিসেনা-দলকে পরাজয় করিবামাত্র, উত্তর ও দক্ষিণদিকে সরিয়া পড়িতে লাগিল, এবং দেখিতে না দেখিতে ইংরাজদিগের তিনটি তোপমঞ্চই তিনদিক হইতে আক্রান্ত হইল । তখন আর নগর রক্ষা করা সম্ভব হইল না ;—পূর্বতোপমঞ্চের অধিনায়ক কাপ্তান ক্লেটন ও তাঁহার সহকারী হলওয়েল সাহেব দুর্গমধ্যে পলায়ন করিবামাত্র, চারিদিকে নবাব-সেনা অধিকার বিস্তার করিবার অবসর প্রাপ্ত হইল । তাহারা ইংরাজের তোপমঞ্চে আরোহণ করিয়া, ইংরাজের অস্ত্রসাহায্যেই দুর্গবাসী ইংরাজদিগের উপরে প্রচণ্ডবেগে গোলাবর্ষণ করিতে আরম্ভ করিল । বীরপদভরে কলিকাতা সত্য সত্যই টলমল করিয়া উঠিল !

দুর্গমূলে ভাগীরথীগর্ভে কতকগুলি ডিম্বী নৌকা এবং একখানি সুবৃহৎ জাহাজ প্রস্তুত ছিল । সায়ংকালে মহিলাদিগকে সেই জাহাজে পাঠাইয়া দিবার ব্যবস্থা হইল । ম্যানিংহাম এবং ফ্রাঙ্কল্যাণ্ড মহিলাদিগের শরীররক্ষার্থ জাহাজ পর্য্যন্ত গমন করিতে অগ্রসর হইলেন ; তখন সকলে মিলিয়া ধীরে ধীরে দুর্গাভ্যন্তর হইতে সায়াহ্নের অন্ধকারাচ্ছন্ন ভাগীরথীতীরে সমবেত হইতে লাগিলেন । মহিলামণ্ডলী জাহাজে আরোহণ করিলেন, কিন্তু ম্যানিংহাম এবং ফ্রাঙ্কল্যাণ্ড আর জাহাজ হইতে অবতরণ করিতে সম্মত হইলেন না ! দুর্গরক্ষা করা নিতান্ত অসম্ভব বলিয়া অনেক সময়ে অনেক বীরপুরুষ দুর্গত্যাগ করিতে বাধ্য হইয়াছেন ;—তাহাতে লজ্জিত হইবার কারণ নাই । কিন্তু ম্যানিংহাম এবং ফ্রাঙ্কল্যাণ্ড বেরূপভাবে দুর্গত্যাগ করিয়া রমণীমণ্ডলীর সহিত জাহাজে পলায়ন করিয়াছিলেন,

তাহাতে ইংরাজ ইতিহাস লেখকেরাও লজ্জায় অধোবদন হইয়া
রহিয়াছেন ! *

বাহারা দুর্গমধ্যে আশ্রয়গ্রহণ করিয়াছিলেন, তাহাদের দুর্গতির
অবধি রহিল না। সকলেই উপদেশ দিবার জন্ত লালায়িত, কেহই
উপদেশপালনের জন্ত প্রস্তুত নহেন ! † বাহিরে নবাব-সেনার উন্নত
আক্ষালন, দুর্গমধ্যে ইংরাজমণ্ডলীতে তুমুল কোলাহল ;—ফিরিঙ্গীদের
আর্জুনাদ, সৈনিকদিগের আত্মকলহ, সেনাপতিদিগের মতিভ্রম,—
নানাকারণে দুর্গমধ্যে শাসনক্ষমতা একেবারে শিথিল হইয়া পড়িল !

রাত্রি দুই প্রহরের সময়ে নবাবসেনা দুর্গপ্রাচীর উল্লঙ্ঘন করিবার
জন্ত বহু-পরিকর হইল। তাহা দেখিয়া দুর্গরক্ষার জন্ত অগ্রসর হওয়া
দূরে থাকুক, সকলেই নিজ নিজ প্রাণরক্ষার জন্য ব্যাকুল হইয়া উঠি-
লেন ;—সেনাপতি উপযুক্তপরি তিনবার দামামাধ্বনি করিয়া সকলকেই
আহ্বান করিবার চেষ্টা করিলেন, কিন্তু প্রহরিগণ ভিন্ন আর কেহ সে

• In such circumstances, the expediency of abandoning the
fort and retreating on ship-board naturally occurred to the besieged
and such a retreat might have been made without dishonor. But
the want of concert, together with the criminal eagerness manifes-
ted by some of the principal servants of the Company to provide
for their own safety at any sacrifice, made the closing scene of the
seige one of the most disgraceful in which Englishmen have ever
been engaged.—Thornton's History of the British Empire.
vol. I. 190.

† From the time that we were confined to the defence of the
fort itself, nothing was to be seen but disorder, riots and confusion.
Every body was officious in advising, but no one was properly
qualified to give advice—The evidence of John Cooke Esqr.

পলায়নের লাহুনা।

আহ্বানে কর্ণপাত করিলেন না ! * দুর্গবাসিগণ সশস্ত্রদেহে জাগরিত
রহিয়াছেন মনে করিয়া, নবাব-সেনা শিবিরে প্রস্থান করিল ; কিন্তু সে
রজনীতে ইংরাজদুর্গে কেহ আর নিদ্রালাভের অবসর পাইলেন না।

রজনী দুই ঘটিকার সময়ে সামরিক সভার অধিবেশন হইল।
নিম্নশ্রেণীর সেনাদল ভিন্ন আর আর সকলেই সে সভায় উপনীত
হইলেন। দুই ঘণ্টা তর্ক বিতর্কের পর স্থির হইল যে, “আর
দুর্গরক্ষার জন্য পণ্ডশ্রম করী অনাবশ্যক, তহবিল পত্র লইয়া পলায়ন
করাই সুপরামর্শ ! † কিন্তু কখন পলায়ন করিতে হইবে, কিভাবে
পলায়ন করিতে হইবে, সে সকল কথার কিছুমাত্র মীমাংসা হইতে
পারিল না। ‡

নদীতীরে যে সকল ডিঙ্গী রোকা বাঁধা ছিল, তাহার অনেক-
গুলিই রাতারাতি চলিয়া গিয়াছিল ; পর্তুগীজ-রমণী ও বালকবালিকা-
দিগকে জাহাজে উঠাইবার জন্য প্রভাতে গুপ্তদ্বার উন্মোচন করিবা-
মাত্র, ভাগীরথীতীরে মহাকলরব উপস্থিত হইল। সে কলরবে কেহ
কাহারও কথায় কর্ণপাত করিবার অবসর পাইল না ; সকলেই সর্বাগ্রে
জাহাজে উঠিয়া পলায়ন করিবার জন্য ব্যস্ত হইয়া উঠিল। ইহাতে
যাহা হইবার তাহাই হইল ;—কেহ কেহ ডিঙ্গী উল্টাইয়া জলমগ্ন
হইল, কেহ কেহ নবাব-শিবিরের তীরন্দাজদিগের হাতে দেহত্যাগ
করিল, কেহ বা কারক্লেশে জাহাজে উঠিলামাত্র, নোঙ্গর তুলিয়া

* Orme, vol. ii. 69.

† Orme, vol. ii. 69.

‡ That money and effects were that night embarked, is a truth known to everybody—Holwell's India Tracts, p 321.

সিরাজদৌলা ।

জাহাজখানি অবলীলাক্রমে ভাসিয়া চলিল । নবাব-সেনা তাহার উপর অস্ত্র নিক্ষেপ করিয়া পলায়িত জাহাজের গতিশক্তি বর্দ্ধিত করিতে লাগিল । যাহারা পলায়নের অবসর না পাইয়া দুর্গমধ্যে অবরুদ্ধ রহিলেন তাঁহারা তাড়াতাড়ি দ্বাররোধ করিয়া পলায়িত বন্ধুদিগের নামোল্লেখ করিয়া নানারূপে হৃদয়-বেদনা প্রকাশ করিতে লাগিলেন । *

যাহারা এইরূপে অকস্মাৎ দুর্গত্যাগ করিয়া পলায়ন করিলেন, তাঁহাদের মধ্যে গবর্ণর ড্রেক, সেনাপতি মিন্‌চিন্, কাপ্তান গ্রান্ট এবং মিঃ ম্যাক্‌কেটের নাম ইতিহাসে স্থানলাভ করিয়াছে ! † উত্তরকালে ইতিহাস লিখিবার সময়ে অনেকে অনেকরূপ “কৈফিয়তের” সৃষ্টি করিয়া ইহাদের কলঙ্কমোচনের চেষ্টা করিয়া গিয়াছেন । ষ্টুয়ার্ট লিখিয়া গিয়াছেন যে, “গবর্ণর ড্রেক অতুল সাহসে দুর্গপ্রাচীরের উপর পাদ-চালনা করিয়া দুর্গরক্ষা করিতে ভীত হন নাই ; কিন্তু যখন শুনিলেন যে আর দুর্গরক্ষার কিছুমাত্র সম্ভাবনা নাই, বারুদ ফুরাইয়া গিয়াছে, যাহা আছে তাহাও ভিজিয়া গিয়াছে,—তখন নিতান্ত অন্ত্রোপায় হইয়াই

* The astonishment of those who remained in the fort was not greater than their indignation,—Orme, vol. ii. 71. বন্স্যাগাধার মহাশয় বলেন, এইরূপে দুর্গমধ্যে ১৯০ জন সৈন্য ও ভলান্টিয়ার অবরুদ্ধ হয় । প্রমাণ হলে কুকের নামোল্লেখ করিয়াছেন । কিন্তু পলায়নের পূর্বে দুর্গমধ্যে ১৭০ জন মাত্র লোক থাকা সেক্রেটারী কুকের কথায় পাওয়া যায় বলিয়া বন্স্যাগাধার মহাশয় নিজেই উল্লেখ করিয়া গিয়াছেন । হলওয়েলের মতে এই জুনের জনসংখ্যা ১৯০ ।

† Among those who left the factory in this unaccountable manner, were, the Governor Mr. Drake, Mr. Macket, Captain Commandant Minchin, and Captain Grant.—The evidence of John Cooke Esqr.

পলায়ন করিতে বাধ্য হইয়াছিলেন !” এই কৈফিয়ত কত দূর সত্য তাহা বিচার করা নিশ্চয়োজন । যাহারা দুর্গমধ্যে অবরুদ্ধ রহিলেন, তাহারা হলওয়েল সাহেবকে সেনাপতি নির্বাচন করিয়া সেই “ভিজা বারুদ” লইয়াই কেমন অতুল সাহসে দুই দিন পর্য্যন্ত নবাবসেনার গতিরোধ করিয়া অবশেষে দৈববিড়ম্বনায় কারারুদ্ধ হইয়াছিলেন, সে কথা ইংরাজের ইতিহাসেই প্রকাশিত রহিয়াছে !

হলওয়েল আর কি করিলেন ! বাগবাজারের নিকটে যে একখানি যুদ্ধজাহাজ অপেক্ষা করিতেছিল, সেইখানি নিকটে আনিবার জন্য দুর্গ-প্রাচীর হইতে সঙ্কেত করিতে লাগিলেন । নাবিকদিগের অনবধান-তায় সে জাহাজ খুলিতে না খুলিতেই চড়ায় আটকাইয়া গেল, নবাব-সেনার গুলিবর্ষণে নাবিকগণ ভাগীরথী সমুদ্র করিয়া পলায়ন করিতে লাগিল । তখন অনেকে ভাবিলেন যে, অকস্মাৎ মতিভ্রান্ত হইয়া মহামতি ডেক সাহেব সময়ের উত্তেজনার অগ্রপশ্চাৎ বিচার না করিয়া সর্ব্বাঙ্গে পলায়ন করিয়াছেন ; কিন্তু তিনি হয় ত নিজেই নিজের মতিভ্রম বুঝিতে পারিয়া, সহকারিগণের উদ্ধার-কামনায় আবার জাহাজ লইয়া দুর্গদ্বারে উপনীত হইবেন । আশা কুহকিনী ! ডেক সাহেব নিজে নিজে জাহাজ লইয়া আসিলেন না ; দুর্গবাসিদিগের নানারূপ সঙ্কেতপূর্ণ কাতর-নিবেদন অবগত হইয়াও, ফিরিয়া চাহিলেন না ।

* Signal were thrown out from every part of the Fort for the ships to come up again to their stations, in hopes they would have reflected (after the first impulse of their panic was over) how cruel as well as shameful it was to leave their countrymen to the mercy of a barbarous enemy ; and for that reason we made no doubt they

একজন ইতিহাস-লেখক বলিয়া গিয়াছেন যে, “পঞ্চদশ জন সাহসী বীরপুরুষ একখানি মাত্র নৌকা লইয়া অগ্রসর হইলেই দুর্গবাসীদিগের হৃদশার অবসান হইতে পারিত ; কিন্তু হায় ! পলায়িত ইংরাজ পুরুষের মধ্যে পঞ্চদশজন বীরপুরুষও অগ্রসর হইলেন না !” *

হলওয়েল দুর্গরক্ষার জন্ত যথাসাধ্য চেষ্টা করিয়াও সিরাজদৌলার গতিরোধ করিতে পারিলেন না ; নবাব-সেনা ক্রমে ক্রমে দুর্গমূলে অগ্রসর হইতে লাগিল । ২০শে জুন সহস্র সহস্র নবাবসেনা প্রত্যাঘেই দুর্গমূলে সমবেত হইতে আরম্ভ করিল । তখন দুর্গবাসী ইংরাজগণ নিতান্ত ভীত হইয়া আত্ম-সমর্পণ করিবার জন্ত হলওয়েলকে পুনঃ পুনঃ অনুরোধ করিতে লাগিলেন । হলওয়েল আর কি করিবেন ? তিনি অনন্তোপায় হইয়া ইংরাজের বিপদভঞ্জন উমচরণের শরণাপন্ন হইলেন । পূর্বকাহিনী স্মরণ করিয়া উমচাঁদ ইংরাজকে প্রত্যাখ্যান করিলেন না । তাঁহাদের কাতর ক্রন্দনে অভিভূত হইয়া নবাব-সেনানায়ক রাজা ঝাণিকচাঁদের নিকট পত্র লিখিতে প্রবৃত্ত হইলেন । “আর না, বধেই শিক্ষা হইয়াছে ; অতঃপর নবাব বাহা বলিবেন, ইংরাজেরা তাহাই শিরোধার্য্য করিবেন,” + ইত্যাদি ইত্যাদি অনেক কথায় নবাব বাহা-দুয়ের অনুগ্রহভিক্ষার জন্ত উমচাঁদ ঝাণিকচাঁদের নামে পত্র লিখিয়া

would have attempted to cover the retreat of those left behind, now they had secured their own ; but we deceived ourselves.—The evidence of John Cooke Esqr.

* A single sloop with fifteen brave men on board, might in spite of all the efforts of the enemy, have come up, and, anchoring under the fort, have carried away all who suffered in the dungeon.—Orme, vol. ii. 78.

† Holwell's India Tracts, p. 330.

হলওয়েলকে প্রদান করিলেন । হলওয়েল দুর্গপ্রাচীর হইতে সেই পত্রখানি বাহিরে ছুঁড়িয়া ফেলিলামাত্র তাহা কে যেন কুড়াইয়া লইয়া গেল ; কিন্তু তাহার আর কোনরূপ প্রত্যুত্তর আসিল না । এদিকে নবাব-সেনার প্রবল পরাক্রমে অনেকেই আহত হইতেছেন, গোরা-পর্টন শুদাম ভাঙ্গিয়া মদ্যপান করিয়া অধীর হইয়া উঠিয়াছে, হলওয়েল চারিদিকে ছুটাছুটি করিয়া সেনাসংগ্রহ করিবার চেষ্টা করিতেছেন ; এমন সময়ে অবরুদ্ধ ইংরাজসেনা মহা পশ্চিমদিকের দুর্গদ্বার উন্মোচন করিয়া দিল ! সেই উন্মুক্তদ্বারে জলস্রোতের স্থায় প্রবল প্রবাহে নবাব-সেনা দুর্গমধ্যে প্রবেশ করিতে লাগিল । আর যুদ্ধ করিতে হইল না ; সকলেই বন্দী হইলেন ; ইংরাজদুর্গের সমুদয় সিংহদ্বারের উপর সিরাজদৌলার বিজয়পতাকা সগৌরবে অঙ্গবিস্তার করিল ।

সেনাপতি মীরজাফর খাঁ এবং অন্যান্য গণ্যমান্য পাত্রমিত্রদিগকে সঙ্গে লইয়া নবাব সিরাজদৌলা অপরাত্ন পাঁচ বটিকার সময়ে ইংরাজদুর্গে পদার্পণ করিলেন, এবং দরবারে সমাসীন হইয়াই উমিচাঁদ ও কৃষ্ণবল্লভ কোথায়, তাহার সন্ধান লইবার অহুমতি করিলেন । ইংরাজের ইতিহাসেই লিখিত আছে যে, উমিচাঁদ ও কৃষ্ণবল্লভ যখন সমস্তই অতিবাহন করিয়া সম্মুখে দণ্ডায়মান হইলেন, তখন কাহাকেও কোনরূপ তিরস্কার করা দূরে থাকুক, সিরাজদৌলা উভয়কেই যথোচিত সমাদরে আসনপ্রদান করিলেন ! যে সকল ইতিহাসে পূর্বকাহিনীর কিছুমাত্র উল্লেখ নাই, সে সকল ইতিহাস পড়িতে পড়িতে মনে হয় যে, যে কৃষ্ণবল্লভকে লইয়া এত গোলযোগ, তাঁহাকে হাতে পাইয়া একপ সমাদর করিবার অর্থ কি ? সিরাজদৌলাকে বাহারা নৃশংসমতাব উচ্ছ্বাস

কুক বলিয়া পরিচিত করিতে চেষ্টা করিয়া গিয়াছেন, তাঁহারা কুক-বলভের প্রতি সিরাজের সদয় ব্যবহারের মনোদ্যোতন করিবার আয়োজন করেন নাই ! *

ইংরাজদুর্গের কোষাগার হস্তগত করিয়া, ইংরাজদিগের উদ্ধত ব্যবহারের জগুই যে তাঁহাদের এরূপ দুর্গতি হইল, তাহা বুঝাইয়া দিয়া, সিরাজদৌলা বন্দিগণকে আশ্বাসদান করিলেন। ইংরাজেরা বন্দী ; সিপাহীগণ তাঁহাদিগকে বন্দিবেশেই নবাবের নিকট বাঁধিয়া আনিয়াছিল। কিন্তু সিরাজদৌলা তাহা দেখিবামাত্র হলুয়েলের বন্ধনমোচন করিয়া অভয়দান করিলেন। দরবার ভঙ্গ হইল। রণশ্রান্ত বিজয়ী সেনাদল আশ্রয়স্থানের অনুসন্ধানে চারিদিকে সরিয়া পড়িতে লাগিল। সেনাপতি মাণিকচাঁদের উপর শাসনভার সমর্পণ করিয়া, সিরাজদৌলা বিশ্রামভবনে গমন করিলেন। প্রভাতে যে ইংরাজদুর্গ বীরবিক্রমের লীলাভূমি বলিয়া স্পর্ধা করিতেছিল, সন্ধ্যাে সেই দুর্গাভ্যন্তরে ইংরাজ বন্দী আর মুসলমান ভূপতি নিশ্চিন্তহৃদয়ে বিরামশয্যায় নিদ্রাভিত্ত হইলেন !

ইংরাজ ইতিহাস-লেখকেরা বলেন যে, বাঁহারা আত্ম সমর্পণ করিয়া বন্দী হইয়াছিলেন, সেই সকল হতভাগা ইংরাজ নরনারী, নিদাঘ সন্তপ্ত গভীর রজনীতে কুদ্রায়তন কারাকক্ষে নিদারুণ মর্শ্বাতনার ছটকট করিতে করিতে, অনেকেই প্রাণবিসর্জন করিতে বাধ্য হইয়াছিলেন !

* রাজবলভের সহিত সন্ধিস্থাপন করিবার সময়ে সিরাজদৌলা কুকবলভের সকল অপরাধ ক্ষমা করিয়াছিলেন। তাহার পর ইংরাজেরা কুকবলভকে বিনাদোষে কারাবদ্ধ করার সিরাজদৌলার সহানুভূতি কুকবলভের কল্যাণকামনার আকৃষ্ট হইয়া পড়িয়াছিল।—ইহাই একমাত্র ঐতিহাসিক কারণ বলিয়া বোধ হয়।

মুসলমানদিগের ইতিহাসে ইহার উল্লেখ নাই ;—ইংরাজদিগের ইতিহাসে ইহারই নাম লোমহর্ষণ “অন্ধকূপ-হত্যা” ।

অন্ধকূপ-হত্যার সর্বপ্রধান সংবাদ-দাতা হলওয়েল সাহেব লিখিয়া গিয়াছেন যে,—“লোকে বাঙ্গালার ইতিহাস পড়িয়া, কেবল এইমাত্র জানিয়া রাখিবে যে, ১৭৫৬ খৃষ্টাব্দের ২০শে জুনের নিদাঘ-সন্তপ্ত নিশীথ-সময়ে ১৪৬ জন বন্দীর মধ্যে ১২৩ জন হতভাগা অন্ধকূপে জীবন বিসর্জন করিতে বাধ্য হইয়াছিল ! কেমন করিয়া এই সর্বনাশ সংঘটিত হইল, তাহার যথাযথ বর্ণনা করিতে পারেন, এমন অল্প লোকেই প্রাণ লইয়া ফিরিয়া আসিয়াছেন !—যাহারা যত্ন করিলে কিছু কিঞ্চিৎ লিখিয়া যাইতে পারিতেন, তাহারা কেহই সে শোচনীয় কাহিনী বর্ণনা করিবার চেষ্টা করেন নাই ! লিখিব লিখিব করিয়া আমিও কতবার দৃঢ়-সংকল্প হইয়াছি ; কিন্তু কতবার সে উদ্যম শিথিল হইয়া পড়িয়াছে ! লিখিতে বসিলেই প্রাণের মধ্যে সেই নিদারুণ মর্শ্ব-যাতনার চিরপ্রদীপ্ত শোচনীয় স্মৃতি এরূপ হৃদয়বেদনা আগ্রস্ত করিয়া দেয় যে, সেই লোমহর্ষণ দৃশ্যপট অঙ্কন করিবার জন্য যথোপযুক্ত ভাষা খুঁজিয়া পাইনা ! পৃথিবীর ইতিহাসে এমন মর্শ্ব-বেদনার দৃষ্টান্ত আর নাই । * সেই মর্শ্ব-বেদনায় শরীর ও মন যেরূপ অবসন্ন হইয়া পড়িয়াছিল, তাহা আবার কিম্বৎপরিমাণে প্রকৃতিস্থ হইয়াছে । সুতরাং অন্ধকূপহত্যার লোমহর্ষণ অত্যাচারকাহিনী বিশ্বতি-গর্ভে বিসর্জন না করিয়া, তাহা যথাসাধ্য লিপিবদ্ধ করিবার

আছে । তাহার নায়ক ইংরাজ, সংযোগস্থল স্কটলণ্ড ; Massacre of Glenco নামে তাহা ইংলণ্ডের গৌরবমণ্ডিত ইতিহাস-পৃষ্ঠা কলঙ্কিত করিয়া রাখিয়াছে ।

চেষ্টা করিলাম । স্থিতিমাত্র অবলম্বন করিয়া লিখিতে বসিয়াছি ; কিন্তু এক বর্ণও অতিরঞ্জিত করিয়া তুলিতে পারিব না ;—যাহাই লিখি না কেন, তাহাতে প্রকৃত দুর্দশার অংশমাত্রও প্রকটিত হইবে না !

“অন্ধকূপের কথা লিখিবার পূর্বে পূর্ববর্তী কয়েকটি ঘটনার বর্ণনা করা আবশ্যিক । অপরাহ্ন ছয় ঘটিকার সময়ে নবাব ও তাঁহার সেনাদল দুর্গপ্রবেশ করেন । আমার সঙ্গে সেদিন নবাবের তিনবার দেখা হয় । সাত ঘটিকার একটু পূর্বে শেষ সাক্ষাৎ ;—তিনি তখনও এই বলিয়া আশ্বাস দিলেন যে, তিনিও একজন বীরপুরুষ, এবং বীরপুরুষের ত্রায় বলিতেছেন, ‘আমাদের কিছুমাত্র অনিষ্ট হইবে না ।’ আমার এখন পর্য্যন্তও এইরূপ বিশ্বাস রহিয়াছে যে, আমাদের সম্বন্ধে নিতান্ত সাধারণভাবে হুকুম দেওয়া ব্যতীত, কোথায় রাখিতে হইবে, কেমন করিয়া রাখিতে হইবে,—এ সকল কথা সিরাজদৌলা কিছুই বলিয়া দেন নাই ! আমরা যেন পলায়ন করিতে না পারি,—বোধ হয় এই পর্য্যন্তই বলিয়া থাকিবেন ! যাহারা এই কয় দিনের যুদ্ধকলহে চিরনিদ্রায় অভিভূত হইয়াছিল, তাহাদের সহকারী সিপাহীগণ প্রতিশোধ লইবার জন্যই আমাদের একপ দুর্গতি করিয়াছিল ; ইহাই আমার ধারণা !

“লক্ষ্য হইল । অন্ধকার ঘনীভূত হইয়া আসিতে লাগিল । একজন প্রহরী আসিয়া আমাদেরকে একটি বিস্তৃত বারান্দার ঝিলানের কাছে বলিতে বলিল । সে স্থান অন্ধকূপ কারাগার এবং প্রহরী-বারিকের পশ্চিম দিকে । সম্মুখে ময়দান । সেখানে মঙ্গল জাহাজের চারি পাঁচ শত গোলন্দাজ দাঁড়াইয়া ছিল । আমরা চাহিয়া দেখিলাম যে, চারিদিকেই আগুন লাগিয়া উঠিয়াছে । বড় ভয় হইল । সকলেই ভাবিলাম যে, আমাদেরকে পোড়াইয়া মারিবার জন্যই বৃষ্টি এত লোক

মশাল লইয়া দাঁড়াইয়া রহিয়াছে ! ৭৥০ টার সময়ে কতিপয় সেনানায়ক মশাল লইয়া প্রাচীর-সংলগ্ন কক্ষগুলি তন্ন তন্ন করিয়া দেখিতে লাগিলেন । তখন আর সন্দেহ রহিল না ; আমাদের অনুমানই ঠিক হইল ভাবিয়া ব্যাকুল হইয়া উঠিলাম ! ভাবিলাম যে, শীঘ্র শীঘ্র অগ্নি-সংকার শেষ করিবার জন্য নিকটস্থ কক্ষগুলিতেও অগ্নিসংযোগ করিতে আসিতেছে ! তখন সকলেই স্থির করিলাম,—আর না,—এইবার প্রহরীদিগের উপর লাফাইয়া পড়িব, তরবারি কাড়িয়া লইব, সম্মুখে যে সকল গোলন্দাজ দাঁড়াইয়া আছে, তাহাদিগকে সদর্পে আক্রমণ করিয়া, বীরের ন্যায় জীবনবিসর্জন করিব,—কাপুরুষের মত রহিয়া রহিয়া আশুনে পুড়িয়া মরিব না ! বেলি, জেন্‌কন্ ও রেভেলী বলিলেন,—‘সহসা এত বড় হুঃসাহসের কার্য্য করিয়া কি হইবে ? আগে ব্যাপার কি দেখিয়া আইস ।’ আমি একটু উঠিয়া গিয়া দেখিতে লাগিলাম ; কিন্তু যাহা দেখিলাম তাহাতে ভ্রম দূর হইয়া গেল ! আমাদিগকে কোথায় ব্রাদ্রিবাস করিতে হইবে, তাহা স্থির করিতে না পারিয়া, মশাল লইয়া স্থানান্তরিত করিতেছে ;—দেখিলাম যে, পাহারাবারিকের ঘরগুলির অনুসন্ধান চলিতেছে ।

“এইখানে একজন লোকের পরিচয় দিয়া রাখি । ইহার নাম লিচ ;—ইনি কোম্পানীর কলিকাতার কুঠার কর্ম্মকার ছিলেন । আগে ইহাকে কেবল বন্ধু বলিয়াই সমাদর করিতাম, কিন্তু বন্ধু আজি বেক্সপ ব্যবহার করিলেন, তাহাতে অধিকতর সমাদর করা আবশ্যিক । মুসলমানেরা যে সময়ে তুর্কল কোলাহল করিয়া হুগ প্রবেশ করিতেছিল, লিচ সেই অবসরে পলায়ন করিয়াছিলেন । অকস্মিক হইলে কিরিয়া আসিয়া আমাদের চুপি চুপি বলিতে লাগিলেন যে, তিনি নদীতীরে নৌকা এত

করিয়া আমাকে সংবাদ দিতে আসিয়াছেন ; আমি পলায়ন করিতে প্রস্তুত কিনা কেবল তাহাই জানিবার জন্ত গুপ্তপথে দুর্গপ্রবেশ করিয়া-
ছেন। সে সময়ে আমাদের কাছে অধিক গ্রহরী ছিল না ; যাহারা
ছিল তাহারাও সন্দেহশূন্য হইয়া দূরে দূরে পাদচারণ করিতেছিল,—
ইচ্ছা থাকিলে পলায়ন করিতে কোনরূপ অসুবিধা হইত না। কিন্তু
যাহারা আমার আজ্ঞায় দুর্গরক্ষার জন্য প্রাণপণ চেষ্টা করিয়া অবশেষে
আমার সঙ্গে শত্রুহস্তে বন্দী হইয়াছেন, তাঁহাদিগকে অসহায় অবস্থায়
নবাবের হাতে সমর্পণ করিয়া, একাকী প্রাণ লইয়া পলায়ন করিতে
প্রবৃত্তি হইল না। তখন লিচু অবলীলাক্রমে বলিয়া উঠিলেন যে,—
কেবল আমার জন্য তিনি ব্যাকুল হইয়াছিলেন ; আমিই যদি পলায়ন
না করিলাম, তবে তিনি আর একাকী পলায়ন করিবেন কেন ? বলা
বাহুল্য যে, কাহারও পলায়ন করা হইল না !

“যাহারা এতক্ষণ স্থান খুঁজিয়া বেড়াইতেছিল, তাহারা আসিয়া
পাহারা-বারিকের বামপার্শ্বস্থ গৃহমধ্যে প্রবেশ করিবার জন্য আমাদিগকে
আদেশ করিতে লাগিল। সেই বারিকে সিপাহীদিগের নিদ্রার জন্য
কতকগুলি তক্তাপোষ ছিল, বায়ুসমাগমেরও অসুবিধা ছিল না ;—ভাবি-
লাম বুঝি সমুদয় দিনের রণশ্রান্তি দূর করিবার সহুপায় হইল ; সেইজন্য
ইচ্ছাপূর্বক তাহার মধ্যে প্রবেশ করিতে লাগিলাম। এই বারিকের
ভিতর দিয়াই অন্ধকূপকারাগারের প্রবেশ-দ্বার ! কতকগুলি সিপাহী
আসিয়া বন্দুক উঠাইয়া সেই অন্ধকূপে প্রবেশ করিবার জন্য ইঙ্গিত
করিতে লাগিল। নিরস্ত্র দেহে সে ইঙ্গিত অবহেলা করিতে সাহস হইল
না। যাহারা পশ্চাতে ছিল, তাহারাও প্রবলবেগে ঠেলিয়া আসিতে
লাগিল। সমুদয়ের তরঙ্গ যেমন পশ্চাতের তরঙ্গাবাতে কেবল সমু-

খের দিকেই ছুটিয়া চলে, আমরাও সেইরূপ তাড়াতাড়ি পাড়াপাড়ি করিয়া অন্ধকূপের মধ্যে প্রবেশ করিতে লাগিলাম ! সে অন্ধকূপ যে এত ক্ষুদ্রায়তন তাহা জানিতাম না ; আমি কেন, ছই একজন সৈনিক ভিন্ন কেহই তাহা জানিতেন না । যদি জানিতাম যে সত্য সত্যই তাহা অন্ধকূপ, তবে বরং আদেশ লঙ্ঘন করিয়া প্রহরীহস্তে জীবনবিসর্জন করিতাম ; তথাপি সে অন্ধকূপের মধ্যে ইচ্ছাপূর্ব্বক পদার্পণ করিতাম না !

“আমিই সর্বাগ্রে প্রবেশ করিলাম । সঙ্গে সঙ্গে বেলি, জেনুকস্, কুক্, কোলস্, স্বট, রেভেলি এবং বুকাননও প্রবেশ করিলেন । দ্বারের নিকটেই জানালা ; আমি প্রবেশ করিয়া সেই জানালার ধারে আশ্রয় পাইলাম । কোলস্ এবং স্বট উভয়েই আহত ; স্মৃতরাং তাঁহাদিগকে সেখানে ডাকিয়া লইলাম । আর আর সকলে আমাদের আশে পাশে যে যেখানে পারিল, ঘিরিয়া দাঁড়াইতে লাগিল । দরজা বন্ধ হইল । আটটা বাজিয়া গেল ।

“এইরূপে রণ-পরিশ্রান্ত ১৪৬ জন হতভাগা নিদারুণ নিদাঘসন্তপ্ত অন্ধকার রজনীতে বায়ুসমাগমবিহীন ১৮ ফুট আয়তনের একটি ক্ষুদ্র-কক্ষে বন্দী হইল ! একটি মাত্রদ্বার, তাহাও উত্তরদিকে । দুইটিমাত্র জানালা, তাহাও লৌহশলাকাবেষ্টিত ! একটু যে শীতল বাতাস পাইব তাহারও উপায় নাই ! এই অবস্থা স্বরণ করিলে, আমাদের দ্রঃখ, দুর্দশা কিয়ৎপরিমাণে অনুভব করা সহজ হইবে ।

“আমাদের যে কত না দুর্গতি হইবে, তাহার ভয়াবহ দৃশ্যপট বেন জীবন্তভাবে চকুর সম্মুখে ছুটিয়া উঠিতে লাগিল ; কারাকন্দের আয়তন দেখিয়াই চকুঃস্থির হইয়া গেল ! সকলে মিলিয়া রুদ্ধদ্বার ভাঙ্গিয়া ফেলি-

বার জন্য চেষ্টা করিতে লাগিল ; - কিন্তু সে প্রচণ্ড বিক্রম বিফল হইল ; দ্বার খুলিল না !

“তখন ক্রোধাক্ত-কলেবরে সকলে মিলিয়া উন্নতের মত আশ্বাসন করিতে লাগিল ! আমি দেখিলাম যে, সে নিষ্ফল ক্রোধে কেবল শরীর মন শীঘ্র শীঘ্র অবসন্ন হইয়া পড়িবে। সুতরাং শান্ত হইবার জন্য বার-বার অনুরোধ করিতে লাগিলাম।

“সকলে শান্ত হইলে, অবসন্ন পাইয়া কিংকর্তব্য চিন্তা করিবার চেষ্টা করিতেছি, এমন সময়ে পার্শ্বস্থ আইত বন্ধুদ্বয় মৃত্যু-বাতনায় বিকট আর্ন্তমাদ করিতে লাগিলেন ! নানাভাবে মানুষকে দেহত্যাগ করিতে দেখিয়া, এবং সর্বদা মৃত্যুকাহিনী আলোচনা করিয়া মৃত্যুচিন্তা অভ্যস্ত হইয়া গিয়াছে। নিজের জন্য তর হইল না ; কিন্তু সহকারীদিগের যত্ননা দেখিয়া স্থির থাকিতে পারিলাম না।

“পাহারাওয়ালাদের মধ্যে একজন বৃদ্ধ জমাদার ছিল। মুখ দেখিয়া মনে হইল, সে যেন আমাদের মর্শ্ম-যাতনায় কাতরতা অনুভব করিতেছে ! তাহা দেখিয়া কথঞ্চিৎ সাহস হইল। তাহাকে জানানার কাছে ডাকিয়া আনিয়া বলিলাম যে, স্থানান্তরে আমাদের বড়ই দুর্গতি হইতেছে ; সে যদি অন্ততঃ অর্দ্ধেক লোক আর একটি ঘরে রাখিতে পারে, তবে প্রভাত হইবামাত্র সহস্র মুদ্রা পুরস্কার পাইবে। জমাদার চলিয়া গেল, কিন্তু একটু পরে ফিরিয়া আসিয়া বলিল, — “অসম্ভব !” আমি ভাবিলাম যে, পারিতোষিকের অঙ্ক যুগ্ম কম হইয়াছে, তখন দুই সহস্র মুদ্রার প্রলোভন দেখাইলাম। জমাদার আবার চলিয়া গেল ; কিন্তু এবার ফিরিয়া আসিয়া বলিল যে, — একেবারেই অসম্ভব ! নবাব নিজাগত। তাহার অনুমতি না পাইয়া এমন কার্য্য কে

হস্তক্ষেপ করিবে? আর তাঁহাকে যে জাগাইবে এমন সাহসই বা কাহার?*

“এতক্ষণ অনেকেই শান্ত হইয়া ছিলেন, কিন্তু সকলেরই বিলক্ষণ যন্ত্রণা আরম্ভ হইয়াছিল। অল্পক্ষণের মধ্যেই সর্বশরীর এরূপ ঘর্ম্মাক্ত হইয়া উঠিল যে, না দেখিলে অনুমান করা অসম্ভব। শরীরের রক্ত যেন একেবারে জল হইয়া বাহির হইতে লাগিল! ধারা বহিয়া ঘর্ম্মস্রোত ছুটিয়া চলিল! সকলেই পিপাসায় কাতর হইয়া পড়িলাম।

“নয়টা না বাজিতেই পিপাসা ও শ্বাসকষ্ট অসহ্য হইয়া উঠিল। একেবারে বায়ুরোধ হইলে বরং ভাল হইত,—তৎক্ষণাৎ সকল যাতনার অবসান হইত! তাহা হইল না। যে পরিমাণে বাতাস পাইতে লাগিলাম, তাহাতে না যন্ত্রণার অবসান হইল, না জীবন-ধারণের সুবিধা

“আর পিপাসা সহ্য করিতে পারিলাম না। শ্বাসকষ্টও বাড়িয়া উঠিতে লাগিল! দশ মিনিট থাকিতে না থাকিতেই বুকের মধ্যে থিল ধরিয়া আসিতে লাগিল। সে মর্ম্ম-যাতনা আর অধিকক্ষণ সহ্য করিতে পারিলাম না। উঠিয়া দাঁড়াইলাম। কিন্তু পিপাসা, শ্বাসকষ্ট এবং বুকের ব্যথা যেন বাড়িয়া উঠিল। তখনও সংজ্ঞা ছিল, কিন্তু হার! সংজ্ঞা বিলুপ্ত হইয়া শীঘ্র শীঘ্র মৃত্যু হইতেছে না কেন,—আর কত কষ্ট সহিব,—আর কতক্ষণে মৃত্যু আসিয়া সকল যন্ত্রণার অবসান করিবে,—এই চিন্তায় ক্রমেই অবসন্ন হইতে লাগিলাম। একটু বাতাস,—একটু বাতাস,—আর কিছু না, কেবল একটু বিশুদ্ধ বাতাস;—মনে হইল বুঝি একটু বাতাস পাইলেই সকল যন্ত্রণার অবসান হইতে পারে। তখন দ্বিগুণবলে লোক ঠেলিয়া জানালার দিকে অগ্রসর হইতে লাগিলাম। লোকে

পাড়াপাড়ি করিয়া জানালা ঘিরিয়া দাঁড়াইয়া আছে ; সুতরাং জানালার নিকটে পৌঁছিতে পারিলাম না। জানালার ধারে একসারি লোক,— তাহার পরে আর একসারি,—তাহার পরে আরও একসারি ! অনেক চেষ্টায় সেই তৃতীয় সারিতে একটুমাত্র স্থান পাইলাম ; সেখান হইতেই হাত বাড়াইয়া জানালার গরাদে চাপিয়া ধরিলাম !

“বেদনা এবং শ্বাসকষ্ট যেন দূর হইয়া গেল, কিন্তু পিপাসা একে-
বারে অসহ্য হইয়া উঠিল। এতক্ষণ নীরবে সকল কষ্ট বহন করিতে-
ছিলাম ;—আর পারিলাম না ! একেবারে অধীর হইয়া মর্মবেদনায়
আর্তনাদ করিয়া উঠিলাম,—“ঈশ্বরের দোহাই ! আমাকে একটু জল
দাও।” সাড়াশব্দ না পাইয়া সকলেই ভাবিয়াছিল যে, আমি বুঝি
বহুক্ষণ পঞ্চতলাভ করিয়াছি। কিন্তু সাড়া পাইবামাত্র সেই পরিচিত
কণ্ঠস্বরে উত্তেজিত হইয়া সকলেই সেই মৃত্যুযজ্ঞগার মধ্যে “জল দাও,
জল দাও” বলিয়া আমাকে জলদান করিবার জন্ত ব্যস্ত হইয়া উঠিল।

“প্রাণ ভরিয়া জলপান করিলাম। কিন্তু সে অতৃপ্ত পিপাসা কিছু-
তেই তৃপ্তিলাভ করিল না ! তখন জলপানে বিরত হইয়া ঘর্ম্মবিন্দু
সংগ্রহ করিয়া ওষ্ঠসিঞ্চনের চেষ্টা করিতে লাগিলাম। হায় ! হায় !
সে ঘর্ম্মবিন্দুর বিন্দুমাত্রও মাটিতে পড়িয়া গেলে, কত কষ্টই বোধ হইতে
লাগিল !

“১১।০টার মধ্যেই সকলে বিকারগ্রস্ত হইয়া উঠিল। কেহ কেহ
এমন উন্মত্ত হইয়া উঠিল যে, আর কিছুতেই শান্ত করা গেল না।
যাহারা জানালার আশ্রয় পাইয়াছিল, কেবল তাহারাই কথঞ্চিৎ শান্ত-
ভাবে দাঁড়াইয়া রহিল। বাতাস,—বাতাস,—আর একটু বাতাস,—
আরও একটু বাতাস,—চারিদিক হইতে কেবল এই মর্মভেদী আর্তনাদ !

গুলি করিয়া মার—আমাকে আগে মার—আমাকেই আগে মার,—
চারিদিক হইতে কেবল এই ভয়ঙ্কর কোলাহল ! অনেকে প্রহরীদিগকে
উত্তেজিত করিবার জন্ত, নবাব এবং মাণিকচাঁদের নামোল্লেখ করিয়া
অকথ্য ভাষায় গালিগালাজ করিতে করিতে উন্মত্তের মত জানালার
উপর আছড়াইয়া পড়িতে লাগিল ! যাহারা অবসন্ন হইয়া পড়িল,
তাহারা গৃহমধ্যে সহকারীদিগের শবদেহ আলিঙ্গন করিয়া চিরনিদ্রায়
অভিভূত হইতে লাগিল । যাহারা জীবিত রহিল, তাহারা জানালা
আক্রমণের জন্য প্রচণ্ডবেগে সহকারীদিগকে পদদলিত করিয়া ছুটিয়া
চলিল ! কেহ দাঁড়াইয়া, কেহ কাহারও কাঁধের উপর চড়িয়া প্রাণপণে
জানালার গরাদে চাপিয়া ধরিতে লাগিল ;—তখন আর কাহার সাধ্য
যে তাহাদিগকে সরাইয়া দেয় ! আমার কাঁধের উপর যেন পাষণ
চাপিয়া পড়িল । গুরুভারে অবনত হইলেও পরিভ্রাণ নাই ; যে দুর্গন্ধ !
যেন নাসারন্ধ্র জলিয়া উঠিতে লাগিল ।

“এমন নিদারুণ পরীক্ষায় পড়িয়া ধর্মবুদ্ধি স্থির রাখিতে পারি-
লাম না । সহসা মনে হইল যে, আমার কাছে একখানি ছুরিকা
রহিয়াছে কেন ? সেই ছুরিকা বাহির করিয়া শিরা উপশিরা খণ্ড
খণ্ড করিবার আয়োজন করিলাম ! অকস্মাৎ যেন ধৈর্য্য ও সহিষ্ণুতা
প্রত্যাবর্তন করিল । কাপুরুষের জায় আত্ম-হত্যা করা বড়ই নীচকার্য্য
বলিয়া মনে হইতে লাগিল । তখন প্রায় ২টা বাজে বাজে । একপ ভাবে
আর অধিকক্ষণ দাঁড়াইয়া থাকিতে পারিলাম না । আমার কাছে
কেয়ারী নামে একজন নৌ-সেনানায়ক দাঁড়াইয়া ছিলেন । তিনি সমস্ত
দিন অতুল বিক্রমে দুর্গরক্ষা করিয়াছিলেন । তাঁহাকে আমার স্থান
অধিকার করিবার জন্ত আহ্বান করিয়া আমি গৃহমধ্যে মৃত্যুশয্যায় শয়ন

করিতে কৃতসংকল্প হইলাম। কেয়ারী ধন্যবাদ দিলেন; কিন্তু তিনি আর আমার স্থান অধিকার করিতে পারিলেন না—আমার কাঁধের উপর একজন ওলন্দাজ বসিয়াছিল, স্থানটুকু সেই অধিকার করিয়া ফেলিল। কেয়ারী তাঁহার বিশালবাহু বিস্তার করিয়া, ভিড় ঠেলিয়া আমাকে গৃহ মধ্যে টানিয়া আনিলেন; কিন্তু তাঁহার সকল শক্তি সহসা ভাঙ্গিয়া পড়িল; দেখিতে না দেখিতে কেয়ারী সহসা পঞ্চত্ব প্রাপ্ত হইলেন!

“গৃহমধ্যে আসিলেও কিছুক্ষণ কথঞ্চিৎ সংজ্ঞা ছিল। তখন কিন্তু যাতনা-বোধ ছিল না। তাহার পরে সকল সংজ্ঞা বিলুপ্ত হইয়া গেল! প্রভাতে কুক সাহেবের প্রস্তাবে লসিংটন এবং ওয়াল্‌কট মৃতদেহের ভিতর হইতে আমাকে টানিয়া বাহির করিয়াছিলেন, কিন্তু আমি তখন একেবারে সংজ্ঞাহীন। তাহার পর প্রভাতের শীতল বাতাস লাগিয়া চেতনাশক্তি ধীরে ধীরে প্রত্যাবর্তন করিয়াছিল।”*

২১শে জুন প্রাতঃকালে নবাব সিরাজদৌলা যখন হলওয়েলকে ডাকিয়া পাঠাইলেন, প্রহরিগণ তখন দুর্দশার কথা জ্ঞাপন করিল। হলওয়েল নিজেই লিখিয়া গিয়াছেন যে, তাঁহাদের দুর্দশার কথা শুনিবামাত্র সিরাজদৌলা তাঁহাকে কারাবদ্ধ করিয়া জীবনরক্ষা করিয়াছিলেন। হলওয়েল যখন নবাবদরবারে উপনীত হইলেন, তখন তিনি একরূপ শক্তিহীন,—শুককণ্ঠে জিহ্বার জড়তা বৃদ্ধি হইয়া বাকশক্তি রহিত হইয়া গিয়াছে। হলওয়েল লিখিয়া গিয়াছেন যে, তাঁহার দুর্দশা দেখিয়া সিরাজদৌলা তাঁহাকে বসিবার জন্য আসন দান করিয়া জলপান

* “Letter from J. Z. Holwell, Esq., to William Davis Esq., from on board the *Syren* sloop, the 28th of February 1757.”—Printed in Holwell's Tracts.

করিতে দিয়াছিলেন । ইংরাজদিগের রাজকোষ কোথায় লুকাইয়া আছে হলওয়েল তাহা কিছুই বলিতে পারিলেন না । রাজা মাণিকচাঁদ তাঁহাকে এবং তাঁহার তিনজন সঙ্গীকে উঠাইয়া লইয়া বন্দীবেশে মুর্শিদাবাদে প্রেরণ করিলেন ; আর আর সকলেই মুক্তিলাভ করিল ।

হলওয়েল এবং তাঁহার সঙ্গীগণ কারারুদ্ধ হইলেন কেন, সে কথা হলওয়েল নিজেই প্রকাশ করিয়া গিয়াছেন । তিনি বলেন যে, উমিচাঁদের উত্তেজনায়, রাজা মাণিকচাঁদের আদেশেই তাঁহার বন্দীভাবে মুর্শিদাবাদে প্রেরিত হইয়াছিলেন ; সিরাজদ্দৌলা তাহার জন্ত কিছুমাত্র অপরাধী নহেন । হলওয়েলের বিশ্বাস এইরূপ যে, উমিচাঁদ কারারুদ্ধ হইয়া যে সকল মর্শ্মপীড়া ভোগ করিয়াছিলেন, তাহার প্রতিশোধ লইবার জন্ত এইরূপ ব্যবস্থা করিয়াছিলেন । উমিচাঁদ যে নিতান্ত অত্যাচার উৎপীড়নে উৎপীড়িত হইয়াছিলেন, সে কথা হলওয়েলও মুক্তকণ্ঠে স্বীকার করিয়া গিয়াছেন । সুতরাং হলওয়েলের অনুমান সত্য হইলেও, তাহার সহিত সিরাজদ্দৌলার কিছুমাত্র সংশ্রব ছিল না । উমিচাঁদ সে সময়ে শোকে তাপে জর্জরিত । যাহারা সন্দেহমূলে তাঁহাকে ধনবংশে বিনষ্ট করিয়াছিলেন, উমিচাঁদ যে তাঁহাদের জন্ত যৎকিঞ্চিৎ উৎপীড়নের ব্যবস্থা করিবেন, তাহা একেবারে অস্বাভাবিক নহে । কিন্তু স্বাভাবিক হইলেও প্রমাণাভাব ;—একমাত্র হলওয়েলের অনুমানই যাহা কিছু প্রমাণ !*

* But that the hard treatment I met with, may truly be attributed in a great measure to Omichand's suggestion and insinuations I am well assured, from the whole of his subsequent conduct ; and this further confirmed me in the three gentlemen selected to be my companions, against each of whom he had conceived particular resentment ; and you know Omichand can never forgive.—Holwell's Letter.



ষোড়শ পরিচ্ছেদ ।



অন্ধকূপ-হত্যা—রহস্যনির্ণয় ।

যে অন্ধকূপ-হত্যার লোমহর্ষণ অত্যাচারকাহিনী সভ্যজগতের নিকট নবাব সিরাজদৌলাকে নরশোণিতলোলূপ নৃশংস নরপতি বলিয়া শত কলঙ্কে কলঙ্কিত করিয়া রাখিয়াছে, দুর্ভাগ্যক্রমে এদেশের অধিবাসী-দিগের নিকট তাহার অস্তিত্ব পর্য্যন্তও সর্বজনসম্মত সন্দেহশূন্য ঐতিহাসিক সত্য বলিয়া পরিগণিত হইতে পারে নাই ।*

* সংপ্রতি নবাবী আমলের বাঙ্গালার ইতিহাসে বন্দ্যোপাধ্যায় মহাশয় লিখিয়াছেন ;—“ইলওয়েলের অলস্ত বর্ণনায় অন্ধকূপ হত্যার কাহিনী কিরূপ পরিমাণে অতিরঞ্জিত হইলেও ঘটনা একবারে অস্বীকার করিবার উপায় নাই ।” এই মতের উপর নির্ভর করিয়া তিনি সমীহান লেখক বর্গকে ভ্রান্ত বলিয়াছেন, কিন্তু ঘটনাট। কি ? ১৮ ফুট ঘের ১৪০ জনের অবরোধ ও তজ্জনিত ১২৩ জনের অকাল মৃত্যুই কি

এ কালের লোকের কথা বলিতে চাহিনা ;—আমরা একালের লোক, ইংরাজ-ইতিহাসলেখকদিগের বর্ণনালালিত্যে বিমুগ্ধ হইয়া অন্ধকূপ-হত্যার শোকসমাচার পাঠ করিতে করিতে কতবার সাশ্রনয়নে হাহাকার করিতেছি ; কত ছন্দোবন্ধে কবিতা রচনা করিয়া স্বজাতি-সমাজে সেই শোকসমাচার প্রচারিত করিয়া সহৃদয়তার পরিচয় প্রদান করিতেছি ; কখন বা রঙ্গমঞ্চের সুশিক্ষিত অভিনেতৃদলের নাট্যনৈপুণ্যে আত্মহারা হইয়া, “নিরখি নিবিড় নৈশ আকাশের পানে” শত বিভীষিকামূর্তিতে বারম্বার শিহরিয়া উঠিতেছি ! যাহারা সেকালের লোক, যাহাদের চক্ষুর সম্মুখে ইংরাজ বাঙ্গালীর কুটিল কৌশলজালে পিঞ্জরাবদ্ধ হইয়া সিরাজদৌল ইহলোক হইতে অবসরগ্রহণ করিয়াছেন, তাঁহারা কিন্তু এই অন্ধকূপ-হত্যার বিন্দুবিসর্গও জানিতেন না !

মুসলমানদিগের ইতিহাসে অন্ধকূপহত্যার নাম গন্ধও দেখিতে পাওয়া যায় না ।* সাইয়েদ গোলাম হোসেনের রচিত “মুতক্বরীণ” গ্রন্থ সেকালের সর্বজনসমাদৃত সুবিদ্যুত ইতিহাস ;—তাহাতে সিরাজদৌলার অনেক কুকীর্তির উল্লেখ আছে, ইংরাজদিগেরও অনেক দুঃখদৈত্বের সমাচার আছে ; কিন্তু সমগ্র মুতক্বরীণগ্রন্থে, আকারে ইঙ্গিতেও, অন্ধ-

ঘটনা নহে ? যদি তাহাই ঘটনা হয় এবং তাহারই নাম অন্ধকূপ হত্যা হয়, তবে ইতিহাসে সে ঘটনার প্রমাণ পাওয়া যায় না । যে ঘটনার প্রমাণ পাওয়া যায় তাহা অন্ধকূপ হত্যা নামে কথিত হইতে পারে না । রাম নাই রামায়ণ, ১৪৬ জন অবরুদ্ধ হইয়া ১২৩ জন নিহত—ইহা বিধা বা অতিরঞ্জিত—তথাপি তাহার নাম অন্ধকূপ হত্যা ।।

* It is interesting to contrast the lights and shades of Orme's history with those of the Mahomedan historian. Thus the latter does not say a word about the Black Hole.—H. Beveridge, C. S.

কুপ-হত্যার উল্লেখ নাই ! * হাজি মুস্তাফা নামধারী সুবিখ্যাত ফরাসী-পণ্ডিত মুতফরীণের যে স্মৃহৎ অনুবাদ রাখিয়া গিয়াছেন, তাহাতে তিনি টীকাচ্ছলে লিখিয়া রাখিয়াছেন যে,—“সমসাময়িক বাঙ্গালীদিগের নিকট সবিশেষ অনুসন্ধান করিয়া জানিয়াছেন,—অন্তলোকের কথা দূরে থাকুক, নিজ কলিকাতার অধিবাসিরাই অন্ধকুপ-হত্যার সংবাদ জানিত না ।” যাহাদের বুকের উপর এরূপ ভয়ানক হত্যাকাণ্ড সংঘটিত হইয়াছিল, তাহারা ইহার কিছুই জানিল না ;— ইহা কি আদৌ সম্ভব হইতে পারে ? শুধু তাহাই নহে,—হতাবশিষ্ট ইংরাজগণ মুক্তিলাভ করিয়া কলিকাতার কুটীরে কুটীরে আশ্রয়গ্রহণ করিয়াছিলেন ; তাঁহারাও কি এই শোকসমাচার রটনা করিতে ইতস্ততঃ করিয়াছিলেন ?

মুসলমানের কথা ছাড়িয়া দাও । তাঁহারা না হয় স্বজাতিকলঙ্ক বিলুপ্ত করিবার জন্ত স্বরচিত ইতিহাস হইতে এই শোচনীয় কাহিনী সম্বন্ধে দূরে রাখিতে পারেন । কিন্তু যাহারা নিদারুণ যন্ত্রণায় মন্দ্রপীড়িত হইয়া অন্ধকুপ-কারাগারে জীবনবিসর্জন করিলেন, তাঁহাদের স্বদেশীয় স্বজাতীয় সমসাময়িক ইংরাজদিগের কাগজপত্রে অন্ধকুপ হত্যার নাম পর্য্যন্তও দেখিতে পাওয়া যায় না কেন ?

রণপলারিত ইংরাজবীরপুরুষগণ পল্টার বন্দরে বসিয়া দিন দিন যে সকল গুপ্তযন্ত্রণা করিতেন, তাহার বিবরণ-পুস্তকের কোন স্থানেই অন্ধকুপ-হত্যার উল্লেখ নাই । সুদূর সমুদ্রকূলে বলিয়া মাদ্রাজের ইংরাজ-মণ্ডলী কলিকাতার পুনরুদ্ধারকল্পে যে সকল বাগ্‌বিতণ্ডায় দীর্ঘকাল অতিবাহিত করিয়াছিলেন, তাহার মধ্যেও অন্ধকুপ-হত্যার উল্লেখ নাই !

* This event, which cuts so capital a figure in Mr. Watt's performance, is not known in Bengal.—Haji Mustapha.

মাদ্রাজের ইংরাজ-দরবারের অনুরোধ রক্ষার্থে দাক্ষিণাত্যের নিজাম এবং আরকটের নবাব বাহাদুর সিরাজদ্দৌলাকে যে পত্র লিখিয়া পাঠাইয়া ছিলেন, তাহার মধ্যে অন্ধকূপ-হত্যার উল্লেখ নাই । মাদ্রাজদরবারের সর্বময় কর্তা শ্রীল শ্রীযুক্ত পিগট সাহেব বাহাদুর সিরাজদ্দৌলার নিকট তর্জনগর্জনপূর্ণ পত্র লিখিয়া কর্ণেল ক্লাইবকে বঙ্গদেশে পাঠাইয়া দিয়া ছিলেন ;—তাহার মধ্যেও অন্ধকূপ-হত্যার উল্লেখ নাই । ক্লাইব এবং ওয়াটসন্ বঙ্গদেশে শুভাগমন করিয়া পলাশিযুদ্ধের অব্যবহিত পূর্ব পর্য্যন্ত সিরাজদ্দৌলাকে যত স্মৃতিত্র সামরিক লিপি লিখিয়াছিলেন, তাহার মধ্যে অন্ধকূপ-হত্যার উল্লেখ নাই ! সিরাজদ্দৌলার সঙ্গে ইংরাজদিগের যে আলিনগরের সন্ধি সংস্থাপিত হয়, তাহার মধ্যেও অন্ধকূপ-হত্যার উল্লেখ নাই ।*

কলিকাতার পুনরুদ্ধার-কল্পে যাঁহারা একে একে মাদ্রাজ হইতে বঙ্গদেশে শুভাগমন করিয়াছিলেন, তাঁহারা সকলেই নবাব সিরাজদ্দৌলাকে পত্র লিখিয়াছিলেন । অন্ধকূপ-হত্যা সত্য হইলে ইহাদের প্রত্যেকের পত্রেই সে কথার উল্লেখ দেখিতে পাওয়া যাইত । মেজর কিলপ্যাটিক

* আলিনগরের সন্ধিপত্রে অন্ধকূপ হত্যার উল্লেখ নাই বলিয়া একজন ইংরাজ ইতিহাসলেখক মর্শ্ববেদনায় লিখিয়া গিয়াছেন যে :—“No satisfaction was obtained for the atrocities of the Black Hole ; and the absence of any provision for this purpose is the greatest scandal attached to the treaty. For this no sufficient apology can be found. Peace was desirable, but even peace is bought too dearly when the sacrifice of national honor is the price,”—Thornton's History of the British Empire, vol. I. 212-213.

সর্ব প্রথম পত্র লিখেন,—তাহাতে অন্ধকূপ-হত্যার উল্লেখ নাই* ! কর্ণেল ক্লাইবের প্রথম পত্রে এবং পলাশির যুদ্ধের অব্যবহিত পূর্বের লিখিত তর্জনগর্জনপূর্ণ শেষ পত্রেও অন্ধকূপ-হত্যার নাম গন্ধ দেখিতে পাওয়া যায় না ! † সিরাজদৌলাকে সিংহাসনচ্যুত করা হইল কেন, তদ্বিষয়ে ক্লাইব কোর্ট অব ডিরেক্টরকে যে পত্র লিখিয়াছিলেন, তাহাতেও অন্ধকূপ-হত্যার উল্লেখ নাই ! ‡ স্বয়ং হলওয়েল ১৭৬০ খৃষ্টাব্দের ৪ঠা আগষ্টের বৈঠকে 'সিলেক্ট কমিটি'র সম্মুখে ১৭৫৭ খৃষ্টাব্দের রাজ-

* Major Kilpatrick on the 15th instant (August 1756) wrote a complimentary letter to the Nowab Surajed Dowla complaining a little of the *hard usage* of the English Honorable Company, assuring him of his good intentions notwithstanding what had happened.—Long's Selection.

† ক্লাইবের প্রথম পত্রখানি এইরূপ :—The Admiral Watson, Commander of the King's invincible ships, and himself, a soldier whose conquests in Decan might have reached his ears, were come to revenge the *injuries* he had done the English Company ; and it would better become him to shew his love of justice, by making them ample satisfaction *for all their losses*, than expose his country to be the seat of war. —Scrafton.

‡ ক্লাইবের শেষ পত্রখানি এইরূপ :—That from his great reputation for justice, and faithful observance of his word, he had been induced to make peace with him, and to pass over the loss of many crores of Rupees sustained by the English in the capture of Calcutta. and to rest content with whatever he, in his justice and generosity, should restore to them, &c. &c.—Scrafton.

‡ Some of Suraja Dowla's letters to the French having fallen into my hands, I enclose a translate of them *just to shew you the necessity* we were reduced to of attempting his overthrow.—Clive's letter to Court, August 6, 1757.

বিপ্লব সম্বন্ধে যে মন্তব্যালিপি পাঠ করেন, তাহাতে স্পষ্টাক্ষরে অন্ধকূপ-হত্যার কোন উল্লেখ দেখিতে পাওয়া যায় না ;—কেবল ইহাই দেখিতে পাওয়া যায় যে, সিরাজদ্দৌলা নির্দয়রূপে ইংরাজদিগের অনিষ্ট করিয়া-ছিলেন বলিয়া ইংরাজেরা গরজে পড়িয়াই তাঁহাকে সিংহাসনচ্যুত করিবার জন্ত বড়যন্ত্রে লিপ্ত হইয়াছিলেন। * ইহার মধ্যেও অন্ধকূপ-হত্যার প্রতিহিংসা সাধনের দৃঢ়সংকল্পের কথা দেখিতে পাওয়া না। কেবল পরবর্তী ইতিহাসেই দেখিতে পাওয়া যায় যে, অন্ধকূপ-হত্যার প্রতিহিংসা সাধনার্থেই ক্লাইবের শুভাগমন এবং তজ্জন্তই সিরাজদ্দৌলার অধঃপতন! † সমসাময়িক কাগজপত্রে কেবল বাণিজ্যের ক্ষতি এবং কোম্পানীর দুর্গতির কথাই বিবিধ বিধানে বিবৃত রহিয়াছে ;— অন্ধকূপ-হত্যার বা নরহত্যার উল্লেখ দেখিতে পাওয়া যায় না।

মীরজাফরের সঙ্গে ইংরাজদিগের যে সন্ধি সংস্থাপিত হইয়াছিল, তাহাতে ইংরাজেরা প্রত্যেক শ্রেণীর ক্ষতিপূরণের জন্ত কড়ায় গণ্ডায় অঙ্কপাত করাইয়া লইয়াছিলেন। যাহারা নিদারুণ মর্শ্বঘাতনার অন্ধকূপে জীবনবিসর্জন করিয়াছিল, সন্ধিপত্রে তাহাদের স্ত্রীপুত্রের জন্ত কপর্দকও লিখিত হয় নাই কেন? এই সকল দেখিয়া শুনিয়া অনেকের ধারণা হইয়াছে যে, অন্ধকূপ-হত্যাকাহিনী নিতান্তই কাহারও রচাকথা।

* Necessity and a just resentment for the *most cruel injuries* obliged us to enter into a plan to deprive Sirajedowla of his government.—Holwell's address to Mr. Vansittart. এই *cruel injuries* কি অন্ধকূপ-হত্যা, না—হলওয়েল ও তাঁহার সঙ্গিগণের মুর্শিদাবাদের কারাবাস, না—পলায়িত ইংরাজদিগের পলতার অল্পকষ্ট?

† The barbarities practised on the English, and the horrible death of 123 of them in the Black Hole, called aloud for vengeance.—The Great battles of the British Army, p, 162.

অন্ধকূপ-হত্যাকাহিনী কবে কাহার কৃপায় জনসমাজে প্রথম প্রচারিত হইয়াছিল, - সে ইতিহাসও সবিশেষ রহস্য-পরিপূর্ণ ! হলওয়েল সাহেব তাহার প্রথম প্রচারক । ১৭৫৭ খৃষ্টাব্দের ২৮শে ফেব্রুয়ারী তারিখে হলওয়েল তাঁহার প্রিয়বন্ধু উইলিয়ম ডেভিসকে যে পত্র লিখেন, তাহাতেই অন্ধকূপ হত্যার প্রথম এবং শেষ পরিচয় ! হলওয়েল ১৭৫৭ খৃষ্টাব্দে “সাইরেন” * নামক পোতারোহণে বিলাতযাত্রাকালে অনন্তকন্ধ্যা হইয়া এই বিষাদকাহিনী রচনা করিয়াছিলেন ; কিন্তু পলাশির যুদ্ধের পূর্বে ইহা যে জনসমাজে পরিচিত হইয়াছিল, সেরূপ প্রমাণ প্রাপ্ত হওয়া যায় না । পলাশির যুদ্ধাবসানে ভারতপ্রবাসী ইংরাজ-বণিকের অপকীর্তির উল্লেখ করিয়া ইংলণ্ডের নরনারী যখন তুমুল কোলাহল উপস্থিত করিল, সেই সময়ে (তৎপূর্বে নহে !) এই পত্রখানি জনসাধারণের নিকট প্রথম প্রকাশিত হইল ! ইংলণ্ডের নরনারী নরপিশাচ সিরাজদৌলার নামে শিহরিয়া উঠিল ;—ইংরাজের কুকীর্তির কথা কোথায় বিশ্বতিগর্ভে বিলীন হইয়া গেল ;—সিরাজদৌলার কলঙ্ককাহিনীতে সভ্যজগৎ ধ্বনিত হইয়া উঠিল ! †

* Early Records of British India.

† ১৭৫৬ খৃষ্টাব্দের নবেম্বর মাসে ফলতার পত্রে হলওয়েল কি লিখিয়াছিলেন বন্দোপাধ্যায় মহাশয় তাহা উদ্ধৃত করিয়াও লিখিয়াছেন যে ডেভিসের পত্রকে অন্ধকূপ হত্যার প্রথম বিবরণ বলা ভুল হইয়াছে । ১৪৬ জন বন্দীর মধ্যে ১২৩ জন নিহত হওয়ার কথা ডেভিসের নিকট লিখিত পত্রেই প্রথম প্রচারিত হয় । তৎপূর্বে ফলতাপত্রে কেবল অবরুদ্ধ হইয়া অকথা কষ্ট পাওয়ার কথা ছিল, কাহারও নিহত হওয়ার কথা ছিল না ; ১৪৬ জন অবরুদ্ধ হওয়ারও কোন উল্লেখ ছিল না, যথা :—*I was with the rest of my fellow sufferers about eight at night crammed into the Black Hole prison and past a night of horrors, I will not attempt to describe as they can all descriptions.*— এই ফলতার পত্রও কিন্তু পলাশীযুদ্ধের উত্তরকালে জনসমাজে প্রকাশিত হয় ।

যে উদ্দেশ্যে অন্ধকূপহত্যার কল্পন-কাহিনী সভ্যজগতে প্রচারিত হইয়াছিল, তাহা যখন সুসিদ্ধ হইয়া গেল, তখন আর কেহ তাহার সত্য মিথ্যার আলোচনা করিলেন না ! কালক্রমে সেই সকল কথা ইংরাজ-লিখিত ইতিহাস-পৃষ্ঠায় সিরাজদ্দৌলার শতধিকৃত হৃদাস্ত নামের সঙ্গে চিরসংযুক্ত হইয়া, পরবর্তী লেখকসম্প্রদায়ের কল্পনাপ্রবাহ ধরতর করিয়া দিয়াছে । আজ বহুবৎসরের বিলুপ্ত কাহিনীর চিতাভস্মাচ্ছন্ন জীর্ণ কঙ্কাল আলোড়ন করিয়া, কে তাহার রহস্তভেদ করিবে, যে সন্দেহ মুতক্ষরীগণের অনুবাদক ফরাসী পণ্ডিত হাজি মুস্তাফাকে বিশ্বাস-বিষ্ট করিয়াছিল, সে সন্দেহ আর দূর হইল না । যতই আলোচনা হউক, ইতিহাসলেখকদিগের নিকট অন্ধকূপকাহিনী চিরদিনই সন্দেহপূর্ণ থাকিবে ; কেবল কল্পনানিপুণ ভারতীয় বরপুত্রগণ কখন কখন বিমুক্ত গগনের নক্ষত্র-লোক হইতে কবিতাবৃষ্টি করিয়া অন্ধকূপ-হত্যার কল্পন-কাহিনী জনসমাজে জাগরুক করিয়া রাখিবেন ।

ইতিহাসে দেখিতে পাওয়া যায় যে, কেবল অন্ধকূপ-হত্যাই এদেশে বৃটিশ রাজশক্তি সংস্থাপিত হইবার মূলকারণ । * তাহাই যদি সত্য হইত, তবে তদনুরূপ স্মৃতিস্তম্ভ দেখিতে পাইতেছি না কেন ? কানপুরের হত্যাকাণ্ডে স্মৃতিস্তম্ভ সযত্নে সুরক্ষিত হইতেছে ; মণিপুরের হত্যাকাণ্ডকে চিরস্মরণীয় করিবার জন্ত স্মৃতিচিহ্ন সংস্থাপিত হইয়াছে ; অথচ যাহারা অন্ধকূপ-কারাগারে জীবনবিসর্জন করিয়া বৃটিশরাজশক্তি সুসংস্থাপিত করিল, সেই সকল হতভাগাদিগের স্মৃতিচিহ্নের জন্ত একটি ইষ্টকস্তম্ভও দেখিতে পাই না কেন ? ইহা কি বিশ্বয়ের স্থল নহে ?

* The Great battles of the British Army.

ইহা অপেক্ষাও বিশ্বের স্থল আছে। যাহারা অন্ধকূপকারাগারে জীবনবিসর্জন করে, তাহাদের নামে কলিকাতায় একটি স্মৃতিস্তম্ভ নির্মিত হইয়াছিল; কালক্রমে ইংরাজেরাই তাহা স্বহস্তে ভাঙ্গিয়া ফেলিয়াছেন! যাহাদের বাণিজ্য রক্ষার জন্ত এই সকল হতভাগারা অকালে জীবন দান করিয়াছিল, সেই কোম্পানী বাহাদুর কোনরূপ স্মৃতিচিহ্ন নির্মাণ করেন নাই;—করিয়াছিলেন অন্ধকূপ-হত্যাকাহিনীরচয়িতা হলওয়েল বাহাদুর। কবে এই স্মৃতিচিহ্ন সংস্থাপিত হইয়াছিল, তাহা নির্ণয় করিবার উপায় নাই। কেহ কেহ বলেন যে, ১৭৬০ খৃষ্টাব্দে হলওয়েল ভারতবর্ষ পরিত্যাগ করিবার সময়ে এই স্মৃতিস্তম্ভ নির্মাণ করিয়া দিয়াছিলেন। * হলওয়েলের প্রকাশিত পুস্তকে ইহার একটি চিত্রপট আছে, এবং পাঠকদিগের চিত্তাকর্ষণের জন্ত “অন্ধকূপকারাগারে গভর্নর হলওয়েল” নামে আর একখানি কাল্পনিক ছবিও প্রদত্ত হইয়াছে।

এই স্মৃতিস্তম্ভে লিখিত ছিল :—

To
THE MEMORY
OF

Edw. Eyre, Wm. Baillie, Esqrs,
The Revd. Fervas Bellamy, Messrs.
Jenks, Revely, Law, Coales, Nalicourt
Jebb, Torriano, E. Page, S. Page,
Grub, Street, Harod, P. Jolinstone,
Bellard, N. Drake, Carse Knapton,

* Echoes from Old Calcutta.

Gosling, Dod, Dalrymple, Captains Clayton, Buchanan, Witherington, Lieuts. Bishop, Hays, Blagg. Simpson, J. Bellamy, Ensigns Paccard, Scott, Hastings, C. Wedderburn, Dumbleton, Sea-captains Hunt, Osburn, Purnell, Messrs. Carey, Leech, Stevenson, Gay, Porter, Parker, Caulker, Bendall Atkinson, who with sundry other inhabitants, Military and Militia to the number of 123 persons were by the Tyrranic Violence of Suraj-ud-Dowla, Suba of Bengal suffocated in the Black Hole prison of Fort William in the Night of the 20th day of June 1756 and promiscuously thrown the succeeding morning into the Ditch of the Ravelin of this place

This

Monument is erected

by

Their Surviving fellow-sufferer

J. Z, HOLWELL.

পূর্বোক্ত প্রস্তরফলক ভিন্ন আর একখানি ফলকে লিখিত ছিল :—

This Horrid Act of Violence

was as amply

as deservedly revenged

on Siraju'D Dowla,

by his Majesty's Arms,

Under the Conduct of

Vice Admiral Watson and Colonel Clive,

Anno, 1757.

এই স্মৃতিস্তম্ভ এখন আর দেখিতে পাওয়া যায় না।* তাহা বর্তমান শতাব্দীর প্রারম্ভে, মারকুইস্ অব হেষ্টিংসের শাসন-সময়ে (১৮২১ খৃষ্টাব্দে) “কষ্টম ঘর” নির্মাণ করিবার জন্ত ভাঙ্গিয়া ফেলা হইয়াছে!! অন্ধকূপ-হত্যাকাণ্ডে যাহারা জীবনবিসর্জন করিয়াছিল, তাহাদের শব-দেহের সমাধিগহবরের উপর এই স্মৃতিস্তম্ভ নির্মিত হইয়াছিল;—ইতিহাসে এইরূপই লিখিত আছে। তজ্জন্ত তাহা সকল জাতির নিকটেই পবিত্র বলিয়া পরিগণিত হইতে পারিত, এবং খ্রীষ্টিয়ান ইংরাজ স্বাভাবিক ধর্মবুদ্ধিবশতই তাহাকে রক্ষা করিতে বাধ্য হইতেন। অন্ধকূপ-কাহিনী সত্য হইলে, সেই পবিত্র সমাধিস্তম্ভ ধূলিসাৎ হইতে পারিত না; সামান্য “কষ্টম ঘরের” স্থান সংকুলনের জন্ত এরূপ পবিত্র সমাধি-মন্দিরে লোহদণ্ডাঘাত করিলে খৃষ্টীয়-সমাজ সে বর্বরতা সহ করিতেন না! এই সমাধিস্তম্ভ ধূলিসাৎ হইল, অথচ কেহ ক্ষীণস্বরেও প্রতিবাদ করিলেন না?† একজন ইংরাজ লেখক ইহার একটি মুখরোচক সুন্দর কৈফিয়ৎ সৃষ্টি করিয়া লিখিয়া গিয়াছেন যে, “বোধ হয় ব্রিটিশ-বাহিনীর পরাজয়কলঙ্কের স্মৃতিস্তম্ভ বলিয়াই ইহাকে লোকচক্ষুর অন্তরাল

* অষ্টাদশ শতাব্দীতে যে স্মৃতিস্তম্ভ নির্মিত হইয়াছিল তাহা উনবিংশ শতাব্দীর প্রথম ভাগে ভাঙ্গিয়া ফেলা হয়। আবার বিংশ শতাব্দীর প্রথম বর্ষে সেই স্মৃতিস্তম্ভ পুনর্নির্মিত হইতেছে। প্রথমে লালদিঘীর উত্তর পশ্চিম কোণে স্থর এসলি ইডেনের প্রস্তরমূর্তি স্থানান্তরিত করিয়া হলওয়েলের স্মৃতিস্তম্ভ নির্মিত করিয়া অল্প কয়েক দিন পরে ভাঙ্গিয়া ফেলা হয়; আবার পোষ্টাপিসের পার্শ্বে তাহা নির্মিত হইতেছে।

† কলিকাতায় এবং অগ্ন্যশ্রু স্থানে সেকালের ইংরাজদিগের যে সকল জরাজীর্ণ সমাধিক্ষেত্র দেখিতে পাওয়া যায়, তাহা আজিও কত বড়ে, কত বায়ে, কত সমাদরে রক্ষিত হইতেছে। আর এমন পবিত্র সমাধিস্তম্ভ বিলুপ্ত হইল,—অথচ কেহ কোনরূপ উচ্চবাচ্য করিলেন না!

করা হইয়াছে।” * ইহাই কি সম্ভবপর কৈফিয়ৎ ? এমন কলঙ্কস্তম্ভ কি ভারতবর্ষে আর নাই ?

অন্ধকূপ কোথায় ছিল, এখন আর তাহা চন্ম্ভচ্ছুতে দর্শন করিবার উপায় নাই। কলিকাতার ‘জেনারেল পোষ্টাপিস’ সংলগ্ন উত্তরদিকে যে ফটক দেখিতে পাওয়া যায়, তাহার স্তম্ভগাত্রে পশ্চিমদিকে একটি ফলকলিপিমাাত্র খোদিত আছে। †

ইহাতে “অন্ধকূপের” স্থান নির্দেশের চেষ্টা ভিন্ন অন্ধকূপ-হত্যার কথা নাই, এবং যাহারা অন্ধকূপে জীবনবিসর্জন করেন, তাঁহাদের কোন কথাই দেখিতে পাওয়া যায় না !

এই ফলকলিপিতে যে প্রস্তরনির্মিত প্রাঙ্গণের কথা লিখিত আছে, সে প্রাঙ্গণ হলওয়েলবর্ণিত ১৮ ফিট আয়তনের নহে, কিম্বা মেকলে-বর্ণিত ২০ ফিটও নহে ; — তাহা দীর্ঘে ২২ ফিট, প্রস্থে ১৪½ ফিট। ইহাই কি অন্ধকূপ-করাগারের একমাত্র নিদর্শন ? ইহাও পুরাতন নহে ; — ১৮৮৩ খৃষ্টাব্দে সংস্থাপিত। সে বৎসর নাকি মৃত্তিকা খনন করিবার সময়ে অন্ধকূপ-কারাকক্ষ বাহির হইয়া পড়িয়াছিল ! ইহাই যে সেই অন্ধকূপের যথার্থ আয়তন, সে কথা কেহ কেহ অঁইই দৃঢ়তার সঙ্গে ঘোষণা করিয়া গিয়াছেন ! ‡ আমরা কিন্তু অন্তত দেখিবার ন। ১৮১৮

* Calcutta, — Its highways and by-paths, — By Edmund Mitchell, M. A,

† “The stone pavement close to this, marks the position and size of the prison-cell in old Fort William known in history as the Black Hole of Calcutta.”

‡ I bid.

খৃষ্টাব্দে অন্ধকূপ কারাগার একেবারে ভাঙ্গিয়া ফেলা হইয়াছিল। * ভাঙ্গিবার পূর্বে যিনি স্বচক্ষে দর্শন করিয়াছিলেন, তিনি আত্মপরিচয় গোপন করিয়া “এসিয়াটিক্‌স্” নাম স্বাক্ষর করিয়া কোন সুবিখ্যাত পত্রিকায় লিখিয়া গিয়াছেন যে, “তিনি ১৮১২ খৃষ্টাব্দে এই ইতিহাস-বিখ্যাত কারাগার সন্দর্শন করেন, তখনই তাহা পড় পড়,—এখন আর তাহার চিহ্নমাত্রও নাই!” + ১৮২১ খৃষ্টাব্দে যাহা ধূলিসাৎ হইল, ১৮৮৩ খৃষ্টাব্দে তাহাই আবার কেমন করিয়া আবিষ্কৃত হইল ?

হলওয়েল যে কারাগৃহের বর্ণনা করিয়া গিয়াছেন, তাহা ১৮ ফিট দীর্ঘ এবং ১৮ ফিট প্রস্থ। একপাশে ক্ষুদ্রায়তন সংকীর্ণকক্ষে ১৪৬ জন নরনারী কিরূপে কারারুদ্ধ হইতে পারে, সে কথা কিন্তু অল্পলোকেই আলোচনা করিয়া দেখিয়াছেন ! ‡ অল্পায়তন গৃহকোঠারে নিদারুণ গ্রীষ্মকালে ১৪৬ জন নরনারীকে কারারুদ্ধ করাই অন্ধকূপ-হত্যার সর্ব-

* Early Records of British India.

+ Asiatic Journal of Bengal.

‡ As to the Black Hole tragedy,—the unburied site of which is the subject of so much fuss in our day,—I have a very doubtful faith in the account. Holwell, one of the fellow sufferers, was the first to publish it to the world. But I have always questioned it to myself, how could 146 beings be squeezed into a room 18 feet square even if it were possible to closely pack them like the seeds within a pomegranate, or like the bags in a ship's hold made into one mass by packets, shoved in here and there into the interstices ? Geometry contradicting arithmetic gives a lie to the story. It is little better than a bogey against which was raised an uproar of pity.—Dr. Bhola Nath Chunder (Calcutta University Magazine).

প্রধান কলঙ্ক ;—সে কলঙ্ক কি নিতান্ত অতিরঞ্জিত বা সর্বথা কাল্পনিক কলঙ্ক নহে ?

সিরাজদৌলা দুর্গজয় করিবার সময়ে আদৌ ১৪৬ জন লোক বন্দী হওয়াই বিশেষ সন্দেহের কথা ! হলওয়েল যেদিন দুর্গরক্ষার ভারগ্রহণ করেন, সেদিন দুর্গমধ্যে কেবল ১৭০ জন বর্তমান ছিল; আর সকলেই দুর্গাধিপতি মহামতি ড্রেক সাহেবের অসাধুদৃষ্টান্ত অনুসরণ করিয়া প্রাণ লইয়া পলায়ন করিয়াছিল। এই ১৭০ জন লোকের মধ্যে দুই দিবসের অক্লান্ত রণতরঙ্গে অনেকেই জীবনবিসর্জন করে; যাহারা জীবিত ছিল, তন্মধ্যে আহত ও মুমূর্ষু সংখ্যাও অল্প ছিল না। যে সকল লোক কোনরূপে পলায়ন করিতে পারে নাই, তাহারাি আত্ম-সমর্পণ করিয়াছিল; তন্মিহ যাহাদের শক্তি ছিল, সাহস ছিল, পলায়নের প্রবৃত্তি ছিল, তাহারা অনেকেই দুর্গজয়ের কোলাহলের অবসর পাইয়া প্রাণ লইয়া পলায়ন করিয়াছিল। যে সকল নরনারী মিরজা আমীরবেগের হস্তে পতিত হয়, মীরজাফরের ক্রপায় তাহারা সেই দিনই নিরাপদে পলতায় প্রেরিত হইয়াছিল। * এরূপ অবস্থায় হলওয়েলের কথিত ১৪৬ জন বন্দী কারারুদ্ধ হওয়া বিশেষ সন্দেহস্থল। হলওয়েল স্বপ্রণীত পুস্তকে + যে সকল মৃত ও মৃতকল্প সহযোগীদিগের নামোল্লেখ করিয়া গিয়াছেন, তাহাতেও ৬৬ জনের অধিক নাম প্রাপ্ত হওয়া যায় না। হলওয়েলের স্বরচিত পুস্তকে দেখিতে পাওয়া যায় যে, সিরাজদৌলা কলিকাতা আক্রমণের কয়েকদিন পূর্বে কলিকাতাদুর্গবাসী ইংরাজদিগের যে জনসংখ্যা গৃহীত হইয়াছিল, তাহাতে সর্বসাকল্যে ১৯০

* Mutakherin.

+ India Tracts.

জন যোদ্ধা গণিত হইয়াছিলেন, তন্মধ্যে ৬০ জন মাত্র ইউরোপীয় । * ইহাদের মধ্যে গভর্ণর ডেক, সেনাপতি মিন্‌চিন্, কাপ্তান গ্রান্ট, মিষ্টার ম্যাকেট, ম্যানিংহাম, ফ্রাঙ্কল্যাণ্ড, রেভারেণ্ড কাপ্তান লেপ্টেন্যান্ট মেপল্টফোর্ট, কাপ্তান হেনরী ওয়েডারবরণ, সম্নার, চার্লস ডগলাস, প্রভৃতি দশজন বীরপুরুষের পলায়নের কথা হলওয়েলের পুস্তকেই প্রকাশিত আছে । ইহাদের পলায়নের পর ১৭০ জন দুর্গ-মধ্যে অবরুদ্ধ ছিল ; তন্মধ্যে ২৫ জন গতাস্থ এবং ৭০ জন আহত ও মৃতকল্প হইয়াছিল ।† হলওয়েলের হিসাব অনুসারে দুর্গজয়ের সময়ে দুর্গমধ্যে ৫০ জনের অধিক ইউরোপীয় থাকা প্রমাণ হয় না । পঞ্চাশ-জনের মধ্যে ১২১ জন ইউরোপীয় অন্ধকূপে মরিল, ১০ জন অন্ধকূপে আবদ্ধ হইয়াও জীবিত রহিল,—ইহা কি নিতান্তই হাওয়াম্পদ কথা নহে ?

ইংরাজবন্দীদিগের জন্ত সিপাহীরা যে সে রজনীতে সুকোমল পুষ্প-শয্যা রচনা করিয়া দেয় নাই, তাহা সত্য হইলেও হলওয়েল বেক্সপ ফুজককে যে পরিমাণ নরনারী কারারুদ্ধ করিবার কথা লিখিয়া

* The troops in garrison consisted, by the muster rolls laid before us about the 6th or 8th of June, of 145 in battalion, and 45 of the train; officers included, in both, only 60 Europeans.—Holwell's letter to the Hon'ble the Court of Directors, dated Fulta 30th November 1756. (para. 36).

† Those remaining, including officers, volunteers, soldiers, and militia, did not exceed 170 men ; and of these there were 25 killed and about 70 wounded before noon of the 20th.—Ibid. অর্থাৎ এই হলওয়েলই লিখিয়া গিয়াছেন যে, অন্ধকূপে ১২১ জন ইউরোপীয় প্রাণত্যাগ করে তন্মধ্যে ৫২ জনের নাম জ্ঞাত, ৬৯ জনের নাম তাঁহার অজ্ঞাত ॥

গিয়াছেন, তাহা কিছুতেই সত্য বলিয়া স্বীকার করিতে সাহস হয় না ! *

ইংরাজ-ইতিহাস-লেখকমাত্রেই হলওয়েল-বর্ণিত অন্ধকূপ-হত্যা-কাহিনী সত্য বলিয়া স্বীকার করিয়া লইয়াছেন । কিন্তু কাহার দোষে এরূপ দুর্ঘটনা সংঘটিত হইয়াছিল, সে বিষয়ে তাঁহাদের মধ্যেও বিস্তর মতভেদ উপস্থিত হইয়াছে । মুর্শিদাবাদের ভূতপূর্ব বিচারপতি স্বনাম-খ্যাত মহাত্মা বিভারিজ বলেন যে, “আমাদের পক্ষে অন্ধকূপ-হত্যার কথা তুলিয়া নবাব সিরাজদ্দৌলার নিষ্ঠুর স্বভাবের কলঙ্কঘোষণা করা শোভা পায় না । এ বিষয়ে বোধ হয় বাঙালি-নিষ্পত্তি না করাই কর্তব্য । ১৮৫৭ খৃষ্টাব্দের ১লা আগষ্ট অমৃতসর প্রদেশে কি দুর্ঘটনাই না সংঘটিত হইয়াছিল !”† বিভারিজ সাহেব যে দুর্ঘটনার উল্লেখ করিয়াছেন, তাহার নিকট অন্ধকূপ-হত্যা লজ্জায় মলিন হইয়া যায় ! একটি ক্ষুদ্রায়তন গোলাকার কক্ষের মধ্যে বহুসংখ্যক সিপাহীকে কারারুদ্ধ করিয়া ইংরাজেরা তাহার মধ্য হইতে একটি একটি করিয়া ২৩৭ জন হত-ভাগাকে বাহিরে টানিয়া আনিয়া গুলি করেন ; তখন বন্দীদিগের মধ্যে

* অন্ধকূপহত্যা নামে যে কাহিনী ইতিহাসে স্থান লাভ করিয়াছে, এই পরি-
চ্ছেদে তাহাই সমালোচিত হইয়াছে । প্রকৃত প্রস্তাবে কি ঘটিয়াছিল, তাহা কে
বলিবে ? হলওয়েল ও তাঁহার সহকারীগণ সে রজনীতে কারারুদ্ধ ছিলেন.—সুতরাং
তাঁহাদের পক্ষে সে নিদাঘ সমুপ্ত রজনী সুখকর না হইবারই কথা । কিন্তু তাহা
যে কাহারও অকাল মৃত্যুর কারণ হইয়াছিল, সে কথা সমসাময়িক কাগজপত্রে
উল্লিখিত নাই । আলিনগরের সন্ধিপত্রে সকলের ভাগেই ক্ষতিপূরণ নির্দিষ্ট হইয়া-
ছিল ; কারারুদ্ধে মৃত্যু ঘটিয়া থাকিলে, তাহাদের বংশধরগণের পক্ষেও সুব্যবস্থা
হইত । হতাহত ব্যক্তিগণ যে হলওয়েল-লিখিত মৃতের সংখ্যা বর্জন করে নাই,
তাহা কে বলিবে ? ঐক্যোপাধ্যায় মহাশয়ের মনেও সে সন্দেহ রহিয়া গিয়াছে !

† Calcutta Review, April, 1892.

আর কেহ বাহিরে আসিতে স্বীকার করিল না। ইংরাজের আদেশে কক্ষদ্বার অবরুদ্ধ হইয়া গেল। তাহার পর যখন দ্বার উন্মুক্ত হইল, তখন সংজ্ঞাশূন্য ৪৫ জন হতভাগার অবসর দেহ টানিয়া বাহির করিতে হইল;—ভয়ে, রণশ্রমে, গলদ্বর্ষে, গ্রীষ্মাতিশয্যে, দমবন্ধ হইয়া না জানি কত ক্রেশেই তাহাদের প্রাণবিয়োগ হইয়াছিল! * জ্ঞানোজ্জল ঊনবিংশ শতাব্দীর সুসভ্য সহৃদয় ব্রিটিশশাসনে যে এরূপ ভয়ানক হত্যা-কাণ্ড সংঘটিত হইয়া গেল, ইহার জন্ত কয়জন ইতিহাস-লেখক লজ্জায় অধোবদন হইয়াছেন? যুদ্ধাবসানে বন্দীদিগের ভাগ্যে অনেক সময়ে এরূপ নিদারুণ নির্যাতন উপস্থিত হইয়া থাকে;—তাহারা অন্তর্জল পায় না, বিশ্রাম করিবার উপযুক্ত অবসর পায় না, কখন কখন নৃশংসস্বভাব প্রহরিগণের নির্যাতনে জীবন্মৃত হইয়া পড়ে। এ সকল যুদ্ধব্যাপারের অপরিহার্য্য অপকীর্তি;—কেহই ইহার গতিরোধ করিতে পারেন না। কিন্তু যাহারা একদিন স্বদেশে গ্নেনুকোর হত্যাকাণ্ডে রুধির-কর্দমে কলঙ্কিত হইয়া, এদেশে আসিয়া কত শত স্থানে ভীষণ হত্যাকাণ্ডে পাশবশক্তির পরিচয় প্রদান করিয়াছেন, যাহাদের দয়া দাক্ষিণ্যের অমোঘ নিদর্শনস্বরূপ কত শত হতভাগা ভারতবাসীর জীর্ণকঙ্কাল হিন্দু-স্থানের অশ্বখশাখায় বহু বৎসর পর্য্যন্ত দোহল্যমান ছিল, যাহাদের প্রতি-হিংসাতাড়িত উদ্ধত সেনাদল কানপুরের শত শত নাগরিকদিগকে সন্দেহমূলে বা দীর্ঘাবশতঃ অবিচারে শোণিতলেহন করাইয়া তাহার পর

* "The doors were opeoned, and behold ! they were all dead. Unconsciously the tragedy of Holwell's Black Hole had been re-enacted. Fortyfive bodies,—dead from fright, exhaustion, fatigue, heat and partial suffocation—were dragged into light."—The Crisis in the Punjab, p. 162.

যনে বংশে বিনাশ করিতে মমতা প্রকাশ করে নাই, তাঁহাদের ইতিহাসে অন্ধকূপহত্যার অতিরঞ্জিত অথবা সর্বথা কাল্পনিক কাহিনী নইয়া সিরাজদ্দৌলার কলঙ্ক রটনা করা বড়ই পরিতাপের বিষয় ।

অন্ধকূপহত্যা সত্য হইলেও সিরাজদ্দৌলার অপরাধ কি ? স্বয়ং হলওয়েল সাহেবই লিখিয়া গিয়াছেন যে, ইহার সহিত সিরাজদ্দৌলার কিছুমাত্র সংশ্রব থাকি তিনি বিশ্বাস করেন নাই ;—তাঁহার ধারণা এইরূপ যে, নবাব-সেনাদিগের প্রতিহিংসা প্রবৃত্তির জন্তই এরূপ দুর্ঘটনা সংঘটিত হইয়াছিল । * ইতিহাস সঙ্কলন করিবার জন্ত আশ্চোপান্ত সকল ঘটনার অনুসন্ধান করিতে গিয়া আমাদিগের এইরূপ ধারণা জন্মিয়াছে যে, নবাব সিরাজদ্দৌলা সর্বজনসমক্ষে হলওয়েলের বন্ধন-মোচন করিয়া প্রকৃত বীরপুরুষের ন্যায় তাঁহাকে এবং তাঁহার সঙ্গিগণকে অভয়দান করিয়াছিলেন । অন্ত্যায় উৎপীড়ন করাই যদি সিরাজদ্দৌলার অভিপ্রায় হইত, তিনি কখনও এরূপ ব্যবহার করিতেন না । তাঁহার আশা ছিল যে, হলওয়েল তাঁহাকে গুপ্তধনের সন্ধান বলিয়া দিবেন । এরূপ ক্ষেত্রে যাহাতে হলওয়েলের জীবনসংশয় হইয়া ধনলাভের পথ অবরুদ্ধ হইয়া যায়, সিরাজদ্দৌলা কিছুতেই তাহাতে সম্মতিদান করিতেন না ।

হলওয়েল এবং তাঁহার সঙ্গিগণ সমস্ত দিন বীরের ন্যায় দুর্গরক্ষা করিয়া দৈববিড়ম্বনার পরাজিত হইয়াছিলেন । তথাপি তাঁহাদিগকে স্বচ্ছন্দভাবে সুবিভূত প্রাঙ্গণে সাক্ষ্যসমীক্ষণ উপভোগ করিবার অবসর

* একথা সত্য হইলে দুর্গপ্রবেশের সময়েও সিপাহীরা সাহেবদিগকে হত্যা করিতে ত্রুটি করিত না, কিন্তু স্টুয়ার্ট বলেন যে,—“The English having surrendered their arms, the Nawab's troops refrained from bloodshed.”

প্রদান করা হইয়াছিল। সেই সুযোগে তাঁহারা যদি সিপাহীদিগের উপর লাফাইয়া পড়িবার আয়োজন না করিতেন, ইতস্ততঃ বিচরণ করিয়া পলায়নপথের সন্ধান লইবার জন্য আগ্রহ প্রকাশ না করিতেন, তবে হয়ত তাঁহাদিগকে কক্ষমধ্যে আদৌ অবরুদ্ধ হইতে হইত না। যখন অবরোধের আয়োজন হইল, তখন ইংরাজেরাই কারাকক্ষ দেখাইয়া দিয়াছিলেন; নবাবসেনা তাহার আয়তনবিষয়ে কিছুমাত্র সন্ধান রাখিত না। * হলওয়েল সর্বাগ্রে গৃহপ্রবেশ করিয়া কোনরূপ আপত্তি না করায়, তাহারা সকলকেই তন্মধ্যে প্রবিষ্ট করাইয়া দিয়াছিল। ইহাতে যদি কষ্ট হইয়াছিল, তবে সে কষ্টের কথা বুঝাইয়া না বলিয়া বা কোন সেনাপতিকে সংবাদ না পাঠাইয়া, উক্ত ইংরাজসেনা বাহুবলে দ্বার ভাঙ্গিয়া ফেলিবার আয়োজন করিয়া প্রহরীদিগকে যে অতিমাত্র ভীত করিয়া তুলিয়াছিল, তাহাতে সন্দেহ হইতে পারে না। হলওয়েলের কাহিনী যদি সত্য হয়, তবে ইহাও বোধ হয় সত্য যে, ইংরাজসেনার আশ্ফালন দেখিয়াই প্রহরিগণ নবাবের বিনামুমতিতে দ্বার মোচন করিতে সম্মত হয় নাই। ইহার জন্য তাহাদিগের অপরাধ হইতে পারে না। আর তাহারা বাহিরে দাঁড়াইয়া জানালার ধারে যাহাদিগকে দেখিতে পাইতেছিল, তাহারা ত বিশেষ যত্নাভোগের পরিচয় প্রদান করে নাই। অন্ধকার কারাকক্ষের অপরাংশে লোকচক্ষুর অগোচরে যাহারা মর্ম্মযাতনায় ছটফট করিতেছিল, বাহির হইতে প্রহরিসেনা তাহার বিষয় বোধ হয় কিছুই জানিতে পারে নাই। † এ সকল কথার

* Mill, vol. iii.

† মেকলে লিখিয়া গিয়াছেন;—“The gaolers in the meantime held lights to the bars, and shouted with laughter at the frantic struggles of their victims.” বলা বাহুল্য যে, স্বয়ং হলওয়েলও এ কথা লিখেন নাই।

যথোপযুক্ত আলোচনা না করিয়াই কোন কোন ইতিহাস-লেখক অবলীলাক্রমে লিখিয়া গিয়াছেন যে, সিরাজদৌলা নিজেই বন্দীদিগকে অন্ধকূপ কারাগারে অবরুদ্ধ করিবার আদেশ প্রদান করিয়াছিলেন ! এরূপ সিদ্ধান্ত করিবার উপযুক্ত প্রমাণ নাই ; কেবল অনুমানের উপর নির্ভর করিয়াই ইহারা সিরাজদৌলাকে অপরাধী বলিয়া সিদ্ধান্ত করিয়া গিয়াছেন ! একজন স্পষ্টই লিখিয়াছেন যে, “প্রমাণ না থাকিলেও কার্য্যকারণশৃঙ্খলার বিচার করিয়া সিরাজদৌলাকেই অপরাধী করিতে হয় । নচেৎ তাঁহার আদেশ ব্যতীত দ্বার উন্মোচন করিতে কাহারও সাহস হইল না কেন, এবং এতগুলি নরনারীর জীবনরক্ষার জন্য ক্ষণকালের জন্যও তাঁহার স্ননিদ্রার ব্যাঘাত জন্মাইতে ইতস্ততঃ হইল কেন ? ইহাই ত যথেষ্ট প্রমাণ । ইহা হইতেই বুঝা যাইতেছে যে, সিরাজদৌলার আদেশক্রমেই এরূপ অত্যাচার সংঘটিত হইয়াছিল !” *

সিরাজদৌলাই যে হতভাগ্য ইংরাজবন্দীদিগকে অন্ধকূপ-কারাগারে অবরুদ্ধ করিবার আদেশ দিয়াছিলেন, তাহার কিছুমাত্র প্রমাণ নাই । বরং হলওয়েলের লিখিত কাহিনী অনুসরণ করিয়া সিরাজদৌলাকে নিরপরাধ বলিবার অনুকূল প্রমাণের অভাব নাই । এই সকল প্রমাণের

* But the probability is, that the Subahdar had himself made or sanctioned the selection of the Black Hole as the place of confinement, for when the miserable prisoners besought that they might be relieved by the removal of part of their number to some other place, their prayer was unavailing, because it could not be granted without the express orders of the Subahder, whose sleep no one dared to disturb for so trivial a purpose as the preservation from death of nearly one hundred and fifty human beings.—Thornton's History of the British Empire, vol. i. 197

উপর নির্ভর করিয়া বর্তমান যুগের অনেক ইংরাজ-লেখক স্বপ্রণীত ইতিহাসে সিরাজদৌলার কলঙ্কমোচন করিয়া গিয়াছেন।

অন্ধকূপ-হত্যা যদি সত্য হয়, তবে ইংরাজেরাই যে তাহার সর্বপ্রধান সহকারী অপরাধী তদ্বিষয়ে সন্দেহ হইতে পারে না। মহাত্মা হাওয়ার্ডের আবির্ভাবের পূর্বে তাঁহাদের দেশেই এইরূপ পুতিগন্ধময় আলোক-সম্পাতশূন্য অন্ধকূপ দেখিতে পাওয়া যাইত। তাঁহারা গ্রীষ্মপ্রধান বঙ্গ-দেশে আসিয়াও স্বদেশের দৃষ্টান্ত অনুসরণ করিয়া সেইরূপ অন্ধকূপ রচনা করিয়াছিলেন। এই সকল অন্ধকূপে কত হতভাগাই না অকালে অন্তায় উৎপীড়নে জীবনবিসর্জন করিত! কত উচ্ছ্রাবল সৈনিক, কত মদমত্ত নাবিক, কত অন্নহীন দাদনগ্রস্ত দরিদ্র বাঙ্গালী যমযাতনায় ছটফট করিয়া মরিত! ইতিহাসলেখক জেমস্ মিল এই সকল কথা স্মরণ করিয়া মর্মান্ববেদনায় লিখিয়াছেন যে, “হায়! যদি অন্ধকূপ না থাকিত, তাহা হইলে ত ইংরাজবন্দীদিগের এরূপ শোচনীয় পরিণাম উপস্থিত হইতে পারিত না।” *

হলওয়েল যেরূপ পুঙ্খানুপুঙ্খরূপে অন্ধকূপ-হত্যাকাহিনী বর্ণনা করিয়া গিয়াছেন, তাহা পাঠ করিতে করিতে স্বভাবতই মনে হয় যে, এত কথা কখনই একেবারে মিথ্যা কথা হইতে পারে না! কিন্তু হলওয়েলের সত্যনিষ্ঠা কতদূর প্রবল তাহার পরিচয় পাইলে, তাঁহার কথায় আর আস্থা স্থাপন করিতে প্রবৃত্তি হয় না। যে হলওয়েল অন্ধ-কূপ হত্যার

* What had they to do with a Black Hole? Had no *black hole* existed, (as none ought to exist anywhere, least of all in the sultry and unwholesome climate of Bengal) those who perished in the ‘Black Hole’ of Calcutta would have experienced a different fate.—Mill’s History of British India, vol. iii. 149 note.

প্রধান প্রচারক, সেই হলওয়েলই মীরজাফরকে পদচ্যুত করিবার সময় ঢাকার হত্যাকাহিনী রচনা করিয়াছিলেন। * তিনি বিলাতের কর্তৃপক্ষদিগের নিকট লিখিয়া পাঠাইয়াছিলেন যে,—“নবাব মীরজাফর খাঁর জঘন্য চরিত্রের কথা আর কি বলিব? তিনি ১৭৬০ খৃষ্টাব্দের জুন মাসে নওয়াজেস-মহিবী ঘসেটি বেগম, সিরাজ জননী আমিনা বেগম প্রভৃতি সম্ভ্রান্ত মহিলাবর্গকে ঢাকার রাজকারাগারে নিষ্ঠুররূপে হত্যা করাইয়াছেন!” † উত্তরকালে কলিকাতার ইংরাজ-দরবার অর্থাৎ হলওয়েলের স্বদেশীয় সহযোগিগণ এই হত্যাকাহিনীর তথ্যানুসন্ধান করিয়া লিখিয়া গিয়াছেন যে, হলওয়েলের হত্যাকাহিনী সর্বৈব মিথ্যা। ‡ যিনি মীরজাফরের পদচ্যুতি সমর্থন করিবার জন্ত মীরকাশিমের টাকা খাইয়া এমন মিথ্যা হত্যাকাহিনী রচনা করিয়া স্বজাতিসমাজে মিথ্যাবাদী বলিয়া পরিচিত হইয়াছিলেন, তিনিই অন্ধকূপ-হত্যাকাহিনী রচনা করিয়া গিয়াছেন! তাহাও যে এইরূপ সর্বৈব মিথ্যাকাহিনী নহে, তাহার প্রমাণ কি?

* মীরজাফরকে পদচ্যুত করিয়া মীরকাশিমকে সিংহাসন দান করার হলওয়েল সাহেব মীরকাশিমের নিকট তিন লক্ষ নয় হাজার তিন শত সত্তর টাকা পুরস্কার পাইয়াছিলেন!—Report of the Committee of the House of Commons, 1772.

† Long's Selections from the Records of the Govt. of India, vol. I.

‡ In justice to the memory of the late Nabob Meer Jaffier, we think it incumbent on us to acquaint you that the horrible massacres wherewith he is charged by Mr. Holwell in his address to the proprietors of East India Stock (page 46) are cruel aspersions on the character of that prince, *which have not the least foundation in truth.*—Letter to Court, 30 September, 1766, supplement.

হলওয়েল ১৭৪৮ খৃষ্টাব্দে ডাক্তারি করিবার জন্ত এদেশে পদার্পণ করিলে, কলিকাতার ইংরাজ-দরবার তাঁহাকে কলিকাতার কলেক্টর-পদে নিযুক্ত করেন। এই কার্যে হলওয়েল মাসিক ৫০০ টাকা বেতন পাইতেন, ইহা ভিন্ন সেকালের রীত্যনুসারে নজর, ভিক্ষা, পার্শ্বনী প্রভৃতিতেও বিলক্ষণ আয় হইত। * তিনি কলিকাতার “কালী আদমী-দিগের” উপর বড়ই উৎপীড়ন করিতেন বলিয়া সিরাজদৌলার বিশ্বাস হইয়াছিল, এবং সেই জন্ত এ কথা কাশিমবাজারের মুচলিকাপত্রেও লিখিত হইয়াছিল। † কলিকাতাজয়কালে হলওয়েল সর্বশস্ত্র হইয়া মুসলমান সেনাপতির আদেশে মুর্শিদাবাদে কারারুদ্ধ হইয়াছিলেন! পলাশির যুদ্ধাবসানে মীরজাফরের অনুকম্পায় হলওয়েল লক্ষ টাকা পুরস্কার, ‡ এবং যথাযোগ্য ক্ষতিপূরণ লাভ করিয়া কলিকাতার নিকটে ১২৩৫০ টাকা মূল্যের জমিদারী ক্রয় করেন; § ১৭৬০ খৃষ্টাব্দে দিনকতক কলিকাতার গভর্ণর হইয়া বিলাতের কর্তৃপক্ষের সঙ্গে কলহ করিয়া সেই বৎসরেই পদত্যাগ করিতে বাধ্য হন; অবশেষে ১৭৯৮ খৃষ্টাব্দে বিলাতে তাঁহার জীবনলীলার অবসান হয়। ¶ যিনি মীরজাফরের কৃপায় আশাতীত পুরস্কার ও পদগৌরব লাভ করিয়াও তাঁহার

* Long's Selections.—Introduction, xiv,

† Hasting's MSS, vol. 29.209.

‡ Evidence of Beecher before the Committee of the House of Commons, 1772.

§ Long's Selections, vol. i. 205.

¶ Long's Selections.—Introduction, xiv.

নায়ে এমন মিথ্যা কলঙ্ক রটনা করিতে কিছুমাত্র ইতস্ততঃ করেন নাই, তিনি যে সর্বস্বাস্ত ও কারারুদ্ধ হইয়া প্রতিহিংসা সাধনের জন্য অন্ধকূপ-হত্যার অলীক কাহিনী রচনা করেন নাই, তাহার প্রমাণ কি ? হল-ওয়েল যেরূপ সত্যনিষ্ঠার পরিচয় দিয়া গিয়াছেন, তাহাতে তাঁহার সম্বন্ধে এরূপ অনুমান কি নিতান্তই অসঙ্গত ? এই সকল স্বাধীন সমালোচনায় উত্യാক্ত হইয়া কলিকাতার জনৈক “ইংলিশম্যান”—সম্পাদক এই গ্রন্থের কঠোর সমালোচনা করেন । কিছুদিন পরে উক্ত সম্পাদক পুনরায় লিখিয়াছেন যে, হলওয়েলের বর্ণনার উপর নির্ভর করা যে নিরাপদ নহে, তাহা আধুনিক ঐতিহাসিক আন্দোলনে বিশেষরূপে সংস্থাপিত হইয়া গিয়াছে ।

সিরাজদ্দৌলার অদৃষ্টবিড়ম্বনা ! ঘসেটি বেগম সিরাজদ্দৌলার জননীসহিত সমস্ত্রমে রাজাস্তঃপুরে বসতি করিলেন, পলাশির যুদ্ধাবসানে মীর-জাফরের সুরাশাসনে ঢাকায় কারারুদ্ধ হইলেন, অথচ ইতিহাসে তাহার সমুচিত সমালোচনা না হওয়ায় কল্পনাকুশল বাঙ্গালী কবি অবলীলাক্রমে সিরাজশিবিরে ঘসেটি বেগমের প্রেতাত্মাকে উপনীত করিয়া তাঁহার মুখে সিরাজদ্দৌলাকে শুনাইয়া দিলেন :—

“সিরাজ, তোমার আমি পিতৃব্য-কামিনী ;
হরি মম রাজ্যধন, করি দেশান্তর,
অনাহারে বধিলি এ বিধবা দুঃখিনী ;
কেমনে রাখিবি ধন, এবে চিন্তা কর ।” *

* পলাশির যুদ্ধকাব্য—তৃতীয় সর্গ ; দ্বিতীয় খণ্ড ।

এই কবি-কাহিনীর ভিত্তিমূল কোথায়? * অথচ এই সকল কাহিনী রঙ্গমঞ্চে অভিনীত হইয়া কত করতালি আকর্ষণ করিতেছে, সিরাজ-চরিত্র কত ভীষণতর করিয়া তুলিতেছে!

+ লর্ড মেকলের গদ্য প্রবন্ধের ছায়া লইয়াই কি এই সকল বিচিত্র স্বপ্নকাহিনী রচিত হয় নাই? কল্পনানিপুণ লর্ড মেকলে লিখিয়া গিয়াছেন,—Appalled by the greatness and meanness of the crisis, distrusting his captains, dreading every one who approached him, dreading to be left alone, he sat gloomily in his tent, haunted, a Greek poet would have said, by the turies of those who had cursed him with their last breath in the Black Hole.—Macaulay's Lord Clive.





সপ্তদশ পরিচ্ছেদ ।

ইংরাজের সর্বনাশ ।

ইংরাজবণিকের দর্প চূর্ণ করাই সিরাজদৌলার একমাত্র অভিপ্রায় । সে অভিপ্রায় সিদ্ধ হইবামাত্র, তিনি আর অধিকদিন কলিকাতায় অবস্থান করিতে পারিলেন না । তিনি ২রা জুলাই সৈন্তসামন্ত লইয়া রাজধানীর দিকে প্রত্যাবর্তন করিতে আরম্ভ করিলেন ;—মহারাজ মালিকচাঁদ তিন সহস্র সিপাহী-সাহায্যে কলিকাতায় শাসনভার পরিচালনা করিতে লাগিলেন । কলিকাতায় ইংরাজ রাজশক্তির চিহ্নমাত্র বর্তমান রহিল না,—তাহার নাম পর্য্যন্তও পরিবর্তিত হইয়া গেল । *

* মবাবের আদেশে কলিকাতার নাম হইল “আলিনগর” ! এখন “আলিপুরে” তাহার কথঞ্চিৎ পরিচয় রহিয়া গিয়াছে ।

পথশ্রম দূর করিবার জন্য হুগলীতে বিচিত্র পটমণ্ডপ সুবিস্তৃত হইয়াছিল। সেখানে আসিতে না আসিতে, অভ্যর্থনার সমারোহে জলস্থল টলমল করিয়া উঠিল। সেকালের বাদশাহ বা নবাবেরা যেখানে ছাউনী ফেলিতেন, সেই স্থান বহুজনাকীর্ণ রাজনগর হইয়া উঠিত। চারিদিকে যথাযোগ্য দূরস্থানে পাত্রমিত্র ও সামন্তবর্গের পট্টাবাস, তাহার বাহিরে চক্রাকারে সেনানিবাসের সহস্র সহস্র বস্ত্রগৃহ, তাহার পার্শ্বদেশে অগণিত বিপণিশ্রেণী;—কেন্দ্রস্থলে বিচিত্র কারুকার্যখচিত সুরচিত কনকপদ্মবিভূষিত নবাবের গর্ভোন্নত পটমণ্ডপ;—সেই হস্ত্যশ্বপদাতিসেনা, সেই প্রহরগণনানিপুণ প্রহরিদল, সেই সর্বজনভৈরব মোগলবিভবের সমুজ্জল চিত্রপট শ্মশানভূমিকেও নন্দনশোভায় উদ্ভাসিত করিয়া তুলিত, দ্বারে দ্বারে দৌবারিকদল করালরূপাঙ্কুরে নিঃশব্দে পদচালনা করিয়া বেড়াইত, প্রভাতে সায়াছে রাজবৈতালিকগণের তানলয়সংযুক্ত স্তম্ভধূর যন্ত্রসঙ্গীত বায়ুভরে দূর দূরান্তরে ভাসিয়া চলিত, তিমিরাবগুষ্ঠিত নিশীথ-সময়েও প্রদীপ্ত প্রদীপালোকে চারিদিক ঝলমল করিত।

হুগলীর পটমণ্ডপে সিরাজদৌলার দরবার বসিল। সে দরবারে ওলন্দাজ ও ফরাসিবণিকগণ গলগলীকৃতবাসে আত্মগত্য স্বীকার করিবার জন্য সসম্মুখে উপটোকনহস্তে উপনীত হইলেন। ওলন্দাজেরা ৪৥ লক্ষ এবং ফরাসিরা ৩৥ লক্ষ টাকা ‘নজর’ প্রদান করিলেন। অতঃপর ইংরাজদিগের কথা উত্থাপিত হইল। তাঁহাদিগকে একেবারে দেশ-বহিষ্কৃত করা যে সিরাজদৌলার অভিপ্রায় নহে, সে কথা বুঝাইয়া দিয়া তিনি ওয়াটস্ এবং কলেট সাহবকে মুক্তিদান করিলেন, এবং হলওয়েলের সংবাদ জিজ্ঞাসা করিতে লাগিলেন। সেনাপতি মীরমদন ইতিপূর্বেই নবাবের অজ্ঞাতসারে হলওয়েল এবং তাঁহার তিনজন সঙ্গীকে

বন্দীবেশে মুর্শিদাবাদে পাঠাইয়া দিয়াছিলেন ; সুতরাং আপাততঃ তাঁহাদের সম্বন্ধে কোনরূপ রাজাজ্ঞা প্রচারিত হইতে পারিল না । * যাহারা ফল্গুয়ার পলায়ন করিবার অবসর না পাইয়া ইতস্ততঃ লুকাইয়া রহিয়াছেন, সেই সকল ইংরাজ সওদাগরেরা যদি কেবলমাত্র সওদাগরি করিবার জন্ত কলিকাতায় বাস করিতে ইচ্ছা করেন, তবে তাঁহারা অনায়াসে নগরপ্রবেশ করিতে পারিবেন ;—এইরূপ সাধারণ রাজাজ্ঞা প্রচার করিয়া সিরাজদ্দৌলা হুগলী হইতে ছাউনী উঠাইয়া পুনরায় রাজধানীর দিকে অগ্রসর হইতে লাগিলেন । † পলায়নপরায়ণ ইংরাজগণ কলিকাতায় প্রত্যাবর্তন করিয়া ইংরাজবন্ধু উমাচরণের বদাশ্রয়তাপ্তে প্রয়োজনানুরূপ অন্ত্রজল প্রাপ্ত হইলেন ।

সিরাজদ্দৌলা সমুচিত সমারোহে ১১ই জুলাই রাজধানীতে প্রত্যাবর্তন করিলেন । বিজয়োৎসবের আনন্দকোলাহলে নাগরিকদিগের উচ্ছৃঙ্খল নৃত্যগীতে, মঙ্গলবাদ্যের মধুর নিক্রমে, ঘন ঘন কামানগর্জনের

* The Nawab, on his return to Hughley, made inquiry for us when he released Messrs. Watts and Collet &c. with the intention to release us also ; he had expressed some resentment for having so hastily sent us up to Moorshidabad. This proved a very pleasing piece of intelligence to us. — Holwell's letter to William Davis Esq. 28 February, 1757.

.† Two or three days before his departure, he published leave to such as had escaped the dungeon to return to their houses in the town, where they were supplied with provisions by Omichand, whose intercession had probably procured their return.—Orme, vol. II. 80.

গুরুগভীর রবে এবং নবাব-সেনার সগর্ষ আশ্ফালনভরে মুর্শিদাবাদ প্রকম্পিত হইয়া উঠিল ! সেই আনন্দকোলাহলের মধ্যে রত্নচতুর্দৌলারোহণে পাত্রমিত্র সমভিব্যাহারে বঙ্গ, বিহার, উড়িষ্যার অদ্বিতীয় অধীশ্বর নবাব সিরাজদৌলা যখন নগরপ্রদক্ষিণ করিয়া মতিঝিলে গমন করিতেছিলেন, সেই সময়ে হলওয়েলের কারাকক্ষ তাঁহার নয়নগোচর হইল । সহসা বাদ্যোদ্যম নীরব হইয়া গেল, দৌলারোহণ পরিত্যাগ করিয়া সিরাজদৌলা স্বয়ং পদব্রজে কারাগারদ্বারে দণ্ডায়মান হইলেন, পার্শ্বস্থ চোপদারকে দিয়া তৎক্ষণাৎ হলওয়েল ও তাঁহার সঙ্গীদিগের শৃঙ্খলমোচন করাইয়া, তাঁহাদিগকে যথেষ্টদেখে গমন করিবার অনুমতি প্রচার করিয়া, পুনরায় দৌলারোহণ করিলেন ।*

ইংরাজদিগের পক্ষে কলিকাতায় প্রত্যাবর্তন করিবার আর কোন-রূপ প্রতিবন্ধক রহিল না । পূর্বকাহিনী বিস্মৃত হইয়া অনেকেই ধীরে ধীরে কলিকাতায় শুভাগমন করিতে লাগিলেন, কিন্তু স্বভাবদোষে অতি অল্পদিনের মধ্যেই “জন বুলের” সর্বনাশ উপস্থিত হইল ! একজন মদিরা-সক্ত সার্জন্ সাহেব একদিন একজন নিরপরাধ মুসলমানকে হত্যা করিয়া বসিলেন । সেকালের মুসলমান রাজদরবারে ইহাতে ছলছুল উপস্থিত হইল । রাজা মানিকচাঁদের আদেশে একের অপরাধে ইংরাজ-

* He ordered a Suttaburder and Chopder immediately to see our irons cut off, and to conduct us wherever we choose to go ; and to take care that we received no trouble nor insult.—Holwell's letter to William Davis Esq., 28 February. 1757. বন্দ্যোপাধ্যায় মহাশয়ের নবাবী আমলের বাঙ্গালার ইতিহাসে এই অংশ উদ্ধৃত, সমালোচিত বা কোনরূপে উল্লিখিত হয় নাই । সিরাজচরিত্রে কলঙ্ক আরোপ করিবার সময়ে এই সকল অংশ পরিত্যাগ করিলে সুবিধা হয়, সন্দেহ নাই !

মাত্রেরই কলিকাতা হইতে তাড়িত হইলেন ! * ইংরাজের কপাল ভাঙ্গিল ; তাঁহাদের জন্ত আর কলিকাতায় স্থান হইল না । কেবল হেষ্টিংস প্রভৃতি কয়েকজন কুঠিয়াল কাশিমবাজারে বসিয়া রহিলেন, তন্নিম্ন আর আর ইংরাজেরা,—যিনি যেখানে ছিলেন,—সকলেই আসিয়া ফল্গুতার বন্দরে সমবেত হইতে লাগিলেন ।

এত দিনের পর ইংরাজের প্রবল প্রতাপ একেবারে চূর্ণ হইয়া গেল ; কাশিমবাজার গেল ; কলিকাতা গেল ; কলিকাতার ইংরাজদুর্গের উপর রাজা আগিকটাদের বিজয়পতাকা সগৌরবে আকাশে অঙ্গবিস্তার করিল । ইংরাজেরা অন্ত্রোপায় হইয়া গডডলিকা-প্রবাহের দ্বারা ছুটিয়া আসিয়া ফল্গুতার পলায়িত জাহাজে সম্মিলিত হইতে লাগিল ।

সকলেই ফুরাইল ! তথাপি এ সকল শোচনীয় কাহিনী সহসা মাদ্রাজের ইংরাজ-দরবারের কর্ণগোচর হইতে পারিল না ! তাঁহারা সুদূর সমুদ্রকূলে বসিয়া ১৫ই জুলাই তারিখে কাশিমবাজার অবরোধের প্রথম সংবাদ প্রাপ্ত হন । তাহাতে তেমন বিচলিত হইবার কারণ ছিল না ; বাঙ্গালাদেশ হইতে প্রায় মধ্যে মধ্যেই সেরূপ সংবাদ আসিত ; আবার হয়ত সঙ্গে সঙ্গেই শুনা যাইত যে, “গোলযোগ মিটমাট হইয়া গিয়াছে ; সময়োচিত উপঢৌকন দিয়া সকলকেই শান্ত করিয়াছি ; বাণিজ্য-ব্যবসায় একরূপ ভালই চলিতেছে !” + সুতরাং কাশিমবাজারের সংবাদ পাইয়াও, মাদ্রাজের ইংরাজ-দরবার কেবল কলিকাতায় সেনাবল বৃদ্ধি করিবার জন্ত মেজর কিলপ্যাট্রিকের সঙ্গে ২৪০ জনমানুষ গোরা পল্টন

* Orme, vol. II. ৪০

+ Thornton's History of British Empire, vol. I. ১৭৭.

পাঠাইয়া দিয়া, দ্বিতীয় সংবাদের অপেক্ষায় কথঞ্চিৎ নিশ্চিন্তমনেই কাল-
যাপন করিতে লাগিলেন।

এই আগষ্ট তারিখে রণপলায়িত ম্যানিংহাম সাহেব মাদ্রাজের বন্দরে
উপনীত হইলেন। তাঁহার মুখে মাদ্রাজের ইংরাজ দরবার কলিকাতার
কথা, সিরাজদৌলার কথা ইংরাজের সর্বনাশের কথা,—এক সঙ্গে সকল
কথাই শুনিতে পাইলেন! সে সংবাদে মাথায় বজ্রাঘাত পড়িল!
সকলে একেবারে হতবুদ্ধি হইয়া পড়িলেন। সকলেই একবাক্যে বলিতে
লাগিলেন;—“হায়! হায়! কি হইল? এতদিনের এত আশা,—
সকল আশাই এক কুৎকারে নিশ্চূর্ণ হইয়া গেল!”*

শোকের প্রথম উচ্ছ্বাস চলিয়া গেল। তখন লোক ডাকাইয়া, সভা
বসাইয়া, যিনি যেখানে ছিলেন, সকলে মিলিয়া মন্তব্য আরম্ভ করিলেন।
কেহ কেহ আগ্নেয়-গিরির অগ্ন্যুৎপাতের ত্রায় প্রবল বিক্রমে গর্জন
করিয়া উঠিলেন; কেহ কেহ প্রতিহিংসাসাধনের জন্য বীরপ্রতিজ্ঞা
অবলম্বন করিবার উত্তেজনা করিতে লাগিলেন;—কিন্তু তখন ইংরা-
জেরা যেরূপ ক্ষীণবল, ফরাসি-সমর-শঙ্কায় নিরন্তর চিন্তাক্লিষ্ট, তাহাতে
সহসা কিংকর্তব্য স্থির হইয়া উঠিল না।

এদিকে মেজর সাহেব ভাগীরথী-মুখে প্রবেশ করিয়াই ফল্তার
বন্দরে আসিয়া পলায়িত ইংরাজ-জাহাজের সন্ধান পাইলেন! তিনি
আর ২৪০ জন গোরা লইয়া একাকী কি করিবেন? সকলকে যথাশক্তি
আশা ভরসায় উৎসাহিত করিয়া, আত্মরক্ষার জন্য ফল্তার বন্দরেই

* On the 5th of August news arrived of the fall of Calcutta,
which scarcely created more horror and resentment than consterna-
tion and perplexity.—Orme, vol. II.

জাহাজ নোঙ্গর করিয়া ফেলিলেন ! পলায়িত ইংরাজগণ তখন পর্য্যন্তও জীবিত,—কিন্তু সকলেই জীবন্মৃত ! অনেকে চিরকুণ হইয়া পড়িয়াছেন, যাহারা স্বস্থ সবল, তাঁহারাও ভয়ঙ্কর মলিনমুখে সতৃষ্ণনয়নে অকূল সমুদ্রের উত্তালতরঙ্গের দিকে চাহিয়া চাহিয়া, কতদিনে মাদ্রাজ হইতে সেনাদল আসিবে—কেবল সেই চিন্তায় শীর্ণ হইয়া উঠিয়াছেন !

দুর্দশার দিনে দুর্দশি আসিয়া ইংরাজদিগের দুঃখদৈন্ত দ্বিগুণ করিয়া তুলিল ! কেন তাঁহাদের এরূপ শোচনীয় দুর্গতি উপস্থিত হইল,—সেই কথা লইয়া তুমুল গৃহকলহ উপস্থিত হইল । নব্যতন্ত্রের ইংরাজ-যুবকেরা ইংরাজ-দরবারের উপরেই সকল অপরাধ আরোপ করিতে লাগিলেন । যাহারা দরবারের সদস্য, তাঁহারাও পরস্পর পরস্পকে অপরাধী করিবার জন্য আয়োজনের ক্রটি করিলেন না ! এই সূত্রে ইংরাজদিগের মধ্যে নানা বাগ্বিতণ্ডা চলিতে লাগিল ; কথায় কথায় বন্ধুবিচ্ছেদ ঘটিতে লাগিল ; সর্বপ্রকার সমবেদনা দূরীভূত হইয়া গেল ; অবশেষে অনেকে বলিতে লাগিলেন যে—“যাহারা উৎকোচ লোভে কৃষ্ণবস্ত্রকে কলিকতায় আশ্রয় দিয়াছিলেন, এবং যাহাকে তাহাকে বিনাশকে বাণিজ্য করিবার জন্য কোম্পানীর নামাঙ্কিত পরোয়ানা বিক্রয় করিয়া অর্থোপার্জন করিতেছিলেন, তাঁহারাই সকল অনর্থের মূল !” * পরবর্তী ইতিহাস-লেখকগণ অনেক যুক্তি তর্ক উপস্থিত করিয়া লিখিয়া গিয়াছেন যে, এ সকল কথা নিতান্তই অমূলক ! এতকালের পর সে সকল অভিযোগের সত্য মিথ্যা নির্ণয় করা সহজ নহে । যাহারা এ বিষয়ে সাক্ষ্যদান করিতে পারিতেন, তাঁহারা বলিয়া গিয়াছেন যে, ইংরাজ-দরবারের

সদৃশদিগের ব্যবহারগুণেই নবাব সিরাজদৌলা এতদূর উত্থিত হইয়া উঠিয়াছিলেন। তাহাদের সাক্ষ্যই সত্য বলিয়া স্বীকার করিব,—না, পরবর্তী ইতিহাস-লেখকদিগের কথাই অশ্রুত বলিয়া মানিয়া লইব? ইতিহাস-লেখক অগ্নি বলেন,—“যুবকদলের অভিযোগে কর্ণপাত করা নিশ্চয়োজন। বৃদ্ধদিগকে পাকেচক্রে পদচ্যুত করিবার জন্তই যুবকদল এই সকল অমূলক অভিযোগের সৃষ্টি করিয়া থাকিবেন!”*

ফলতঃ পলায়ন করিয়া কোনরূপে প্রাণরক্ষা হইল;—কিন্তু ইংরাজদিগের দুর্দশার আর অবধি রহিল না! একে নিদারুণ গ্রীষ্মকাল, তাহাতে একেবারে নিরাশ্রয়;—একে রোগক্লিষ্ট, তাহাতে আবার নিতান্ত অস্বাস্থ্যকর স্থান;—একে সকলেই মর্মান্বিত, তাহাতে আবার প্রতিদিনই খাদ্যাভাব! জাহাজের ভাঙার শূন্য; তহবিলে তঞ্চার অনাটন; নিকটে হাট বাজারের অসম্ভাব;—ইচ্ছা থাকিলেও মাগিকটাদের ভয়ে দোকানী পশারী জাহাজের কাছে অগ্রসর হইতে সাহস পাইতেছে না! আর কিছুদিন এরূপ দুর্দশার প্রতিকার না হইলে, সকলকেই একে একে ভাগীরথী-গর্ভে জীর্ণ-কঙ্কাল বিসর্জন করিতে হইত! মাগিকটাদের ভয়ে সকলেই জড়সড়;—কেবল ফরাসী, আর ওলন্দাজ, আর ইংরাজের বিপদের বন্ধু কৃষ্ণকায় ‘নেটিভ’ (বাঙ্গালী) বণিকেরা গোপনে গোপনে যাহা কিছু অল্পজল পাঠাইতে লাগিলেন, তাহাতেই কোনরূপে কায়ক্লেশে ইংরাজের দিনপাত হইতে লাগিল! †

* Orme, vol. II. 81.

† The remains of our unfortunate colony were now lying on board a few defenceless ships at Fulta, the most unwholesome spot in the country, about twenty miles below Calcutta, and desti-

চতুর লোকে একবার একটু দাঁড়াইবার স্থান পাইলেই যথেষ্ট হয় । তাহার পর সে আপন কোণে সহজেই বসিবার স্থান করিয়া লইতে পারে । ইংরাজদিগেরও তাহাই হইল । যদি সিরাজদ্দৌলা ফলতঃ পর্য্যন্ত সসৈন্তে গুভাগমন করিতেন, তবে হয়ত সকলেই চোরের মত পলায়ন করিবার পথ পাইতেন না । কিন্তু সিরাজদ্দৌলা ইংরাজ তাড়াইবার জন্য কোনরূপ উদ্যোগ না করিয়া, কেবলমাত্র উদ্ধত-ব্যবহারের শাস্তি দিয়াই নিরস্ত হইলেন । ইহাতেই ইংরাজেরা ফলতঃ পলায়ন করিয়া হাঁপ ছাড়িবার অবসর পাইয়াছিলেন । ইংরাজেরা কিন্তু সে কথা স্বীকার করিতে প্রস্তুত নহেন । তাঁহারা বলিতে চাহেন যে, ইংরাজদিগকে নির্বাসিত করাই সিরাজদ্দৌলার অভিপ্রায় ছিল ;— কেবল দুর্বলচিত্ত বলিয়াই তিনি ইংরাজদিগের পশ্চাদ্ধাবন করিতে পারেন নাই !* এ কথা একেবারে মিথ্যা কথা । সিরাজদ্দৌলার মনে সেরূপ কল্পনা উদিত হইলে ইংরাজ তাড়াইতে মুহূর্ত্তমাত্রও বিলম্ব ঘটিত না, এবং হেষ্টিংস ও ডাক্তার ফোর্থ প্রভৃতি ইংরাজ কুঠিয়ালগণ স্বচ্ছন্দচিত্তে অক্ষতশরীরে কাশিমবাজারে অবস্থান করিবার অবসর পাইতেন না !

tute of the common necessities of life ; but, by the assistance of the French, and the Dutch, to whose humanity they were much indebted on this occasion, and partly by the assistance of the *natives*, who both from interest and attachment, privately supplied them with all kinds of provisions, they supported the horror of their situation till August.”—Ive’s Journal.

* Orme vol. II. 79

ইংরাজেরা শতবর্ষ বাণিজ্য করিয়া আসিতেছেন ; ইংরাজেরা জঙ্গল কাটিয়া কলিকাতায় বিচিত্র ইন্দুপুরী রচনা করিয়াছেন ; ইংরাজেরা মহারাষ্ট্রখাত খনন করাইয়া কত লোকের ধনপ্রাণ নিরাপদ করিয়া দিয়াছেন ;—সুতরাং আত্মীয়তাস্বত্রেই হউক, আর চিরকৃতজ্ঞ বাঙ্গালী-জাতীর স্বভাবসুলভ পরোপকার প্রবৃত্তির জগুই হউক, এদেশে অনেক গণ্যমান্য লোকে ইংরাজের দুঃখ-দুর্দশা মোচন করিবার জন্য অগ্রসর হইয়াছিলেন ।* অত্বের কথা দূরে থাকুক, যে উমিচাঁদ ইংরাজবন্ধুর অকৃত্রিম সৌহার্দগুণে সর্বস্বান্ত, মর্মান্বিত, শোকগ্রস্ত পথের ফকির সাজিয়াছিলেন, তিনিও দুর্দশার দিনে সাশ্রনরূপে নবাবদরবারে ইংরাজের হইয়া কত কাকুতি মিনতি জানাইতে লাগিলেন ! হেষ্টিংস এবং ডাক্তার ফোর্থ সাহেব কাশিমবাজারে বসিয়া গোপনে গোপনে মন্ত্রীদলের সঙ্গে আত্মীয়তা সংস্থাপন করিতে লাগিলেন ; যে সকল আরমানী বণিক বাণিজ্যোপলক্ষে সমুদ্রপথে গতিবিধি করিতেন, তাঁহারাও ইংরাজদিগকে রাজধানীর গুপ্তসংবাদ প্রদান করিতে সম্মত হইলেন । এই সকল চেষ্টায় কালক্রমে ইংরাজের দুঃখ দুর্দশার অবসান হইবার সূচপায় হইতে লাগিল ।† দেশের লোকে বুঝিতে পারিল যে, আজ হউক, কালি

* Some of the provisions were supplied by Nobokissen at the risk of his life,—the Nabob prohibited under penalty of death any one supplying the English. This led to Warren Hastings taking Nobokissen as his Munshi and the subsequent elevation of his family.—Revd. Long.

† Long's Selections from the Records of the Government of India,

হউক, আর দশ দিন পরেই হউক, ইংরাজেরা আবার এ দেশে বাণিজ্য করিবার জন্ত নবাবের সনন্দলাভ করিবেন, সুতরাং দেশের লোকের আনুগত্য দিন দিন ঘনীভূত হইতে লাগিল ।

মেজর সাহেব ফল্গুয়ার আসিয়া এই সকল শুভলক্ষণ পর্যবেক্ষণ করিলেন । আশা হইল, সাহস হইল,—সময় পাইয়া মাণিকচাঁদকে হস্তগত করিবার আয়োজন হইল ; এবং নবাবের শুভদৃষ্টি আকর্ষণ করিবার জন্ত বিনীতভাবে আবেদনপত্র লিখিত হইতে লাগিল ! রাজা মাণিকচাঁদ ইতিহাসে চতুর-চুড়ামণি বলিয়া সুপরিচিত । নবাব-দরবারের শ্রোত কখন কোন্ দিকে প্রবাহিত হয়, সে দিকে সর্বদাই তাঁহার তীক্ষ্ণদৃষ্টি দেখিতে পাওয়া যাইত । তিনি যখন বুঝিতে পারিলেন যে, সে শ্রোত আবার ধীরে ধীরে ইংরাজদিগের অনুকূল হইয়া প্রবাহিত হইতেছে, তখন তিনিও ইংরাজের সঙ্গে আত্মীয়তা সংস্থাপনের জন্য অসম্মত হইলেন না । ইংরাজেরা নবাবের নিকট আবেদন-পত্র পাঠাইবার জন্ত প্রস্তুত হইলেন । এই পত্রে অন্ধকূপ হত্যার জন্য কোন প্রকার আর্ন্তনাদ করা হইল না ; আবার বাহাতে বাণিজ্যাধিকার প্রাপ্ত হওয়া যায়, তাহার কথাই বিবিধবিধানে বিবৃত হইল । যতদিন সনন্দ না আসিতেছে, ততদিন অন্ততঃ অন্নাভাবে বিড়ম্বনা ভোগ করিতে না হয়, তজ্জন্ত বিশেষ ভাবে প্রার্থনা করা হইল । ওলন্দাজদিগের গভর্নর বিস্‌ডম্ সাহেবের যোগে এই আবেদনপত্র নবাবদরবারে প্রেরণ করিবার আয়োজন হইতে লাগিল ।

ভরসা পাইয়া ইংরাজ কুঠিওয়ালগণ জাহাজের উপরেই মজলিসভার বৈঠক বসাইতে আরম্ভ করিলেন । সে বৈঠকে ‘অনরেল’ লীল গ্রীষ্ম

রোজার ডেক' সাহেব বাহাদুর সভাপতি, এবং ওয়াটস, হলওয়েল ও মেজর কিলপ্যাট্রিক সদস্যের আসন গ্রহণ করিলেন । *

২২শে আগষ্টের বৈঠকে, সভাপতি মহাশয় সকলকে এই বলিয়া আশ্বাস দিলেন যে,—আর ভয় নাই ; মাদ্রাজ হইতে শীঘ্রই গোরাপন্টন আসিতেছে । কিন্তু সেই দিনই সংবাদ আসিল যে, ওলন্দাজেরা ইংরাজদিগের আবেদনপত্রখানি নবাবদরবারে পাঠাইয়া দিতে ইতস্ততঃ করিতেছেন । তখন পত্রখানি কিরূপে নবাবের নিকট প্রেরিত হইতে পারে, তাহার জন্ত পরামর্শ চলিতে লাগিল । ঘটনাক্রমে সেইদিন কলিকাতা অঞ্চল হইতে খোজা পিঙ্গ এবং এব্রাহিম জেকবস্ নামক দুইজন আরমানী বণিক ফলতায় আসিয়া উপনীত হইয়াছিলেন । তাঁহারা ইংরাজ হিতৈষী উমিচাঁদের নিকট হইতে একখানি গুপ্তলিপি আনিয়াছিলেন । সর্বসমক্ষে সেই পত্র পঠিত হইল । হায় ! উমিচাঁদ ; —সেই পত্রে তিনি লিখিয়াছিলেন যে, “চিরদিনও যেমন, এখনও সেইরূপ ভাবে তিনি ইংরাজের কল্যাণকামনায় নিযুক্ত রহিয়াছেন । আর ইংরাজেরা যদি রাজা রাজবল্লভ, রাজা মানিকচাঁদ, জগৎশেঠ, খোজা বাজিদ প্রভৃতি পাত্রমিত্রের সঙ্গে গোপনে গোপনে চিঠিপত্র চালাইতে চান, তিনি তাহাও যথাস্থানে পৌছাইয়া দিয়া সহস্রর আনাইয়া দিবেন ।” † ইতিহাস লিখিতে বসিয়া যে ইংরাজেরা এবং যে হলওয়েল

* এই বৈঠকের আনুপূর্বিক কার্যাবিবরণী Long's Selections from the Records of the Government of India নামক পুস্তকে বিস্তৃতভাবে বর্ণিত রহিয়াছে ।

† Consultation on board the Phoenix Schooner, Fulta, August 27, 1756.

সাহেব উমিচাঁদকে নিতান্ত কুটিলহৃদয় পরমপাষণ্ড অর্থগ্ৰন্থ নরপিশাচ বলিয়া পৃথিবীর নিকট পরিচিত করিবার জন্ত কত আগ্রহ প্রকাশ করিয়া গিয়াছেন, তাঁহারা কেহই বিপদের দিনে তাঁহাকে ততদূর অবিশ্বাস করেন নাই ! ইতিহাসে এ সকল কথার যথাযোগ্য সমালোচনা হয় নাই বলিয়া, বাঙ্গালী কবি লিখিয়া রাখিয়াছেন :—

“—যেন ভীষণ তক্ষক

আছে পাপী উমিচাঁদ ফণা আশ্ফালিয়া ।” *

উমিচাঁদ সহায়তাগুণে রাজা মানিকচাঁদ সহজেই বশীভূত হইলেন । একদিন যে মানিকচাঁদ ইংরাজ-দলনে অপরিসীম উৎসাহ প্রদর্শন করিয়াছিলেন, তাহা মন্ত্রোষধিগুণে সহসা শিথিল হইয়া পড়িল । এই সেন্টেশ্বরের বৈঠকে স্বয়ং মানিকচাঁদের পত্র ইংরাজ দরবারে সর্বসমক্ষে উদ্ঘাটিত হইল । সে পত্রে ইংরাজ আবার সাহস পাইলেন । রাজা মানিকচাঁদ যে যথাসক্তি ইংরাজের সহায়তা করিতে কৃতসংকল্প হইয়াছেন, তাহার নিদর্শন পাইতে বিলম্ব হইল না ;—ফলতায় বাজার বসিল, ইংরাজের অন্নকষ্ট দূর হইয়া গেল । †

* পলাশির যুদ্ধকাব্য ।

† The same day there came another letter to the Major by Coja Petross and Abraham Jacobs from Raja Manik Chand of the 2nd. inst. at Allinagore (Calcutta) with many compliments and the strongest assurance of his assistance. He sent at the same time a boat with a *dustick* with orders for the opening a bazar and for the supplying us with provisions of all kinds.—Consultations, 5 September, 1756.

রাজা মাণিকচাঁদ এত সহজে ইংরাজের বশীভূত হইলেন কেন, ইতিহাসে সে রহস্য মীমাংসিত হয় নাই। মাণিকচাঁদ ষে রূপ চরিত্রের লোক, বাতাস বুঝিয়া পাল তুলিয়া দিতে চিরদিন ক্রিপ্রহস্ত। সিরাজ যখন সসৈন্তে কলিকাতাভিমুখে যুদ্ধযাত্রা করেন, জগৎশেঠ এবং খোজা বাজিদ কৃতাজলি হইয়াও যখন সিরাজদৌলাকে সংকল্পচ্যুত করিতে পারেন নাই, মাণিকচাঁদ তখন নবাবের নিকট সরফরাজ থাকিবার আশায় সবিশেষ উৎসাহের সঙ্গে ইংরাজদলনে অসীম বীরত্ব প্রদর্শন করিতে ত্রুটি করেন নাই। কলিকাতা জয় করা হইল, কলিকাতার নাম পর্য্যন্তও বিলুপ্ত হইয়া গেল, কলিকাতার সৌধধবল ইন্দ্রপুরী হইতে ইংরাজ গৃহতাড়িত হইল,—মাণিকচাঁদ বুঝিলেন যে, আর বিনাযুদ্ধে “আলিনগরে” ইংরাজের পদার্পণ করিবার সম্ভাবনা রহিল না। কিন্তু মাণিকচাঁদ জানিতেন যে, বিপদে পড়িয়া বৃটিশসিংহ কিছুদিনের জন্ত পলায়ন করিতে বাধ্য হইলেও, অবসর পাইবামাত্র আবার বীরদর্পে কলিকাতার উপর হুকুম করিয়া ঝাঁপাইয়া পড়িবে, এবং সে আক্রমণে মাণিকচাঁদেরই সমূহ সর্বনাশ হইবে। তিনি সেই জন্ত মূলাজোড়ে এক নূতন দুর্গ নির্মাণ করিয়া সেখানে ধনরত্ন ও স্ত্রীপুত্রাদি সুরক্ষিত করিতেছিলেন। ইতিমধ্যে আবার বাতাস ফিরিয়া গেল! সিরাজদৌলার মতি গতি শাস্ত্যভাব অবলম্বন করিল; ইংরাজদিগের পুনরাগমনের আশার বীজ অঙ্কুরিত হইয়া উঠিল; স্মৃতরাং তাঁহাদের করুণক্রন্দনে উপেক্ষা প্রদর্শন করা মাণিকচাঁদের নিকট বুদ্ধিমানের কার্য বলিয়া প্রতীয়মান হইল না। উমিচাঁদ অনুরোধ জানাইবামাত্র মাণিকচাঁদ ইংরাজদিগের সঙ্গে ঘনিষ্ঠতা বাড়াইবার জন্ত পত্র লিখিয়া পাঠাইলেন।*

* Omichand and Manikchand were at this time in friendly

নবাব-দরবারে ইংরাজদিগের কাতর নিবেদনে শুভফল ফলিবার সম্ভাবনা উপস্থিত হইল। এমন সময়ে কাশিমবাজার হইতে সহসা সংবাদ আসিল যে,—“মুর্শিদাবাদে বড়ই গোলযোগ! বাদশাহ পূর্নিয়ার নবাব শওকতজঙ্গকেই বাঙ্গালা, বিহার, উড়িষ্যার নবাবী সনন্দ পাঠাইয়া দিয়াছেন। তদনুসারে যুদ্ধযাত্রার আয়োজন আরম্ভ হইয়াছে; তিনি যুদ্ধক্ষেত্রে অবতীর্ণ হইলে, অনেকেই তাঁহার পক্ষে অস্ত্রধারণ করিবেন। আর সে সিরাজদ্দৌলা নাই। তাঁহার প্রবল গর্ব ধ্বংস হইয়া আসিয়াছে;—তাঁহার রত্ন সিংহাসন যায় যায় হইয়া উঠিয়াছে।”*

এই সংবাদ পাইবামাত্র ইংরাজদিগের পূর্বসংকল্প পরিবর্তিত হইয়া গেল। সকলেই বলিতে লাগিলেন,—আর কেন? সময় থাকিতে উঠিয়া পড়িয়া লাগিয়া যাও। ইংরাজ-দরবার তাহাই করিলেন। তাঁহারা শওকতজঙ্গের সঙ্গে আত্মীয়তা করিবার জন্ত এবং সিরাজদ্দৌলার সর্বনাশসাধনে তাঁহাকে উৎসাহিত করিবার জন্ত “নজর” পাঠাইয়া পত্র লিখিতে কৃতসংকল্প হইলেন। †

correspondence with the English, they (negotiated at this time between the Nawab and the English) understanding how to run with the hare and keep with the hound.—Revd. Long.

* Mr. Warren Hastings writes from Cossimbazar that great preparations were there making for a war with Shocut-Jung, the Nabob of Pyrnea, who has had the Nabobship of Bengal, Behar and Orissa conferred upon him by the king of Dily.—Consultations, 5 September 1756.

† The Board agreed so send a letter in Persian to the Pyrnea Nabob with presents, hoping he might defeat Sirajed Dowla.—Consultations, 15 September, 1756.

সিরাজদৌলা ইহার বিন্দু বিসর্গও জানিতে পারিলেন না ; তাঁহার নিকট পূর্ববৎ কাকুতি মিনতি চলিতে লাগিল । তিনি যদি ঘৃণাক্ষরেও এই রাজবিদ্রোহিতার সন্ধান পাইতেন, তবে হয়ত ফল্গুয়ার বন্দর ইংরাজের সমাধিক্ষেত্রে পরিণত হইতে বিলম্ব ঘটিত না ।

এদিকে মাদ্রাজনিবাসী ইংরাজগণ দুইমাসের মধ্যেও তর্কবিতর্কের শেষ করিতে পারিলেন না । ইংরাজের ফৌজ অগ্রচুর ; চিরশত্রু ফরাসী হয়ত শীঘ্রই ভারতবর্ষ আক্রমণ করিবে ;—এমন সময়ে মাদ্রাজ হইতে পল্টন পাঠাইয়া দেওয়া কর্তব্য কি না—সে বিষয়ে বিষম মতভেদ উপস্থিত হইতে লাগিল । এই সকল কারণে অনেক বিলম্ব হইয়া গেল,—অবশেষে স্থির হইল যে, অন্তান্ত প্রদেশের ভাগ্যে তাহা হয় হউক, সর্বাগ্রে কলিকাতার উদ্ধারসাধন করাই কর্তব্য । এই সময়ে বিখ্যাত ইতিহাসলেখক অর্নি সাহেব মাদ্রাজ-দরবারের সদস্য ছিলেন, তিনি এই সকল তর্ক-যুদ্ধের সবিস্তার ইতিহাস লিখিয়া গিয়াছেন । * কলিকাতার উদ্ধারসাধন করা স্থির হইল বটে, কিন্তু কাহাকে সেনাপতি করা হইবে, তাহা সহজে স্থির হইল না ।

পিগট সাহেব মাদ্রাজের গভর্নর । পদগৌরবে তিনিই সর্বশ্রেষ্ঠ । কিন্তু যুদ্ধব্যবসায় তাঁহার কিছুমাত্র অভিজ্ঞতা নাই । সেনানায়ক-দিগের মধ্যে কর্ণেল অল্ডারক্রন্ সর্বশ্রেষ্ঠ ; কিন্তু বাঙ্গালাদেশের যুদ্ধকলহে তাঁহারও কোনরূপ অভিজ্ঞতা নাই । কর্ণেল লরেন্সের যোগ্যতা আছে, অভিজ্ঞতাও আছে,—সকল বিষয়েই তিনি পরিপক্ব ! কিন্তু তিনি হাঁপানী রোগে জর্জরিত,—বাঙ্গালার জলবায়ু তাঁহার ধাতুতে সহ্য হইবে না । এইরূপে যখন একে একে সকল সৈন্য-

* Orme, vol. II. 84-89.

পতি পশ্চাদ্গত হইলেন, তখন কর্ণেল ক্লাইবের উপর অগত্যা এই ভার গুস্ত হইল। যাহারা ক্লাইবের পক্ষপাতী, তাহারা বলিলেন যে, ইংরাজভাগে মণিকাঞ্চনের সংযোগ হইল !

কর্ণেল ক্লাইবের নাম ভারতবর্ষে চিরস্মরণীয় হইয়াছে। কলিকাতার গভর্ণমেন্ট-প্রাসাদে তাঁহার গর্বোন্নত বীরপ্রকৃতির যে শ্রবহৎ চিত্রপট বিরাজিত রহিয়াছে, * তাহার প্রত্যেক তুলিকা-সম্পাতে আজিও যেন দৃঢ়প্রতিজ্ঞাব্যঞ্জক তীব্রতেজ উদ্ভাসিত হইয়া উঠিতেছে। কত সুলেখক তাঁহার বীরকীর্তির বর্ণনা করিয়া সাহিত্যজগতে চিরস্মরণীয় হইয়াছেন। তাহারা বলেন যে, “কর্ণেল ক্লাইব আজন্ম-সৈনিক,—এত সাহস, এত বীরদর্প, এত প্রত্যাশপন্নমতি একাধারে আর কাহারও জীবনে বিকশিত হইয়াছে কি না সন্দেহ।”

মাদ্রাজ-দরবার স্থির করিয়া দিলেন যে, সেনাপতি ক্লাইব কলিকাতার ইংরাজদরবারের আজ্ঞাবহ হইবেন না, স্বাধীনভাবে সকল কার্য সুসম্পন্ন করিয়া সসৈন্তে মাদ্রাজে প্রত্যাবর্তন করিবেন। ইংলণ্ডের নৌ-সেনাপতি আড্‌মিরাল ওয়াটসনকেও সেই সঙ্গে প্রেরণ করা স্থির হইয়া গেল। †

* Calcutta—Its highways and by-paths.

† ইংরাজ-লিখিত সমস্ত ইতিহাসেই এই সকল বিষয় বর্ণিত রহিয়াছে। কেবল যিনি বাঙ্গালীকে “জাল জুয়াচুরি মিথ্যাকথার” অধিতীয় আধার বলিয়া সগৌরবে ইতিহাসচর্চা করিয়া ইংরাজের সত্যানিষ্ঠার পরিচয় দিবার চেষ্টা করিয়াছেন, সেই সুপ্রসিদ্ধ লর্ড মেকলে কল্পনাধলে লিখিয়া গিয়াছেন যে,—“Within forty-eight hours after the arrival of the intelligence it was determined that an expedition should be sent to the Hughley, and that Clive should be at the head of the land-forces.”—Macaulay's Lord Clive.

ভারতভাগ্যবিধাতা মহাবীর ক্লাইব এবং ওয়াটসন্ পাঁচখানি রণপোত লইয়া ১৬ই অক্টোবর মাদ্রাজের উপকূল ছাড়িয়া সৈন্তে যুদ্ধযাত্রা করিলেন। কোম্পানী বাহাদুরের পাঁচখানি জলযান মালপত্র বহিয়া চলিল। ৯০০ গোরাপণ্টনের সঙ্গে ১৫০০ কালী সিপাহী সগর্বে বঙ্গোপসাগর বিকম্পিত করিয়া বৃটিশের রণবাদ্যনির্নাদে তালে তালে পা ফেলিতে ফেলিতে জাহাজে পদার্পণ করিল। জাহাজ কলিকাতাভিমুখে অগ্রসর হইতে লাগিল :—যতদূর দৃষ্টি চলিল, বেলাভূমিতে দাঁড়াইয়া ইংরাজ নরনারী রুমাল উড়াইয়া উৎসাহবর্ধন করিতে ক্রটি করিলেন না।

একজন বাঙ্গালী-কবি শ্রুতিসুমধুর সংস্কৃত কবিতায় নব্যভারতের ইতিহাস সঙ্কলন করিয়া গিয়াছেন। তিনি কবিতা-রস-মাধুর্যের প্রাথমা রক্ষার জন্ত লিখিয়া গিয়াছেন যে,—“অনুকুলোহভবদ্বায়ুঃ প্রয়াণে ক্লাইবশ্চ হি।” * কিন্তু প্রভঞ্জন অনুকূল হইতে পারিলেন না; বায়ুবেগে জাহাজগুলি ইতস্ততঃ বিক্ষিপ্ত হইয়া পড়িতে লাগিল। আড্‌মিরাল পোকক ২৫০ গোরা লইয়া ‘কম্বল্যাণ্ড’ নামক সূরহৎ জাহাজে আরোহণ করিয়াছিলেন; এবং ‘মার্লবরা’ নামক আর একখানি কোম্পানীর জাহাজে অধিকাংশ গুলিগোলা পুঞ্জীকৃত হইয়াছিল;—এই দুইখানি বিশেষ প্রয়োজনীয় জাহাজ যে কোথায় উড়াইয়া লইয়া গেল, তাহার আর সন্ধান মিলিল না! অবশিষ্ট জাহাজগুলি অনেক ঝঞ্ঝাবাত সহ্য করিয়া অবশেষে বালেশ্বরের বন্দরের নিকট দিয়া ধীরে ধীরে কলিকাতাভিমুখে অগ্রসর হইতে লাগিল।



অষ্টাদশ পরিচ্ছেদ ।

সিরাজ না শওকতজঙ্গ,—কাহাকে চাও ?

ইংরাজদিগের যেরূপ অসাধারণ অধ্যবসায়, তাহাতে এদেশের লোকের ধারণা ছিল যে, ইংরাজদমন করা বোধ হয় মানুষের সাধ্য নহে । দাক্ষিণাত্যে বৃটীশ “বেয়নেটে” ফরাসী সেনা উপযু্যপরি পরাজিত হইতেছিল ; সে সংবাদে ইংরাজের প্রবল প্রতাপ ক্রমেই উদ্বেলিত হইয়া উঠিয়াছিল । এমন সময়ে নবাব সিরাজদ্দৌলা বাহুবলে সেই অজের মহাশক্তিকে মুহূর্ত্তে চূর্ণ বিচূর্ণ করিয়া মহাসমারোহে রাজধানী প্রত্যাগমন করায় দেশের মধ্যে হুলস্থূল পড়িয়া গেল ;—ঈহারা আত্মোদর পূর্ণ করিবার জন্ত দরিদ্রের মুখের গ্রাস অপহরণ করিতে কিছুমাত্র লজ্জাবোধ করিতেন না, সেই সকল পাতমিত্রদল বিষাদে অবসন্ন হইয়া পড়িলেন । রাষ্ট্রবিপ্লবের শেষ আশা শওকতজঙ্গ ;—কিন্তু অতঃপর তিনিও যে সিরাজদ্দৌলার সঙ্গে শক্তিপরীক্ষা

করিতে সম্মত হইবেন, তাহারই বা সম্ভাবনা কোথায়? সুতরাং সিরাজদ্দৌলা কথঞ্চিৎ নিশ্চিত্তহৃদয়ে রাজকার্য্যে হস্তক্ষেপ করিবার আয়োজন করিতে লাগিলেন ।

সিরাজদ্দৌলার কপালে নিরুদ্বেগ হইবার অবসর ঘটিল না । এক মাস কালও নির্বিবাদে কাটিল না । পূর্ণিয়াধিপতি শওকতজঙ্গ সৈন্তে মুরশিদাবাদ আক্রমণ করিতে আসিতেছেন ;—এইরূপ জনরব আবার দেশরাষ্ট্র হইয়া পড়িতে লাগিল ! গুপ্তচরসহায়ে সিরাজদ্দৌলা শীঘ্রই সংবাদ পাইলেন যে, এই জনরব অলীক নহে । দিল্লীর বাদশাহ দীর্ঘকাল রাজকর না পাইয়া অবশেষে মন্ত্রীদলের মন্ত্রণাক্রমে শাহজাদা-কেই বাঙ্গালা, বিহার, উড়িষ্যার সুবাদার নিযুক্ত করিয়াছেন ;—তদনুসারে শাহজাদা সৈন্তে পূর্ণিয়ার দিকে অগ্রসর হইতেছেন । শাহজাদা ও শওকতজঙ্গ যুগপৎ রাজধানী আক্রমণ করিয়া সিরাজদ্দৌলাকে সিংহাসনচ্যুত করিতে পারিলে শাহজাদার নামে শওকতজঙ্গ রাজ্যশাসন করিবেন । সিরাজ নীরবে এই রণসমাচার লুকাইয়া রাখিতে পারিলেন না ;—তিনিও সিংহাসন রক্ষার জন্ত সেনাসংগ্রহে মনোনিবেশ করিলেন ।

সিরাজদ্দৌলা জানিতেন যে, তাহার মন্ত্রীদলের চক্রান্তবলেই এই অভিনব অভিযানের সূত্রপাত হইয়াছে । যাহারা সিরাজদ্দৌলাকে হত্যা করিয়া শওকতজঙ্গকে সেই সিংহাসনে বসাইয়া দিবার জন্ত লালায়িত, তাঁহারা যে কিরূপ স্বদেশহিতৈষী পরিণামদর্শী বীরপুরুষ, সিরাজদ্দৌলা তাহা বিলক্ষণ জানিতে পারিয়াছিলেন । সুতরাং তিনি আর কাহারও কথায় বিশ্বাস স্থাপন করিতে পারিলেন না । শওকতজঙ্গ কুক্রিয়াসক্ত তরুণযুবক, তাহার মন্ত্রিদল স্বার্থলুকে চাটুকায় মাত্র,—

তাঁহাকে পরাজয় করা কঠিন কার্য্য নহে। কিন্তু শাহজাদা যদি শওকত-জঙ্গের সঙ্গে মিলিত হন, তবে সে সম্মিলিত শক্তি পরাজয় করা বড়ই অসাধ্য হইয়া উঠিবে। যদিও দিল্লীর প্রবলপ্রতাপ চূর্ণ বিচূর্ণ হইয়া গিয়াছিল, তথাপি বাদশাহের নামের ঐক্জালিক মহাশক্তি সর্ব্বথা বিলুপ্ত হইয়াছিল না। সিরাজদ্দৌলা জানিতেন যে, সেই বাদশাহের নামের দোহাই দিয়া বাদশাহজাদা সন্মুখসমরে দণ্ডায়মান হইলে এ দেশের গণ্যমান্ত সকল লোকেই মুহূর্ত্তমধ্যে বাদশাহের পক্ষে চলিয়া পড়িবে। সিরাজকে হয়ত বিনাযুদ্ধে তাঁহার আত্মপক্ষীয় পাত্রমিত্রেরাই বাদশাহের নিকট বাঁধিয়া পাঠাইয়া দিবে। সুতরাং তিনি আর কালক্ষয় না করিয়া শাহজাদার শুভাগমনের পূর্বেই পূর্ণিয়ার বিদ্রোহ-দলনে কৃতসংকল্প হইলেন।

শওকতজঙ্গ রাজবিদ্রোহী। তথাপি শওকতজঙ্গ পরমাখ্যায়। আলিবর্দীর বংশধর বলিয়া তিনিও লোকসমাজে সর্বিশেষ সুপরিচিত। সুতরাং সহসা তাহার বিরুদ্ধে যুদ্ধঘোষণা করিলে পাত্রমিত্রগণ নানারূপ চক্রান্ত করিয়া সিরাজদ্দৌলার মনোরথ পূর্ণ করিবার অবসর প্রদান করিবেন না। সিরাজ সেইজন্ত এক কৌশলজাল বিস্তার করিলেন।

পূর্ণিয়া প্রদেশে বীরনগরে একজন ফৌজদার থাকিত। সেই পদ শূন্য রহিয়াছে দেখিয়া সিরাজদ্দৌলা রাসবিহারী নামক এক জন অনুগত ব্যক্তিকে ফৌজদার নিযুক্ত করিয়া শওকতজঙ্গের নিকট পত্র লিখিয়া পাঠাইলেন।* সিরাজ বাহা চাহেন, তাহাই হইল শওকত-

* Stewart's History of Bengal.

জঙ্গ পত্রপাঠ লিখিয়া পাঠাইলেন যে,—“আমি বাদশাহী সনন্দ পাইয়া বাঙ্গালা, বিহার, উড়িষ্যার নবাব হইয়াছি । তুমি আমার নিতান্ত পরমাত্মীয় ! তোমার প্রাণবধ করিতে ইচ্ছা নাই । যদি প্রাণ লইয়া পূর্ববঙ্গের কোন নির্জন পল্লীতে পলায়ন করিতে চাও, আমি তাহাতে বাধা দিতে চাহি না । বরং তুমি অন্তবস্ত্রে কষ্ট না পাও, তাহারও ব্যবস্থা করিতে সম্মত আছি । আর বিলম্ব করিও না ;—পত্রপাঠ রাজধানী ছাড়িয়া পলায়ন কর । কিন্তু সাবধান ! রাজকোবের কপর্দকেও হস্তক্ষেপ করিও না । যত শীঘ্র পার প্রত্যুত্তর পাঠাইও । সময় নাই । অশ্ব সুসজ্জিত । আমিও রেকাবদলে পা তুলিয়া দিয়াছি । কেবল তোমার প্রত্যুত্তর পাইতে যাহা কিছু বিলম্ব ।” *

সিরাজদৌলা যথাকালে এই উক্ততলিপি নবাব-দরবারের পাত্র-মিত্রদিগের কর্ণগোচর করিলেন । তাঁহার আশা ছিল যে, অতঃপর কেহ আর যুদ্ধযাত্রাকালে বাধা প্রদান করিবে না, এবং রাজবিদ্রোহী শওকতজঙ্গের পক্ষ সমর্থনার্থ বাদানুবাদ করিতে সাহস পাইবে না । কিন্তু কথা উঠিতে না উঠিতেই প্রতিবাদ আরম্ভ হইল । মস্ত্রিদল বুঝিলেন যে, শাহজাদা শুভাগমন করিতে এখনও অনেক বিলম্ব ; তিনি সশরীরে শুভাগমন না করিলে প্রকাশ্যে শওকতজঙ্গের পক্ষ-বলগ্নন করা বিড়ম্বনামাত্র ;—ইহার মধ্যেই যদি সিরাজদৌলা যুদ্ধযাত্রা করেন, তবে শওকতজঙ্গের সকল চক্রান্তই চূর্ণ হইয়া যাইবে । সুতরাং তাঁহারা সকলেই প্রতিবাদের প্রতিধ্বনিতে সিরাজদৌলাকে

উত্থাপ্ত করিয়া তুলিলেন । জগৎশেঠ মুখপাত্র হইয়া বুঝাইতে লাগিলেন,—“দিল্লীখরই বাঙ্গালা, বিহার, উড়িষ্যার স্বামী ; সুবাদার তাঁহার সনন্দবলে শাসনভার পরিচালন করেন । সিরাজদ্দৌলার সনন্দ নাই ; শওকতজঙ্গ সনন্দ পাইয়াছেন । এরূপ ক্ষেত্রে কে রাজা কে প্রজা তাহার মীমাংসা হইতে পারে না ।” সিরাজ বুঝিলেন যে চক্রান্ত বড়ই কুটিল পন্থা অবলম্বন করিয়াছে । তিনি ক্রোধান্বিত হইয়া জগৎশেঠকে কারারুদ্ধ করিবার আদেশ দিয়া সভাভঙ্গ করিয়া দিলেন ; কেহ কেহ এরূপও রটনা করিতে লাগিলেন যে, নবাব ক্রোধ-কম্পিতকলেবরে জগৎশেঠের গণ্ডদেশে চপেটাঘাত করেন, তাহাতেই সভাভঙ্গ হইয়া গেল । * বলা বাহুল্য, সিরাজদ্দৌলার আর কিছুমাত্র ইতস্ততঃ রহিল না ;—তিনি বাহুবলে পূর্ণিয়া আক্রমণের জন্ত সসৈন্তে ধাবিত হইলেন ।

শাহজাদা শুভাগমন করিবার পূর্বে পূর্ণিয়া আক্রমণ করিতে হইলে পূর্ব পশ্চিম ও দক্ষিণ দিক হইতে একসঙ্গে আক্রমণ করা আবশ্যিক ;—উত্তরে হিমালয়, সে পথে আক্রমণ করাও অসম্ভব, পলায়ন করাও অসম্ভব । সিরাজদ্দৌলা তিনদিক হইতে তিনদল সেনাসহায়ে পূর্ণিয়া আক্রমণ করাই স্থির করিলেন, কিন্তু বিশ্বস্ত রণকুশল তিনজন সেনাপতি কোথায় ? জগৎশেঠকে কারারুদ্ধ করিবার আদেশ প্রদান করায় মীরজাফর সর্বসমক্ষে অসিম্পর্শ করিয়া প্রতিজ্ঞা করিলেন, তিনি আর সিরাজদ্দৌলার জন্ত অস্ত্রধারণ করিবেন না । বিদ্রোহের স্পষ্ট সূচনায় সিরাজদ্দৌলা কিংকর্তব্যবিমূঢ় হইয়া পড়িলেন । জগৎশেঠকে কারামুক্ত

* ওয়ারেন হেস্টিংস এই কথা রটনা করিয়া গিয়াছেন ;—ইহার সত্য মিথ্যা নির্ণয় করিবার উপায় নাই ।

করিতে হইল, মীরজাফরকে চিনিতে পারিয়াও তাঁহাকে সঙ্গে রাখিতে হইল, এবং রাজা মানিকচাঁদকে কলিকাতা পদে রাখিয়া অন্তান্ত দলবল লইয়া পূর্ণিয়া যাত্রা করিতে হইল । একদল স্বয়ং নবাবের সঙ্গে রাজমহলের পথে ধাবিত হইল, এই দলে মীরজাফরকে সেনাপতি করিয়া সিরাজদৌলা তাঁহাকে চক্ষে চক্ষে রাখিলেন । একদল রাজা রামনারায়ণের আজ্ঞায় পাটনা হইতে পশ্চিমপ্রান্ত আক্রমণ করিয়া শাহজাদার গতিরোধের আদেশ প্রাপ্ত হইল, আর একদল মহারাজ মোহনলালের আজ্ঞায় জলঙ্গী বহিয়া, পদ্মা উত্তীর্ণ হইয়া, সরদহ হইতে রাণী ভবানীর রাজ্যের ভিতর দিয়া স্থলপথে পূর্ণিয়া আক্রমণের ভার প্রাপ্ত হইল ।*

শওকতজঙ্গ ইন্দ্ৰিয়াসক্ত গর্বোন্মত্ত অকস্মাৎ তরুণ যুবক । তিনি কাহারও পরামর্শে কণপাত না করিয়া নিজেই সেনাদলের অধিনায়ক হইয়া নবাবগঞ্জ নামক স্থানে শিবির-সন্নিবেশ করিলেন । জীবনে একদিনের জন্তেও যুদ্ধক্ষেত্রে পদার্পণ করেন নাই, ধূমপুঞ্জ আকাশ অন্ধকার করিয়া কামানমুখে মুহুমূহঃ গোলাবর্ষণ হইলে, কোথায় কেমন করিয়া সেনাসমাবেশ করিতে হয়, তাহার কিছুমাত্র অভিজ্ঞতা নাই, অথচ প্রবীণ সেনানায়কগণ কোন বিষয়ে পরামর্শ দিবার চেষ্টা করিলে শওকতজঙ্গ স্পষ্টই বলিয়া উঠেন যে,—তিনি এই বয়সে এমন একশত যুদ্ধে সেনাচালনা করিয়াছেন । শওকতজঙ্গ প্রভু,—সেনানায়কগণ পদানত ভৃত্য । তাঁহারা আর কি করিবেন ? সসম্মানে ‘কুণিশ’ করিয়া পটমণ্ডপে প্রস্থান করিতে লাগিলেন ।

* Stewart's History of Bengal.

তথাপি শওকতজঙ্গের প্রবীণ সেনাপতিগণ তাঁহার পক্ষে অনুকূল স্থানেই যুদ্ধভূমি নির্দেশ করিয়া দিয়াছিলেন । অল্প সেনা লইয়া সিরাজদ্দৌলার সেনাতরঙ্গের সম্মুখীন হইবার পক্ষে সেরূপ যুদ্ধভূমি সহজে প্রাপ্ত হওয়া যায় না । সম্মুখে বহুক্রোশবিস্তৃত জলাভূমি, তাহার উপর দিয়া শত্রুদলের গোলন্দাজ বা অঘারোহীদিগের অগ্রসর হইবার সম্ভাবনা নাই ;—সেই জলাভূমি উত্তীর্ণ হইয়া শওকতজঙ্গকে আক্রমণ করিবার উপযোগী একটিমাত্র সঙ্কীর্ণ পথ, তাহার মুখে অল্প কয়েকশত সেনা সমাবেশ করিলেই শত্রুসেনা বাহভেদ করিতে পারিবে না । এমন অনুকূল স্থানে শিবির-সন্নিবেশ করিয়াও শওকতজঙ্গ বুদ্ধির দোষে বাহ রচনা করিতে পারিলেন না । তিনি এই বয়সে এমন একশত যুদ্ধে সেনা-সমাবেশ করিয়াছেন,—স্মরণ্য তাঁহার কথার প্রতিবাদ করিবে কে ? তিনি দুই দুই ক্রোশ ব্যবধানে এক এক সেনাপতির পটমণ্ডপ নির্দেশ করিয়া দিলেন ।

শওকতজঙ্গ যখন মহাসমারোহে যুদ্ধক্ষেত্রে পদার্পণ করিলেন, তখন মোহনলালের সেনাদলের সঙ্গে মীরজাফরের সেনাদল মিলিত হইয়া মার মার শব্দে সম্মুখের দিকে অগ্রসর হইতেছে । কিন্তু কেহই তাহাদের গতিরোধ করিবার চেষ্টা করিতেছে না । তাহারা ক্রমে জলাভূমির সম্মুখে আসিয়া উপস্থিত হইল । সেখানে দাঁড়াইয়া মোহনলালের সেনাদল গোলাবর্ষণ আরম্ভ করিল ; কিন্তু তাহাদের অধিকাংশ গোলাই অধিপথে পঙ্কসলিলে নিমজ্জিত হইতে লাগিল । যে দুই একটি গোলা কচিং শওকতজঙ্গের সেনানিবাসে পতিত হইতে লাগিল, তাহাতেই তাঁহার সেনাদল ছত্রভঙ্গ হইয়া পড়িল । কি করিবেন কিছুই স্থির করিতে না পারিয়া শওকতজঙ্গ বাহাদুর হতবুদ্ধি

হইয়া দাঁড়াইয়া রহিলেন ! সেনাদল ক্রমেই বিপন্ন হইয়া পড়িতেছে, অবসর পাইয়া মোহনলাল ক্রমে সেই সঙ্কীর্ণ পথের দিকে অগ্রসর হইতেছেন,—এমন সময়ে একজন প্রবীণ আফগান সেনাপতি শওকতজঙ্গের সম্মুখে আসিয়া করযোড়ে নিবেদন করিলেন ;—“জাঁহাপনা ! এ কিরূপ সমরকৌশল ? আমরা দাক্ষিণাত্যে নিজাম-উল-মোলকের অধীনে অনেক যুদ্ধ যুঝিয়াছি ; কিন্তু এমন যুদ্ধ ত কখনও দেখি নাই । যাহার যাহা ইচ্ছা সে তাহাই করিতেছে ; যে যেদিকে পারিতেছে সেইপথেই পলায়ন করিতেছে ! এমন করিয়া কতক্ষণ শত্রুসেনার গতিরোধ করিবেন ? গোলন্দাজদিগকে সম্মুখে সাজাইয়া দিয়া তাহার পশ্চাতে অশ্বারোহী রাখিয়া যথাশাস্ত্র যুদ্ধবাপারে অগ্রসর হউন ।” শওকতজঙ্গের তরুণহৃদয়ে এই উপদেশবাক্য তীব্র তীরের মত বিঁধিয়া পড়িল তিনি ক্ষুরিতাধরে গর্জন করিয়া উঠিলেন ;—“বাও ! বাও ! আমাকে আর যুদ্ধ শিখাইতে আসিও না । নিজাম-উল-মোলক গাধা ! তাই সে তোমাদের কথা শুনিয়া সেনাচালনা করিত । আমি এই বয়সে এমন তিনশত যুদ্ধ যুঝিলাম, আজ কিনা তুমি আমাকে যুদ্ধকৌশল শিক্ষা দিতে অগ্রসর হইয়াছ !” আফগান সেনাপতি সসম্মুখে সরিয়া পড়িলেন ।

শ্রামসুন্দর নামক একজন হিন্দু সেনাপতি নিকটে দাঁড়াইয়া ছিলেন । তিনি আর শওকতজঙ্গের আদেশের অপেক্ষা করিলেন না । যে সকল পদাতিসেনা সম্মুখে দাঁড়াইয়া তাঁহার কামান চালনার প্রতিবন্ধক হইতেছিল, তাহাদিগকে পশ্চাতে ফেলিয়া শ্রামসুন্দর কামান লইয়া সম্মুখে অগ্রসর হইলেন । শ্রামসুন্দর একজন প্রভুভক্ত মসিজীবী হিন্দু ;—

যুদ্ধব্যবসায় সম্পূর্ণ অশিক্ষিত । * শত্রুসেনার আগমনসংবাদে তিনি লেখনী ত্যাগ করিয়া গোলন্দাজদলের সেনাপতি হইয়াছিলেন । অশিক্ষিত শ্যামসুন্দর এরূপ বীরপ্রতাপে অনলবর্ষণ করিতে লাগিলেন যে, রণপণ্ডিত মোহনলাল স্তম্ভিত হইয়া অর্দ্ধপথে অশ্বরশ্মি স্তম্ভিত করিতে বাধ্য হইলেন । শ্যামসুন্দরের কামান ভীম কলরবে ঘন ঘন অনলবর্ষণ করিয়া মোহনলালের সেনাপ্রবাহ আলোড়িত করিয়া তুলিল ।

শ্যামসুন্দরের বীরপ্রতাপে শওকতজঙ্গ এতই উত্তেজিত হইলেন যে, তিনি আর অগ্র পশ্চাৎ বিচার না করিয়া অশ্বসেনাকেও অগ্রসর হইবার আদেশ প্রচার করিলেন । বিচক্ষণ অশ্ব-সেনানায়কগণ নবাবের ভ্রম-প্রদর্শন করিয়া বুঝাইতে লাগিলেন যে, অশ্বসেনা অগ্রসর হইলে একজনও প্রত্যাগমন করিবে না ; উভয় পক্ষের গোলাবর্ষণে মধ্যপথেই পঞ্চতলাভ করিবে । শওকতজঙ্গ তাহা বুঝিতে পারিলেন না । তিনি ক্রোধাক্ত হইয়া বলিয়া উঠিলেন ; “হিন্দু শ্যামসুন্দর কেমন বীরপ্রতাপে অগ্রসর হইতেছে,—সে মরিল না,—আর তোমরা মুসলমান বীরপুরুষ ! তোমরাই মৃত্যুভয়ে জড়সড় হইয়াছ ? বুঝিলাম তোমরা সকলেই কাপুরুষ ।” সেনাপতিগণ সে ধিক্কার সহ করিতে পারিলেন না ; পলকমধ্যে দলে দলে অশ্বারোহণ করিয়া সমর-তরঙ্গের মধ্যে সগর্বে অশ্বচালনা করিয়া দিলেন ! শওকতজঙ্গ ভাবিলেন যে, আর যুদ্ধক্ষেত্রে

* বাঙ্গালী কায়স্থ শ্যামসুন্দর শওকতজঙ্গের পিতার আমল হইতে গোলন্দাজ সৈন্তের বেতনাধ্যক্ষ ছিলেন । বন্দ্যোপাধ্যায় মহাশয় বলেন—ইনি “কেবল মসিজীবী ছিলেন না । সেকালের বাঙ্গালী ভদ্রসন্তানের নিকট অসি-মসীর সাপত্তা সম্বন্ধ পরিজ্ঞাত ছিল না ।” কিন্তু এই যুদ্ধের পূর্বে শ্যামসুন্দরের সেনা চালনা বা সমর শিক্ষার কোন প্রমাণ দেখি নাই ।

দাঁড়াইয়া থাকা নিশ্চয়োজন,—যেৰূপ বীরপ্রতাপে অশ্বসেনা অগ্রসর হইল, তাহারা অপর পারে উত্তীর্ণ হইতেই যাহা কিছু বিলম্ব ;—নচেৎ যুদ্ধজয়ে আর সন্দেহ কি ? তিনি তখন বিজয়োৎফুল্ল-হৃদয়ে পটমণ্ডপে প্রত্যাবর্তন করিয়া পানপাত্র উঠাইয়া লইলেন । সারঙ্গী সারঙ্গ ধরিয়া ঝঙ্কার দিয়া উঠিল ; তাহার সহচরীগণ সেই সুরে সুর মিলাইয়া কটাক্ষে কুটিল সন্ধান পূরণ করিতে বিলম্ব করিল না ;—শওকতজঙ্গ ভাঙ্গ ও সঙ্গীতমোহে অচেতন হইয়া পড়িলেন ।*

এদিকে অশ্বসেনা জলাভূমি উত্তীর্ণ হইবার চেষ্টা করিবামাত্র পক্ষ-সলিলে চলচ্ছক্তিহীন হইয়া দাঁড়াইয়া দাঁড়াইয়া মৃত্যুক্রোড় আশ্রয় করিতে লাগিল । যুদ্ধ হইল না, কেবল অনবরত নরহত্যায় যুদ্ধভূমি রুধির-রঞ্জিত হইতে লাগিল । এরূপ নিরাশ্রয় অবস্থায় কে কতক্ষণ মৃত্যু-কামনায় অটলভাবে দাঁড়াইয়া থাকিতে পারে ? সেনাদল একে একে পশ্চাৎপদ হইতে লাগিল । সেনাপতিগণ ভাবিলেন যে, এই সময়ে শওকতজঙ্গ সম্মুখে দাঁড়াইয়া থাকিলে হয়ত সেনাদলের উৎসাহ বৃদ্ধি হইতে পারে । তাঁহারা তাড়াতাড়ি নবাবের পটমণ্ডপে প্রবেশ করিলেন । নবাব তখন সংজ্ঞাশূন্য ;—উষ্ণীষ খসিয়া পড়িতেছে, অসি কক্ষ-চ্যুত হইয়াছে, হস্তপদ শ্লগ হইয়া পড়িয়াছে, পটমণ্ডপ প্রতিধ্বনিত করিয়া নূপুর কঙ্কণ রুণুৰুণু বাজিয়া উঠিতেছে । তথাপি সেনাপতিগণ প্রত্যাবর্তন করিলেন না ;—তাঁহারা ধরাধরি করিয়া শওকতজঙ্গকে হস্তিপৃষ্ঠে উঠাইলেন এবং সেইরূপভাবেই তাঁহাকে রণভূমে আনয়ন

* It being then about three O'clock in the day, Shokot Jung, having taken his inebriating draught, retired to his tent, to amuse himself with the songs of his women—Stewart.

করিলেন ।* তাঁহাকে দেখিয়া সেনাদলের সাহস হইবে কি, তাঁহার দৃষ্টান্তে সকলেই অবসর হইয়া পড়িল । শত্রুশিবির হইতে মুহুমুহঃ লৌহপিণ্ড ছুটিয়া আসিতেছে, সাহসী সূচতুর প্রভুভক্ত ফৌজদারী ফৌজ মুহূর্ত্তে মুহূর্ত্তে প্রচণ্ড পীড়নে ধরাশায়ী হইতেছে । সেনাপতিগণ অনন্তোপায় হইয়া নবাবকে চেতন করিবার জন্য নানারূপ চেষ্টা করিতেছেন ; —কিন্তু হয় ! শওকতজঙ্গ তখন একেবারে সংজ্ঞাহীন ; কেবল চক্ষুদ্বয় মুদ্রিত করিয়া মধ্য মধ্য “বহুত আচ্ছা বিবিজান” বলিয়া সংগীতের তালরক্ষা করিতেছেন ।


হায় ! সিরাজদৌলা ! এই শওকতজঙ্গকে সিংহাসনে বসাইয়া তোমাকে রসাতলে দিবার জন্য যাহারা বন্ধপরিষ্কর হইয়াছিল, তাহারা ই আজ ইতিহাসের নিকট সম্মানাস্পদ ;—আর তুমি তাহাদের রাজা আশ্রয়দাতা, প্রতিপালক হইয়াও, শতকলঙ্কে কলঙ্কিত !

শওকতজঙ্গকে বহুক্ষণ বিড়ম্বনা ভোগ করিতে হইল না । অব্যর্থ-সন্ধান-নিপুণ সিরাজ-সৈনিকের গুলি আসিয়া তীরবেগে তাঁহার ললাট ভেদ করিল ; শওকতজঙ্গের সকল যন্ত্রণার অবসান হইয়া গেল !

পূর্ণিয়া শান্তিমূর্ত্তি ধারণ করিল । মহারাজ মোহনলাল তাহার শাসনভার গ্রহণ করিয়া যথাযোগ্য ব্যক্তিগণকে রাজপদ মন্ত্রিপদ বিতরণ করিবার জন্য অপেক্ষা করিতে লাগিলেন ।† সিরাজ রাজকোষ হস্তগত করিয়া শওকত-জননীকে সমস্ত্রমে মুর্শিদাবাদে আনয়ন করিলেন ; সেখানে সিরাজ-জননীর সহিত শওকত-জননী অন্তঃপুরে স্থানলাভ করিলেন ।

* At this time he was so much intoxicated that he could not sit erect. — Stewart.

† He then regulated the country, and having placed his own son in charge of Purneah, he went to join his master. — Stewart.



উনবিংশ পরিচ্ছেদ ।

কলিকাতার পুনরুদ্ধার ।

পূর্ণিমার বিদ্রোহদলনের জন্তু সিরাজদৌলা কিছুদিন পর্য্যন্ত ইংরাজ-দিগের কোন সন্ধান লইবার অবসর পান নাই । ইংরাজেরা ইতিমধ্যে অনেকের শুভদৃষ্টি আকর্ষণ করিয়া কলিকাতায় পুনরাগমনের পথ সহজ করিয়া তুলিয়াছিলেন । পাত্রমিত্রগণ যখন সিরাজদৌলাকে অনুন্নয় বিনয় করিয়া সেই কথা নিবেদন করিতে লাগিলেন, তখন তিনি সহজেই সম্মত হইলেন ; সকলেই শুনিল যে, ইংরাজেরা শীঘ্রই কলিকাতায় পুনরাগমনের অনুমতিপত্র প্রাপ্ত হইবেন ।

সিরাজদৌলার বাহুবল ছিল, বুদ্ধিকৌশল ছিল, প্রতিজ্ঞা পালনের জন্তু অদম্য হৃদয়বেগ ছিল । বালক সিরাজদৌলা যখন যে আব্দার ধরিয়া বসিতেন, কেহ তাহা ছাড়াইতে পারিত না, যুবক সিরাজদৌলাও যখন যাহা করিতে চাহিতেন, কেহ তাহাতে বাধা প্রদান করিতে পারিত

না । পাত্রমিত্রগণের কুটিল ব্যবহারে তাঁহার স্বাভাবিক স্বাধীন হৃদয় ক্রমে ক্রমে অধিকতর স্বাধীন হইয়া উঠিয়াছিল ; নিজে যাহা বুঝিতেন, কেহ তাহার প্রতিবাদ করিলেই সন্দেহ হইত যে, তাহার মধ্যে হয় ত কোন গুপ্তকল্পনা লুক্কায়িত আছে । লোকের ব্যবহারে তাঁহার হৃদয়ে এই রূপে অনেক সন্দেহের বীজ নিক্ষিপ্ত হইলেও, স্বভাবসুলভ সরল বিশ্বাস বড়ই প্রবল ছিল । ধর্ম্মের নামে, ঈশ্বরের নামে, অথবা কোরাণ-শপথ করিয়া পরম শত্রুও যাহা বলিত, তিনি অবলীলাক্রমে তাহাতে আস্থা স্থাপন করিতেন । এরূপ সরল বিশ্বাস না থাকিলে সূচতুর সিরাজদৌলাকে কেহ সহজে প্রতারিত করিতে সক্ষম হইত না । কিন্তু সিরাজ-চরিত্রের যাহা সদুগুণ তাহাই তাঁহার শত্রুদলের হাতে পড়িয়া তাঁহার সর্ব্বনাশের পথ সহজ করিয়া দিল । সকলেই বুঝাইলেন যে, ইংরাজবণিকের যথেষ্ট শিক্ষা হইয়াছে, তাঁহারা আর অতঃপর উদ্ধত স্বভাবের পরিচয় দান করিবেন না, অতএব তাঁহাদিগকে কলিকাতায় পুনরাগমন করিবার অনুমতি প্রদত্ত হউক । সিরাজদৌলাও বলিলেন—তথাস্তু ! শওকতজঙ্গের পরাজয়ের পর স্বার্থরক্ষার জন্তই যে দশজনে মিলিয়া ইংরাজকে আবার এদেশে আনিবার জন্য ব্যাকুল হইয়া উঠিয়াছিলেন,—সময় থাকিতে সিরাজদৌলা তাহার গুঢ় মর্ম্ম গ্রহণ করিবার অবসর পাইলেন না ।

এ দিকে রাজবল্লভ, জগৎশেঠ, মীরজাফর, মাণিকচাঁদ,—সকলেই সিরাজদৌলার বাহুবলের ও শাসনকৌশলের পরিচয় পাইয়া ভীত হইয়া উঠিলেন । তাঁহাদিগের উভয়সঙ্কট উপস্থিত হইল । কার্য্যানুরোধে তাঁহারা সকলেই সিরাজদৌলাকে চিনিয়াছিলেন ; সিরাজও তাঁহাদের সকলকেই চিনিবার অবসর পাইয়াছিলেন । তাঁহার উপর বিশ্বাস স্থাপন

করিয়া নিরুদ্বেগে নিদ্রা যাওয়া অথবা তাঁহাকে পদচ্যুত করিবার জন্ত প্রকাশ্যভাবে বিদ্রোহঘোষণা করা,—মন্ত্রীদলের পক্ষে উভয় পক্ষই তুল্যরূপ সম্ভটপূর্ণ হইয়া উঠিল। সুতরাং ইংরাজদিগের আগমন-সংবাদে তাঁহারা সকলেই কথঞ্চিৎ আশ্বস্ত হইয়া যাহাতে ইংরাজের সঙ্গে ঘনিষ্ঠতা ঘনীভূত হয়, তাহার জন্ত আয়োজন করিতে লাগিলেন। জগৎশেঠের সঙ্গে ইংরাজদিগের কথাবার্তা, চিঠিপত্র, সকলই চলিতে লাগিল; নবেম্বর মাসের শেষে মেজর কিল্প্যাট্রিক তাঁহাকে লিখিয়া পাঠাইলেন যে, “জগৎশেঠই ইংরাজের একমাত্র ভরসাস্থল; সুতরাং ইংরাজেরা যে তাঁহার উপরেই সম্পূর্ণরূপে নির্ভর করিতেছেন, এ বিষয়ে যেন শেঠজীর মনে কিছুমাত্র সন্দেহ না থাকে।” * শেঠজীর আর সন্দেহ রহিল না;— তিনি কায়মনোবাক্যে ইংরাজদিগের কল্যাণকামনায় নিযুক্ত হইলেন।

এদেশে একটি পুরাতন প্রবাদ আছে যে,—

“স্বকাৰ্য্য সাধিতে থল তোষামোদ করে,

তাহে মুগ্ধ হয় যত বোধহীন নরে।”

শেঠজী সে পুরাতন প্রবাদের মৰ্যাদা রক্ষা করিতে পারিলেন না। যে ইংরাজেরা একবৎসর পূর্বেও কলিকাতায় টাকশাল স্থাপন করিয়া জগৎশেঠের আয়ের পথ সঙ্কীর্ণ করিবার প্রত্যাশায় গোপনে গোপনে বাদশাহের দরবারে অর্থবৃষ্টি করিতেছিলেন, + তাঁহারাই যখন কাৰ্য্যানু-রোধে শেঠজীকে আকাশ হইতেও উচ্চস্থানে উঠাইতে লাগিলেন, তখন শেঠজী একেবারে বিগলিত হইয়া পড়িলেন! ভবিষ্যতের যবনিকা যে কি ভীষণ দৃশ্যপট আবরণ করিয়া রাখিয়াছে, তাহা দেখিতে না পাইয়া,

* Consultations at Fulta, 23 November 1756.

+ Despatch to Court, 12 February.

গতানুশোচনা পরিত্যাগ করিয়া হতভাগ্য উমিচাঁদও কায়মনোবাক্যে ইংরাজের কল্যাণসাধনে নিযুক্ত হইলেন । দিন যাইতে লাগিল ;— কিন্তু দিন দিনই ইংরাজের আশালতা বর্দ্ধিত হইয়া উঠিতে লাগিল ।

চতুরচুড়ামণি মাণিকচাঁদ অতীব সাবধানে পদবিক্ষেপ করিতে লাগিলেন । তাঁহার ভরসা ছিল যে, পূর্ণিয়ার যুদ্ধেই সিরাজের সর্বনাশ হইবে ;—যখন তাহা হইল না, তখন তিনি গোপনে গোপনে ইংরাজের সহায়তা করিয়া, প্রকাণ্ডে কলিকাতা রক্ষার জন্য বাহাডুঘর দেখাইতে ক্রটি করিলেন না ।*

পাদরী বেণ্টু একজন চুঁচুড়ার পাদরী সাহেব । তিনি ইংরাজদিগের অনুরোধে কয়েক সপ্তাহ কলিকাতায় বাস করিবার উপলক্ষে তথাকার গুপ্ত সংবাদ সংগ্রহ করিয়া পাঠাইলেন । তাঁহার পত্রে পলতার ইংরাজেরা জানিতে পারিলেন যে, “মাণিকচাঁদ নদীর দিকে অনেকগুলি তোপ সাজাইয়া আসর জমকাইয়া রাখিয়াছেন, কিন্তু তাঁহার সকলই বাহাডুঘর ! দুর্গে দেড় হাজারের অধিক সিপাহী নাই । কামানগুলি অকর্মণ্য অবস্থায় পড়িয়া রহিয়াছে । টানার দুর্গে কেবল ২০০ সিপাহী আছে ; হুগলীতে দুর্গমধ্যে ৫০ জন এবং বাহিরে ৫০০ জনের অধিক পল্টন দেখিতে পাওয়া যাইতেছে না ।” †

উমিচাঁদ লিখিয়া পাঠাইলেন যে, “লোকে নবাবের ভয়ে কিছু বলিতে সাহস পাইতেছে না ; কিন্তু ইংরাজদিগের পুনরাগমনের জন্য

* And yet Omichand and Manikchand were at this time in friendly correspondence with the English, they (negotiated at this time between the Nawab and the English) understanding how to run with the hare and keep with the hound.—Revd. Long.

† Long's Selections from the Records of the Government of India, vol. I.

খোজা বাজিদ প্রভৃতি প্রধান প্রধান সওদাগরগণ একান্ত উৎসুক ।”* হলওয়েল সাহেব সংবাদ পাইলেন যে, “কলিকাতার দুর্গ একরূপ অরক্ষিত । তাহার চারিটি বুরুজই অকর্মণ্য । কলিকাতার লোকে নিরুদ্বেগে নিদ্রা বাইতেছে । তাহাদের বিশ্বাস যে, নবাব-দরবার হইতে ইংরাজাগমনের অনুমতি হইবার সম্ভাবনা দেখিয়া কেহ আর কলিকাতা রক্ষায় মনোযোগ দিতেছে না ।”† এই সকল সংবাদে ফলতার ইংরাজদল আশায় আনন্দে মাদ্রাজের সেনাদলের অপেক্ষা করিতে লাগিলেন ।

ক্লাইব এবং ওয়াটসন্ পুরাতন বন্ধু । কিছুদিন পূর্বে এই উভয় বন্ধু মিলিত হইয়া মালাবার উপকূলের এক লাভজনক যুদ্ধব্যাপারে লিপ্ত হইয়াছিলেন । সেখানে সুবর্ণদুর্গের বন্দরে মহারাষ্ট্রীয়দিগের যুদ্ধজাহাজের আড্ডা ছিল ; অংগ্রীয়া নামক একজন মহারাষ্ট্র-বীর তাহার নৌ-সেনাপতি-পদে নিযুক্ত ছিলেন । তিনি কালক্রমে মহারাষ্ট্রশক্তিকে অসুষ্ঠ প্রদর্শন করিয়া সমুদ্রবক্ষে যাহার তাহার অণবপোত লুণ্ঠন করিয়া অর্থসঞ্চয় করিতেন । তাঁহার অত্যাচারে কি মহারাষ্ট্রীয়সেনা কি ইউরোপীয় বণিক, সকলেই সমানভাবে উত্যক্ত হইয়া উঠিয়াছিলেন । ক্লাইব এবং ওয়াটসন্ বহুসংখ্যক সেনা লইয়া নিরুদ্বেগে সমুদ্রকূলে বসিয়া রহিয়াছেন ; সেই সুযোগ পাইয়া মহারাষ্ট্রীয়গণ অর্থবলে তাঁহাদের সহায়তা ক্রয় করিলেন ; এবং সেই সমবেতশক্তি সুবর্ণদুর্গ চূর্ণ করিয়া ফেলিল । হিন্দুদিগের নৌ-সেনাবল প্রবল হইয়া উঠিতেছিল, এই উপলক্ষে তাহা চিরদিনের মত বিলুপ্ত হইয়া গেল । ক্লাইব এবং ওয়াটসন্

* Omichand writes from Chinsura that Coja Wazed and other merchants would be glad to see the English return were it not for the fear of the Nabob.—Revd. Long.

† Ibid.,

যথেষ্ট অর্থ-লুণ্ঠনের অবসর প্রাপ্ত হইলেন । ক্লাইব নিজেই স্বীকার করিয়া গিয়াছেন যে, তাঁহারা মোট ১৫০০০০০ টাকা পাইয়াছিলেন !*

ক্লাইব এবং ওয়াটসনের যুদ্ধজাহাজ যখন উড়িষ্যার উপকূলের নিকট দিয়া ধীরে ধীরে কলিকাতাভিমুখে অগ্রসর হইতেছিল, তখন একদিন মহাবীর ক্লাইব মহামতি ওয়াটসনকে ডাকিয়া পরামর্শ করিতে বসিলেন । পরামর্শের বিষয় আর কিছু নহে, — বাহুবলে বাঙ্গলাদেশ লুণ্ঠন করিতে পারিলে কে কিরূপ ভাগ প্রাপ্ত হইবেন, তাহারই কথা ! ওয়াটসন সুবর্ণভূগের দৃষ্টান্ত দেখাইতে চাহিলেন ; ক্লাইব তাহাতে সন্মত হইলেন না ;—সে যাত্রা ক্লাইবের ভাগ কিছু কম হইয়াছিল ! অনেক তর্ক বিতর্কের পর স্থির হইল যে, সে যাত্রায় যাহা হইবার হইয়া গিয়াছে, এখন হইতে ভাগ হইবে, —সমান সমান ! †

যাঁহারা ক্লাইব এবং ওয়াটসনকে বাঙ্গলাদেশে পাঠাইয়াছিলেন, তাঁহারা কোনরূপে কলিকাতার বাণিজ্যাধিকার পুনঃ সংস্থাপনের জন্তই চেষ্টা করিয়াছিলেন ; এবং যাহাতে বিনা রক্তপাতে সকল কার্য্য সুসম্পন্ন হইতে পারে, তজ্জন্ত দাক্ষিণাত্যের নিজাম এবং আরকটের নবাবের নিকট হইতে সিরাজদ্দৌলার নামে সুপারিশপত্র পাঠাইয়া দিয়াছিলেন । আর সেই সকল আদেশ পালন করিবার জন্ত যাঁহারা সসৈন্তে বঙ্গদেশে গুভাগমন করিলেন, তাঁহারা সেনা সাহায্যে বঙ্গভূমি লুণ্ঠন করিয়া কে কত অর্থলাভ করিবেন, সেই চিন্তা লইয়াই বিভোর হইয়া

* The enterprise succeeded and the prize-money amounted to £150000.—Clive's Evidence before the Committee of the House of Commons, 1772.

† After they had been sometime at sea, a Council was held on board Admiral Watson's ship to settle the distribution of prize-money.—Clive's Evidence.

রহিলেন ! ইহাতে মীরজাফরের ভাগ্যবক্ষে কিরূপ সুখফল ফলিত হইয়াছিল, ইতিহাসে তাহার প্রকৃত পরিচয় প্রকাশিত রহিয়াছে।

সিরাজদৌলা এ সকল গুপ্তমন্ত্রণার বিন্দুবিসর্গও জানিতেন না। মেজর কিলপ্যাট্টিক বা ফল্তার ইংরাজদিগেরও তাহা জানিবার উপায় ছিল না ; সুতরাং তাঁহারা যেন তেন প্রকারেণ বাণিজ্যাধিকার লাভ করিবার জন্তই কাকুতি মিনতি জানাইতে লাগিলেন এবং সিরাজদৌলাও তাহাতে সম্মতি জ্ঞাপন করিতে ক্রটি করিলেন না।

সকল গোলযোগের অবসান হয় হয়, এমন সময়ে সংবাদ আসিল যে, ইংরাজবণিক অনেক গোলা বারুদ লইয়া মাদ্রাজ হইতে ফল্তার বন্দরে আসিয়া জাহাজ নোঙ্গর করিয়াছেন ! এই সংবাদ আসিতে না আসিতেই সেনাপতি ওয়াটসনের নিকট হইতে পত্র লইয়া রাজদূত উপনীত হইল।

ওয়াটসনের পত্রখানি এইরূপ : —

FROM ON BOARD HIS BRITANICK MAJESTY'S SHIP KENT
AT FULTA THE 17th December, 1756.

“The King, my master (whose name is revered among the monarchs of the world) sent me to these parts with a great fleet, to protect the East India Company's trade, rights and privileges. The advantages resulting to the Mogul's dominions from the extensive commerce carried on by my master's subjects, are too apparent to need enumerating ; how great was my surprise, therefore, to hear you had marched against the said Company's factories, with a large army, and forcibly expelled their servants, seized and plundered their effects, amounting to a large sum of money, and killed great numbers of the King my master's subjects.

“I am come down to Bengal to re-establish the said Company’s servants in their former factories and houses, and hope to find you willing to restore them their ancient rights and immunities. As you must be sensible of the benefit of having the English settled in your country, I doubt not you will consent to make them a reasonable satisfaction for the losses and injuries they have suffered and by that means put an amicable end to the troubles, and secure the friendship of my King, who is a lover of peace and delights to act in equity. What can I say more ?”*

* Ive’s Journal.





বিংশ পরিচ্ছেদ ।

কে শান্তিপ্রিয়,—মুসলমান সিরাজ, না খৃষ্টীয়ান ইংরাজ ?

ক্লাইব এবং ওয়াটসন্ ফল্‌তায় পদার্পণ করিয়াই বীরদর্পে কলিকাতা পুনরধিকার করিবার জন্ত ব্যাকুল হইয়া উঠিয়াছিলেন। তাঁহারা যে মনে মনে লঙ্কাভাগ করিয়া তাহার কাম্যধন লুণ্ঠন করিবার জন্তই এতদূর অসহিষ্ণু হইয়া উঠিয়াছিলেন, ফল্‌তার ইংরাজেরা তাহার গুপ্ত সমাচার জানিতে পারেন নাই। তাঁহারা যুদ্ধকলহ উপস্থিত করিতে নিতান্ত অসম্মত ;—নবাব যখন বিনাযুদ্ধেই বাণিজ্যাধিকার পুনঃপ্রদান করিতে সম্মত হইয়াছেন, তখন আর অনর্থক নরহত্যায় লিপ্ত হইবার প্রয়োজন কি ? তাঁহারা বুঝাইতে লাগিলেন যে, যুদ্ধে জয় পরাজয় এবং সৈন্তক্ষয় হইবার অনিশ্চিত ফলাফল পরিহার করিবার উপায় নাই ; কিন্তু ধীরভাবে আর কিছুদিন অপেক্ষা করিলে নিশ্চয়ই বিনাযুদ্ধে বাণিজ্যাধিকার লাভ করিতে পারা যাইবে। ক্লাইব সে সকল কথায় কর্ণপাত করিলেন না। কলিকাতা আক্রমণ করাই স্থির হইয়া গেল ! মহাবীর ক্লাইব তখন গর্ভোন্নত মস্তকে

অনেক কটুকটব্য প্রয়োগ করিয়া একখানি পত্র লিখিলেন, এবং সেই পত্র সিরাজদ্দৌলার নিকট পাঠাইয়া দিবার জন্ত মাণিকচাঁদের হস্তে সমর্পণ করিলেন । বলাবাহুল্য মাণিকচাঁদের সাহসে কুলাইল না ; তিনি কিছুতেই সে উক্তলিপি নবাবের নিকট প্রেরণ করিতে সম্মত হইলেন না ।

ক্লাইব ২৭শে ডিসেম্বর তারিখে ময়দাপুরের ময়দানের নিকটে জাহাজ লাগাইয়া স্থলপথে যুদ্ধযাত্রার আয়োজন করিতে লাগিলেন । ভাগীরথীতীরে বজ্রবজ্জ নামক স্থানে একটি ক্ষুদ্র দুর্গ ছিল । ওয়াটসন্ জলপথে সেই দুর্গ আক্রমণ করিবেন, এবং যদি কেহ দুর্গত্যাগ করিয়া পলায়নের আয়োজন করে, স্থলপথে ক্লাইব তাহাদের ভবযন্ত্রণা দূর করিতে ক্রটি করিবেন না ;— এইরূপ সংকল্পে যুদ্ধযাত্রা আরম্ভ হইল ! কিন্তু যুদ্ধের উপক্রমেই গৃহকলহের সূত্রপাত হইল । স্থলপথে যুদ্ধযাত্রা করিতে হইলে, কামান টানিবার জন্ত, বারুদ টানিবার জন্ত, রসদ টানিবার জন্ত, গোরু ঘোড়া মহিষের প্রয়োজন । কলিকাতার পলায়িত ইংরাজগণ এই সকল জীবজন্তু সংগ্রহ করিয়া না দিলে ক্লাইবের উপায়ান্তর নাই । কিন্তু তাঁহারা কিছুতেই নবাবের ক্রোধোদ্দীপন করিয়া ক্লাইবের সহায়তা করিতে সম্মত হইলেন না । ক্লাইব তাঁহাদিগকে ভীক, কাপুরুষ প্রভৃতি সুগিষ্ঠ সম্বোধনে আপ্যায়িত করিয়া স্বয়ং অধ্যবসায়-বলে সমস্তাপূরণ করিতে অগ্রসর হইলেন ;— দুইটিমাত্র কামান এবং এক-খানিমাত্র বারুদের গাড়ি সজ্জীভূত হইল ; পদাতিকগণ পর্যায়ক্রমে তাহা টানিয়া লইতে লাগিল । এইরূপ অসমসাহসে অকুতোভয়চিত্তে অপরাজিত উৎসাহে ক্লাইবের সেনাপ্রবাহ কলিকাতাভিমুখে অগ্রসর হইতে লাগিল, ওয়াটসন্ জলপথে ধীরে ধীরে উজান বহিয়া চলিতে লাগিলেন । *

* This arose from the continued apprehensions of the Council at Fulta, who, clinging to their first fear with more than martyr's

ময়দাপুর হইতে বজুবজিয়া আটক্রোশ । পথঘাটের সুব্যবস্থা না থাকায়, বনজঙ্গল ভাঙ্গিয়া সেই আটক্রোশ আসিতেই ইংরাজসেনা পরিশ্রান্ত হইয়া পড়িল । দুর্গটি নিতান্ত ক্ষুদ্রায়তন, তন্মধ্যে সিপাহীর সংখ্যাও যৎসামান্য ;—তথাপি ওয়াটসন্ না আসিলে, একাকী ক্লাইব দুর্গাক্রমণ করিতে সাহস পাইলেন না । সকলেই পথশ্রমে এরূপ ক্লান্ত হইয়া পড়িয়াছিলেন যে, প্রহরী পর্য্যন্ত না রাখিয়া, সকলেই একে একে অনাবৃত ভূতলশয্যায় প্রগাঢ় নিদ্রায় অভিভূত হইয়া পড়িলেন ।

ইংরাজেরা সসৈন্তে কলিকাতাভিমুখে অগ্রসর হইতেছেন, এই সংবাদে মাণিকচাঁদ বিষম সমস্তায় পতিত হইলেন । সন্ধির প্রস্তাব চলিতেছে, সন্ধিও হয় হয় হইয়াছে ;—সুতরাং তিনি যুদ্ধকলহের জন্ম প্রস্তুত ছিলেন না । তথাপি নবাবের লবণের মর্যাদা রক্ষার জন্ম লোক দেখাইবার মত বাহাদুর্য্য করিতে হইল, মাণিকচাঁদ স্বয়ং সসৈন্তে বজুবজিয়াভিমুখে ধাবিত হইলেন ।

মাণিকচাঁদ গোলাবর্ষণ করিয়া স্মৃগুসিংহকে প্রবুদ্ধ করিতে না করিতে উভয়দলে শক্তিপরীক্ষা আরম্ভ হইল । সে পরীক্ষায় রাজা মাণিকচাঁদ বীরোচিত কর্তব্যপালনের জন্ম ব্যাকুল হইলেন না ;—ইংরাজেরা দুই চারিটি গোলা ছাড়িতে না ছাড়িতেই মাণিকচাঁদ পলায়ন করিলেন । ইংরাজেরা পরিহাসচ্ছলে লিখিয়া রাখিয়াছেন যে, “মাণিকচাঁদের উষ্ণীষের নিকট দিয়া শন্ করিয়া বন্দুকের গুলি চলিয়া গেল, আর তিনি অমনি চম্পট !”* তিনি আর সে অঞ্চলে মুহূর্তমাত্র তিষ্ঠিতে পারিলেন না ; বজুবজ্ ছাড়িয়া, কলিকাতা ছাড়িয়া, একেবারে উর্দ্ধ্বাসে মুর্শিদাবাদে পলায়ন করিলেন ! মাণিক-

steadfastness, did not venture to provide a single beast either of draught or burden, lest they should incur the Subhadar's resentment. — Thornton vol. I. 204.

* Ive's Journal.

টাদের পলায়নকাহিনী সবিশেষ বিস্ময়পরিপূর্ণ ;—ইতিহাস তাহার রহস্যনির্ণয় না করিয়া তাঁহাকে ভীকু কাপুরুষ বলিয়া উপহাস করিয়াছে ; কিন্তু ইংরাজ-দিগের সহিত মাণিকটাদের যে সখ্য সংস্থাপিত হইয়াছিল, তাহার সহিত কি ইহার কোনই সংস্রব ছিল না ? *

ইহার পর আর যুদ্ধ করিতে হইল না । ক্লাইব এবং ওয়াটসন্ ২রা জানুয়ারী তারিখে কলিকাতা-দুর্গের নিকটস্থ হইলে দুর্গাধিকারী সিপাহীদল দুই চারিটা গোলা চালনা করিয়াই পৃষ্ঠপ্রদর্শন করিল ;—মহাবীর ক্লাইব সদর্পে কলিকাতার শূন্যদুর্গে বিজয়পতাকা প্রোথিত করিয়া দিলেন ।

দুর্গজয় সুসম্পন্ন হইল, রণকোলাহল শান্তিলাভ করিল, কিন্তু ইংরাজ-সেনানায়কদিগের মধ্যে হিংসা ঘেষ বিবর্দ্ধিত হইয়া উঠিল । ক্লাইব এবং ওয়াটসন্ উভয়েই চতুরচুড়ামণি ;—চতুরে চতুরে সংঘর্ষ উপস্থিত হইবার উপক্রম হইল । উভয়েই বুঝিলেন যে, দুর্গ বাঁহার হস্তে থাকিবে, লুঠের ধনে তাঁহারই আধিপত্য জন্মিবে । সুতরাং ওয়াটসন্ দুর্গদখল করিবার জন্ত কাপ্তান কুটকে এক পরোয়ানা প্রদান করিলেন । কাপ্তান কুট পরোয়ানা লইয়া দুর্গদ্বারে উপনীত হইবামাত্র ক্লাইব তাঁহাকে দূর করিয়া দিলেন । তিনি বলিতে লাগিলেন যে, “ওয়াটসনের অধিকার মানি না ; আমি দুর্গাধিপতি,—যদি আজ্ঞাপালন করিতে ইতস্ততঃ কর, এখনই কারারুদ্ধ করিব !” কুট সাহেব কুটকৌশলে পরাস্ত হইয়া ওয়াটসনকে পরোয়ানা ফিরাইয়া দিতে বাধ্য হইলেন । ওয়াটসন্ সহজে ছাড়িবার পাত্র নহেন ;—তিনি কাপ্তান

* The Government (in 1763) agreed to entertain on the Company's pay the son of the deceased Manickchand, who was useful to them in various ways during the preceding 30 years though he led the Nawab's troops against the English at the battle of Budge Budge.—Revd. Long.

স্পিককে পাঠাইয়া দিলেন ; স্পিক আসিয়া ক্লাইবকে জিজ্ঞাসা করিলেন, “কাহার আজ্ঞায় দুর্গাধিকার করিয়াছ ?” ক্লাইব বলিলেন যে, তিনিই প্রধান সেনাপতি, সুতরাং দুর্গাধিকারে তাঁহারই একমাত্র ক্ষমতা,—ওয়ার্টসনের কোন ক্ষমতা নাই । এই সংবাদে ওয়ার্টসন্ বলিয়া পাঠাইলেন যে, ক্লাইব সহজে দুর্গাধিকার পরিত্যাগ না করিলে “তাঁহাকে কামানের গোলায় উড়াইয়া দিব” ;—ক্লাইব বলিলেন, “তথাস্তু ; কিন্তু এই আত্মকলহের জন্য ওয়ার্টসন্ দায়ী !” অবশেষে কাপ্তান লাথাম ও স্বয়ং ওয়ার্টসন্ও দুর্গমূলে শুভাগমন করিলেন, এবং অনেক তর্ক বিতর্কের পর উভয়পক্ষে সন্ধি হইয়া ক্লাইবের হস্তেই দুর্গাধিকার সমর্পিত হইল ।* পৃথিবীর ইতিহাসে অনেক দুর্গজয়ের কাহিনী লিখিত রহিয়াছে ; কিন্তু এরূপ গৃহকলহের দৃষ্টান্ত বোধ হয় অল্পই দেখিতে পাওয়া যায় ।

উভয়দলের মনোমালিগ্ন দূর করিবার জন্য ডেক সাহেবকে কলিকাতার শাসনভার প্রদান করা হইল ; তিনি পুনরায় কলিকাতার কর্তা হইয়া সগৌরবে আসনগ্রহণ করিলেন ।

ইংরাজেরা দুর্গপ্রবেশ করিয়া দেখিতে পাইলেন যে, দুর্গমধ্যে কোম্পানীর অধিকাংশ দ্রব্যজাত যেরূপ অবস্থায় রাখিয়া গিয়াছিলেন, তাহা সেইরূপ ভাবেই পড়িয়া রহিয়াছে,—কিছুই অপহৃত বা বিলুপ্তিত হয় নাই ।† দুর্গপ্রাচীরের বাহিরে যে সকল বাড়ীঘর ছিল, তাহাই কেবল সিপাহীরা লুটিয়া লইয়া গিয়াছে ।

* Evidence of Lord Clive before the Committee of the House of Commons, 1772.

† The greatest part of the merchandizes belonging to the Company, which were in the Fort when taken, were found remaining without detriment.—Orme, ii. 126.

দুর্গ হস্তগত হইল । দেশের লোকে দলে দলে কলিকাতায় প্রত্যাবর্তন করিল । ইংরাজ-বাণিজ্য পুনঃসংস্থাপনের সূত্রপাত হইল । ক্লাইবের কর্তব্যকার্য শেষ হইয়া গেল ; কিন্তু লক্ষাভাগ ত হইল না ! সুতরাং দেশ লুণ্ঠনের জন্য সকলেই ব্যস্ত হইয়া উঠিলেন ! অবশেষে হুগলী লুণ্ঠন করা স্থির হইল । হুগলী বহুদিনের পুরাতন স্থান ; ফৌজদারের রাজধানী ; বাণিজ্যের সর্বপ্রধান ভিত্তিভূমি ;—সেখানে অবশ্যই অগণিত ধনরত্ন পুঞ্জীকৃত থাকা সম্ভব । মেজর কিল্প্যাট্টিক বহুদিন নিষ্কন্মা বসিয়া রহিয়াছেন, তাঁহার উপরেই লুণ্ঠনের ভার সমর্পিত হইল । পদাতিক, গোলন্দাজ, ভলন্টিয়ার,—লুণ্ঠনলোভে ইংরাজমাত্রেই হুগলীর দিকে ছুটিয়া চলিল । হুগলীর দুর্গ এবং রাজধানী লুণ্ঠিত হইল ; তাড়াতাড়ি পাড়াপাড়ি করিয়া ইংরাজ-সেনা যতদূর পারিল লোকের বাড়ীঘর ভূমিসাৎ করিয়া কলিকাতায় প্রত্যাবর্তন করিল । *

ওয়াটসন্ এবং ক্লাইব বঙ্গদেশে শুভাগমন করিবামাত্র সিরাজদ্দৌলার নিকট সন্ধির প্রস্তাব লিখিয়া পাঠাইয়াছিলেন । সিরাজদ্দৌলাও সম্মতিসূচক প্রত্যুত্তর পাঠাইয়া দিয়াছিলেন । সে কথায় কিছুমাত্র আস্থা স্থাপন না করিয়া, ইংরাজেরা বাহুবলে কলিকাতা আক্রমণ করিয়া যথেষ্ট ধ্বংসতার পরিচয় প্রদান করিয়াছিলেন । তথাপি সিরাজদ্দৌলা তাহাতে উদ্ভ্যক্ত না হইয়া পুনরায় লিখিয়া পাঠাইলেন :—

January 23, 1757.

You write me, that the King your master sent you into India to protect the Company's settlements, trades,

* The fort and city were plundered, and as many of the magnificent houses destroyed, as the short time would permit.—*Scrafton's Reflections.*

rights and privileges : the instant I recieved this letter, I sent you an answer ; but it appears to me that my reply never reached you, for which reason I write again.

I must inform you, that Roger Drake, the Company's Chief in Bengal, acted contrary to the orders I sent him, and encroached upon my authority ; he gave protection to the King's subjects who absented themselves from the inspection of the Durbar, which practice I did forbid, but to no purpose. On this account, I was determined to punish him, and accordingly expelled him my country ; but it was my inclination to have given the English Company permission to have carried on their trade as formerly, had another Chief been sent here ; for the good therefore of these Provinces, and the inhabitants, I send you this letter ; and if you are inclined to re-establish the Company, only appoint a Chief, and you may depend upon my giving currency to their commerce upon the same terms as heretofore enjoyed. If the Enlish behave themselves like merchants, and follow my orders, they may rest assured of my favour, protection, and assistance.”*

এই পত্রে সিরাজচরিত্রের যেরূপ পরিচয় প্রাপ্ত হওয়া যায়, তাহার সহিত ইতিহাস-বর্ণিত সিরাজদৌলার কত প্রভেদ ! কিন্তু ইংরাজেরা সে সকল কথা জানিয়া গুনিয়াও শান্তিপ্ৰিয়তার পরিচয় প্রদান করিতে পারিলেন না। এই পত্র যখন ইংরাজদিগের হস্তগত হইল, তখন তাঁহারা কলিকাতা পুনরধি-

কার করিয়া, ভগলী বিপর্যস্ত করিয়া, বীরসিংহ হইয়া বৃটীশজুর্গে বিশ্রাম-স্থল উপভোগ করিতেছিলেন । সুতরাং ওয়াটসনের শান্তমূর্ত্তি তিরোহিত হইয়া গেল ;—তিনি এবার সিংহবিক্রমে প্রত্যুত্তর পাঠাইলেন :—

“You told me in your letter, that the reason of your expelling the English out of these countries was, the bad behaviour of Mr. Drake, the Company’s Chief in Bengal. But besides that, Princes and Rulers of States, not seeing with their own eyes, nor hearing with their own ears, are often misinformed, and the truth (is) kept from them by the arts of crafty and wicked men ; was it becoming the justice of a Prince to punish all for one man’s sake ? Or to ruin and destroy so many innocent people as had no way offended, but who, relying on Our Royal Phirmaund, expected protection and security both to their property and lives, instead of oppression and murder, which they unhappily found ? Are these actions becoming the justice of a Prince ? No body will say they are. They can only then have been caused by men, who have misrepresented things to you through malice, or for their own private ends ; for great Princes delight in acts of justice, and in shewing mercy.

If therefore you are desirous of meriting the fame of a great Prince, and lover of justice, shew your abhorrence of these proceedings, by punishing those evil counsellors who advised them ; cause satisfaction to be made to the Company, and to all others who have been deprived of their property, and by these acts turn off

the edge of the sword which is ready to fall on the heads of your subjects.

If you have any cause of complaint against Mr. Drake, as it is but just that the master alone should have a power over his servant, send your complaints to the Company, and I will answer for it they will give you satisfaction.

Although I am a soldier as well as you, I had rather receive satisfaction from your own inclination to do justice, than be obliged to force it from you by the distress of your innocent subjects”*

এই পত্রখানি যখন সিরাজদ্দৌলার হস্তগত হইল, তৎপূর্বেই হুগলীর লুণ্ঠনকাহিনী তাহার কর্ণগোচর হইয়াছিল। তিনি ইংরাজদিগের উদ্ধৃত ব্যবহারে চিরদিন যেরূপ উদ্ভক্ত হইয়াছেন, ওয়াটসনের পত্রেও তাহাই হইল। সিরাজদ্দৌলা মুসলমান,—ওয়াটসন্ খৃষ্টীয়ান; সুতরাং মুসলমান নবাব খৃষ্টীয়ান সওদাগরের ধর্মনীতির যুক্তিতর্ক ভাল করিয়া বুঝিয়া উঠিতে পারিলেন না। ইংরাজেরা বাক্য-নবাব; ‘যাহা বলি তাহাই কর, যাহা করি তাহার অনুকরণ করিও না’—এই নিগূঢ় নীতি-রহস্যের উপাসক; পরকার্য্য-সমালোচনায় প্রগাঢ় পণ্ডিত; আত্মকার্য্য লইয়া কেহ সমালোচনা করিতে চাহিলে অগ্নিশর্মা হইয়া উঠেন; কার্য্য যেরূপ হয় হউক, বাক্যে তাহার দোষক্ষালনের সময়ে সকলেই পঞ্চমুখে ইংরাজের গুণগান করিতে লালায়িত;—সিরাজদ্দৌলা তরুণযুবক, তিনি ইংরাজ চরিত্রের এইরূপ সমালোচনা করিয়া ইংরাজের নামে শিহরিয়া উঠিতে শিক্ষা করিয়াছিলেন। যাহারা পদাশ্রিত বণিক হইয়াও হুগলীর নিরপরাধ নাগরিকদিগকে (কেবল-

মাত্র লুণ্ঠন-লোভেই) হত্যা করিয়া, তাহাদের বাড়ীঘর ভূগিসাৎ করিয়া দস্যুতন্ত্রেরে গ্রায় অর্থশোষণ করিয়াছেন, তাঁহারা কি না তরবারির শোণিত-কলঙ্ক ধোত করিতে না করিতেই লেখনী গ্রহণ করিয়া প্রবীণ ধর্মোপদেশ্যের গ্রায় কলিকাতা লুণ্ঠনের জন্ত সিরাজদৌলাকে তিরস্কার করিতে বসিয়াছেন ! যুদ্ধকলহে একজনের অপরাধে চিরদিনই দশজনের দণ্ড হইয়া থাকে । এক রাবণের অপরাধে সমগ্র রাক্ষসকুল নিশ্চূল হইয়াছিল; এক নেপোলিয়নের অপরাধে অগণ্য ফরাসীসেনার সর্বনাশ হইয়াছিল; ইংরাজরাজ্যেও এক নরপতির কল্লিত অপরাধে অসংখ্য নাগরিকের শোণিত-প্রবাহে শ্বেতদ্বীপ রুধিরচর্চিত লোহিতবর্ণে সুরঞ্জিত হইয়া উঠিয়াছিল । কলিকাতার ইংরাজেরা দশজনে মিলিয়া, সভা করিয়া, মন্তব্য লিখিয়া, নবাবদূতকে অর্দ্ধচন্দ্র প্রদান করিয়া কি সমুচিত অপরাধ করেন নাই ;—না, সে অপরাধ কেবল একজনের অপরাধ ? যাঁহারা অপরাধী ডেকসাহেবের সঙ্গে কোমর বাঁধিয়া লড়িবার জন্ত যুদ্ধশিক্ষা করিয়া টানার দুর্গাক্রমণে, উমাচরণের সর্বনাশ সাধনে অতিমাত্র প্রশংসনীয় বীরকীর্তির নিদর্শন রাখিয়া কার্যকালে প্রাণ লইয়া পলায়ন করিয়াছিলেন, তাঁহারা প্রথমে নিরপরাধ হইলেও আত্মকার্য্যেই অপরাধী হইয়া উঠিয়াছিলেন । এইরূপ সকল দেশেই হইয়া থাকে ;—রাজার অপরাধে প্রজার, সেনাপতির অপরাধে সেনাদলের, নানারূপ দণ্ড হইয়া থাকে । যুদ্ধানল জলিয়া উঠিলে, তাহাতে রাজদুর্গের সঙ্গে সঙ্গে কত কাঙ্গাল-কুটীরও ভস্ম হইয়া যায় ;—কে তাহার গতিরোধ করিতে পারে ? ওয়াটসন্ কোন লজ্জায় সত্যসঙ্কোচ করিয়া লিখিয়া পাঠাইলেন যে, সিরাজদৌলা পরের কথায় নির্ভর করিয়া ইংরাজদিগের সর্বনাশ করিয়াছিলেন ? কলিকাতা হইতে নবাবদূতকে অপমান করিয়া তাড়াইয়া দেওয়ার কথা কলিকাতার ইংরাজেরাও অস্বীকার করেন নাই ; ওয়াটসন্ কি গলাবাজিতে

সকল কথাই উড়াইয়া দিতে চাহেন ? ওয়াটসন্ বাহাই বলুন, ইংরাজের কাগজপত্র তাহার পক্ষ সমর্থন করে না। ড্রেক সাহেব যেকোন উক্ত ব্যবহারের পরিচয় দিয়াছিলেন, ওয়াটসন্ বলেন যে, তজ্জন্ত কোম্পানীর কাছে করজোড়ে নালিশ করাই সিরাজদৌলার কর্তব্য ছিল। সিরাজদৌলা আর তাহার কি প্রত্যুত্তর দিবেন ? তিনি যে দেশের নবাব, ড্রেক সাহেব সেই দেশের একদল সওদাগরের গোমস্তা মাত্র ; অথচ সেই দেশে বসিয়া তাঁহাকে ইহাও শুনিতে হইল যে, কোম্পানীর নিকট নালিশ না করিয়া নিজে নিজে ড্রেক সাহেবকে শাস্তি দিবার চেষ্টা করা বড়ই অশ্রদ্ধা হইয়াছে ! শাসনক্ষমতা সংস্থাপনের জন্ত, আত্ম-মর্যাদা সংরক্ষণের জন্ত, অসহায় প্রজাপুঞ্জের ধনমান রক্ষা করিবার জন্ত সিরাজদৌলাকে পুনরায় যুদ্ধযাত্রা করিতে হইল। কিন্তু তিনি ক্রোধান্বিত হইয়া আত্ম-কর্তব্য বিস্মৃত হইলেন না ; মুসলমান-নবাব উত্তম হইয়াও কতদূর ক্ষমাশীল হইতে পারেন, তাহা বুঝাইবার জন্ত ওয়াটসন্কে লিখিয়া পাঠাইলেন :—

“You have taken and plundered Hughley, and made a war upon my subjects : these are not acts *becoming merchants* ! I have, therefore, left Muxudabad, and am arrived near Hughley ; I am likewise crossing the river with my army, part of which is advanced towards your camp. *Nevertheless*, if you have a mind to have the Company's business settled upon its ancient footing, and to give a currency to their trade, send a person of consequence to me, who can make your demands, and treat with me upon this affair. I shall not scruple to grant a Perwannah for the restitution of all the Company's factories, and permit them to trade in my country upon

the same terms as formerly. If the English, who are settled in these Provinces, *will behave like merchants, obey my orders, and give me no offence*, you may depend upon it I will take their loss into consideration and adjust matters to their satisfaction.

You know how difficult it is to prevent soldiers from plundering in war ; therefore, if you will, on your part, relinquish something of the damages you have sustained by being pillaged by my army, I will endeavour to give you satisfaction even in that particular, in order to gain your friendship; and preserve a good understanding for the future with your nation.

you are a Christian, and know how much preferable it is to accommodate a dispute, than to keep it alive ; but if you are determined to sacrifice the interest of your Company, and the good of private merchants to your inclination for war, it is no fault of mine : to prevent the fatal consequence of such a ruinous war, I write this letter.”*

এই পত্রের ছত্রে ছত্রে যেরূপ গাভীৰ্য্যপূৰ্ণ শান্তপ্রকৃতির উদার্যাণ্ড প্রকাশিত রহিয়াছে, সিরাজদৌলা তরুণযুবক হইয়াও যে সেরূপ উন্নত চরিত্রের পরিচয় প্রদান করিতে সক্ষম হইয়াছিলেন, ইহা তাঁহার পক্ষে সর্বিশেষ গৌরবের কথা। রাজা হইয়া প্রজার সঙ্গে যুদ্ধকলহে লিপ্ত হওয়া রাজার পক্ষে সর্বথা অকল্যাণের কথা ;—তাহাতে শিল্পবাণিজ্যের ক্ষতি, একের অপরাধে দেশের সর্বনাশ, এবং দেশের সমূহ অমঙ্গল। একথা সিরাজদৌলা বুঝিতে পারিয়াই,—সন্ধিসংস্থাপনের জন্ত ওয়াটসনকে পত্র লিখিতে প্রবৃত্ত হইয়াছিলেন। ইহার সঙ্গে ইংরাজদিগের ব্যবহারের তুলনা কর। কে শান্তি-প্রিয়,—মুসলমান সিরাজ, না খৃষ্টীয়ান ইংরাজ ?



একবিংশ পরিচ্ছেদ ।

আলিনগরের সন্ধি ।

মুসলমান ইতিহাস-লেখক সাইয়েদ গোলাম হোসেন লিখিয়া গিয়াছেন যে, “ইংরাজেরা যখন হুগলী লুণ্ঠনে অবসরশূন্য, ঠিক সেই সময়ে বিলাত হইতে সংবাদ পাইলেন যে, এদেশে ফরাসীদিগের সঙ্গে আবার সমরকলহ উপস্থিত হইয়াছে । ইংরাজ এবং ফরাসী শান্তভাবে জীবনধারণ করিতে শিখিল না ! ইহাদের মধ্যে পাঁচ ছয় শত বৎসর কেবল যুদ্ধকলহ চলিয়া আসিতেছে । কখন কখন রণশান্ত হইলে পরামর্শ করিয়া হাঁপ ছাড়িবার জন্ত উভয়েই কিছুদিনের মত সন্ধিসংস্থাপন করে;—কিন্তু কিছুদিন বিশ্রামলাভ করিয়াই পুনরায় সমর-পিপাসায় উন্মত্ত হইয়া উঠে !” *

আমরা যে সময়ের কথা বলিতেছি, তখন ইংরাজদিগের মত ফরাসীরাও ভারতবর্ষে ধীরে ধীরে বাহুবল সুবিস্তৃত করিতেছিলেন । তাঁহারা বাণিজ্যো-

* Mustafa's Mutakherin, I. 759.

পলক্ষে বাঙ্গালাদেশে তিনশত গোরা এবং অনেকগুলি সুশিক্ষিত গোলন্দাজ রাখিতেন । এদেশের লোকের নিকট ইংরাজ অপেক্ষা ফরাসীরাই বীর-কীর্তির জন্য সমধিক সুপরিচিত হইয়া উঠিয়াছিলেন । স্বদেশে ফরাসীজাতির সহিত সমর-কোলাহল উপস্থিত হওয়ায়, ইংরাজদিগের অন্তরাগ্না কাঁপিয়া উঠিল । চিরশত্রু ফরাসীসেনার সঙ্গে নবাবের সেনাদল মিলিত হইলে, ইংরাজের সর্বনাশ হইতে কতক্ষণ ? ক্লাইব তাহা বুঝিতেন । তিনি বিলাতের সংবাদ পাইবামাত্র শিহরিয়া উঠিলেন, এবং এই দুঃসময়ে সহসা গায়ে পড়িয়া সিরাজদ্দৌলার সঙ্গে কলহের সূত্রপাত করিয়া যে সমূহ অমঙ্গল আহ্বান করিয়া আনিয়াছেন, তাহা ভাবিয়া ব্যাকুল হইয়া উঠিলেন । * তাড়াতাড়ি উমিচাঁদ এবং জগৎশেঠের শরণাগত হইয়া কিংকর্তব্য অবধারণ করিবার চেষ্টা করিতে লাগিলেন । এদিকে অকস্মাৎ হুগলী লুণ্ঠনের সমাচার শুনিয়া সিরাজদ্দৌলা ক্রোধোন্মত্তহৃদয়ে কলিকাতাভিমুখে সসৈন্তে অগ্রসর হইতেছেন; ইংরাজগণ সন্ধির জন্য ব্যাকুল হইলে কি হইবে ? নবাব কি আর সন্ধির প্রস্তাবে কর্ণপাত করিবেন ? সকলেই বলিতে লাগিলেন যে, এতদিনে ইংরাজের পাপের ভরা পূর্ণ হইয়া আসিল । † সিরাজদ্দৌলা ‘নরশোণিত-লোলুপ নৃশংস নরপতি’ হইলে তাহাই হইত । কিন্তু তিনি অগ্রপশ্চাৎ বিচার করিয়া শান্তি সংস্থাপনের জন্যই সমধিক আগ্রহ প্রকাশ করিলেন । কর্ণেল ক্লাইব নিজেই স্পষ্টাক্ষরে স্বীকার করিয়াগিয়াছেন যে, সন্ধির জন্য তাঁহাকে

* Thornton's History of the British Empire, vol. I. 208.

† The English were now very desirous to make their peace with that formidable ruler ; but the capture of Hoogly, undertaken *solely with a view to plunder*, had so augmented his rage. that he was not in a frame of mind to receive from them any proposition.—Mill, vol. II. 157.

সবিশেষ উদ্বিগ্ন পাইতে হয় নাই ;—স্বয়ং সিরাজদৌলাই সর্বাগ্রে সন্ধির প্রস্তাব উপস্থিত করিয়া সকল আশঙ্কা নিবারণ করিয়াছিলেন । *

সিরাজদৌলা সন্ধির প্রস্তাব উপস্থিত করিলেন কেন ? ইংরাজের সঙ্গে সন্ধি,—সে ত কেবল বালির বাঁধে সমুদ্রতরঙ্গের গতিরোধ করিবার নিষ্ফল প্রয়াস ! যদি সত্যসত্যই সন্ধি সংস্থাপিত হয়, তথাপি কয়দিন তাহার মর্যাদা রক্ষিত হইবে ? স্বদেশের নিকটতম প্রতিবাসীর সঙ্গে যাঁহাদিগের কলহ-বিবাদ ছয়শত বৎসরেও শান্তিলাভ করিল না, বিদেশে তাঁহাদিগের ধর্ম-প্রতিজ্ঞা কয়দিন প্রতিপালিত হইবে ? সন্ধিপত্র ত কেবল ইংরাজের মুখের কথা ;—তাঁহাদের কথায় বিশ্বাস কি ? এই ত সেদিন তাঁহারা বিপদে পড়িয়া সন্ধির প্রস্তাব তুলিয়াছিলেন ; কিন্তু সে কথা পুরাতন না হইতেই লুণ্ঠন-লোভে হুগলীর বিরূপ সর্বনাশ করিয়া আসিয়াছেন ! সর্বস্ব লুণ্ঠন করিয়াও ক্ষুৎক্ষামোদর পূর্ণ হয় নাই, কত বহুমূল্য অটালিকা ভূমিসাৎ হইয়াছে, কত নিরন্ন কাঙ্গালকুটার দগ্ধ হইয়া গিয়াছে, হুগলীর ইতিহাসবিখ্যাত, সমৃদ্ধজনপদ শ্মশানভস্মে পরিণত হইয়াছে ! আজ না হয় আবার ফরাসী-সমর-শঙ্কায় চিত্তাকুলহৃদয়ে খৃষ্টীয়ান ইংরাজ নিতান্ত নিরীহ-স্বভাব মেঘশাবকের ত্রায় করুণকণ্ঠে “শান্তিঃ শান্তিঃ” বলিয়া কাতর ক্রন্দনে নবাব-দরবারের শরণাপন্ন হইয়াছেন ; কিন্তু সময় পাইলেই তাঁহারা যে আবার সিংহমূর্তি ধারণ করিবেন না, তাহার প্রমাণ কি ?

যদিও অনেকে এই সকল কথা উপস্থিত করিয়া সন্ধির প্রস্তাবে বাধা দিবার আয়োজন করিতে ক্রটি করিলেন না, তথাপি সিরাজদৌলা সে সকল

* According to Orme (vol. II. 129) it was Clive who proposed negotiations.—Clive himself represented the overture as coming from the Subadhar.—Thornton's History of the British Empire, vol. I. 209.

কথায় কণ্ঠপাত করিলেন না । তিনি কলিকাতায় শিবির-সংস্থাপন করিয়াই সন্ধিপত্র নির্ধারণ করিবার জন্য ইংরাজদিগকে নিমন্ত্রণ করিয়া পাঠাইলেন । সিরাজদৌলা কি ইংরাজ-ভয়ে ভীত হইয়াই সন্ধির জন্য এরূপ ব্যাকুল হইয়া উঠিয়াছিলেন ? কেহ কেহ বলেন যে, তাহাই একমাত্র কারণ । কিন্তু ইংরাজেরা তৎকালে বৈরাগ্য বিপদবেষ্টিত, তাহাতে ভীত হইবার কারণ ছিল না ;—তাঁহাদের সেনাবল অল্প ; তাহারাও কিয়দংশ বঙ্গোপসাগরে তরঙ্গতাড়িত হইয়া কোথায় ভাসিয়া গিয়াছে ; যাহারা বঙ্গদেশে পদার্পণ করিয়াছিল, তাহারাও সকলে জীবিত নাই ; আর যাহারা জীবিত, বাঙ্গালার জলবায়ু অল্পদিনের মধ্যেই তাহাদিগকে জীবনমূত করিয়া ফেলিয়াছে । মহাবীর ক্লাইব সিরাজসেনার গতিরোধ করিতে গিয়া নিজেই পলায়ন করিতে বাধ্য হইয়াছিলেন ! * সুতরাং ইহাদের ভয়ে ভীত হইবার কারণ ছিল না ;—তথাপি সিরাজদৌলা সন্ধির জন্য ব্যাকুল হইয়াছিলেন কেন ?

সিরাজদৌলা ইংরাজদিগকে ভাল মানুষ বলিয়া বিশ্বাস করিতেন না, তাঁহার বাল্যসংস্কারের সহিত যৌবনের অভিজ্ঞতা মিলিত হইয়া তাঁহাকে বুঝাইয়া দিয়াছিল যে, ইংরাজদমন করিতে না পারিলে সিংহাসন নিষ্কণ্টক হইবে না । নবাব অলিবর্দীও অন্তিম সময়ে তাহাই বুঝাইয়া দিয়াছিলেন । সিরাজদৌলা সে কথার ক্রমশঃ পরিচয় পাইতে লাগিলেন, এবং দিব্যনেত্রে ইংরাজের

* Colonel Clive marched with the greatest part of his troops, and six field pieces ; as they approached, the enemy fired upon them from nine pieces of cannon, and several bodies of their cavalry drew up on each side of the garden, of which the attack appeared so hazardous, that Clive restrained the action to a cannonade, which continued only an hour that the troops might regain the camp before dark.—Orme, ii. 130.

কীর্তিকলাপ পর্যবেক্ষণ করিয়া আতঙ্কযুক্ত হইলেন । আজ হুগলী বিপর্যস্ত হইল, কাল হয়ত অণু কোন স্থান বিধ্বস্ত হইবে । সিরাজ দেখিলেন যে, ইংরাজেরা দ্বিতীয় বর্গীর হাঙ্গামার সূত্রপাত করিবে ;—কত সম্পন্ন জনপদ শ্মশান হইবে, কত নিরীহ নাগরিক হাহাকার করিবে, কত রুধিরকর্দমে বঙ্গভূমি কলঙ্কিত হইবে ; এবং এত করিয়াও একদিনের জন্ত শান্তিসুখ উপভোগ করিবার অবসর ঘটিবে না ! ইংরাজদিগকে বশীভূত করিবার দুইটিমাত্র সূত্রপাত ;—হয় শত্রুতাসাধনে, না হয় মিত্রতাবন্ধনে ; হয় করাল রূপাণমুখে, না হয় লেখনীসাহায্যে । আলিবর্দীর অন্তিম উপদেশ স্মরণ করিয়া শত্রুতাসাধন করিয়া দেখিলেন ;—তাহাতে হিতে বিপরীত হইল । ইংরাজ-দমন হইল না ; বরং চিরশত্রুতার সূত্রপাত হইল । সুতরাং মিত্রতা-বন্ধনে ইংরাজদিগকে বশীভূত করিবার জন্তই সিরাজদৌলা ব্যাকুল হইয়া উঠিলেন । ইহাতে তাঁহার প্রজাহিতৈষণা ও তীক্ষ্ণবুদ্ধির পরিচয় পাইয়া কুচক্রী মন্ত্রিদল তাঁহার প্রস্তাবে নানা প্রকারে বাধা প্রদান করিতে চেষ্টা করিতে লাগিলেন ।

নওয়াজেস মোহম্মদ এবং শওকতজঙ্গের পরলোকগমনে কুচক্রিদলের সকল আশাই নিস্কূল হইয়াছিল । ইংরাজ একমাত্র শেষ সম্বল । তাঁহারা যদি সিরাজের সঙ্গে মিত্রতাসূত্রে আবদ্ধ হইবার অবসর প্রাপ্ত হন, তাহা হইলে সিরাজ নিশ্চিন্ত হইবেন । তাহাতে দেশের কল্যাণ, কিন্তু দুষ্টদের সর্বনাশ । নবাব এত দিন বিপদবেষ্টিত বলিয়াই তাঁহারা বাঁচিয়া রহিয়াছেন । সুতরাং তাঁহাকে নিশ্চিন্ত হইবার অবসর প্রদান করিতে কাহারও সাহস হইল না । ইংরাজের সঙ্গে চিরশত্রুতা সংজীবিত রাখিয়া সিরাজদৌলাকে সর্বদা সশঙ্কিত রাখিবার জন্তই সন্ধির প্রস্তাবের প্রতিবাদ আরম্ভ হইল । কিন্তু সিরাজদৌলা আর কাহারও কথায় কর্ণপাত করিতে সম্মত হইলেন না ।

ইংরাজেরা সন্ধির জন্ত ব্যাকুল ; সিরাজদৌলাও সন্ধির জন্ত লালায়িত !
এ সন্ধির গতিরোধ করিবে কে ? তখন কুচক্রীদলের কুমন্ত্রণা আরম্ভ হইল ।
প্রকাশ্য প্রতিবাদে পরাজিত হইয়া অপ্রকাশ্য কৌশলবলে সিরাজদৌলার
শান্তি-পিপাসার গতিরোধ করিবার আয়োজন হইল !

সেকালের কলিকাতা সহরে বণিকরাজ উমাচরণের রাজবাটীই সৰ্ব্বা-
পেক্ষা পরম রমণীয় স্থান বলিয়া সুপরিচিত ছিল । সুতরাং তাঁহার দীপা-
লোকবিভূষিত সুসজ্জিত পুষ্পোদ্যানেই সিরাজদৌলার দরবার বসিল ।
চারিদিকে গর্বেন্নতমস্তকে সশস্ত্র সেনাপতিগণ দণ্ডায়মান,—যথাযোগ্য রাজ-
পরিচ্ছদে সুশোভিত হইয়া অমাত্যদল যথাস্থানে করজোড়ে উপবেশন করিয়া-
ছেন,—মধ্যস্থলে সিংহাসন, তাহার উপর সুবিস্তৃত মস্নদ, কনকদণ্ডের
উপর বিবিধ রত্নরাজি-বিজড়িত বিচিত্র চন্দ্রাতপ,—সেই স্বর্ণসিংহাসন উজ্জ্বল
করিয়া সিরাজদৌলার যৌবনোন্নত স্নকুমার দেহকান্তি সদ্যোজাত প্রফুল্ল
চম্পকের গ্রায় ফুটিয়া উঠিয়াছে ;—ইংরাজ-প্রতিনিধি ওয়ালস্ এবং স্কাফ্টন্
দরবারে পদার্পণ করিয়া সিরাজদৌলার সৌভাগ্যগর্ভের ফলিতজ্যোতিতে
স্তম্ভিত হইয়া রহিলেন !* এই রত্ন-সিংহাসন বাঁহার পাদপীঠ, এই সুশিক্ষিত
দৃঢ়োন্নত বীরমণ্ডলী বাঁহার সেনানায়ক, এই বিবিধ বিদ্যাবিশারদ মন্ত্রিদল
বাঁহার মন্ত্রণাসহায়, এই বিভবচ্ছটা বাঁহার রত্নমুকুট সমুজ্জ্বল করিয়া রাখি-
য়াছে,—সর্বনাশ ! ইংরাজবণিক কোন্ সাহসে তাঁহার সহিত শক্তিপরীক্ষা

* February 4, 1757. at seven in the evening, the Subah gave them audience in Omichund's garden, where he affected to appear in great state, attended by the best-looking men amongst his officers, hoping to intimidate them by so warlike an assembly.—Scrafton's Reflections.

করিতে অগ্রসর হইয়াছেন ? কিন্তু কিছুক্ষণ পরেই তাঁহাদিগের মনে হইল, — এ সকল বুঝি ইন্দ্রজাল ! এ সকল বুঝি কেবলমাত্র ইংরাজদিগকে ভয় দেখাইবার বাহাডম্বর ! তখন তাঁহারা সাহসে বুক বাঁধিয়া ধীরে ধীরে সিংহাসনের দিকে অগ্রসর হইয়া সমস্ত্রমে ‘কুর্গিশ’ করিয়া দণ্ডায়মান হইলেন ।

সিরাজদৌলা তাঁহাদিগকে যথাযোগ্য সাদরসম্ভাষণে কুশল জিজ্ঞাসা করিয়া বুঝাইয়া দিলেন যে, সন্ধিসংস্থাপন করিবার জন্তই তিনি সশরীরে এতদূর অগ্রসর হইয়াছেন । ইংরাজেরা বলিলেন যে, তাঁহারাও সন্ধির জন্ত লালায়িত হইয়াছেন ; যুদ্ধকলহে তাঁহাদিগের বাণিজ্যবিস্তারে বিঘ্ন ঘটতেছে । সিরাজদৌলা তখন ইংরাজদিগকে সন্ধিপত্র নির্দ্ধারণ করিবার জন্ত দেওয়ানের পটমণ্ডপে পাঠাইয়া দিয়া স্বয়ং বিশ্রামভবনে গমন করিলেন ।

ইংরাজদিগের মনোবাঞ্ছা পূর্ণ হইল । তাঁহারা সহাস্রবদনে অভিবাদন করিয়া বিদায়গ্রহণ করিলেন । কিন্তু কুচক্রী-মন্ত্রিদলের মনোবাঞ্ছা পূর্ণ হইল না । তাঁহারা স্ককৌশলে সন্ধির প্রস্তাব চূর্ণ করিবার আয়োজন করিতে লাগিলেন ।

যে দুইজন ইংরাজ রাজপুরুষ প্রতিনিধি সাজিয়া, হাতিয়ার বাঁধিয়া, নবাব-দরবারে উপনীত হইয়াছিলেন, তাঁহারা কুঠিয়াল সিবিলিয়ান ;— সিরাজদৌলার নামে তাঁহাদের অন্তরাগ্না সহজেই কাঁপিয়া উঠিত । মন্ত্রিদল অন্ত্রোপায় হইয়া, এই ইংরাজযুগলের মনে সহসা ভয়ের সঞ্চার করিয়া কার্যোদ্ধারের আয়োজন করিলেন !

ইংরাজেরা দরবার হইতে বাহির হইবামাত্র সূচতুর উমাচরণ আসিয়া ধীরে ধীরে তাঁহাদের কাণে কাণে নিতান্ত পরমাত্মীরের ত্রায় বলিতে লাগিলেন, — “দেখিতেছ কি ? প্রাণ বাঁচাইতে চাহ ত এখনই পলায়ন কর । সন্ধির প্রস্তাবে নিশ্চিত হইয়াছ ? এ সন্ধি নহে ;—ইহা কেবল কালহরণের

কুটিল কৌশল । নবাবের সেনাদল আসিয়াছে, কিন্তু কামানগুলি এখনও পশ্চাতে পড়িয়া রহিয়াছে ; সেইজন্ত তোমাদিগকে সন্ধির কথা উঠাইয়া প্রতারণা করিতেছে । কামান আসিলে আর এক মুহূর্ত্তও বিলম্ব হইবে না । তোমরা কয়জন ? সিরাজদ্দৌলার সেনাতরঙ্গের সম্মুখে কতক্ষণ দাঁড়াইতে পারিবে ?” ইংরাজদের হৃৎকম্প উপস্থিত হইল । কি সর্বনাশ ! এই সাদর-সম্ভাষণ, এই সন্ধির শান্তি-সূচনা,—এ সকলই কেবল কালহরণের কুটিল কৌশল ? এখন উপায় কি ? মুখের ভাব দেখিয়া উমাচরণ বুঝিলেন যে,—ঔষধ ধরিয়াছে ! তিনি অবসর পাইয়া বলিয়া উঠিলেন, “আর উপায় কি ? দেওয়ানের পটমণ্ডপে গমন করিলেই বন্দী হইতে হইবে । এখনও সাবধান হও । মশাল নিভাইয়া দিয়া আঁধারে আঁধারে দুর্গমধ্যে পলায়ন কর ।” যে কথা সেই কাজ ;—ইংরাজেরা আর মুহূর্ত্তমাত্র বিলম্ব করিলেন না ।* কিন্তু কেহই ভাবিয়া দেখিলেন না যে, সিরাজদ্দৌলা কি কামান না লইয়া রিক্তহস্তে এতদূর অগ্রসর হইয়াছেন ?

সিরাজদ্দৌলা এই কুটিল চক্রান্তের বিন্দুবিসর্গও জানিতে পারিলেন না ; কিন্তু সে রজনীতে ইংরাজ-শিবিরে একজনও ঘুমাইবার অবসর পাইল না । ক্লাইব তপ্তাঙ্গারের গায় প্রদীপ্ত প্রতাপে ওয়াটসনের নিকট ছুটিয়া চলিলেন ; তাহার নিকট হইতে ছয়শত জাহাজী গোরা চাহিয়া লইয়া আপন পদাতিক-সেনার সহিত সম্মিলিত করিলেন ; এবং রজনী তিন ঘণ্টিকার সময়ে নিঃশব্দ-পদসঞ্চারে সসৈন্তে নবাব-শিবির আক্রমণ করিতে অগ্রসর হইলেন । নবাব-শিবির ৬০০০০ সিপাহী এবং ১৮০০০ অশ্বারোহী ৪০টি কামান লইয়া নিরুদ্ধে নিদ্রাময় ;—তাহারা জাগিয়া উঠিলে যে ইংরাজের কি সর্বনাশ ঘটিবে, ক্লাইব তাহা চিন্তা করিবার অবসর পাইলেন না ।

একে নিশাকাল, তাহাতে নিদারুণ শীত। সকলেই নিঃশব্দ নিঝুম। সেই নৈশ নীরবতা আলোড়ন করিয়া ইংরাজের কামান গুলি ভীম কলরবে গর্জন করিয়া উঠিল! গুড়ুম—গুড়ুম—গুম্; গুড়ুম—গুড়ুম—গুম, গুড়ুম—গুড়ুম—গুম্;—ইংরাজের কামান ঘন ঘন ডাকিতে লাগিল, গুড়ুম—গুড়ুম—গুম্। সহসা সুপ্তোখিত হইয়া সিপাহীসেনা কামান গর্জনের কারণ বুঝিতে পারিল না! তাহারা তুমুল কোলাহলে নবাব-শিবির আকুল করিয়া তুলিল; এবং যে যেখানে ছিল, হাতিয়ার বাধিয়া, মশাল জ্বালাইয়া, কামানের নিকটে দাঁড়াইতে লাগিল। তখন নবাব-শিবিরের কামানগুলিও প্রচণ্ড বিক্রমে অনলবর্ষণ করিতে ক্রটি করিল না!

সিরাজদৌলা গাত্রোতান করিলেন। প্রভাত হইলেও ভাল করিয়া দৃষ্টি-সঞ্চালনের উপায় হইল না;—ঘন ঘনাকারে ধূমপুঞ্জ দিগ্বাণুল আবরণ করিয়া ফেলিয়াছে, তাহার উপর কুজ্ঝাটিকায় চারিদিক্ সমাচ্ছন্ন; নিকটে কি দূরে কোনদিকেই নয়নসঞ্চালনের সুবিধা নাই। কেবল থাকিয়া থাকিয়া উভয় পক্ষের কামানগুলি কড়্ কড়্ করিয়া উঠিতেছে; আর মধ্যে মধ্যে আহতের আর্তনাদে চারিদিক আকুল করিয়া তুলিতেছে! সকলেই বুঝিল যে, লড়াই বাধিয়াছে;—কিন্তু সহসা লড়াই বাধিবার কারণ কি, সে কথা কেহই বুঝাইতে পারিল না।

৭টা বাজিয়া গেল। তথাপি সেই কুজ্ঝাটিকা, তথাপি সেই ধূমপুঞ্জ, তথাপি সেই কামানগর্জন। কে কোথায় ছিটাইয়া পড়িয়াছে;—শত্রু নিকটে কি দূরে, কিছুই বুঝা যাইতেছে না; কেবল শব্দ লক্ষ্য করিয়া মুসলমানেরা কামানে অগ্নিসংযোগ করিতেছে, আর প্রদীপ্ত লৌহপিণ্ডরাশি তীব্র-তেজে ছুটিয়া বাহির হইতেছে। যখন দিবালোক প্রস্ফুটিত হইয়া উঠিল, তখন সকলেই সবিস্ময়ে চাহিয়া দেখিলেন যে, ক্লাইবের সমর-পিপাসা শান্ত

হইয়াছে, তাহার গর্কোরত গোরাসৈন্য দূরপথে হেটমুণ্ডে দুর্গাভিমুখে পলায়ন করিতেছে ; আর মুসলমান-অশ্বসেনা তাহাদের পশ্চাতে পশ্চাতে ঘোড়া ছুটাইয়া ধাবিত হইতেছে । ইংরাজদিগের দুইটি কামান মুসলমানেরা কাড়িয়া লইয়াছে ; এখানে, ওখানে, সেখানে, চারিদিকে ইংরাজসেনার বীরমুণ্ড রুধিরকর্দমে ধরাবিলুপ্তিত হইতেছে ।*

ইংরাজের সর্বনাশ হইয়াছে ! একে সামান্য সেনাবল লইয়া ক্লাইব এবং ওয়াটসন বঙ্গদেশে শুভাগমন করিয়াছিলেন ; তাহাতে ক্লাইবের অবিম্ব্য-কারিতায় একদিনেই ১২০ জন ইংরাজ ধরাশায়ী হইয়াছে, এবং শতাধিক সিপাহীসেনা কালকবলে নিপতিত হইয়াছে !† নবাব-শিবিরেও হাহাকার পড়িয়া গিয়াছে ; কত হতভাগা আর নিদ্রাভঙ্গে উঠিয়া বসিবার অবসর পায় নাই ; কত সিপাহী শত্রুমিত্রের যুগপৎ অনলবর্ষণে ভস্মীভূত হইয়া গিয়াছে !

সহসা এই যুদ্ধকোলাহল উপস্থিত হইল কেন ? সিরাজদ্দৌলা তাহার কারণানুসন্ধান করিতে বসিয়া মস্ত্রিদলের মস্ত্রণার বাহাদুরী বুঝিয়া শিহরিয়া উঠিলেন । গীরজাফরের ব্যবহার দেখিয়া স্পষ্টই বুঝিতে পারিলেন যে, তিনিও সম্পূর্ণ নির্লিপ্ত নহেন । § এই সেনাপতি, এই প্রভুভক্ত মস্ত্রিদল লইয়া ইং-

* অন্বিলিখিত ইতিহাসে এই নিশারণের আমূল বৃত্তান্ত প্রদত্ত হইয়াছে । পরাজিত ইংরাজ সেনা ইহার জন্য কর্ণেল ক্লাইবকে কিক্রপ ভৎসনা করিয়াছিল, তাহাও লিখিত হইয়াছে ।

† Two Captains of the Company's troops. Pye, and Bridges and Mr. Belcher, the Secretary of Col. Clive, were killed. Orme, ii. 134.

§ (Serajadowla) discovered some appearance of disaffection in some of his principal officers, particularly in Meer Jaffier, whose conduct in this affair had been very mysterious. —Scrafton's Reflections.

রাজের সঙ্গে যুদ্ধ করিতে সাহস হইল না ; সিরাজদৌলা নিরাপদ স্থানে সরিয়া গিয়া শিবিরসন্নিবেশ করিলেন, এবং তাড়াতাড়ি সন্ধিসংস্থাপনের জন্ত ইংরাজদিগকে ডাকিয়া পাঠাইলেন।

যে সিরাজদৌলা আবাল্য ইংরাজদলনে কৃতসংকল্প, তিনিই যে আবার সন্ধির জন্ত সরলভাবে লালায়িত হইয়াছেন, ইংরাজেরা সে কথায় সহসা বিশ্বাসস্থাপন করিতে পারিলেন না। ক্লাইব রণভীত হইয়া সন্ধির জন্ত ব্যাকুল ; কিন্তু ওয়াটসন্ তাঁহাকে সাবধান করিবার জন্ত পত্র লিখিয়া পাঠাইলেন।*

ক্লাইব কিন্তু ওয়াটসনের পরামর্শে কর্ণপাত করিলেন না। মজিদলের কুমন্ত্রণার সন্ধান পাইয়া সিরাজদৌলা সন্ধির জন্ত এতদূর ব্যাকুল হইয়া উঠিয়াছিলেন যে, ক্লাইব যাহা চাহিলেন, তিনি তাহাতেই সম্মত হইয়া, ১৭৫৭ খৃষ্টাব্দের ৭ই ফেব্রুয়ারী সন্ধিপত্র স্থগিত করিয়া ফেলিলেন। ইংরাজদিগের অনুরোধ রক্ষার জন্ত মীরজাফর এবং রায় দুর্লভকেও এই সন্ধিপত্রে স্বাক্ষর করিতে হইল। ইতিহাসে ইহারই নাম, ‘আলিনগরের সন্ধিপত্র’।

* “I am fully convinced that the Nabob's letter was only to amuse us in order to cover his retreat, and gain time till he is reinforced, which may be attended with very fatal consequences. For my own part, I was of opinion that attacking his rear when he was marching off, and forcing him to abandon his cannon, was a most necessary piece of service to bring him to an accommodation ; for till he is well thrashed, don't, sir, flatter yourself he will be inclined for peace. Let us, therefore, not be overreached by his politics, but make use of our arms, which will be much more prevalent than any treaties or negotiations.”

এই সন্ধিস্থত্রে ইংরাজবণিক বাদশাহী ফরমাণের লিখিত সমুদায় বাণিজ্য-
ধিকার পুনঃপ্রাপ্ত হইলেন । কলিকাতার দুর্গ সংস্কারের অনুমতি প্রদত্ত
হইল ; কলিকাতায় টাকশাল বসাইয়া বাদশাহের নামে সিক্কা টাকা মুদ্রিত
করিবার অধিকার প্রদত্ত হইল ; এবং কলিকাতা লুণ্ঠন সময়ে ইংরাজদিগের
বাহ্য কিছু ক্ষতি হইয়া থাকে, সিরাজদৌলা তাহাও পূরণ করিবার জন্য
সম্মতিদান করিলেন ।





দ্বাবিংশ পরিচ্ছেদ ।

সন্ধির পরিণাম !

সন্ধি সংস্থাপিত হইল ; কিন্তু ইংরাজের মনের গোল মিটিল না । সিরাজ-দৌলার মিত্রতাবন্ধন সুদৃঢ় করিবার জন্য ক্লাইব, ওয়াটসন্ এবং ডেক সাহেবকে যথাযোগ্য “শিরোপা” পাঠাইয়া দিলেন । সকলেই শিরোপা গ্রহণ করিলেন, ওয়াটসন্ তাহা প্রত্যাখ্যান করিয়া বলিয়া পাঠাইলেন যে,— “তিনি ইংলণ্ডের প্রজা ; সিরাজদৌলার নিকট শিরোপা লইয়া অধীনতা স্বীকার করিতে পারেন না !”*

* পলাসীর যুদ্ধাবসানে মীরজাফর যখন ‘শিরোপা’ পাঠাইয়া দেন, তখন কিন্তু কর্তৃব্যনিষ্ঠ ওয়াটসন্ সাহেবের কোনরূপ ইতস্ততের পরিচয় পাওয়া যায় নাই ; বরং তিনি স্বহস্তে মীরজাফরকে লিখিয়া গিয়াছেন :—*Mirza jaffier Beg, whom you have done me the honor to depute to me, has delivered me your letter, and other marks of friendship, with which you have been pleased to favor me.—Ive's journal.*

আলিনগরের সন্ধি-সূত্রে ইংরাজের অপমান হইল বলিয়া ইংরাজমাত্রেই ক্লাইবের উপর খড়াহস্ত হইয়া উঠিয়াছিলেন ; বাহারা প্রাণরক্ষার জন্ত সর্বাগ্রে কলিকাতা ছাড়িয়া পলায়ন করিয়াছিলেন, সময় পাইয়া তাঁহাই সর্বোচ্চকণ্ঠে ক্লাইবকে ভীৰু কাপুরুষ ইত্যাদি স্মিষ্ট সম্বোধনে পরিতৃপ্ত করিতে লাগিলেন ! ইহা হইতেই ওয়াটসন্ বুঝিয়াছিলেন যে, আলিনগরের সন্ধিপত্র বড় অধিকদিন সমাদরলাভ করিবে না ; সুতরাং তিনি বোধ হয় “নিমক্‌হারামী” করিবেন না বলিয়াই শিরোপা গ্রহণ করিতে অসম্মত হইয়াছিলেন ।

উত্তরকালে মহাসভায় সাক্ষ্য দিবার সময়ে লর্ড ক্লাইব বলিয়াছিলেন ;— “এই সময়ে তাঁহার সেনাবল দুই সহস্রমাত্র ; ফরাসিরা নবাবের পক্ষভুক্ত হইলে সহজেই ইংরাজের সর্বনাশ সংঘটিত হইত । বীরহৃদয়ের উত্তেজনায় জ্ঞানশূন্য হইলে, তিনিও সন্ধির প্রস্তাবে কর্ণপাত করিতেন না ; কিন্তু কোম্পানী বাহাদুরের মুখের দিকে চাহিয়া বাণিজ্যরক্ষার জন্তই তাঁহাকে এরূপ (অপমানসূচক) সন্ধি-বন্ধনে সন্মত হইতে হইয়াছিল ।”*

যাহা হইবার তাহা হইয়া গিয়াছে ; এখন কোনরূপে ফরাসিদিগকে চিরনির্বাসিত করাই ইংরাজদিগের লক্ষ্য হইয়া উঠিল । এ বিষয়ে নবাবের অভিপ্রায় কি, তাহা জানিবার জন্ত সকলে ব্যাকুল হইয়া উঠিলেন । সিরাজ-দৌলা এই প্রস্তাবে একেবারে শিহরিয়া উঠিলেন ! ইহাই কি শান্তিপিপাসার পরিচয় ? এখনও এক সপ্তাহ অতীত হয় নাই, ইহার মধ্যেই আবার যুদ্ধ ? + তিনি নিতান্ত বিরক্ত হইয়া বলিয়া পাঠাইলেন যে, ইংরাজের ত্রায়

* Clive's Evidence.

+ The Nabob detested the idea — Orme, vol. ii. 136.

ফরাসীরাও নবাবের পদাশ্রিত ফিরিঙ্গি বণিক, তিনি কিছুতেই আশ্রিতের সর্বনাশসাধনের সহায়তা করিবেন না। ইংরাজেরা আর বাঙনিম্পত্তি না করায়, সিরাজদৌলা নিশ্চিত্তহৃদয়ে কলিকাতা হইতে প্রত্যাগমন করিলেন ।

অগ্রহীণে আসিয়া সিরাজদৌলা সংবাদ পাইলেন যে, তাঁহার অনুপস্থিতির অবসর পাইয়া ইংরাজেরা আবার সিংহমূর্তি ধারণ করিয়াছেন, এবং সঙ্গীনস্কন্ধে চন্দননগর লুণ্ঠন করিবার আয়োজন করিতেছেন । ওয়াটস সাহেব তাঁহার সঙ্গেই মুরশিদাবাদে যাইতেছিলেন ; -তিনি এ সকল কথা একেবারে অস্বীকার করিবার জন্ত বিবিধ বিধানে আয়োজন করিতে লাগিলেন । তাঁহার অনুরোধে বণিকরাজ উমিচাঁদ আসিয়া সিরাজদৌলার সমক্ষে ব্রাহ্মণের পাদম্পর্শ করিয়া শপথ করিলেন যে, “ইংরাজেরা কখনও সন্ধি ভঙ্গ করিবে না, তাহাদের মত সত্যপ্রিয় জাতি ভূভারতে আর নাই, তাহাদের যে কথা সেই কাজ ।” * ঈশ্বরের নামে ধর্মশপথের বলে সিরাজদৌলা বশীভূত হইলেন । তথাপি তিনি ইংরাজদিগকে সাবধান করিবার জন্ত ওয়াটসনকে লিখিয়া পাঠাইলেন :—

“সমুদায় কলহ বিবাদ সমূলে ধ্বংস করিবার জন্তই বাণিজ্যাদিকার পুনঃপ্রদান করিয়া সন্ধিসংস্থাপন করিলাম । তুমিও তাহাতে স্বাক্ষর করিয়া প্রতিজ্ঞা করিয়াছ যে, এ দেশে আর যুদ্ধকলহ উপস্থিত করিবে না । কিন্তু আমার বোধ হইতেছে যে, তোমরা বুঝি হুগলীর নিকটস্থ ফরাসীকুঠি আক্রমণ করিয়া শীঘ্রই সমরানল প্রজ্জ্বলিত করিবে । আমার রাজ্যে আবার কলহ সৃষ্টির আয়োজন করিতেছ কেন ? ইহা ত সকল দেশেরই সুনীতিবিরুদ্ধ ব্যবহার । তৈমুরলঙ্গের সময় হইতে আজ পর্য্যন্ত ফিরিঙ্গিরা ত এদেশে পরস্পরের মধ্যে কোন দিনই যুদ্ধ কলহ উপস্থিত করিতে পারে নাই ? তোমরা রণোন্মুখ হইয়া থাকিলে, আমি আর কি করিব ? বাদশাহের কর্তব্যপালন

ও সম্মানরক্ষার জন্ত আমাকে অগত্যা সসৈন্তে ফরাসীপক্ষ অবলম্বন করিতে হইবে । এই ত সেদিন সন্ধি করিয়াছ,—ইহারই মধ্যে আবার যুদ্ধ ? মহারাষ্ট্রীয়েরা বহুকাল শান্তিভঙ্গ করিয়াছিল ; কিন্তু যেদিন সন্ধি করিল, সে দিন হইতে আর কখন প্রতিজ্ঞা-ভঙ্গ করে নাই ; ভবিষ্যতেও করিবে বলিয়া বোধ হয় না । ধর্মশপথ পূর্বক সন্ধি-সংস্থাপন করতঃ জানিয়া শুনিয়া তদ্বিপরীতাচরণ করা বড়ই গুরুতর অপরাধ । তোমরা সন্ধি করিয়াছ, সন্ধিপালন করিতেই বাধ্য । সাবধান ! যেন আমার অধিকারে যুদ্ধকলহ উপস্থিত না হয় ;—আমি বাহা বাহা প্রতিজ্ঞা করিয়াছি, তাহা অক্ষরে অক্ষরে প্রতিপালিত হইবে ।”*

পত্র লিখিয়াই সিরাজদৌলা নিশ্চিত হইতে পারিলেন না, তিনি প্রজা-রক্ষার জন্ত মহারাজ নন্দনকুমারের অধীনে হুগলীতে, অগ্রদ্বীপে এবং পলা-সিতে সেনাসমাবেশ করিয়া রাজধানীতে শুভাগমন করিলেন ।

রাজধানীতে আসিয়া সংবাদ পাইলেন যে, ইংরাজেরা সসৈন্তে চন্দননগর আক্রমণ করাই স্থির করিয়াছেন ! তখন ক্ষণমাত্র বিলম্ব না করিয়া সিরাজ-দৌলা পুনরায় ওয়াটসনকে লিখিলেন—

“গত কল্য তোমাকে যে পত্র লিখিয়াছি, তাহা বোধ হয় হস্তগত হইয়াছে । সেই পত্র লিখিবার পরেই ফরাসীদিগের উকীলের নিকট অবগত হইলাম যে,—তোমরা নাকি চারি পাঁচ খানি অতিরিক্ত যুদ্ধজাহাজ আনাইয়াছ, এবং আরও আনাইবার চেষ্টায় আছ । ইহাও শুনিলাম যে, তোমরা চন্দননগর ধ্বংস করিয়াই নিরন্ত হইবে না, বরঞ্চ শেষে সসৈন্তে মুর্শিদাবাদ পর্য্যন্তও আগমন করিবে । ইহা কি বীরোচিত অথবা ভদ্রজনোচিত ব্যবহার ? সন্ধিপালন করিবার ইচ্ছা থাকিলে, জাহাজগুলি ফেরত

* মূলপত্র কোথায় তাহার সন্ধান পাওয়া যায় না ; ইংরাজেরা এই সকল পত্রের যে ইংরাজি অনুবাদ করাইয়াছিলেন, তাহা *Ive's Journal* নামক পুরাতন গ্রন্থে সন্নিবিষ্ট আছে । সিরাজচরিত্র অধ্যয়ন করিতে হইলে এই পত্রগুলি আদ্যন্ত অধ্যয়ন করা আবশ্যক ।

পাঠাইয়া দিবে। এই ত সেদিন সন্ধি করিয়াছ ! এত অল্পদিনের মধ্যে প্রতিজ্ঞা-ভঙ্গ করা কি ভদ্রনীতি ? মহারাজারদিগের বাইবেল নাই,—কিন্তু তাহারা ত সন্ধি-লঙ্ঘন করে না। বড়ই আশ্চর্যের কথা,—সহসা বিশ্বাস করিতেও ইতস্ততঃ হয়,—বাইবেলের ধর্মশিক্ষা করিয়া, পরমেশ্বর এবং খ্রীষ্টের দোহাই দিয়া সন্ধিসংস্থাপন করিয়াছ, অথচ কার্যকালে তাহা পালন করিতে পারিতেছ না !”*

এই পত্রখানি যেরূপ শ্লেষাত্মক, সেইরূপ স্মৃতির ভাষায় লিখিত। বোধ হয় পত্র পড়িয়া ইংরাজদিগেরও চক্ষু লজ্জা হইয়াছিল। তাহারা নবাবের অনু-মতি না লইয়া বাহুবলে চন্দননগর আক্রমণ করিতে সম্মত হইলেন না। তখন ওয়াটসন্ অনন্তোপায় হইয়া নূতন এক ধূয়া ধরিয়া প্রত্যুত্তর লিখিতে বসিলেন :—

“আপনার ১৯শে ফেব্রুয়ারীর পত্র অদ্য ২১শে ফেব্রুয়ারী তারিখে হস্তগত হইল। পত্র-পাঠে জানিতে পারিলাম যে, ফরাসীদিগের বিরুদ্ধে যুদ্ধযাত্রা করা আপনার অভিপ্রেত নহে। ইহাতে আপনি যে এতদূর অসন্তুষ্ট হইবেন, এ কথা জানিতে পারিলে আমরা আপনার রাজ্যের শান্তিভঙ্গ করিবার আয়োজন করিতাম না। ফরাসিরা সন্ধি সংস্থাপন করিলে আমরা আর যুদ্ধ করিতে চাহি না। কিন্তু তাহারা সন্ধি করিলেই ছাড়িব না, সুবাদারস্বরূপ আপনাকে তাহার জামিন থাকিতে হইবে। পৃথিবীতে আমাদের মত সত্যপরায়ণ লোক যে আর কোন দেশে নাই, তাহা বোধ হয় আপনার অজ্ঞাত নাই। আমি আপনাকে সত্যশপথ করিয়া বলিতেছি, আমরা কিছুতেই সত্যলঙ্ঘন করিব না। প্রভু খ্রীষ্ট এবং পরমেশ্বরকে সাক্ষী করিয়া আবার বলিতেছি যে, আপনি যদি ফরাসীদের সঙ্গে সন্ধি করাইয়া দেন, তবে আর কিছুতেই আমরা সত্যভঙ্গ করিব না।”†

* Ive's Journal.

† Ive's Journal.

ওয়াটসনের প্রত্যুত্তর পাইয়া সিরাজদৌলা বলিলেন,—তথাস্তু । তিনি কলহপ্রিয় চঞ্চল যুবক হইলে, এই উপলক্ষে ইংরাজকে বিলক্ষণ দশকথা শুনাইয়া দিতে পারিতেন ; বলিতে পারিতেন, ফরাসির সঙ্গে তোমাদিগের সন্ধি হয় হউক, না হয় না হউক, তাহার সঙ্গে আমার সংশ্রব কি ? আমার অধিকারে আর কলহ বিবাদ করিবে না বলিয়া সেদিন যে সন্ধিপত্রে স্বাক্ষর করিয়াছ, তাহার সহিত ফরাসিদিগের সম্বন্ধ কি ? কিন্তু সিরাজদৌলা এ সকল কূটতর্ক উপস্থিত না করিয়া অম্লান-বদনে লিখিয়া পাঠাইলেন :—

“ফরাসিযুদ্ধ সংক্রান্ত পত্র পাইয়া ভয়ানক জ্ঞাত হইলাম । আমি ফরাসিদিগকে কলহবৃদ্ধির সহায়তা করিব না, সে জ্ঞাত নিশ্চিন্ত থাকিবা । বরং তাহারাই যদি গায়ে পড়িয়া বিবাদ বাধাইবার চেষ্টা করে, তবে সর্বমুখে বাধা প্রদান করিব । তোমরা চন্দননগর আক্রমণ করিবে শুনিয়া যাহা সম্ভব বোধ হইয়াছিল, তাহাই লিখিয়া পাঠাইয়াছিলাম । আমি ফরাসিদিগকে উৎসাহ দিবার জন্ত সেনাবল পাঠাই নাই ; তোমরা কলহবিবাদ উপস্থিত করিলে আমারই প্রজাদিগের সর্বনাশ হইবে, সুতরাং প্রজারক্ষার জন্তই (স্থানে স্থানে) সেনাসমাবেশ করিয়াছিলাম । আমার পত্র পাইয়া তোমরা বে চন্দননগর আক্রমণ করিবার সংকল্প ত্যাগ করিয়াছ, এ সংবাদে আমি খারপর নাই প্রীতিনাভ করিলাম । ফরাসিদিগকে সন্ধিসংস্থাপন করিবার জন্ত পত্র লিখিলাম । সন্ধি হইলে, আমি একজন রাজকর্মচারী পাঠাইয়া দিব, এবং তোমাদের সন্ধিপত্র আমার দপ্তরে জারি করাইয়া রাখিব । মিত্রভাবে থাকিবার জন্যই সন্ধি করিয়াছি,—সে কথার কখনও অশ্রুধা হইবে না ।

“আর এক কথা । শুনিতেছি যে দিল্লীর ফৌজ আমার রাজ্য আক্রমণ করিতে আসিতেছে । তজ্জন্ত বোধ হয় শীঘ্রই পাটনা অঞ্চলে গমন করিব । এ সময়ে তোমরা সেনাসাহায্য করিলে আমি লক্ষ টাকা পুরস্কার প্রদান করিব ।”*

* Ive's Journal.—অনেকে এই পত্রপানির অনেকরূপ ব্যাখ্যা করিয়াছেন । ইংরাজেরা বলেন যে, সিরাজদৌলা পাঠানসেনার আক্রমণভয়ে ভীত হইয়াই

যখন নবাবের নিকট হইতে এই পত্রখানি কলিকাতার উপনীত হইল, তখন ইংরাজমণ্ডলীতে হুলস্থল পড়িয়া গিয়াছে। ফরাসিরা সন্ধির জন্য কলিকাতার প্রতিনিধি পাঠাইয়াছেন, সন্ধিপত্র লিখিত হইয়া গিয়াছে, কেবল গৃহকলহে ইংরাজবণিক তাহা স্বাক্ষর করিতে ইতস্ততঃ করিয়া কালক্ষয় করিতেছেন। ওয়াটসন্ সাহেবই সকল গোলযোগের মূল হইয়া দাঁড়াইয়াছেন; সকলেই সম্মত, কেবল একাকী ওয়াটসন্ অসম্মত হইয়া সকলের সঙ্গে দ্বন্দ্ব করিয়া বেড়াইতেছেন। তাঁহার প্রধান তর্ক এই যে, “পঁদিচেরীর ফরাসিদরবার সন্ধিপত্রে স্বাক্ষর না করিলে কদাচ সন্ধি করা কর্তব্য নহে।” ক্লাইব দরবার বসাইয়া প্রাণপণে সন্ধির জন্য অনুরোধ জানাইতে লাগিলেন, এবং সকলেই তাহাতে সম্মতিদান করায় ওয়াটসনের নিকট সন্ধিপত্র পাঠাইয়া দিলেন। ওয়াটসন্ তাহা দুইবার ফিরাইয়া দিবার পর ক্লাইব স্বহস্তে এক সুদীর্ঘ মন্তব্য লিখিয়া বার বার তিনবার ওয়াটসনের নিকট সন্ধিপত্র পাঠাইয়া দিলেন। ওয়াটসন্ কিছুতেই বিচলিত হইলেন না;—সন্ধি হইল না। কাহার দোষে সন্ধি হইল না, ক্লাইব তাহা নিজেই মন্তব্য পত্রে লিখিয়া গিয়াছেন।

“Do but reflect gentlemen, what will be the opinion of the world of these our late proceedings. Did we not, in

ইংরাজের নিকট সেনাবল ভিক্ষা করিয়াছিলেন। কিন্তু সিরাজচরিত্র বিচার করিয়া আমাদের এইরূপ ধারণা হইয়াছে যে, ইংরাজদিগকে সেনাহীন করাই তাঁহার প্রধান উদ্দেশ্য। তিনি পাটনায় প্রস্থান করিলে ইংরাজ হয় ত সৈন্যে ফকননগর আক্রমণ করিবেন, বোধ হয় সেই আশঙ্কা নিবারণের জন্যই এরূপ প্রস্তাব করিয়াছিলেন।

consequence of a letter received from the Governor and Council of Chandernagor making offers of a neutrality within the Ganges, in a manner accede to it by desiring they would send deputies, and that we would gladly come into such a neutrality with them ; and have we not since their arrival drawn out Articles that were satisfactory to both parties, and agreed that each Article should be reciprocally signed, sealed and sworn to? What will the Nabab think ? After the promises made him on our side and after his consenting to guarantee this neutrality, he and all the world will certainly think that we are men of a trifling, insignificant disposition, or that we are men without principles. It is therefore incumbent on us to exculpate ourselves by declaring the real truth, that we were entirely ignorant of Mr. Watson's intentions to refuse the neutrality in the manner proposed and settled by us, and that we always thought him of a contrary opinion to what his letter declares. I am persuaded these must be the sentiments of the gentlemen of the Committee, or they never would have gone such lengths as* must expose them to the censure of all reasonable men."

* Select Committee Proceeding, 4 March 1757.

ওয়াটসন্ ইহাতেও বিচলিত হইলেন না ! তিনি বুঝিয়াছিলেন যে, সিরাজদৌলা দিল্লীর আক্রমণভয়ে অতিমাত্র ভীত হইয়া ইংরাজের নিকট সাহায্যভিক্ষা করিয়াছেন, সুতরাং এ সময়ে দায়ে পড়িয়াই—চন্দননগর লুণ্ঠনের অনুমতি দিতে হইবে । ওয়াটসন্ হয়ত ভাবিয়াছিলেন যে, সিরাজদৌলার আবার ধর্ম্মাধর্ম্ম কি ? স্বার্থরক্ষার জন্ত তাঁহাকে অবশ্যই ইংরাজের মনস্তুষ্টি করিতে হইবে । তিনি সেই জন্ত নানারূপ গৌরচন্দ্রিকা করিয়া সিরাজদৌলাকে যাহা লিখিয়া পাঠাইলেন তাহার মর্ম্মার্থ এইরূপ :—
“চন্দননগরের ফরাসিছর্গে অনেক সেনা রহিয়াছে, তাহাদিগকে পশ্চাতে রাখিয়া আমরা দূরদেশে যুদ্ধযাত্রা করিতে পারি না । আপনি অনুমতি করিলেই আমরা ফরাসিদিগকে নিশ্চল করিয়া সসৈন্তে আপনার সঙ্গে পাটনা অঞ্চলে গমন করিতে পারি ।” *

সিরাজদৌলা বিষম বিপদে পতিত হইলেন । এদিকে বাদশাহী সিপাহী সদর্পে অগ্রসর হইতেছে, ওদিকে ইংরাজসিংহ সগর্বে ফরাসিদলনের আয়োজন করিতেছেন ;—সিরাজদৌলা কোন্ দিক্ রক্ষা করিবেন ? তিনি যদি পদাশ্রিত ফরাসিবণিকের সর্বনাশ করিয়া ইংরাজের সাহায্য ক্রয় করিতে সম্মত হইতেন, তাহা হইলে হয় ত উভয়কূলই রক্ষা হইতে পারিত, এবং ইতিহাসলেখকেরাও বোধ হয় দুই হাত তুলিয়া সিরাজদৌলার জয়ধ্বনিতে দিগ্বাণুল পরিপূর্ণ করিতেন ! কিন্তু সিরাজদৌলা তাহা পারিলেন না ; পদাশ্রিত ফরাসিবণিকের সর্বনাশ করিয়া ইংরাজের নিকট সেনাভিক্ষা করা সিরাজদৌলার মনঃপূত হইল না । তিনি ওয়াটসনের প্রস্তাবের প্রত্যাশ্রয় না দিয়া বাহুবলে আত্মরক্ষার জন্ত সেনাসংগ্রহে নিযুক্ত হইলেন ! ইহাতেই সিরাজদৌলার সর্বনাশের সূত্রপাত হইল ।



ত্রয়োবিংশ পরিচ্ছেদ ।

চন্দননগর-ধবংস ।

নবাবের প্রত্যুত্তর না পাইয়া ইংরাজেরা সহসা কিংকর্তব্য স্থির করিয়া উঠিতে পারিলেন না । ক্লাইব বলিতে লাগিলেন যে, হয় সন্ধি কর, না হয় এখনই যুদ্ধঘোষণা কর । ওয়াটসন্ সন্ধিতেও অসম্মত, নবাবের অনুমতি না লইয়া যুদ্ধঘোষণা করিতেও অসম্মত । অগত্যা সন্ধির লেখাপড়া যেমন চলিতেছিল, সেইরূপই চলিতে লাগিল ; অথচ কোন কথারই মীমাংসা হইল না !

সিরাজদ্দৌলা যে ফরাসিদিগের সর্বনাশসাধনে সহায়তা করিবেন না, সে বিষয়ে কাহারও সন্দেহ ছিল না । সুতরাং সকলেই বুঝিয়াছিলেন যে, ফরাসির সঙ্গে কলহ বিবাদ উপস্থিত করিলে প্রকারান্তরে সিরাজদ্দৌলার সঙ্গেই কলহ করার ফল হইবে । সেই জন্ত সকলেই বলিয়াছেন,—“সন্ধি-ভঙ্গ মহাপাপ ; নবাবের নিষেধ লঙ্ঘন করিয়া যুদ্ধ করা হইবে না ।” কিন্তু

এই সময়ে মান্দ্রাজ এবং বোম্বাই হইতে কয়েক পণ্টন ফৌজ আসিবার সংবাদ প্রাপ্ত হইয়া ইংরাজদিগের সকল ইতস্ততঃ মিটিয়া গেল ; তাঁহারা দরবার বসাইয়া কর্তব্যনির্ণয়ে নিযুক্ত হইলেন !

এই মন্ত্রণাসভায় ক্লাইব প্রধান মন্ত্রীর আসন গ্রহণ করিলেন ; গবর্ণর ডেক, মেজর কিলপ্যাট্টিক, এবং বীচার সাহেব সদস্য হইলেন । ক্লাইবের বক্তৃতা শেষ হইলে সকলেই বুঝিলেন যে, আর নবাবের অনুমতিলাভের আশা নাই, বরং তিনি সসৈন্তে ফরাসিপক্ষ অবলম্বন করাই সম্ভব । সুতরাং সহসা চন্দননগর আক্রমণ করিলে আলিনগরের সন্ধিভঙ্গ হইয়া নবাবের সঙ্গে পুনরায় শত্রুতার সূত্রপাত হইবে । মেজর কিলপ্যাট্টিক এবং বীচার বলিলেন “এরূপ ক্ষেত্রে যুদ্ধ করা অনুচিত ।” ক্লাইব তাঁহাদের কথায় বাধা দিয়া বলিয়া উঠিলেন, “কিসের সন্ধি ? এই ত চন্দননগর আক্রমণের উপযুক্ত অবসর ।” তখন সকলেই ডেক সাহেবের মুখের দিকে চাহিলেন ; তিনি অনেক হত ইতি গজ করিলেন, কিন্তু উপস্থিত সমস্তার কোনই মীমাংসা করিতে পারিলেন না । তাঁহার ‘মত’ কেহ গণনার মধ্যে আনিলেন না । দুই জন সন্ধির পক্ষে, একজন যুদ্ধের পক্ষে, এরূপ অবস্থায় সন্ধি করাই স্থিরীকৃত বটে । কিন্তু মেজর সাহেব সহসা ক্লাইবকে জিজ্ঞাসা করিলেন :—“আচ্ছা, এখন আমাদের যত সেনাবল সংগৃহীত হইয়াছে, তাহা লইয়া নবাব এবং ফরাসি দুইদলকেই পরাস্ত করা কি সম্ভব নহে ?” ক্লাইব বলিলেন,—“নিশ্চয়ই সম্ভব ।” তখন কিলপ্যাট্টিক মত পরিবর্তন করিয়া বলিয়া উঠিলেন, ‘তবে আমিও আর সন্ধি চাহি না ।’* দরবার ভঙ্গ

* মন্ত্রণাব্যাপারের সমালোচনা করিতে গিয়া ইংরাজ ইতিহাসলেখক জেমস মিল সদস্যদিগকে পরিহাস করিতে ত্রুটি করেন নাই ।

হইল ; ক্লাইব বাহিরে আসিয়া ফরাসি-দূতকে ডাকিয়া বলিলেন, ‘আর সন্ধি হইবে না ; অতঃপর কেবল যুদ্ধ ।’

সহসা ইংরাজের মতিপরিবর্তন হইল কেন, ফরাসিরা আর তাহা লইয়া কোনরূপ আন্দোলন করিলেন না । ইংরাজ তাঁহাদের পুরাতন বন্ধু (!) স্মৃতরাং নূতন পণ্টন আসিয়াছে বলিয়াই যে তাঁহাদের মতিপরিবর্তন হইল, ফরাসিরা তাহা সহজেই বুঝিতে পারিলেন । তাঁহারা চন্দননগরে সংবাদ পাঠাইলেন যে, আর সন্ধির আশা বৃথা ; অতঃপর কেবল যুদ্ধ !

ইংরাজ-দরবার স্থির করিলেন, অতঃপর কেবল যুদ্ধ ! কিন্তু ওয়াটসন্ তাহাতে সন্মত হইলেন না । নবাবের অনুমতি না পাইলে তিনি কিছুতেই যুদ্ধঘোষণা করিবেন না, এ সংবাদে ক্লাইব হতবুদ্ধি হইয়া পড়িলেন । জাহাজ-গুলি ওয়াটসনের আজ্ঞাবহ, জাহাজ না লইয়া চন্দননগর আক্রমণ করা বিড়ম্বনা মাত্র ; স্মৃতরাং ওয়াটসনকে বুঝাইবার জন্ত সকলেই ব্যস্ত হইয়া উঠিলেন । কিন্তু ওয়াটসনের সংকল্প অচল অটল । সকলেই বুঝিয়াছিলেন যে সিরাজদ্দৌলার অনুমতি পাওয়া অসম্ভব ; তথাপি ওয়াটসনের অনুরোধে নবাবের অনুমতির জন্ত অপেক্ষা করিতে হইল ।

ওয়াটসন্ ভাবিয়াছিলেন যে, সিরাজদ্দৌলা দিল্লীর ভয়ে জড়সড় হইয়াছেন, এ সময়ে একটু তর্জ্জন গর্জ্জন করিয়া পত্র লিখিলে অবশ্যই অনুমতি পাওয়া যাইবে । তিনি সেই উদ্দেশ্যে লিখিয়া পাঠাইলেন :—

“স্পষ্ট কথা বলিবার সময় উপস্থিত হইয়াছে । শান্তিরক্ষা করা যদি আপনার অভিপ্রেত হয়, অসহায় প্রজাপুঞ্জের ধনপ্রাণ রক্ষা করা যদি আপনার রাজধর্ম হয়, তবে অদ্য হইতে দশ দিবসের মধ্যে আমাদের প্রাপ্য শেষ কর্তব্য পর্য্যন্ত পরিশোধ করিয়া দিবেন । অঙ্গখাচরণ করিলে সমূহ দুর্ঘটনা উপস্থিত হইবে । আমরা কেবল সরল ব্যবহার করিয়া আসিতেছি, এখনও সরল ব্যবহার করিবার জন্যই বলিতেছি যে আমাদের অবশিষ্ট সেনাদল শীঘ্রই কলিকাতায় উপনীত হইবে, এবং আবশ্যক বুঝি

ত আরও জাহাজ জাহাজ ফোজ লইয়া আসিব । ইহাদের সহায়তায় এ দেশে এমন ভয়ানক সমরানল আলিয়া দিব যে, সমস্ত জাহবীজল শুষ্ক করিয়াও আপনি তাহা নির্বাণ করিতে পারিবেন না । আপাততঃ বিদায় গ্রহণ করিতেছি ; কিন্তু যিনি জীবনে কাহারও সঙ্গে কথার অন্যথা করেন নাই, তিনিই যে স্বহস্তে এই পত্র লিখিতেছেন, এ কথা যেন আপনি কদাচ বিস্মৃত না হন ।*

সিরাজদৌলা এই পত্রের গূঢ়মর্ম্ম অনুধাবন করিয়া লিখিয়া পাঠাইলেন :—

“তোমাদের নিকট যে সেনাসাহায্য চাহিয়াছিলাম তাহার কি হইল ? সন্ধিপত্রের অঙ্গীকৃত অর্থ শীঘ্রই পাঠাইয়া দিতেছি, কেবল দৌলঘাতা উপলক্ষে রাজকর্ম্মচারিগণ উৎসব-মগ্ন ছিলেন বলিয়াই বিলম্ব হইয়াছে । সন্ধিভঙ্গ করা আমার অভিাস নাই, যাহা স্বীকার করিয়াছি তাহা প্রদান করিবার সময়ে বাক্‌চাতুরী করিয়া কাল হরণ করিব না । কেহ যদি তোমাদিগকে আক্রমণ করে, তখন আমি তোমাদের সহায়তা করিব । আমি এ পর্য্যন্ত ফরাসিদিগকে কপর্দক সাহায্য প্রেরণ করি নাই, কেবল প্রজারক্ষার জনাই হুগলীর ফোজদার নন্দকুমারের নিকট কতকগুলি ফোজ পাঠাইয়াছি মাত্র । এদেশের চিরন্তন প্রথা উল্লঙ্ঘন করিয়া তোমরা আমার অধিকারে কোনরূপ যুদ্ধ কলহ উপস্থিত না কর—ইহাই আমার একান্ত অনুরোধ ।”†

এই পত্র পাইয়া সকলেই বুঝিলেন যে, সিরাজদৌলা কিছুতেই যুদ্ধের অনুমতি দিবেন না । যাহা সহজে হইবে না, তাহা কৌশল ক্রমে সাধন করা ওয়াট্‌সনের উদ্দেশ্য হইয়া উঠিল । কি জন্ত, কাহার দোষে সন্ধি হইল না, সে সকল কথার আনুপূর্ব্বিক উল্লেখ না করিয়া ওয়াট্‌সন্ লিখিয়া পাঠাইলেন যে, ফরাসীদিগের দোষে সন্ধি হইল না ; এবং যাহারা এরূপ চরিত্রের লোক তাহাদের সহিত কিরূপ ব্যবহার করা কর্তব্য, তদ্বিবয়ে সিরাজদৌলার মত

* Ive's Journal.

† Ive's Journal.

জিজ্ঞাসা করিলেন । সিরাজদ্দৌলা ইহাকে সাধারণ ভাবের পত্র মনে করিয়া সাধারণ ভাবেই প্রত্যুত্তর লিখিলেন :—

১০ মার্চ ১৭৫৬ ।

‘আমার পত্র পাইয়া যে প্রত্যুত্তর দানে বাধিত করিয়াছ, তাহা আমার হস্তগত হইয়াছে । তুমি লিখিয়াছ যে, “তোমাদের সকল সন্দেহ দূর হইয়াছে, আমার পত্র পাইয়া চন্দননগর আক্রমণ করিবার সংকল্প পরিত্যাগ করিয়াছ, ফরাসীদিগের সঙ্গে লেখা পড়াও শেষ করিয়াছিলে, কিন্তু ফরাসিরা নাকি স্বাক্ষর করিবার সময়ে বলিয়াছে যে তাহাদের সেনাপতিগণ এই সন্ধি পালন করিবেন কি না তাহার নিশ্চয়তা নাই ।” একজন ফরাসি যাহা স্বাক্ষর করিল, আর একজন আসিয়া তাহার অন্যথা করিলে তাহাদিগকে আর কেমন করিয়া বিশ্বাস করা যায় ? সে যাহা হউক আমার অধিকারে যুদ্ধকলহ করিতে আমি নিতান্ত অসম্মত ; তাহার কারণ এই যে, ফরাসিরাও আমার প্রজা এবং তোমাদের ভয়ে আমার শরণাগত হইয়াছে । সেই জন্যই আমি সন্ধি করিতে বলিয়াছিলাম । তাহাদিগকে যে অনুগ্রহ দেখাইব বা সহায়তা করিব এমন অভিসন্ধি ছিল না । তুমিও ত একজন বিজ্ঞ বিচক্ষণ সদাশয় মহাত্মা, তুমিই বিচার করিয়া দেখ যে, পরম শত্রুও যদি শরণাগত হয় তবে তাহাকে প্রাণভিক্ষা প্রদান কর কি না ? তাহার সরলতার যদি সন্দেহ না থাকে, তবে তুমিও তাহাকে দয়া করিয়া থাক ; সরলতার সন্দেহ হইলে পৃথক কথা,—তখন যেমন বুঝিতে পার সেইরূপ আচরণ করিয়া থাক ।”*

এই পত্রের শেষোক্ত কথাগুলি সিরাজদ্দৌলার লিখিত কি না, তদ্বিষয়ে মতভেদ দেখিতে পাওয়া যায় । একজন সমসাময়িক ইংরাজ লিখিয়া গিয়াছেন যে, পত্রখানি যাহাতে এইরূপ ভাবে লিখিত হয়, তজ্জন্ত মুন্সিখানায় সময়োচিত অর্থব্যয় করিতে ক্রটি হয় নাই ।†

* Ive's Journal.

† Scrafton's Reflection, 70.

মূলপত্রখানি পারস্যভাষায় লিখিত । তাহার আর সন্ধান পাওয়া যায় না । ওয়াটসন্ সাহেব মুন্সীখানায় ‘তদ্বির’ করিয়া বেকরূপ অনুবাদ পাঠাইয়াছিলেন, তাহাই এখন ইতিহাসের একমাত্র সম্বল । আমরা তাহারই অনুবাদ প্রদান করিলাম । এই পত্রের কোন স্থলে অনুমতির নামগন্ধ নাই ; ওয়াটসন্ ইহাকেই নবাবের অনুমতি-পত্র বলিয়া রাষ্ট্র করিয়া দিলেন । * ওয়াটসন্ও সমরোন্মুখ, কিন্তু পাছে উত্তরকালে ইহার জন্ত গজনাভোগ করিতে হয়, বোধ হয় সেই জন্ত তিনি কৈফিয়ৎ সংগ্রহের আয়োজন করিতেছিলেন । সেই কৈফিয়ৎ হস্তগত হইবামাত্র ওয়াটসনের সকল ইতস্ততঃ মিটিয়া গেল । তখন ইংরাজের রণবাণ্ড বম্ বম্ করিয়া বাজিয়া উঠিল :—জলপথে ওয়াটসন্, আর স্থলপথে ক্লাইব, সসৈন্তে চন্দননগরের দিকে অগ্রসর হইলেন ।

৭ই ফেব্রুয়ারী আলিনগরের সন্ধিপত্র লিখিত হইয়াছিল ; আর ৭ই মার্চ ইংরাজসেনা চন্দননগরের সম্মুখে আসিয়া শিবির-সংস্থাপন করিল । সিরাজদৌলার সম্মুখে বাইবেল চুষন করিয়া ঈশ্বর ও যীশু খৃষ্টের পবিত্র নামে ওয়াটসন্ ও ক্লাইব যে সন্ধিপত্রে স্বাক্ষর করিয়াছিলেন, তাহার ক্ষীণ পরমাণু এইরূপে প্রভাতশিশিরের জ্বায় এত অল্পক্ষণের মধ্যেই বিলীন হইয়া গেল ।

মস্ত্রগাণ্ধের উদ্ভেজনায পড়িয়া ক্লাইব বলিয়াছিলেন ‘ফরাসির সহিত নবাবের সেনাদল মিলিত হইলেই বা ভীত হইব কেন ? একাকী উভয় সেনাদল বাহুবলে পরাজয় করিব ।’ কিন্তু চন্দননগরের সম্মুখে আসিয়া সে বাহুবল সহসা যেন শিথিল হইয়া পড়িল ! ফরাসিরা বীরবিক্রমে দুর্গ রক্ষা

* This letter may be very well understood, as a consent to our attacking the French, though it certainly was never meant as such.—Scrafton.

করিতে কৃতসংকল্প, নিকটে নন্দকুমারের সেনাদল সতর্কভাবে দণ্ডায়মান ! সূত্রাং ক্লাইব শিহরিয়া উঠিলেন । কিন্তু বিপদে পড়িয়া উপায় উদ্ভাবন করিতে ক্লাইব বড়ই সিক্তমনোরথ । তিনি সাম দান ভেদ দণ্ডায়ক নীতি পদ্ধতির সমাদর রক্ষা করিতে ত্রুটি করিলেন না । নন্দকুমারকে পরাজয় করিতে কতক্ষণ ? কিন্তু পরাজয় করা অপেক্ষাও কি সহজ পথ নাই ? ক্লাইব সেই সহজ পথের সন্ধান লইবার জন্ত উমিচাঁদকে নন্দকুমারের শিবিরে পাঠাইয়া দিলেন ।* উমিচাঁদ সহজেই কৃতকার্য হইলেন ;—নন্দকুমার সসৈন্তে ডকা বাজাইয়া দূরস্থানে সরিয়া পড়িলেন । যে সকল প্রতিভাশালী ইতিহাসলেখক ক্লাইবের গৌরব-বর্দ্ধনের জন্ত লেখনী চালনা করিয়াছেন, তাঁহারাও স্পষ্টাক্ষরে লিখিয়া গিয়াছেন যে, ‘এ যাত্রা কেবল উৎকোচ-মহিমা-তেই নন্দকুমার পরাজিত হইয়াছিলেন ।’†

ফরাসিরা ইংরাজের প্রচণ্ড বিক্রমের সম্মুখে অধিকক্ষণ দাঁড়াইয়া থাকিতে পারিলেন না ; প্রাণপণে দুর্গ রক্ষা করিতে গিয়া দলে দলে প্রাণবিসর্জন করিলেন । যখন তাঁহাদের বাহুবল টুটিয়া আসিল, তখন তাঁহারা দীর্ঘে বীরে দুর্গত্যাগ করিলেন ; ইংরাজসেনা ২৩শে মার্চ অপরাহ্নে মহোল্লাসে “ছরে ধ্বনিত্তে” জনশ্রুতি প্রতিশ্রুতি করিয়া ফরাসিদুর্গে ইংরাজের বিজয়বৈজয়ন্তী

* Another well-applied bribe to Nun Comar,—Scrafton.

† A body of the Subadhar's troops was stationed within the bounds of Chandernagore previously to the attack. They belonged to the garrison of Hoogly, and were under the command of Nuncomar, governor of that place. Nuncoomar had been bought by Omichand for the English, and on their approach, the troops of Shirajodowla were withdrawn from Chandernagore.—Thornton's History of the British Empire, vol. I. p. ২২১.

উড়াইয়া দিল ! ইতিহাসে ইহারই নাম চন্দননগরের অলৌকিক মহাযুদ্ধ ! *

এই অলৌকিক মহাযুদ্ধের গুপ্ত-রহস্য কিন্তু ইংরাজের ইতিহাসে স্থানলাভ করে নাই ! ইংরাজের গতিরোধ করিবার জন্য ফরাসি-সেনা গোপনে ভাগীরথীগর্ভে কতকগুলি জাহাজ জলমগ্ন করিয়া রাখিয়াছিল ;— কেবল স্বপক্ষের জাহাজ চলাচলের জন্য একটি অতি সঙ্কীর্ণ পয়ঃপ্রণালী বর্তমান ছিল । কিন্তু দুর্গবাসী ফরাসিসেনা ভিন্ন আর কেহ তাহার সন্ধান জানিত না । ফরাসি দুর্গাধিপতি মসিয় বেগলের কঠোর শাসনে অসন্তুষ্ট হইয়া টেরান্ন নামক একজন ফরাসি সৈনিক ইংরাজদিগের নিকট এই গুপ্ত সন্ধান বিক্রয় করিয়া চন্দননগর ধ্বংস করিবার সহায়তা করে !† এইরূপ সহায়তা না পাইলে ইংরাজেরা যে সহজে চন্দননগরের নিকটবর্তী হইতে সক্ষম হইতেন না, তাহার প্রধান প্রমাণ লর্ড ক্লাইব ;—তিনি নিজেই বলিয়া গিয়াছেন যে, কেবল জলযুদ্ধেই এত সহজে চন্দননগর ইংরাজের হস্তগত হইয়াছিল ।‡

* Few naval engagements have excited more admiration, and even at the present time when the river is so much better known, the success with which the largest vessels of this fleet were navigated to Chandernagore, and laid alongside the batteries of that settlement, is a subject of wonder.—Sir John Malcolm's Life of Clive, vol. I. 192.

† Tarikh-i-Mansuri.

‡ The Squadron "surmounted difficulties, which he believed no other ships could have done; and it is impossible for him to do the officers of the Squadron justice upon that occasion. The place surrendered to them, and it was in a great measure taken by them."—Clive's Evidence. *

হতভাগ্য টেরান্স আত্মবিক্রয় করিয়া যে অগাধ ধনরাশি সঞ্চয় করিয়াছিল,
তাহাও তাহার ভোগে আসিল না ;—সে আত্মহত্যা করিয়া আত্মপরাধের
ব্রণিত-কলঙ্ক মোচন করিয়া গিয়াছে !*

এইরূপে,

“—————গঙ্গা-তীরে, নীরে,
জ্বলিল সমরানল ধরি ভীম সাজ ;
ভয়ে ভীতা ভাগীরথী বহিলেক ধীরে ।
নরম দিবস পরে নভঃ আলো ক’রে,
উঠিল ব্রিটিশ-ধ্বজা চন্দননগরে !”

এইরূপে,

“ফরাসির সম যোদ্ধা নাহি ভূভারতে”
বঙ্গদেশে একবাক্যে বলিত সকলে ।
সে ফরাসি-যশো-রবি সেই দিন হ’তে
ক্লাইবের “কটাক্ষেতে” গেছে অস্তাচলে ! †

* Mr. Terraneau, who in consequence of this treachery became infamous and ‘black faced’, received from the English a large sum as a reward for his ingratitude. He sent a part of the money home to his old and infirm father, who however returned it, when he heard the disgraceful behaviour of his son. Mr. Terraneau felt much mortified at this. Shame ‘seized the hem of his garment,’ he shut himself up ; after a few days his body was found hanging, at the gate of his house suspended by means of a towel. It was plain that he had committed suicide.—Blochmann’s Notes on Sirajuddaulah, Journal of the Asiatic Society, 1867.

† পলাশির যুদ্ধ কাব্য—প্রথম সর্গ । ক্লাইব কর্তৃক “কটাক্ষেতে” চন্দননগর
ধ্বংস করিয়াছিলেন, তৎসম্বন্ধে তিনি নিজে যাহা লিখিয়া গিয়াছেন, তাহা এইরূপ :—

সংবাদ পাইয়াও সিরাজদৌলা ফরাসিদিগকে রক্ষা করিতে পারিলেন না ; ইহাই তাঁহার সর্বনাশের মূল হইল । ইংরাজেরা বলেন “তিনি আহমদ শাহ আব্দালীর আক্রমণ-ভয়ে ব্যতিব্যস্ত হইয়া এ দিকে দৃষ্টিপাত করিবার অবসর পান নাই, এবং ইংরাজবন্ধু মীরজাকর, জগৎগেঠ, রায় দুর্লভ প্রভৃতি পাত্রমিত্রও নানাকোশলে সিরাজদৌলার হৃদয়ে আব্দালীর আক্রমণভীতি জাগরিত রাখিয়া তাঁহাকে কর্তব্যভ্রষ্ট করিতে ক্রটি করেন নাই ।” সিরাজদৌলাকে যে দশজনে মিলিয়া নানা বিভীষিকায় ব্যতিব্যস্ত করিয়া তুলিয়াছিল, তাহা সত্য কথা ; কিন্তু তিনি ব্যতিব্যস্ত হইয়াও ফরাসিদিগের পৃষ্ঠ-রক্ষার জন্য হুগলীতে সেনা-সমাবেশ করিতে বিস্মৃত হন নাই । ফরাসিদিগকে সর্বপ্রযত্নে রক্ষা করাই যে তাঁহার পক্ষে মঙ্গলজনক তাহা সিরাজদৌলা বিলক্ষণ জানিতেন, এবং জানিতেন বলিয়া সর্বপ্রযত্নে ইংরাজদিগকে বাধা প্রদান করিবার চেষ্টা করিয়াছিলেন ! কে জানিত যে মহারাজ নন্দ কুমার সিরাজদৌলার লবণ খাইয়া সিরাজদৌলার আজ্ঞানুযায়ন করিবেন ?

At a Select-Committee. held 10th April, 1757.

Present

Colonel Robert Clive

Major Kilpatrick

J. Z. Holwell Esqr.

We the servants of the East India Company should always be greatful to that noble-minded and wealthy native merchant of Calcutta—Omichand. It was through his agency that we succeeded to secure the assistance and co operation of Dewan Nuncoomar, Phoujdar of Hoogly. A body of Subadhar's troops was stationed within the bounds of Chandernagore previously to our attack of that place. These troops belonged to the garrison of Hoogly, and were under the command of Dewan Nuncoomar. *If these troops were not with-drawn, it would have been highly improbable to gain the victory.*



চতুর্বিংশ পরিচ্ছেদ ।

ফরাসির সর্বনাশ !

ফরাসিদিগের দুর্দশার একশেষ হইল ! তাঁহারা ইংরাজের নিকট আত্মসমর্পণ করিয়া পথের ফকিরের মত নদীতীরে আসিয়া দাঁড়াইলেন, কিন্তু সেখানেও তিষ্ঠিতে পারিলেন না ! ইংরাজেরা দুর্গাধিকার করিয়াই পরিতৃপ্ত হইলেন না ;—ফরাসিদিগকে ধনে বংশে বিনাশ করিবার জন্ত পলায়িতের পশ্চাদ্ধাবন করিলেন । ভাগীরথীবক্ষে তীরবেগে ইংরাজ তরণী ছুটিয়া চলিল ; ফরাসিরা অনন্তোপায় হইয়া, বনজঙ্গল ভাঙ্গিয়া, প্রাণ লইয়া মুর্শিদাবাদে উপনীত হইলেন ! ইংরাজেরা শত্রুসেনার সন্ধান না পাইয়া, নিরীহ প্রজাপুঞ্জের শস্তুক্ষেত্র লুণ্ঠন করিতে করিতে, গ্রাম নগর উৎসন্ন করিতে করিতে, হুগলী বর্ধমান এবং নদীয়ার বিস্তীর্ণ জনপদ বিপর্যস্ত করিয়া তুলিলেন !

মুর্শিদাবাদের লোকে ফরাসিদিগের মলিন মুখের দিকে চাহিয়া অশ্রুসঞ্ছরণ করিতে পারিল না ! সিরাজদৌলা দেশের রাজা ; সুতরাং ফরাসিরা তাঁহা-

রই শরণাগত হইল । তিনি ফরাসিদিগের কাতরক্রন্দন উপেক্ষা করিতে পারিলেন না ; অন্তবস্ত্রের ব্যবস্থা করিয়া তাঁহাদিগকে কাশিমবাজারে আশ্রয় দান করিতে বাধ্য হইলেন ।

বুটিশবণিক বিজয়োন্মত্ত-হৃদয়ে গর্জ্জন করিয়া উঠিলেন । এত স্পর্ধা ! এত সাহস ! তাঁহারা বাহাদিগকে ধনে বংশে বিনাশ করিবার জন্ত চন্দননগর কাড়িয়া লইলেন, সিরাজদৌলা তাহাদিগকেই স্নেহক্রোড়ে আশ্রয়দান করিলেন ? সিরাজদৌলা এ দেশের রাজা, আর্ন্ত্রাণ তাঁহার পরম পবিত্র রাজ-ধর্ম,—সে কথা কেহ বিচার করিয়া দেখিলেন না । ইংরাজ মাত্রেই সিরাজদৌলার উপর খড়্গহস্ত হইয়া উঠিলেন ।

ইংরাজেরা জানিতেন যে, চন্দননগরের অল্পসংখ্যক ফরাসিসেনা সমূলে বিনষ্ট করা খুব সহজ কথা ; কিন্তু প্রতিহিংসাপরায়ণ ফরাসিজাতি যখন প্রতিশোধ লইবার জন্ত সসৈন্তে অগ্রসর হইবে, তাহার গতিরোধ করা সেরূপ সহজ হইবে না ! তাঁহারা সেইজন্ত সিরাজদৌলার সহায়তায় ফরাসিদিগকে নিশ্চূল করিতে ব্যাকুল হইয়াছিলেন । যদি সিরাজদৌলা সহায়তা করেন, তবে ইংরাজ-বাঙ্গালীর সমবেত-শক্তির নিকট ফরাসিকে অবশ্যই নতশির হইতে হইবে । কিন্তু সিরাজদৌলা ফরাসিদিগকে আশ্রয় দান করায় ইংরাজের সে আশা নিশ্চূল হইল ! তখন তাঁহারা নানা উপায়ে সিরাজদৌলার মতপরিবর্তনের আয়োজন করিতে লাগিলেন ।

ইংরাজ এবং ফরাসি উভয়ের চিরশত্রু । তাঁহারা দুই জনেই ভারত-বাণিজ্যে একাধিপত্য বিস্তার করিবার জন্ত লালায়িত । সিরাজদৌলা জানিতেন যে, ফরাসিদিগকে নিশ্চূল করিবার অবসর দান করা, আর ইংরাজের নিকট আত্মবিক্রয় করা এক কথা । তিনি সেইজন্ত ফরাসি-

দিগকে রক্ষা করিতে সমুৎসুক । ইংরাজেরাও ইহা জানিতেন ;—সুতরাং তাঁহারা বড়ই ব্যাকুল হইয়া উঠিলেন ।

সিরাজদ্দৌলাকে স্বপক্ষে টানিয়া আনিবার জন্ত চন্দননগর ধ্বংস করিবা-
মাত্র সেনাপতি ওয়াটসন্ লিখিয়া পাঠাইলেন :—

“আমি যে গুরুতর কার্যের জন্য এখানে (চন্দননগরে) আসিয়াছি, তাহাতেই বাস্তব
ছিলাম বলিয়া আপনার কয়েকখানি পত্র পাইয়াও যথাসময়ে উত্তর দিতে পারি নাই,
—তজ্জন্য ক্রটি গ্রহণ করিবেন না । আমাদের সৌভাগ্যবলে, আপনার সৌহার্দ
সহায়তায় এবং ইংরেজের মঙ্গলময় ইচ্ছায়, দুইঘণ্টামাত্র যুদ্ধ করিয়াই ২৩শে মার্চ
তারিখে চন্দননগর অধিকার করিয়া লইয়াছি । ফরাসিরা অনেকেই বন্দী হইয়াছে, যে
কয়েকজন পলায়ন করিয়াছে, তাহাদিগকেও ধরিয়া আনিবার জন্য অস্ত্রধারী নিযুক্ত
করিয়াছি ;—তাহারা আর কাহারও উপর কোনরূপ উপদ্রব করিবে না, সুতরাং
আপনি তজ্জন্য অসন্তুষ্ট হইবেন না ! আমরা যে সন্ধিপালন করিতে কিছুমাত্র ক্রটি
করিব না, সে কথা পুনঃ পুনঃ নিবেদন করিয়াছি । আপনার শত্রু যখন আমাদেরও
শত্রু, তখন আমাদেরও শত্রুও অবশ্যই আপনার শত্রু বলিয়া পরিগণিত হইবে । সুত-
রাং ফরাসিরা যদি আপনার নিকট উপস্থিত হয়, আপনি অবশ্যই তাহাদিগকে বাঁধিয়া
পাঠাইয়া দিবেন । আপনি লিখিয়াছেন যে, ডেক সাহেব মহারাজ মাণিকচাঁদকে
অসম্মানসূচক কথা বলিয়াছিলেন ; আমি সে কথা শুনিবামাত্র ডেক সাহেবকে যথো-
চিত লিখিয়াছি, এবং তিনিও মাণিকচাঁদের নিকট যথারীতি ক্ষমা প্রার্থনা করিয়াছেন ।
ভরসা করি আপনি সন্তুষ্ট হইয়াছেন । আমরা কি আপনাকে অসন্তুষ্ট করিতে পারি ?
আমাদের নিকট সেরূপ ব্যবহার পাইবেন না ? *

ওয়াটসন্ যে উদ্দেশ্যে এই পত্র লিখিলেন, সে উদ্দেশ্য সফল হইল
না ;—সিরাজদ্দৌলা শরণাগত ফরাসিদিগকে বাঁধিয়া পাঠাইতে সম্মত

হইলেন না ! ওয়াটসন্ নিতান্ত অন্তোপায় হইয়া ভয় প্রদর্শনে কৃতকার্য হইবার জন্য পুনরায় পত্র লিখিলেন :—

“আমরা যে চন্দননগর অধিকার করিয়া অধিকাংশ ফরাসিদিগকে বন্দী করিয়াছি এবং পলায়িতের পশ্চাৎকাবনের জন্য ফোজ পাঠাইয়াছি, সে কথা ইতিপূর্বেই লিখিয়াছি; আবার যে সে বিষয়ে লিখিতে হইতেছে উহা বড়ই আক্ষেপের কথা ! পরমেশ্বর এবং মহম্মদের পবিত্র নামে আপনি যে ধর্মপ্রতিজ্ঞা করিয়াছেন তাহা প্রতিপালন করিতেছেন না বলিয়াই আমাকে পুনঃ পুনঃ পত্র লিখিতে হইতেছে ! কোম্পানির যে সকল কামান আপনার অধিকার রহিয়াছে,* তাহা ওয়াটস্ সাহেবকে অত্যাগ করিবেন, বহুভাবে থাকিবার জন্যই যে সন্ধিসংস্থাপন করিয়াছেন সে কথা কদাচ বিশ্বত হইবেন না, এবং পলায়িত ফরাসিদিগকে অবিলম্বে বাধিয়া পাঠাইয়া দিবেন । যদি কোন বাস্তি ইহার বিপরীতাচরণ করিবার জন্য পরামর্শ দেয়, তবে নিশ্চয় জানিবেন যে সে কদাচ আপনার বন্ধু নহে । সে উপদেশে দেশের মধ্যে যুদ্ধানল জলিয়া উঠিবে ;—

* নবাবের তোপগানায় যে সকল বৃহদায়তন কামান প্রস্তুত হইত, সে গুলি যুদ্ধক্ষেত্রে সহসা ইতস্ততঃ পরিত্যক্ত করা সহজ হইত না । কাশিমবাজার হইতে ইংরাজদিগের ‘ফিল্ড পিস’ নামক যে সকল ক্ষুদ্রায়তন কামান সংগৃহীত হইয়াছিল, তাহার আকার প্রকার দেখিয়া সিরাজ তদনুরূপ কামান ঢালাই করিবার জন্য তাহার ছাঁচ তুলিয়া লইয়াছিলেন ! এই জন্য সন্ধিসংস্থাপন করিয়াও তৎক্ষণাৎ কামানগুলি ফেরত দিতে পারেন নাই । যাহারা সিরাজদৌলাকে ইন্দ্রিয়াক্রম অকর্ণণা মুখ যুবক বলিয়া বুঝিয়া রাখিয়াছেন তাহারা দেখিবেন যে, ইংরাজেরাও একথা স্বীকার করিয়া লিখিয়া গিয়াছেন :—

It is a notorious truth, that at the capture of Cossimbazar and Fort William, the Government had store both of cannon and field-pieces with their carriages, which they had six months in their possession. Sirajud-Dowla had 20 of the latter so well-constructed by his own people, that they could hardly be known from those made in Europe.—A Defence of Mr. Vansittart's conduct.

কিন্তু আপনি সতভঙ্গ না করিলে আমরা কিছুতেই যুদ্ধঘোষণা করিব না। এই মাত্র সংবাদ পাইলাম যে, ফরাসিরা পলায়ন করিয়া আপনার নিকট উপনীত হইয়াছে এবং আপনার সেনাদলে নিযুক্ত হইবার জন্য আবেদন করিয়াছে। আপনি তাহাতে সম্মত হইলে আমাদের সঙ্গে আর বন্ধুত্ব থাকিবে না। আপনি সে দিনও আমাদের নিকট সেনা সহাযা চাহিয়াছিলেন, তাহার পরেই লিখিয়াছেন যে আর চাহেন না; ইহাতে বুঝিতেছি যে ফরাসির সঙ্গে মিত্রতা সংস্থাপন করাষ্ট বোধ হয় আপনার অভিমত! *

আলিনগরের সন্ধির পরিণাম যে এরূপ শোচনীয় হইবে, তাহা সিরাজ-দৌলা স্বপ্নেও অনুমান করেন নাই। ক্রমে ইংরাজের গুটনীতির মন্থা-লোচনা করিয়া সিরাজদৌলা অবসন্ন হইয়া পড়িতে লাগিলেন।† তিনি আর ওয়াটসনের পত্রের কোনরূপ প্রত্যুত্তর প্রদান করিলেন না; কেবল নীরবে সতর্ক দৃষ্টিতে ইংরাজের সংকল্পানুসন্ধানে নিযুক্ত হইলেন।

মহানগরীর রাজপথে ভ্রমণ করিবার সময়ে সূচতুর দস্যুতন্ত্র হাতের উপর হইতে টাকা ছিনাইয়া লইয়া পলায়ন করিলে পথিক যেমন “চোর চোর” বলিয়া চীৎকার করিয়া উঠে, তন্ত্রও তদ্রূপ “চোর চোর” বলিয়া কোলাহল করিতে থাকে। সেই জন্ত কে সাধু কে চোর তাহার মীমাংসা করা সহজ হয় না। সিরাজদৌলার অবস্থাও সেইরূপ হইল;—আলিনগরের সন্ধিভঙ্গ হইল, কিন্তু কাহার দোষে সন্ধিভঙ্গ হইল, সে কথার মীমাংসা হইতে পারিল না!

* Ive's Journal.

† The wrath of the Nobob at the crooked dealings and slow but steady advance of these foreigners increased daily.—Tarikh-i-Mansuri.

এদিকে ইংরাজদরবারে হুলস্থূল পড়িয়া গেল ! ওয়াটসন্ সাদরসম্ভাষণে পত্র লিখিলেন, তাঁহার উত্তর আসিল না ; সুর চড়াইয়া তর্জ্জন গর্জ্জন করিয়া পত্র লিখিলেন, তাঁহারও উত্তর আসিল না ! তখন ইংরাজেরা বুঝিতে পারিলেন যে, ফরাসিদিগকে আশ্রয়দান করাই ইহার একমাত্র উদ্দেশ্য । ইহাতে ইংরাজেরা শিহরিয়া উঠিলেন ; ওয়াটসন্ স্পষ্টই বুঝিতে পারিলেন যে, ফরাসিদিগকে গৃহতাড়িত না করিলে ইংরাজের কল্যাণ হইবে না । তখন নানা উপায়ে নবাব এবং ফরাসিদিগের অভিনব সৌহার্দ্য ভাঙ্গিয়া দিবার চেষ্টা চলিতে লাগিল । ওয়াটসন্ স্তুতি মিনতি করিয়া লিখিয়া পাঠাইলেন :—

“চন্দননগরের নিকটে আমাদের কয়েকখানি যুদ্ধজাহাজ বাঁধা রহিয়াছে, এবং হুগলির নিকটে কয়েক পণ্টন গোরা ছাউনী ফেলিয়াছে, এই জন্ত আপনি নাকি বড়ই অসন্তুষ্ট হইয়াছেন । এই সুযোগে আমাদের শত্রুদল নাকি আপনাকে বুঝাইয়া দিয়াছে যে, আমরা সন্মৈত্রে মুর্শিদাবাদ আক্রমণ করিবার জন্যই এই সকল আয়োজন করিতেছি ! কেহ যে এমন ভয়ানক মিথ্যা কথা বলিয়া আপনাকে প্রতারণিত করিতে সাহস পাইয়াছে, ইহাই সমধিক বিষয়ের ব্যাপার ! আপনি যে এমন অলৌক সংবাদও সত্য বলিয়া বিশ্বাস করিয়াছেন, তাহা আরও বিষয়ের ব্যাপার ! আপনিও ত একজন বীরপুরুষ ;—আপনি কি বুঝেন না যে, আপনার রাজ্যমধ্যে একজন শত্রুসেনা লুকাইয়া থাকি পৰ্য্যন্ত তাহার পশ্চাদ্ধাবন না করা আমার পক্ষে কতদূর মতিভ্রমের কথা ? সে বাহা হউক, আপনি যদি ফরাসিদিগকে বাঁধিয়া পাঠাইয়া দেন তাহা হইলেই ত সকল বিতর্কের অবসান হইতে পারে, এবং আমরাও সসৈন্যে ফিরিয়া যাইতে পারি । যতক্ষণ ইহা না করিতেছেন ততক্ষণ কেমন করিয়া বলিব যে আপনি রক্ষা করিবেন ? *

ওয়াটসন্ যে কেবল রণপণ্ডিত তাহাই নহে,—সেকালের ইংরাজদিগের মধ্যে তাঁহার মত স্মৃচতুর রাজনীতিবিদগণ সুলেখকও অল্পই দেখিতে পাওয়া যায় ! তিনি যখন অবলীলাক্রমে সিরাজদৌলাকে লিখিতেছেন যে, মুর্শিদাবাদ আক্রমণের প্রস্তাব সর্ব্বৈব মিথ্যা, ঠিক সেই সময়ের কথা উল্লেখ করিয়া লর্ড ক্লাইব মহাসভার সম্মুখে যুক্তকণ্ঠে সাক্ষ্য দিয়া গিয়াছেন যে, “চন্দননগর হস্তগত করিবামাত্র তিনি সকলকে বুঝাইয়া দিয়াছিলেন যে, সেই পর্য্যন্ত আসিয়াই নিরস্ত হইলে চলিবে না ; যখন নবাবের ইচ্ছার বিরুদ্ধে চন্দননগর অধিকার করা হইল, তখন আরও কিয়দূর অগ্রসর হইয়া সিরাজদৌলাকে সিংহাসনচ্যুত করা হইক ।”* ক্লাইব বলিয়া গিয়াছেন যে, তাঁহার এই সাধুসংকল্পে সকলেই সম্মতিদান করিয়াছিলেন ! সুতরাং সিরাজদৌলা যে অক্ষুরেই ইংরাজের অভিসন্ধি বুঝিতে পারিয়াছিলেন তাহাতে সন্দেহ নাই ।† কিন্তু দশজনে মিলিয়া তাঁহার মতিভ্রম জন্মাইবার জন্ত নানারূপ আয়োজন করিয়া তাঁহাকে বুঝাইয়া দিল যে, ফরাসিরাই যত অনিষ্টের মূল—তাহাদিগকে রাজধানীতে আশ্রয়দান করিয়াছেন বলিয়া ইংরাজের সঙ্গে সন্ধিভঙ্গের উপক্রম হইয়াছে !

সিরাজদৌলা কি জন্ত সন্ধি করিয়াছিলেন, ইংরাজেরা তাহার বিরূপ মর্যাদা রক্ষা করিতেছিলেন, এবং ফরাসিদিগকেও সিরাজদৌলা কতদূর অবিশ্বাস করিতেন, তাহা তাঁহার লিখিত ২২শে মার্চ দিবসীয় সামরিক লিপিতে প্রকাশিত রহিয়াছে ;—সে পত্রখানি এইরূপ :—

* Clive's Evidence before the Committee of the House of Commons, 1772.

† The governing principle (in Sirajud Dowla) was *political*, and the real object of his proceedings the demolition of your forts and garrisons.—Holwell's India Tracts, p. 290.

“আমি ধর্ম প্রতিজ্ঞা করিয়া যে সকল কথা সহস্র স্বাক্ষর করিয়াছি, তাহা অক্ষরে অক্ষরে প্রতিপালিত হইবে, কোন বিষয়ে কিছুমাত্র ত্রুটি হইবে না । ওয়াটস্ সাহেব বাহা বাহা দাবি করিয়াছে, তাহা সমস্তই পরিশোধ করিয়াছি ; যৎকিঞ্চিৎ অপরিশোধিত আছে—তাহাও বর্তমান চান্দমাসের প্রথম পক্ষাণ্ডেই পরিশোধিত হইবে । বোধ হয় ওয়াটস্ সাহেব এ সকল কথা লিখিয়া পাঠাইয়াছে । আমার বাহা কর্তব্য তাহা ত পালন করিতেছি ; কিন্তু তোমাদের মতিগতি দেখিয়া মনে হইতেছে যে, প্রতিজ্ঞাপালন করা দূরে থাকুক, তাহা বিলীন করাই তোমাদের অভিপ্রেত । তোমাদের ফৌজের উৎপাতে হুগলী, ইঞ্জিনী, বর্ধমান এবং নদীয়া প্রদেশ উৎসন্ন হইতেছে ;—এ উপদ্রব কেন ? বামদেবের পুত্রের দ্বারায় গোবিন্দরাম মিত্র নন্দবুমারকে লিখিয়া পাঠাইয়াছে যে, কালীঘাট কলিকাতার জমিদারী ভুক্ত বলিয়া দখল পাইবার দাবি করে । এ কথার অর্থ কি ? এ সকল যে তোমার জ্ঞাতসারে ঘটতেছে তাহা বিশ্বাস করিতে প্রস্তুত নহি । তুমি সন্ধিপত্রে স্বাক্ষর করিয়াছ বলিয়া কেবল তোমার বিশ্বাসেই আমিও সন্ধি করিতে সম্মত হইয়াছিলাম । সন্ধি না হইলে, উভয় সেনার তুমুল সংঘর্ষে দেশের সর্বনাশ হইত, প্রকৃতিপুঞ্জ পদদলিত হইত, রাজকর ধ্বংস হইত, রাজ্যের সমূহ অমঙ্গল হইত ; তাহা নিবারণ করিবার জন্যই ত সন্ধি করিয়াছিলাম । আমাদের মধ্যে যে বন্ধুত্বের অঙ্কুরোদ্ভব হইয়াছে, তাহাকে ক্ষুদ্র করাই কর্তব্য । এ বিষয়ে দ্বিধা না থাকিলে এই সকল উৎপাত নিবারণ করিয়া মিত্রজকে বলিবা, সে যেন ভবিষ্যতে এমন মিথ্যা প্রবচনাময় অলৌক প্রস্তাব উপস্থিত না করে ।

“পুনশ্চ । এইমাত্র শুনিলাম যে, ফরাসিরা তোমাদের সঙ্গে যুদ্ধ করিবার জন্য দাক্ষিণাত্য হইতে ফৌজ প্রেরণ করিয়াছে । তাহার। যদি আমার অধিকারে যুদ্ধ বিবাদ উপস্থিত করিতে চাহে, আমাকে লিখিবামাত্র আমি সিপাহী পাঠাইয়া তাহাদিগকে নিরস্ত করিতে ত্রুটি করিব না,—লিখিবামাত্র আমার সিপাহীসেনা অগ্রসর হইবে।” *

ওয়াটসনের পত্রের সঙ্গে সিরাজদৌলার পত্রগুলির তুলনায় সমালোচনা করা আবশ্যক । একজন সুশিক্ষিত পরিণামদর্শী সূচতুর বৃটিশ সেনাপতি

আর একজন অপরিণতবয়স্ক ভারতবর্ষীয় স্বাধীন নরপতি,— একজন ইতি-
হাসে চিরগৌরবান্বিত, আর একজন স্বদেশে বিদেশে সকলের নিকটেই
চিরবিহ্বত ! কিন্তু দুইজনের কথা এবং কার্যের বিচার করিয়া দেখ,—
কে কিরূপ সমাদর লাভ করিবার যোগ্যপাত্র ! সিরাজদ্দৌলা কলঙ্গ্রস্ত,—
কিন্তু কেবল রাজস্ব পালন করিতে গিয়াই কি তিনি ইংরাজদিগের বিরাগ-
ভাজন হইয়াছিলেন না ? ওয়াটসন্ তাঁহাকে যে সকল পাপকার্যে লিপ্ত
হইবার জন্ত বারম্বার অত্যাচার করিয়া পত্র লিখিয়াছেন, তাহাতে সম্মত হই-
লেই কি সিরাজচরিত্র কলঙ্কমুক্ত হইত ?

সিরাজদ্দৌলা শান্তিসংস্থাপনের জন্ত ইংরাজদিগকে ক্ষতিপূরণ প্রদান
করিয়াও আলিনগরের সন্ধিপত্রে স্বাক্ষর করিয়াছিলেন । তাঁহার পাত্র-
মিত্রগণ ছিদ্রায়েষী গৃহশত্রু ;—সুতরাং পুনরায় ইংরাজদিগের সঙ্গে শান্তিভঙ্গ
করিতে সাহস হইল না । তিনি শান্তির জন্ত ব্যাকুল হইয়া উঠিলেন ।


নবাব-দরবারের সূচতুর পাত্রমিত্রগণ বুঝিলেন যে, ইহাই উপযুক্ত
অবসর । তাঁহারা বলিতে লাগিলেন যে, ফরাসিদিগকে কাশিমবাজারে
আশ্রয়দান করার জন্তই পুনরায় শান্তিভঙ্গের সম্ভাবনা হইয়াছে, অতএব
তাহাদিগকে পাটনা প্রদেশে প্রেরণ করা হউক । সিরাজদ্দৌলা এই
নিঃস্বার্থ হিতবাক্যের মধ্যে কোনরূপ দৃষ্টাভিসন্ধির সন্ধান পাইলেন না ;
তিনি ফরাসি-সেনায়ক লাস্ সাহেবকে তদনুরূপ আদেশ প্রদান করিলেন । *
লাস্ রাজধানীতে থাকিয়া অল্পদিনের মধ্যে সকল অবস্থা পর্য্যবেক্ষণ

* মূলতঃরূপে এবং তারিখ-ই-মুনহরীতে ইহার নাম ‘মসিয় লাস্’ বলিয়া লিপিত
আছে । “M, Las—In all English Histories of India known to me,
his name is misspelt Mr. Law.”—Blochmann’s Notes on Sirajud-
daula, Journal of the Asiatic Society, 1867.

করিয়াছিলেন, তিনি সিরাজদৌলাকে বুঝাইয়া দিলেন যে, “তঁাহার মত্ৰিদল ও অধিকাংশ সেনানায়কগণ ইংরাজের সঙ্গে মিলিত হইয়া তঁাহাকে সিংহাসনচ্যুত করিবার আয়োজন করিতেছে, কেবল ফরাসির ভয়ে প্রকাশ্য শত্রুতায় লিপ্ত হইতে সাহস পাইতেছে না। এমন সময়ে ফরাসিদিগকে রাজধানী হইতে বিদায় দিলেই সমরানল জলিয়া উঠিবে।” সিরাজদৌলা এ কথা একেবারে অস্বীকার করিতে পারিলেন না ; কিন্তু তিনি আশু শান্তিসংস্থাপনের জন্ত ব্যাকুল ; সুতরাং বলিলেন যে, “আপনারা ভাগলপুর অঞ্চলেই থাকিবেন, বিদ্রোহের সূচনা বুঝিলেই সংবাদ পাঠাইব।” সেনাপতি লাস্ আর দ্বিরুক্তি করিতে পারিলেন না ; কেবল বিদায় গ্রহণ করিবার সময়ে সাক্ষনয়নে এই মাত্র বলিলেন ; “এই শেষ সাক্ষাৎ,— আমাদের আর সম্মিলন হইবে না।”*

* Serajaud Dowla felt the truth of his observation but had not the resolution to detain him ; he however promised to send for him, should anything occur, but Mr. Law prophetically said, “I know we shall never meet again.”—Stewart’s History of Bengal.





পঞ্চবিংশ পরিচ্ছেদ ।

গুপ্ত-মন্ত্রণা ।

আলিনগরের সন্ধিসংস্থাপনের সময়ে সিরাজদ্দৌলা ইংরাজ-সেনাপতি ওয়াটসন্ সাহেবকে লিখিয়াছিলেন “যুদ্ধ কলহের মধ্যে সিপাহীদিগের লুট তরাজের গতিরোধ করা কত কঠিন, তাহা তোমার অজ্ঞাত নাই। তথাপি তোমরা যদি কিছু কক্ষিৎ ত্যাগ স্বীকার কর, তাহা হইলে ক্ষতিপূরণ করিবার অণু আমিও কিছু কক্ষিৎ ত্যাগ স্বীকার করিতে চেষ্টা করিব।”*

* You know how difficult it is to prevent soldiers from plundering in war ; therefore if you will, on your part, relinquish something of the damages you have sustained by being pillaged by my army, I will endeavour to give you satisfaction even in that particular, to gain your friendship and preserve a good understanding with your nation. — Nabob's letter to Admiral Watson.

প্রতিশ্রুতি পালন করিবার জন্ত সিরাজদৌলাকে যথেষ্ট ত্যাগস্বীকার করিতে হইয়াছিল । যখন সকল গোলযোগ শেষ হইয়া গেল, তখন সিরাজদৌলা সেনাপতিদিগের কৃতকার্য্যের বিচার করিতে প্রবৃত্ত হইলেন । সে বিচারে মহারাজ মাণিকচাঁদের কীর্ত্তিকলাপ ক্রমশঃ প্রকাশিত হইয়া পড়িল,— তিনিই যে কলিকাতার রক্ষক হইয়া ভক্ষক হইয়াছিলেন, সে কথা বুঝিতে আর ঐতস্ততঃ রহিল না ! . সিরাজদৌলা অপরাধীর সমুচিত দণ্ডদান করিলেন,—মাণিকচাঁদ কারারুদ্ধ হইলেন ! সেকালে উচ্চপদস্থ রাজ-কর্ম্ম-চারিগণ বাহা ইচ্ছা তাহাই করিয়া পদগৌরবে পরিভ্রাণলাভ করিতেন, তাঁহাদের কৃতকার্য্যের কোনরূপ বিচার হইত না । সুতরাং মাণিকচাঁদের কারাদণ্ডে অনেকেই নিহরিয়া উঠিলেন ।

অনেক কাকুতি মিনতির পর দশ লক্ষ টাকা অর্থদণ্ড বহন করিয়া মাণিকচাঁদ মুক্তিলাভ করিলেন;* কিন্তু ইহাতেই প্ররুগিত বিদ্রোহবহি ধীরে ধীরে জলিয়া উঠিবার উপক্রম হইল । রায় দুর্লভ, রাজবল্লভ, জগৎশেঠ, মীরজাফর,—সকলেই ভাবিলেন যে, মাণিকচাঁদ উপলক্ষ মাত্র, অতঃপর সকলকেই একেএকে উৎপীড়ন করিয়া সিরাজদৌলা ইচ্ছানুরূপ অর্থশোষণ করিবেন । সুতরাং স্বার্থরক্ষার জন্ত জগৎশেঠের মন্ত্রভবন পুনরায় নৈশসম্মিলনের সঙ্কেতস্থান হইয়া উঠিল ।

যাঁহারা গুপ্তবস্তুগার মিলিত হইতে লাগিলেন, তাঁহারা কেহই দেশের জন্ত বা দেশের জন্ত চিন্তা করিতেন না ;—জৈন জগৎশেঠ, মুসলমান মীর-জাফর, বৈদ্য রাজবল্লভ, কায়স্থ দুর্লভরাম, সুদখোর উমিচাঁদ, প্রতিহিংসা-

* He had imprisoned Monikchand, and upon releasing had obliged him to pay a million of Rupees as a fine for the effects he had plundered in Calcutta.—Orme, vol. ii. 147.

তাড়িত মাণিকচাঁদ,—ইহাদের কাহারও সহিত কাহারও শোণিতসংশ্রব বা মেহবন্ধন ছিল না ; কেবল স্বার্থরক্ষার জন্তই একে অপরের পৃষ্ঠরক্ষার্থ দলবদ্ধ হইয়াছিলেন । বাহাদের সহিত অগণিত প্রকৃতিপুঞ্জের সুখ দুঃখের চিরসংশ্রব, তাঁহাদের মধ্যে কেবল কৃষ্ণনগরাধিপতি মহারাজেন্দ্র কৃষ্ণচন্দ্র ভূপ বাহাদুর এই গুপ্তমন্ত্রণায় যোগদান করিবার কথা শুনিতে পাওয়া যায় ; কিন্তু ইহাও শুনিতে পাওয়া যায় যে, অর্ধবঙ্গাদিকারিণী প্রতিভাশালিনী রাণী ভবানী কৃষ্ণনগরাধিপতির কাপুরুষত্বের পরিচয় পাইয়া সঙ্ক্ষেতে সত্বপদেশ দিবার জন্ত “শাঁখা সিন্দূর” উপহার পাঠাইয়া দিয়াছিলেন । বাহারা স্বার্থের চরণতলে দয়া, ধর্ম, কর্তব্যবুদ্ধি, রাজভক্তি বলিদান দিয়া সিরাজদৌলার সর্বনাশ সাধনে কৃতসংকল্প হইয়াছিলেন,—বাহারা স্বদেশের কল্যাণের প্রতি লক্ষ্যপ না করিয়া কেবল আত্মকল্যাণের জন্তই শতকর্তৃজ্ঞের ত্রায় পরম সুপাত্রকেও সিংহাসনে বসাইবার আয়োজন করিয়াছিলেন,—তাঁহারা বীররমণার ভৎসনাবাক্যে কর্ণপাত না করিয়া, ইংরাজসাহায্যে মীরজাফরকে সিংহাসনে বসাইবার জন্ত চক্রান্তজাল বিস্তার করিতে আরম্ভ করিলেন !

আত্মশক্তির উপর স্বাভাবিক বিশ্বাস বড়ই প্রবল ;—রাজসিংহাসন যে এক ফুৎকারে উড়িয়া বাইতে পারে, স্বাধীন নরপতিগণ তাহা সহজে স্বীকার করিতে চাহেন না । সিপাহীযুদ্ধের বহুপূর্বে বিদ্রোহের আভাস পাইয়াও কোম্পানী বাহাদুরের মতিভ্রম ঘটিয়াছিল ; সিরাজদৌলারও মতিভ্রম ঘটিল । তিনি ভাবিলেন, করাসিরাই বুঝি সকল গোলবোগের মূল, তাহাদিগকে দূর করিয়া দিলেই ইংরাজ শান্ত হইবে, এবং ইংরাজ শান্ত হইলেই পাত্রমিত্রগণ গুপ্তমন্ত্রণা পরিত্যাগ করিতে বাধ্য হইবে । এই সময়ে ওয়াটসন্ লিখিয়া পাঠাইলেন,—“চিরস্থায়ী শান্তিসংস্থাপনের ইহাই সুসময়, এসময় চলিয়া গেলে

আর ফিরিয়া আসিবে না ।” * স্মৃতরাং স্বদেশের কল্যাণকামনায় সিরাজ-দৌলা শান্তিসংস্থাপনের জন্ত ব্যাকুল হইলেন ; তিনি ফরাসিদিগকে বিদায় দান করিয়া, ওয়াটসনকে লিখিয়া পাঠাইলেন :—“স্বার্থান্ধ লোকের উত্তেজনায়া ভুলিও না ; সন্ধিভঙ্গ করাই তাহাদের উদ্দেশ্য ! যদি কলহ বিবাদ বৃদ্ধি করিবার প্রবৃত্তি না থাকে তবে আর আমাকে সন্ধির বিরোধী প্রস্তাব লিখিও না । বরং লিখিবার পূর্বে সন্ধিপত্রখানি আর একবার পাঠ করিয়া দেখিও ।” †

ফরাসিদিগকে পথিমধ্যে ধ্বংস করিবার জন্ত ইংরাজেরা পল্টন পাঠাইবার আয়োজন করিতে লাগিলেন । সিরাজদৌলা আর ক্রোধ সম্বরণ করিতে পারিলেন না ! তিনি তৎক্ষণাৎ ইংরাজের উকীলকে দরবার হইতে বাহির করিয়া দিয়া, ওয়াটস সাহেবকে বলিয়া পাঠাইলেন :—“হয় এখনই মুচলিকা লিখিয়া দিয়া ফরাসির পশ্চাদ্ধাবনাকাজ্জল পরিত্যাগ কর, —না হয়, এই মুহূর্ত্তেই রাজধানী হইতে দূর হইয়া যাও !” ‡ এ সংবাদে ক্লাইব ক্ষিপ্ৰহস্তে

* It is now in your power to settle ever-lasting peace in your country ; and if you suffer the opportunity to slip, it may never offer again.—Watson's letter to the Nabob.

† I have written before and now repeat that if the English Company want to establish their trade, do not write me what is not conformable to our agreement, by the instigation of self-interested and designing men, who want to break the peace between us. If you are not disposed to come to a rupture with me, you have my agreement under my hand and seal, when you write, look upon that, and write accordingly.—Nabob's letter to Admiral Watson, 14 April, 1757.

‡ Orme. vol. ii. 147.

বাণিজ্যের তরণী সাজাইতে আরম্ভ করিলেন ;—ভিতরে গোলা বারুদ, উপরে ধানের বস্তা, তাহার উপর ‘চড়ন্দার’ চল্লিশ জন সুশিক্ষিত সৈনিকপুরুষ,— এইরূপ সুকৌশলপূর্ণ ‘সপ্তডিঙ্গা মধুকোষ’ ইংরাজ সওদাগরের বাণিজ্যভাণ্ডার বহন করিয়া মুরশিদাবাদাভিমুখে ছুটিয়া চলিল । কাশিমবাজারে যাহা কিছু ধনরত্ন সঞ্চিত থাকে, তাহা অবিলম্বে কলিকাতার পাঠাইবার জন্য ওয়াটস্কে গোপনে পত্র লিখিতেও ক্রটি হইল না !*

অতঃপর সেনাপতি ওয়াটসন্ যে পত্র লিখিলেন, তাহাই তাঁহার শেষ পত্র ; তাহাতে স্পষ্টাক্ষরে লিখিত হইল :—“একজনমাত্র ফরাসী জীবিত থাকিতেও ইংরাজ নিবৃত্ত হইবেন না । তাঁহারা শীঘ্রই কাশিমবাজারে সেনা পাঠাইতেছেন, কাশিমবাজার সুরক্ষিত হইলে, ফরাসিদিগকে বাঁধিয়া আনিবার জন্য পাটনা অঞ্চলে আরও দুই সহস্র ফৌজ প্রেরিত হইবে ;—এ সকল কার্যে নবাবকে ইংরাজের সহায়তা করিতে হইবে ।” এই পত্রে আত্মচরিত্রের গৌরব বৃদ্ধির জন্য ওয়াটসন্ ইহাও লিখিলেন যে,—“কেবল শান্তির জন্যই তাঁহার যাহা কিছু ব্যাকুলতা, ধনাকাজ্জিকা তাঁহার হৃদয়ে স্থানলাভ করিতে পারে না,—তিনি তাহা সর্বান্তঃকরণে ঘৃণা করেন !!”† সিরাজদ্দৌলা বুঝিলেন যে, আবার যুদ্ধ বাধিল ; তিনিও সাধ্যমত আত্মরক্ষার আয়োজনে প্রবৃত্ত হইলেন ।

* Colonel Clive detached 40 Europeans to protect the factory, and sent in several boats a supply of ammunition concealed under rice.—Ibid.

† Let me again repeat to you, I have no other views than that of peace. The gathering together of riches is what I despise.—Watson’s letter.

ফরাসি-নিপাতে সহায়তা করিলে সিরাজদৌলাকে এ সকল বিড়ম্বনা ভোগ করিতে হইত না ; কিন্তু পদাশ্রিত শরণাগত দুর্বল ফরাসিদলের সর্বনাশসাধন করিতে সিরাজদৌলার সাহস হইল না । একশত ফরাসিসেনার প্রাণরক্ষার জন্য শত সহস্র লোকের সুখ দুঃখের কথা বিস্মৃত হইয়া, রাজসিংহাসন এবং আত্মজীবনের প্রতি লক্ষ্য না করিয়া, তিনি কুক্ষণে ইংরাজ সেনাপতিকে উপেক্ষা করিলেন । ইহার জন্য স্বাধীনতা গেল, সিংহাসন গেল, জীবন গেল,—অবশেষে তাঁহার স্মৃতি পর্যন্তও কলঙ্কিত হইয়া রহিল !!

পলাসির যুদ্ধবসানে কর্ণেল ক্লাইব বিলাতের কর্তৃপক্ষদিগের নিকট আত্ম-কার্য সমর্থন করিবার জন্য ফরাসীদিগের নিকট প্রেরিত সিরাজদৌলার পত্রের কথা লিখিয়া পাঠাইয়াছিলেন । *

এই পত্রগুলি আলিনগরের সন্ধির অব্যবহিত পরের তারিখের এবং ইহা হইতে মনে হয় যে, সিরাজদৌলা প্রকাশ্যে ইংরাজদিগের সঙ্গে সন্ধি করিয়া গোপনে ফরাসিদিগের সহায়তা করিতেছিলেন ।†

* “Some of Suraja-Dowla's letters to the French having fallen into my hands, I enclose a translate of them just to show you the necessity we were reduced to of attempting his overthrow.” Clive's letter to Court, 6 August, 1757.

† These disturbers of my country, Admiral and Colonel Clive. Sabut Jung, whom bad fortune attends, without any reason whatever, are warring against Zubdalook Toojah, Monsr. Rennault, the Governor of Chandernagore.—Suraja Dowla's letter to Monsr. Busie, Bahadre, supposed to be written in the latter end of February, 1757.

এই পত্রগুলি উপলক্ষ করিয়া অনেকে সিরাজদৌলাকে “নিশ্বাসঘাতক” বলিয়া ভৎসনা করিয়া গিয়াছেন, এবং কেহ কেহ ইহাও রটনা করিয়া গিয়াছেন যে, গুপ্তচর-সাহাবো মূল পত্রগুলিই ইংরাজদিগের হস্তগত হইয়াছিল। কিন্তু ক্লাইব লিখিয়া গিয়াছেন যে, তিনি ওয়াট্‌স সাহেবের শোণে এই পত্রগুলির নকলমাত্র প্রাপ্ত হন। স্কাফটন বলেন যে, যখন সিরাজদৌলাকে সিংহাসনচ্যুত করিবার জন্ত যড়যন্ত্র চলিতেছিল, সেই সময়ে তিনি এই পত্রগুলির সন্ধান পাইয়াছিলেন।* এই পত্রগুলি যে চক্রান্তকারীদিগের স্বকপোলকল্পিত নহে, সে বিষয়ে নিশ্চিত হইবার উপায় নাই। ইংরাজদিগকে স্বপক্ষে টানিয়া আনিবার জন্তই যে এগুলি রচিত হয় নাই, তাহাও অস্বীকার করিবার উপায় নাই। সিরাজদৌলার মীরমুন্সী এই সকল পত্রের নকল বাহির করিয়া দিয়াছিলেন, কিন্তু এই মীরমুন্সী যে তৎকালে উংকোচলোভে ইংরাজদিগের পক্ষ সমর্থন করিয়া সর্ব প্রবল ওয়াট্‌স সাহেবের সহায়তা করিয়াছিলেন, তাহার প্রমাণ একেবারে বিলুপ্ত হয় নাই।†

ইয়ার লতিকথা দুই সহস্র অশ্বসেনার অধিনায়ক। তিনি সিরাজদৌলার সেনাপতি কিন্তু জগৎশেঠের অনন্যদাস!‡ এই মুসলমান সেনাপতি ২৩শে এপ্রিল তারিখে ওয়াট্‌স সাহেবের সহিত গুপ্ত-সন্দর্শন প্রার্থনা করিলেন। সাহেবের সাহসে কুলাইল না, তিনি সূচতুর উন্নিটাদকে পাঠাইয়া

* Scrafton's Reflections,

† Partly by such arguments, and, taught by the French the power of money at the Subah's Court, partly by a handsome present of money to his first Secretary, he (Mr. Watts) produced the following letter from him to Mr. Watson.—Scrafton.

‡ He was at the same time in the pay of the Seikhs.—Thornton, vol. i. 226.

দিলেন।* তদনুসারে, ইয়ার লতিফ এবং উমিচাঁদের যোগে ইংরাজের নিকট বাঙ্গালীর রাজবিদ্রোহের প্রথম প্রস্তাব উপনীত হইল। স্বার্থসাধনের প্রলোভনে, হিন্দু, মুসলমান এবং খৃষ্টীয়ান, জাতিধর্মের চিরবিচ্ছেদ বিস্মৃত হইয়া একাত্মা হইয়া উঠিলেন।†

লতিফ বলিলেন, “সিরাজদৌলা শীঘ্রই পাটনা প্রদেশে যুদ্ধযাত্রা করিবেন, কেবল সেই জন্তু আপাততঃ ইংরাজদিগকে কিছু বলিতেছেন না;—কিন্তু রাজধানীতে প্রত্যাগমন করিলে আর ইংরাজের রক্ষা থাকিবে না! দেশের গণ্যমান্য সকল লোকেই সিরাজদৌলাকে প্রাণের সহিত ঘৃণা করিয়া থাকেন। তিনি পাটনা যাত্রা করিলে, সেই অবসরে ইংরাজেরা যদি মুর্শিদাবাদ অধিকার করিতে পারেন, তাহা হইলে সহজেই কার্যোদ্ধার হইবে। আমাকে সিংহাসন দান করিলে, ইংরাজেরা যাহা চাহেন আমি তাহাই অগ্নানবদনে প্রদান করিতে সম্মত রহিলাম।”‡ লতিফ মীরজাফরের নাম গোপন করিয়া রাখিলেন।

* Mr. Watts was too closely watched by the Subah's spies to venture himself, but sent one Omichund to him, who was an agent under him.—Scrafton.

† Necessity, which in politics usually supersedes all oaths, treaties or forms whatever, induced the English East India Company's representatives, about three months after the execution of the former treaty, to determine “by the blessing of God” upon dispossessing the Nabob Serajad Dowla of his Nizamut and giving it to another.—Bolt's Considerations, p. 40

‡ বোধ হয় বিদ্রোহীদের এই সকল উক্তি আস্থা স্থাপন করিয়াই ইংরাজেরা নিশ্চিন্তা রাখিয়াছেন :—“Suraja Dowlah was such a monster that no security could be enjoyed either by the English or by the natives in Calcutta, so long as he sat upon the musnud at Moorshedabad,

পর দিবস খোজা পিঙ্গু নামক আরমানী বণিকের সঙ্গে সাক্ষাৎ প্রত্যক্ষ-
ভাবে ওয়াটস সাহেবের কথোপকথন হইল। তিনি বলিলেন যে,—
“মীরজাফরকে গোপনে হত্যা করিবার জন্ত সিরাজদৌলা অবসর অনুসন্ধান
করিতেছেন ; অগত্যা আত্মরক্ষার জন্ত মীরজাফর বিদ্রোহী দলে যোগদান
করিতে বাধ্য হইয়াছেন। রায়দুর্লভ, জগৎশেঠ এবং আর আর সকলেই
মন্ত্রণার মধ্যে আছেন ; আপনারা সহায়তা করিলে তাঁহারাও সহায়তা করিবেন।
এ কার্য্য আপনাদের কর্তব্য হয় ত এখনই অগ্রসর হউন। সিরাজদৌলাকে
‘আপাততঃ নিশ্চিত রাখা আবশ্যক ; তজ্জন্ত কর্ণেল ক্লাইবকে সঙ্গে লইয়া কলি-
কাতায় ফিরিয়া যাইতে হইবে।” *

ক্লাইব অবিলম্বে কলিকাতায় গমন করিয়া ১লা মে তারিখে ইংরাজ-
দরবারে উপনীত হইলেন। তাঁহার এবং ওয়াটসের উপরে সকল
ভার গুস্ত হইল।† তিনি শীঘ্র ছাউনী উঠাইয়া অর্ধেক সেনাদল
কলিকাতায় এবং অর্ধেক সেনাদল চন্দননগরে লুকাইয়া রাখিয়া সিরাজ
দৌলাকে শাস্ত করিবার জন্ত লিখিয়া পাঠাইলেন,—“আমরা ত সেনাদল
উঠাইয়া আনিলাম ; আপনি আর পলাসিতে ছাউনী রাখিতেছেন কেন ?”
যে পাত্রবাহক এই বিষকুস্তপয়োমুখ পত্র লইয়া মুর্শিদাবাদ যাত্রা করিল,
ক্লাইব তাহার যোগেই ওয়াটসকে লিখিয়া পাঠাইলেন, “মীরজাফরকে বলিও

and ruled over Bengal, Bahar and Orissa.”—The Great battles
of the British Army, p. 162.

* Orme, vol. ii. 149.

† Great dexterity as well as secrecy being necessary in ex-
ecuting the plan of a revolution, the whole management thereof was
left to Colonel Clive and to Mr. Watts,—Ive’s Journal.

কিছুতেই যেন তিনি ভীত না হন, যাহারা কখনও পৃষ্ঠপ্রদর্শন করেন নাই এমন পাঁচ হাজার ফৌজ লইয়া তাঁহার সহিত মিলিত হইব ;—একজন স্ত্রী জীবিত থাকিতেও পলায়ন করিব না ; দিবারাত্রি অক্লান্তচরণে অগ্রসর হইব ।”*

যাহার মনে যত পাপ তিনি একাগ্রে তত সরলতা দেখাইবার চেষ্টা করিতে লাগিলেন । কিন্তু আহমদ শাহ ভারতবর্ষ হইতে প্রস্থান করায়, সিরাজকে আর পাটনা যাত্রা করিতে হইল না ; তিনি ইংরাজের সুকৌশল-পূর্ণ বাণিজ্যতরঙ্গী আটক করিয়া, পলাশির ছাউনী যেমন ছিল সেইরূপ রাখিয়া, গুপ্তচরসহায়ে ইংরাজের সঙ্কল্পানুসন্ধানে নিযুক্ত হইলেন ।

মতিরাম একজন বিখ্যাত গুপ্তচর । তিনি কার্যব্যপদেশে কলিকাতায় থাকিয়া গোপনে গোপনে সংবাদ পাঠাইলেন যে,—“কেবল অর্ধেক ফৌজ কলিকাতায় আছে, অপরাধি বোধ হয় কোন গোপনপথে কাশিমবাজার যাত্রা করিয়াছে !” সিরাজদৌলা তৎক্ষণাৎ কাশিমবাজার তন্ন তন্ন করিয়া অনুসন্ধান করিলেন, ফৌজের সন্ধান মিলিল না, কিন্তু তথাপি তাঁহার সন্দেহ

* He wrote to Surajah Dowlah in terms so affectionate that they for a time lulled that weak prince into perfect security. The same courier who carried this “Soothing letter,” as Clive calls it, carried to Mr. Watts a letter in the following terms : “Tell Meer Jaffier to fear nothing. I will join him with *five thousand* men who never turned their backs. Assure him, I will march night and day to his assistance, and ~~stand by him~~ *stand by him* as long as I have a man left.—Macaulay’s Lord Clive. বলা বাহুল্য যে, এ সময়ে ক্লাইবের আদৌ ৫০০০ ফৌজ ছিল না ; এবং কার্যকালেও তিনি তিন হাজারের অধিক ফৌজ লইয়া বাইতে পারেন নাই । আশ্বাস দিবার সময়ে ক্লাইবের মুখে এইরূপ করিয়াই থৈ ফুটিত । ইহাকে “large promises” বলা যায় কি না, মেকলে তাহার মীমাংসা করিয়া যান নাই !!

দূর হইল না । তিনি করাসিদিগকে ভাগলপুরে অপেক্ষা করিতে বলিয়া ভাগীরথীমুখে শালতরু প্রোথিত করিয়া, পঞ্চদশ সহস্র নেনাসমভিব্যাহারে মীরজাফরকে পলাশিয়াত্রা অর্দেশ করিলেন । তাঁহাকে পলাশিতে অবস্থান করিতে হইলে গুপ্তমন্ত্রণার ব্যাঘাত হইবে বলিয়া ইংরাজ বাঙ্গালী সকলেই চিন্তাকুল হইয়া উঠিলেন । কিন্তু সিরাজদ্দৌলার সন্দেহ দূর করিবার জন্ত মীরজাফরকে সহাস্রমুখে পলাশিয়াত্রা করিতে হইল !

মহারাষ্ট্র-সেনাপতি বহুদিন চোখ না পাইয়া লুণ্ঠন-লোলুপ সতৃষ্ণনয়নে ইংরাজগবর্ণর ডেক সাহেবের নিকট পত্র লিখিয়া গোবিন্দরাম নামক দূত প্রেরণ করিয়াছিলেন । * সেই মহারাষ্ট্রদূত কলিকাতায় উপনীত হইলে কর্ণেল ক্লাইব বিষম বিপদে পতিত হইলেন । † গোবিন্দরাম কাহার চর ? তাহা স্থির করিতে না পারিয়া তাঁহার পত্রখানি সিরাজদ্দৌলার নিকট পাঠাইয়া দেওয়াই স্থির হইল । ইহাতে ইংরাজের সরলতার অকাট্য প্রমাণ

* “Your misfortunes have been related to me by Ragooje, son to Janooge. Make yourself easy, and be my friend ; send me your proposals such as you imagine may be for the best ; and with the divine assistancc, Sumseer Caun Bhadre and Roghu Babu, son to Baje Row, shall enter Bengal with a hundred and twenty thousand horse.” — Letter from Ballaje Row Seehoo Baje Row, Vizir to Ram Rajah, brother to Raja Seehoo, from Hydrabad, to Roger Drake, Governor of Calcutta.

† For once the clear train of the director of the English policy was at fault. Clive could not feel quite sure that the letter might not be a devise of the Nawab to ascertain beyond a doubt the feelings of the English towards himself—Col. Malleon's Decisive Battles of India, p. 52.

পাইয়া সিরাজদৌলা নিশ্চয়ই প্রতারণিত হইবেন, এই ভরসায় স্কাফটন্ সাহেব মুর্শিদাবাদ যাত্রা করিলেন ;—পথিমধ্যে পলাশিতে মীরজাফরের সঙ্গে পরামর্শ করাই মুখ্য উদ্দেশ্য ।* নবাবের গুপ্তচরগণ সে উদ্দেশ্য সাধন করিতে দিল না ; তাহারা স্কাফটন্কে বরাবর মুর্শিদাবাদে পাঠাইয়া দিল । ক্লাইবের কৌশল জয়যুক্ত হইল । নবাব ইংরাজদিগের উপর এরূপ সন্তুষ্ট হইলেন যে, তাঁহার যাহা কিছু এখনও সন্দেহ ছিল, স্কাফটন্ তাহা সহজেই দূর করিতে সক্ষম হইলেন ; মীরজাফর সসৈন্তে পলাশি হইতে উঠিয়া আসিবার আদেশ প্রাপ্ত হইলেন । তিনি মুর্শিদাবাদে আসিবামাত্র গুপ্তসন্ধিপত্র লিখিত হইল ।

১৭ই মে কলিকাতার ইংরাজদরবারে এই গুপ্ত সন্ধিপত্রের পাণ্ডুলিপির আলোচনা হইল । এই পাণ্ডুলিপিতে কোম্পানী বাহাদুর এক কোটি টাকা, কলিকাতাবাসী ইংরাজ বাঙ্গালী ও আরমানীগণ ৭০ লক্ষ টাকা এবং উমিচাঁদ ৩০ লক্ষ টাকা পাইবার ব্যবস্থা হইয়াছিল । ইহা ছাড়া যাহারা বিদ্রোহের প্রধান প্রধান পাণ্ডা, তাঁহাদের পুরস্কারের অঙ্ক এক পৃথক ফর্দে লিখিত হইয়াছিল । সিরাজদৌলার রাজভাণ্ডারে অবশ্যই এত টাকা থাকিবার কথা নহে ;—কিন্তু সে কথার কেহ বিচার করিলেন না । চারিদিকে রাজবিপ্লব—ইংরাজেরা কাণ্ডারী : সাজিয়া মীরজাফরের আশার তরনী তীর-

* Another, and the principal object of Mr. Scrafton's mission, was to obtain an opportunity of consulting confidentially with Meer Jaffier ; but this was prevented by the watchfulness of the Subahdar's emissaries.—Thornton's History of the British Empire, vol. i. 229. note.

সংলগ্ন করিতে প্রতিশ্রুত,—সুতরাং তাঁহারা যাহা চাহিয়াছিলেন মীরজাফরকে তাহাতেই ‘তথাস্থ’ বলিতে হইয়াছিল !*

পাণ্ডুলিপি পাঠাইবার সময়ে ওয়াটস্ সাহেব লিখিয়াছিলেন,—“উমিচাঁদ যাহা চাহিতেছে, তাহা স্বীকার করিতে ইতস্ততঃ করিলে সৰ্ব্বনাশ হইবে ! সে সহজ পাত্র নহে ;—নবাবের নিকট এখনই সকল চক্রান্ত প্রকাশ করিয়া দিবে !” এই সংবাদে ইংরাজেরা উমিচাঁদের উপর খড়াহস্ত হইয়া উঠিলেন । যাহারা মীরজাফরকে কামধেনুর ঞায় যথেষ্ট দোহন করিতে লালায়িত, তাঁহারাই উমিচাঁদকে অর্থগৃধ্রু স্বার্থপিশাচ বলিয়া ফাঁকি দিতে রুতসংকল্প হইলেন । কিন্তু তাঁহাকে কেমন করিয়া ফাঁকি দেওয়া যাইতে পারে, সে কথার কেহ মীমাংসা করিতে পারিলেন না !

অবশেষে একদিন এক রাত্রির গভীর গবেষণার পর ক্লাইবের “প্রত্যুৎপন্নমতি সমস্তাপূরণে রুতকার্য্য” হইল । তিনি দুইখানি সন্ধিপত্র লিখাইলেন ; একখানি সাদা কাগজে,—সে খানি আসল, আর একখানি লাল কাগজে,—সে খানি জাল ! † এই জাল সন্ধিপত্রে উমিচাঁদের ত্রিশ লক্ষের উল্লেখ রহিল । ওয়াটসন্ ইহাতে সাক্ষর করিতে ইতস্ততঃ করিয়া ক্লাইবকে একটু বিপদে ফেলিয়াছিলেন, কিন্তু ক্লাইবের আদেশে লসিংটন সাহেব ওয়াটসনের নাম

* The plain truth was that the so-called treaties were mere agreements patched up on the eve of a revolution. The English were in a position to demand anything ; the Nawab-expectant could refuse nothing. There was not even a shadow of deliberation, for there was no time to haggle over terms.—Early Records of British India, p. 316.

† His Lordship himself formed the plan of the fictitious treaty.
—First Report.

জাল করায় সকল বিপদ কাটিয়া গেল ।* কেহ কেহ ক্লাইবের কলঙ্কমোচ-
নের জন্য লিখিয়া গিয়াছেন,—“ওয়াটসনের সম্মতি লইয়াই তাঁহার নাম জাল
করা হইয়াছিল ।” এ কথার বিশেষ গৌরব দেখিতে পাওয়া যায় না ; ক্লাইব
নিজেই বলিয়া গিয়াছেন, “ওয়াটসন্ সম্মত না হইলেও তিনি তাঁহার নাম
জাল করিবার অনুমতি প্রদান করিতেন ।” †

এই জাল সন্ধিপত্রের আলোচনা করিতে গিয়া ইতিহাসলেখকেরা গলদ-
ঘম্ম হইয়াছেন । ক্লাইব কিন্তু মহাসভায় সাক্ষ্য দিবার সময়ে অগ্নানচিহ্নে
মুক্তকণ্ঠে বলিয়া গিয়াছেন যে,—“তিনি কখনও এ কথা লুকাইবার চেষ্টা
করেন নাই । এরূপ ক্ষেত্রে এবম্প্রকার জাল জুয়াচুরি যে অনায়াসেই করা
যাইতে পারে, ইহাই তাঁহার মত । একবার কেন,—আবশ্যক হইলে,
এরূপ অবস্থায় আরও একশ বার তিনি এরূপ কার্য্য করিতে প্রস্তুত ।” ‡

যিনি ভারতবর্ষে বৃটীশ-শাসনের ভিত্তিমূল সংস্থাপনের আদি পুরুষ,
তাঁহার ধর্মবুদ্ধি যে এতদূর নীচগতি প্রাপ্ত হইয়াছিল, সে কথা স্মরণ করিয়া
ইংরাজ ইতিহাসলেখকেরা লজ্জায় অধোবদন হইয়া রহিয়াছেন ;—একমাত্র

* Mr. Lushington was the person who signed Admiral Watson's
name, by his Lordship's order.—Ibid.

† As far as Clive's reputation is concerned, the question is of
no moment, as he declared (Evidence in first Report, p. 154) that
he would have ordered Admiral Watson's name to be put, whether
he had consented or not.—Thornton's History of the British Empire
in India vol, i. p. 256 note.

‡ His Lordship never made any secret of it ; he thinks it war-
rantable in such a case, and would do it again a hundred times.—
Ibid.

শ্রুত জন ম্যাল্কম্ ভিন্ন আর কেহ ক্লাইবের পক্ষ সমর্থন করিতে আগ্রহ প্রকাশ করেন নাই।* কিন্তু ইহার জগৎ লোকে অনর্থক তিলে তাল করিয়া তুলিয়াছে। ঘটনাচক্রে উত্তেজনায় এদেশের দশজন গণ্যমান্ত লোকের সহায়তায় কর্ণেল ক্লাইব যে মোগল রাজসিংহাসন উচ্চমূল্যে বিক্রয় করিবার অবসর প্রাপ্ত হইয়াছিলেন, কেবল বাহুবলে তাহা মুসলমানের নিকট হইতে কাড়িয়া লইবার সম্ভাবনা ছিল না। “বিষম্ বিষমোষণং”—মোগলগোরবের অধঃপতন সময়ে হিন্দু মুসলমান খৃষ্টান,—বান্ধালী মরহাট্টা এবং কিরিগি বণিক অক্লান্ত অধ্যবসারে ভারত-ভাগ্য-সমুদ্র মন্থন করিতে করিতে যে অরাজকতার কালান্তক হলাহল উত্তোলন করিয়াছিলেন তাহাতে ভারত-বাসীর সুখ-সৌভাগ্য জর্জরিত হইয়া উঠিয়াছিল। ক্লাইব সেই বিকারে বিষপ্রয়োগ না করিলে, আজ দিগন্ত-বিস্তৃত বৃটীশ সাম্রাজ্যের অন্তর্ভুক্ত হইয়া শাসন-কোশলে এদেশের লোক পূর্ব কাহিনী বিস্মৃত হইবার অবসর লাভ করিত না! পাঠানের শাবিত খরসান, মরহাট্টার অশ্বপদতাড়না, ইউরোপীয় বণিকের সর্বসংহারিণী ক্ষুধা, এতদিনে এ দেশের অস্থিচর্ম্ম খণ্ড খণ্ড করিত;—যে রাষ্ট্রবিপ্লবের অগ্নিশিখা ভারতবর্ষে লোলজিহ্বা বিস্তার করিয়াছিল, তাহা আজিও দেশে দেশে উন্মত্ত পিশাচের মত নৃত্য করিয়া বেড়াইত! পাশ্চাত্য শিকার সহস্র দৃষ্টান্তে আজিও যাহাদের গৃহকলহ শান্তিলাভ করে

* The greed for money, the ever-increasing demand for the augmentation of the sum originally asked for the dishonoring trick by which a confederate was to be baulked of his share in the spoil; these are actions the contemplation of which makes, and will always make, the heart of an honest man burn with indignation.—Col. Malleon's Decisive Battles of India, p. 73.

নাই, তাহারা যে আত্মবলে বলীয়ান হইয়া স্বদেশের স্বাধীনতা রক্ষা করিতে পারিত, সে আশা নিতান্তই আকাশকুসুম ।

রাজবিদ্রোহ মহাপাপ ;—ইংরাজেরা জানিয়া শুনিয়া সেই মহাপাপে লিপ্ত হইয়াছিলেন ইহাই ত বথেষ্ট ; তাহার তুলনায় আর জাল জুরাচুরি এমন গুরুতর অপরাধ কি ? আর ক্লাইবের ত্রায় লোকের পক্ষে তাহা এমন দুর-পনের কলঙ্কই বা কি ? * তিনি যে শ্রেণীর ইংরাজ, যে সহবাসে শিক্ষিত, যে উদ্দেশ্যে ভারতবর্ষে সমাগত,—তাহাতে তাঁহার নিকট আদর্শ ইংরাজের চরিত্রবলের প্রত্যাশা করাই বিড়ম্বনা ! যখন বাহা আবশ্যক, তিনি তখনই তাহা অগ্নানচিত্তে সম্পাদন করিয়াছেন ; তাহাতে কখন তাঁহার “কেশাগ্রও” কম্পিত হয় নাই ! † যে দুর্দান্ত ইংরাজ-যুবক আবাল্য শত সহস্র উচ্ছৃঙ্খল কার্যো জীবনযাপন করিয়া, নিরন্তর স্বজনবান্ধবগণকে সশঙ্কিত রাখিয়া অন্তিমে অশান্তহৃদয়ে আত্মহত্যা করিয়া ইহলোক হইতে অবসর গ্রহণ করিয়াছেন, তাঁহার হতভাগ্য স্মৃতি নীরবে শান্তিলাভ করুক । যাহারা তাঁহাকে মহাবীর পলাশি-বিজেতা “ব্যারন” বলিয়া ভক্তিপুষ্পে চরণ বন্দনা করিবার জন্ত সাগ্রহে দেব-মূর্তি গঠন করিয়াছেন, তাঁহাদের অবসাদের অন্ত নাই ! কিন্তু

* His family expected nothing good from such slender parts and such a headstrong temper. It is not strange, therefore, that they gladly accepted for him, when he was in his eighteenth year, a writership in the service of the East India Company, and shipped him off to make a fortune or to die of a fever at Madras—Macaulays' Lord Clive.

† Clive was a man, “to whom deception, when it suited his purpose, never cost a pang.”—Mill's History of British India vol. iii.

যে মহাজাতি আত্মগৌরবকাহিনীতে সভ্যজগৎ প্রতিশ্রুতি করিয়া স্বদেশের রাজপথপার্শ্বে বৃটীশ বীরকেশরী নেলসন্ ওয়েলিংটনের জয়স্তুম্ভ গঠন করিয়াছে, তাহারা ক্লাইবের জন্ত এখনও জাতীয় কীর্ত্তিমন্দিরে পাদপীঠ রচনা করে নাই !*

বাহারা বাণিজ্যোপলক্ষে বাঙ্গালীর গুপ্ত-গল্পণায় মিলিত হইয়া, রাজ-বিপ্লবের কল্যাণে এ দেশের রাজ-সিংহাসন কুড়াইয়া পাইয়াছিলেন, অর্থাৎ তাঁহাদের নিকট একমাত্র “মূলমন্ত্র” বলিয়া পরিচিত ছিল । † তাঁহারা যে শাস্ত্রের উপাসক ছিলেন, তাহাই মর্যাদারক্ষা করিয়া গিয়াছেন। তজ্জন্ত তাঁহাদিগকে তিরস্কার করা বিড়ম্বনা মাত্র। আমরা যে তাঁহাদিগকেই আদর্শ ইংরাজ বলিয়া তাঁহাদের কথায়, তাঁহাদের লেখায় তাঁহাদের প্ররোচনায়, সিরাজদৌলাকে নরপিশাচ বলিয়া ইতিহাসের অবমাননা করিতেছি তজ্জন্ত আমরাই বরং সমধিক তিরস্কারের পাত্র ।

উমিচাঁদকে প্রতারিত করিয়াই ইংরাজেরা নিশ্চিন্ত হইতে পারিলেন না ; তাঁহাকে অবিলম্বে কলিকাতায় আনিয়া মুঠার মধ্যে রাখিবার জন্ত ব্যাকুল হইয়া উঠিলেন । কি সুকৌশলে “ধৃত উমিচাঁদকে” অধিকতর ধৃততায়

* The anniversary of Lord Clive's birth, though seldom observed or honored among us as continental people honor the heroes of their national Pantheon, must still fill every reflecting mind with crowding thoughts upon the strange and romantic rise of the British Power in the East.—the Indian Statesman, 30th September, 1896.

† In manufacturing the terms of the confederacy the grand concern of the English appeared to be money.—Mill's History of British India. vol. iii. 185.

পরাস্ত করিয়া কার্য্যসিদ্ধি করা সম্ভব, ফ্রাফ্টনের উপর সেই ভার নিক্ষিপ্ত হইল । তিনি উমিটাদকে নির্জনে বুঝাইতে বসিলেন ;—“কথাবার্তা ত একরূপ শেষ হইয়া গেল । এখন দুই চারিদিনের মধ্যেই লড়াই বাধিবে । তখন সকলকেই তাড়াতাড়ি অশ্বারোহণে পলায়ন করিতে হইবে । আমরা না হয় একরূপ করিব ; কিন্তু তুমি,—একে স্থূলদেহ, তাহাতে স্থবির,—তুমি কি অশ্বারোহণে পলায়ন করিতে পারিবে ?” উদ্দেশ্য সিদ্ধ হইল ;—উমিটাদ একেবারে মাথায় হাত দিয়া বসিয়া পড়িলেন । তিনি অনেক কষ্ট ভাবিয়া রাখিয়াছিলেন, কিন্তু পলায়নের কথা একবারও তাঁহার মস্তকে প্রবেশ করে নাই ! তিনি কিংকর্তব্যবিমূঢ়ের ন্যায় ফ্রাফ্টনের হাতে আত্ম-সমর্পণ করিলেন ; তখন স্ককৌশলে সিরাজদৌলার অনুমতি লইয়া দুই জনেই কলিকাতা যাত্রা করিলেন ।

যাহারা পাপসংকল্পে লিপ্ত হয়, তাহারা কাহাকেও প্রাণ খুলিয়া বিশ্বাস করিতে চাহে না । ইংরাজেরা স্থির করিলেন যে, মীরজাফর যখন সন্ধিপত্রে স্বাক্ষর করিবেন, সে সময়ে ইংরাজ-প্রতিনিধি ওয়াট্‌স সাহেব উপস্থিত থাকা চাই । কিন্তু সিরাজের সন্দেহে পড়িয়া মীরজাফর পদচ্যুত হইয়াছিলেন ; গুপ্তচরগণ সতর্ক দৃষ্টিতে তাঁহার গতিবিধি পর্য্যবেক্ষণ করিতেছিল ;—এরূপ অবস্থায় সন্ধিপত্র স্বাক্ষরিত হওয়া দুষ্কর হইয়া উঠিল !

অবশেষে ওয়াট্‌স সাহেব একদিন অসীম সাহসে নির্ভর করিয়া আন্তর-ণাবৃত শিবিকারোহণে অবগুণ্ঠনবতী রমণীর ন্যায় সভয়ে সসঙ্কোচে মীরজাফরের অন্তঃপুরদ্বারে উপনীত হইলেন । সম্ভ্রান্ত মুসলমানগৃহের রীত্যনুসারে শিবিকা একেবারে অন্তঃপুরে নীত হইল । ওয়াট্‌স তাহার ভিতর হইতে বাহির হইয়া বেগম মহলে আসনগ্রহণ করিলেন ।* তাঁহার সম্মুখে মীরজা-

ফর মুসলমানের পরমপবিত্র ধর্মগ্রন্থ মাথায় লইয়া, এক হাত প্রাণাধিক জ্যেষ্ঠ পুত্র মীরণের মাথায় রাখিয়া আর এক হাতে কলম ধরিয়া স্বাক্ষর করিলেন :—‘ঈশ্বর এবং পয়গম্বরের দোহাই দিয়া শপথ করিতেছি, বতক্ষণ প্রাণ ততক্ষণ এই সন্ধিপত্রের অঙ্গীকার পালন করিতে বাধ্য থাকিলাম।’*

এই গুপ্ত সন্ধিপত্র লইয়া মীরজাফরের বিশ্বাসী অনুচর উমরবেগ জমাদার ১০ই জুন কলিকাতায় উপনীত হইলেন। গুপ্ত মন্ত্রণার কথা তখন একরূপ ঢাকে ঢোলে বাজিয়া উঠিয়াছে! আর কালবিলম্ব করিবার অবসর রহিল না;—ক্লাইব যুদ্ধাভ্যাস জন্ত বন্ধপরি কর হইয়া সগর্বে সিরাজদৌলাকে পত্র লিখিতে বসিলেন।

মুসলমান-ইতিহাস-লেখকের কথার আভাসে বোধ হয় যে,—মীরজাফর কোরাণস্পর্শ করিয়াও ইংরাজদিগের বিশ্বাস জন্মাইতে পারেন নাই। তিনি যে সত্য সত্যই সন্ধিপত্রের লিখিত সমস্ত প্রতিশ্রুতি যথাধর্ম্য পালন করিবেন, তজ্জন্ত “উমাচরণ ও জগৎশেঠকে জামিন থাকিতে হইয়াছিল।”†

এ দেশের লোক বড়ই কুসংস্কারাচ্ছন্ন;—তাহারা এখনও বিশ্বাস করে যে, মীরজাফর পুত্রের মাথায় হাত রাখিয়া কোরাণ স্পর্শ করিয়া রক্তধ্বের ত্রায় ফিরিঙ্গীর সঙ্গে গোপনে সন্ধিপত্রে স্বাক্ষর করিয়াছিলেন, সেই জন্ত বিধাতার অভিসম্পাতে তাঁহার পাপহস্ত কুষ্ঠরোগে খসিয়া পড়িয়াছিল,‡ এবং

* “I swear by God and the Prophet of God to abide by the terms of this treaty while I have life.”

† “জামিন্ উস্কে ওহি দোনো মহাজনান মজকুরা হয়ে।”—মুতকরীণ।

‡ মীরজাফরের মৃত্যুসময়ে তাঁহার পাপক্ষালনের জন্ত মহারাজ নন্দকুমার শ্রীশ্রীশ্রী কীরীটেস্বরী দেবীর চরণামৃত তাঁহার ওষ্ঠে সেচন করিয়া এই বিশ্বাসের পরিচয় দিয়াছিলেন। “Gholam Hossein has a story that, when Mir

তাহার প্রিয়পুত্র মীরণের মস্তকে অকস্মাৎ বজ্রাঘাত হইয়াছিল ! এরূপ কুসংস্কার কেবল আমাদিগেরই পৈতৃক সম্পত্তি নহে ;—ক্লাইব যখন আত্ম-হত্যা করেন, তখন বিলাতের কত ভাল ভাল লোকেও বলিয়া উঠিয়াছিলেন যে, এত দিনে বিধাতার ত্রাসদণ্ডে সকল পাপের প্রায়শ্চিত্ত হইল ! *

এ দিকে সিরাজদৌলা গুপ্ত সন্ধিপত্রের সন্ধান পাইয়া মীরজাফরকে কারারুদ্ধ করিবার আয়োজন করিতে লাগিলেন। মীরজাফরের বাটীতে গোলাবারুদের অভাব ছিল না,—সুতরাং তাহাকে কারারুদ্ধ করা সহজ হইল না ! ওয়াট্‌স্ ইহার আভাস পাইয়া বারুসেবনের উপলক্ষ করিয়া সহ-যোগী সহযোগে রজনীমুখে অশ্বারোহণে পলায়ন করিলেন ! তখন আর সিরাজদৌলার ইতস্ততঃ রহিল না। তিনি তৎক্ষণাৎ সেনাপতি ওয়াট্‌সনকে পত্র লিখিতে বসিলেন। ইহাই তাহার শেষ পত্র। তিনি লিখিলেন :—

“২৫ রমজান (১৩ই জুন ১৭৫৭)।

“আমরা যে সন্ধি সংস্থাপন করিয়াছিলাম, তাহার অঙ্গীকার লনের জন্ত ওয়াট্‌স্ সাহেবকে প্রায় সকল বস্তুই বুঝিয়া দিয়াছি। যৎসামান্য কিছু কিঞ্চিৎ বাকী থাকিতে পারে। মাণিকচাঁদের ব্যাপারও একরূপ শেষ করিয়াছিলাম। কিন্তু

Jaffar was dying, Nanda Kumar gave him water that had bathed the image of Kiriteshwari,”—H. Beveridge; c. s.

* In the awful close of so much prosperity and glory, the vulgar saw only a confirmation of all their prejudices ; and some men of real piety and genius so far forgot the maxims both of religion and of philosophy as confidently to ascribe the mournful event to the just vengeance of God, and to the horrors of an evil conscience.—Macaulay's Lord Clive.

এত করিয়াও ফল হইল না ! ওয়াট্‌স্ এবং কাশিমবাজারের কুঠিয়ালেরা বায়ুসেব
নের ভান করিয়া রজনীযোগে পলায়ন করিয়াছেন । ইহা প্রতারণার স্পষ্ট লক্ষণ,—
সন্ধিভঙ্গের পূর্বসূচনা । তোমার অজ্ঞাতসারে বা উপদেশ ব্যতীত যে একরূপ কাৰ্য্য
সংঘটিত হয় নাই তাহা আমার বিলক্ষণ হৃদোধ হইয়াছে । একরূপ ঘটিবে বলিয়া
চিরদিনই আশঙ্কা করিতাম, এবং তোমরা বিশ্বাসঘাতকতা করিবে বলিয়াই আমি
পলাশি হইতে ছাউনী উঠাইয়া আনিতে সন্মত হইতাম না ।

“যাহা হউক, আমার দ্বারা যে সন্ধিভঙ্গ হইল না এজন্য ঈশ্বরকে ধন্যবাদ ।
আমরা যে ধর্মপ্রতিজ্ঞা করিয়াছিলাম, ঈশ্বর এবং পয়গম্বর তাহার সাক্ষী । যিনি
প্রথমে প্রতিজ্ঞা ভঙ্গ করিবেন, তিনিই সেই মহাপাপের শাস্তিভোগ করিবেন ।” *

চারিদিকে রাজবিপ্লব ; তাহার মধ্যে সিরাজের রাজসিংহাসন বটপত্রের
মত ভাসমান হইল ! তিনি সর্বপ্রযত্নে সিংহাসন রক্ষার জন্য ব্যাকুল হইয়া

* পত্রখানি এইরূপ :—“25th Ramzan (13th of June 1757).
According to my promises, and the agreement made between
us, I have duly rendered everything to Mr. Watts, except very
small remainder, and thad almost settled Monickchand's
affair . Notwithstanding all this, Mr. Watts and the rest of
the Council of the factory at Cossimbazar, under pretence of going
to take the air in their gardens, fled away in the night. This is
an evident mark of deceit, and of an intention to break the treaty.
I am convinced it could not have happened without your knowle-
edge or without your advice. I all along expected something of
this kind and for that reason I would not recall my forces from
Plassey, expecting some treachery.

I praise God, *that the breach of the treaty has not been on
my part*: God and His Prophet have been witnesses to the
contract made between us, and whoever first deviates from it will

পাত্রমিত্রগণকে আহ্বান করিতে বাধ্য হইলেন । এই সকল ঐতিহাসিক ঘটনার যথাযোগ্য সমালোচনা না করিয়া, লর্ড মেকলে সিরাজদৌলাকেই প্রতিজ্ঞাভঙ্গকারী বিশ্বাসঘাতক সাজাইবার জন্য অবলীলাক্রমে গ্রন্থ লিখিয়া গিয়াছেন । * এই গ্রন্থ আমাদের বিশ্ববিদ্যালয়ের উচ্চশিক্ষার্থী যুবকবৃন্দের পাঠ্যরূপে নির্দিষ্ট হইয়া থাকে !

bring upon themselves the punishment due to their actions.—
Ive's Journal.

* The Nabob behaved with all the faithlessness of an Indian statesman, and with all the levity of a boy whose mind had been enfeebled by power and self indulgence. He promised, retracted, hesitated, evaded," Macaulay's Lord Clive.





ষড়্বিংশ পরিচ্ছেদ ।

যুদ্ধযাত্রা ।

যুদ্ধযাত্রার প্রয়োজনীয় আয়োজন শেষ হইলে, ১২ই জুন কলিকাতার ফৌজ চন্দননগরের ফৌজের সহিত মিলিত হইল, এবং চন্দননগরের দুর্গ রক্ষার জন্ত দেড়শত মাত্র জাহাজীগোরা পশ্চাতে রাখিয়া, ১৩ই জুন সমগ্র ব্রিটিশ-বাহিনী যুদ্ধযাত্রা করিল ।* গুলি গোলা বারুদ লইয়া ‘গোরা লোগ’ দুইশত নৌকায় আরোহণ করিল, ‘কালা আদমীরা’ গঙ্গাতীরের বাদশাহী রাস্তার উপর দিয়া পদব্রজে অগ্রসর হইতে লাগিল ।

কলিকাতা হইতে মুর্শিদাবাদ অনেক দূরের পথ । পথপার্শ্বে হুগলী এবং কাটোয়ার দুর্গে, অগ্রদ্বীপ এবং পলাশির ছাউনীতে,—নবাবের সিপাহী-

* It consisted of 650 European infantry, 150 artillery men, including 50 Seamen, 2100 Sepoys, and a small number of Portuguese, making a total of something more than 3000 men.—Thornton's History of the British Empire, vol i. 233.

সেনা বসিয়া রহিয়াছে। তাহারা বীরোচিত কর্তব্য সম্পাদন করিলে, হয়ত হুগলীর নিকটেই ইংরাজেরা সসৈন্তেই পঞ্চত্ব প্রাপ্ত হইতেন। কিন্তু কেহই ইংরাজের গতিরোধ করা দূরে থাকুক, একবার বীরের গায় সন্মুখসমরে অগ্রসর হইবারও আয়োজন করিল না। ইতিহাসে কেবল এই পর্য্যন্তই দেখিতে পাওয়া যায় যে, হুগলীর ফৌজদার ইংরাজের যুদ্ধজাহাজ দেখিয়া এবং ক্লাইবের তর্জ্জন গর্জ্জন শুনিয়া নিতান্ত ভীত হইয়া পথ ছাড়িয়া দিয়াছিলেন!

ইংরাজেরা যখন চন্দননগর আক্রমণ করেন, মহারাজ নন্দকুমার তখন হুগলীর ফৌজদার! তিনি সে যাত্রা কি জন্ত ইংরাজের পথ ছাড়িয়া দেন, সে কথা নবাবের কর্ণগোচর হইয়াছিল। এবার সেইজন্ত তিনি হুগলীতে আর একজন নূতন ফৌজদার পাঠাইয়াছিলেন।* এই সকল বাঙ্গালী ফৌজদার বা তাহাদের কালা সিপাহীরা যে কিরূপ বীরবিক্রমে অস্ত্রচালনা করিত, তাহা ইংরাজের অজ্ঞাত ছিল না। তথাপি তাহারা কোন্ সাহসে দেড়শত মাত্র জাহাজী-গোরা পশ্চাতে রাখিয়া সসৈন্তে সন্মুখে অগ্রসর হইয়াছিলেন? তাহারা কি জানিতেন না যে হুগলীর ফৌজদার পৃষ্ঠদেশ আক্রমণ করিলে ইংরাজের কিরূপ সর্বনাশ হইতে পারিত? ইংরাজদিগের নিশ্চিন্ত

* The Nawab entertaining supicions of Nun Coomar, had lately sent a new Governor to Hoogly, who threatened to oppose the passage of the boats, but the twenty gunship coming up and anchoring before his fort, and a menacing letter from Colonel Clive, deterred him from that resolution.—Orme, vol, ii. 164. এই ভয়প্রদর্শনপূর্ণ পত্রখানি বর্তমান নাই। সেই ক্লাইব, সেই উষ্মাচরণ এবং সেই পত্র;—পূর্বের ন্যায় এবারও যে সহজে কার্যোদ্ধার হয় নাই, তাহা কে বলিবে।

রণযাত্রা, ফৌজদারের সম্বল-পালিত তুষণীস্তাব, চন্দননগরে দেড়শত মাত্র গোরার অবস্থান,—এই সকল বিষয় একত্র বিচার করিলে মনে হয় যে, মুর্শিদাবাদের গুপ্তমন্ত্রণা হয়ত হুগলীর ফৌজদারকেও কর্তব্যব্রষ্ট করিয়াছিল !

এদিকে বিদ্রোহের সন্ধান পাইয়া, মীরজাফরকে কারারুদ্ধ করিবার সংকল্প পরিত্যাগ করিয়া, সিরাজদৌলা তাঁহাকে স্বপক্ষে টানিয়া আনিবার আয়োজন করিতে লাগিলেন । অনেকে বলেন যে, সিরাজদৌলার কাপুরুষ-ত্বের ইহাই উৎকৃষ্ট নিদর্শন । * কিন্তু সে সময়ে মীরজাফরের সঙ্গে শক্তি-পরীক্ষা করিতে বসিলে, মুর্শিদাবাদেই পলাশির যুদ্ধাভিনয় সুসম্পন্ন হইত ! সিরাজদৌলা স্বাধীনতা রক্ষার জন্ত ব্যাকুল ; সুতরাং কেহ কেহ মীরজাফরকে কারারুদ্ধ করিবার জন্ত উত্তেজনা করিলেও সিরাজদৌলা সে কথায় কর্ণপাত করিলেন না । তিনি মীরজাফরের সকল অপরাধ ক্ষমা করিয়া রাজসদনে আহ্বান করিয়া পাঠাইলেন । সিরাজদৌলা ভাবিয়াছিলেন যে, ইসলামের নামে, আলিবর্দির নামে, স্বাধীনতা রক্ষার্থ সকল কথা বুঝাইয়া বলিতে পারিলে, হয়ত এখনও মীরজাফরের মতিভ্রম দূর হইতে পারে ! বিদ্রোহী দল সিরাজদৌলাকে বিলক্ষণ ভয় করিতেন । তাঁহারা দেখিলেন যে, সকল কথা প্রকাশ হইয়া গিয়াছে, সুতরাং নবাবের সঙ্গে পুনরায় সখ্যাসংস্থাপন করাই সুপরামর্শ । তাঁহারা সেইরূপ উপদেশ দিতে ক্রটি করিলেন না, কিন্তু মীরজাফরের সাহসে কুলাইল না ;—তিনি আর রাজসদনে উপস্থিত হইলেন না ! †

* Thornton's History of the British Empire vol.i. 232.

† At the same time several of the Nabob's Officers, on whose friendship Jaffier relied, were exhorting him to reconciliation ; to which he seemingly agreed, but, either through suspicion or scorn, refused to visit the Nabob.—Orme, vol. ii. 167.

অবশেষে আত্মাভিমান তুচ্ছ করিয়া স্বয়ং সিরাজদৌলা ১৫ জুন শিবিকা-
 রোহণে মীরজাফরের বাটীতে উপনীত হইলেন ! * এবার মীরজাফরকে
 বাহির হইতে হইল, এবার তাঁহাকে অধোবদনে সলজ্জনয়নে স্নেহভাজন
 কুটুম্বের মুখের সাক্ষর ভৎসনাবাক্য শ্রবণ করিতে হইল ; এবং সিরাজদৌলা
 যখন ক্ষমা প্রদর্শন করিয়া, ঈশ্বরের নামে, মহম্মদের নামে, মুসলমান গৌরবের
 নামে, আলিবর্দির বংশমর্যাদার দোহাই দিয়া মীরজাফরকে ফিরিঙ্গীর স্নেহ-
 বন্ধন ছিন্ন করিবার জন্ত পুনঃ পুনঃ উত্তেজনা করিতে লাগিলেন,—তখন
 সকল কথাই স্বীকার করিতে হইল ! তখন আবার ‘কোরাণ’ আসিল । †
 আবার মুসলমানের পরম পবিত্র ধর্মগ্রন্থ মাথায় লইয়া, অনুদাতা মুসলমান
 নরপতির নিকট মুসলমান সেনাপতি জানু পাতিয়া শপথ করিলেন :—ঈশ্ব-
 রের নামে, পরগণ্ডের নামে ধর্মশপথ করিয়া অঙ্গীকার করিতেছি, যাবজ্জীবন
 মুসলমান সিংহাসন রক্ষা করিব, প্রাণ থাকিতে বিধর্মী ফিরিঙ্গীর সহায়তা
 করিব না !”

পরমেশ্বরের পবিত্র নামে সিরাজদৌলার সকল সন্দেহ দূর হইয়া গেল ।
 হিন্দু যে ব্রাহ্মণের পাদস্পর্শ করিয়া মিথ্যা কথা বলিতে পারে, সে কথা
 সিরাজদৌলা বিশ্বাস করিতেন না ;—সেই জন্ত একবার উমিচাঁদের ধর্মশপথে
 প্রতারিত হইয়াছিলেন ! মুসলমান যে কোরাণ মাথায় লইয়াও মিথ্যা কথা
 বলিতে সাহস করিবে, তাহা বিশ্বাস করিতে না পারিয়া, সিরাজদৌলা আবার
 প্রতারিত হইলেন ! লোকে বলে সিরাজ পরমপাষণ্ড ধর্মাদর্ম বিচারবিহীন
 উচ্ছৃঙ্খল যুবক ; তাহা হইলে হয়ত তাঁহার পক্ষে ভাল হইত । তাহা হইলে

* This interview was on the 15th June.—Orme, ii. 167.

† “The Koran was introduced, the accustomed pledge of their falsehood.”—Scrafton’s Reflections, p. 85.

হরত হিন্দু ব্রাহ্মণের পাদস্পর্শ করিয়া, ফিরিঙ্গী বাইবেল চুম্বন করিয়া, এবং মুসলমান কোরাণ মাথায় লইয়া, তাঁহাকে যাহা ইচ্ছা তাহাই বিশ্বাস করাইতে পারিতেন না । বাঁহারা স্বয়ং ধর্মের দোহাই দিয়া জানিয়া শুনিয়া প্রতারণা করিয়াছিলেন, তাঁহাদের কথা একেবারে চাপা পড়িয়া গিয়াছে ;—আর তাঁহাদের শপথে সিরাজদৌলা প্রতারণিত হইলেন কেন, সেই অপরাধে তাঁহাকে ইতিহাসের তীব্র গঞ্জনা সহ করিতে হইতেছে ! *

এইরূপে গৃহবিবাদের নীমাংসা করিয়া সিরাজদৌলা সসৈন্তে পলাশিক্ষেত্রে সমবেত হইবার আয়োজন করিতে লাগিলেন । আশা হইল যে, মীরজাফর যখন ফিরিঙ্গীর সহায়তা করিতে অস্বীকার,—তখন এবার আর ইংরাজের নিস্তার নাই । সেই সাহসে সেনাদল আহ্বান করিলেন ; কিন্তু তাহারা বিদ্রোহী দলের প্ররোচনায় বেতন না পাইলে যুদ্ধযাত্রা করিতে অসম্মত হইল । সুতরাং তাহাদিগের পূর্ববেতন পরিশোধ করিয়া সিরাজদৌলা নিশ্বাস ফেলিবার অবসর পাইলেন । † রায় দুর্লভ, ইয়ারলতিফ, মীর-জাফর, মীরমদন, মোহনলাল, এবং ফরাসীসেনানায়ক সিনফ্রে এক এক বিভাগের সেনাচালনার ভারগ্রহণ করিয়া সিরাজদৌলার সহগামী হইলেন ।

* If the Subah erred before in abandoning the French, he doubly erred now, in admitting a suspicious friend.—Ive's Journal.

† The Nawab's troops seeing in the impending warfare no prospect of plunder, as in the sacking of Calcutta, and much more danger, clamorously refused to quit the city until the arrears of their pay were discharged ; this tumult lasted three days ; nor was it appeased until they had obtained a large distribution of money.—

Orme, vol. ii. 169,

গুপ্তচরের গোপনানুসন্ধানভয়ে, মীরজাফরের পক্ষে সর্বদা ইংরাজশিবিরে সংবাদ প্রেরণ করা কঠিন হইয়া উঠিল। তিনিই সকল চক্রান্তের চক্রধর,— সুতরাং তাঁহার প্রত্যুত্তরের প্রত্যাশায় ক্লাইব প্রতিদিন তাঁহাকে পত্র লিখিতে লাগিলেন। কিন্তু ১৩ই জুন সোমবার হইতে ১৬ই জুন বৃহস্পতিবার পর্য্যন্ত চারি দিনের মধ্যে একখানিও প্রত্যুত্তর পাওয়া গেল না। ওয়াটস সাহেব ১৪ই জুন ইংরাজশিবিরে মিলিত হইয়া তৎক্ষণাৎ মীরজাফরের নিকট একজন বিশ্বাসী হরকরা পাঠাইয়া দেন; দুর্ভাগ্যক্রমে সে হরকরাও ফিরিয়া আসিল না। ক্লাইব অগত্যা কিংকর্তব্যবিমূঢ় হইয়া সসৈন্তে পাটুলিতে ছাউনী ফেলিলেন।

মীরজাফর ১৬ই জুন বৃহস্পতিবারে ক্লাইবকে প্রথম পত্র লিখিলেন; সে পত্র শুক্রবারে পাটুলির ছাউনীতে ক্লাইবের হস্তগত হইল। মীরজাফর যে সিরাজের সঙ্গে মোখিক সখ্যসংস্থাপন করিতে বাধ্য হইয়াছেন, সে কথা তিনি নিজেই লিখিয়া পাঠাইলেন; কিন্তু তিনি যে, তজ্জন্ত ইংরাজের সহায়তা করিয়া আত্মপ্রতিশ্রুতি পালন করিতে কিছুমাত্র ত্রুটি করিবেন না, সে কথাও লিখিয়া পাঠাইলেন। কিন্তু এই পত্র পাইয়াও ক্লাইব সম্মুখে অগ্রসর হইতে সাহস পাইলেন না। সম্মুখে কাটোয়া-দুর্গ; সে দুর্গের সেনানায়ক কিয়ৎক্ষণ কৃত্রিম যুদ্ধ করিয়া ইংরাজের নিকট পরাজয় স্বীকার করিবেন, এইরূপ কথা ছিল।* সে কথা কতদূর সত্য তাহা পরীক্ষা করিবার জন্ত, শনিবার প্রাতঃকালে ২০০ গোরা এবং ৩০০ সিপাহী লইয়া মেজর কুট কাটোয়া-ভিমুখে অগ্রসর হইলেন, ক্লাইব সসৈন্তে পাটুলিতেই অবস্থান করিতে বাধ্য

* The Governor of this fort had promised to surrender after a little pretended resistance.—Orme, vol. ii. 168.

হইলেন । অজয় এবং ভাগীরথী সন্মিলনস্থানে কাটোয়াদুর্গ সুসংস্থাপিত ; বর্গীয় হাঙ্গামার কাটোয়া-দুর্গ বীরবিক্রমের লীলাভূমি বলিয়া চিরবিখ্যাত । এবার কিন্তু দুর্গদ্বারে যুদ্ধ হইল না ; কিয়ৎক্ষণ যুদ্ধাভিনয়ের পর নবাবসেনা সহস্বে চালে চালে আগুন ধরাইয়া দিয়া দুর্গ হইতে পলায়ন করিল ! এই যুদ্ধাভিনয়ে নবাব-সেনা যতটুকু বীরবিক্রম প্রকাশ করিয়াছিল, তাহাতেই মেজর কুট ভাবিয়াছিলেন যে, সেনাপতি হয় ত পূর্বসংকল্প পরিত্যাগ করিয়া যুদ্ধ করিতেই বদ্ধপরিকর হইয়াছেন । যাহা হউক কাটোয়া নির্মক্ষিক হইলে, ক্লাইব ধীরে ধীরে সসৈন্তে কাটোয়া অধিকার করিয়া লইলেন, নাগরিকগণ প্রাণভয়ে পলায়ন করায় এত চাউল ইংরাজের হস্তগত হইল যে, তাহাতে দশসহস্র সিপাহী বৎসর ভরিয়া উদরপূরণ করিতে পারিত । সুতরাং ক্লাইব সসৈন্তে কাটোয়ার শিবির-সন্নিবেশ করিলেন ।

মীরজাফরের প্রথম পত্রেই ক্লাইবের মন আন্দোলিত হইয়া উঠিয়াছিল ; ওয়াট্‌স সাহেবের পূর্বপ্রেরিত গুপ্তচর ফিরিয়া আসিয়া সন্দেহ আরও ঘনীভূত করিয়া তুলিল । আরও সংবাদ সংগ্রহের জন্ত ক্লাইব দুই দিন পর্য্যন্ত সতৃষ্ণনয়নে পথ চাহিয়া রহিলেন । * কখন বিশ্বাস কখন অবিশ্বাসে আন্দোলিত হইয়া স্বভাবতই মনে হইতে লাগিল যে, গুপ্তসন্ধিপত্র হয়ত সিরাজদ্দৌলারই কৌশলমাত্র ; হয়ত সখ্যাসংস্থাপন করিয়া মীরজাফর পূর্ব-কথা একেবারেই বিস্মৃত হইয়াছেন । সম্মুখে ভাগীরথী তরল তরঙ্গ-ভঙ্গে সমুদ্রাভিমুখে প্রবাহিত ; এখনও বর্ষাসমাগম হয় নাই, সুতরাং এখনও নদী-শ্রোত উত্তীর্ণ হইবার সম্ভাবনা আছে । কিন্তু হায় ! পরপারে উত্তীর্ণ হওয়া যত সহজ, পুনরায় প্রত্যাভর্তন করা কি তত সহজ কথা ? ক্লাইব হতবুদ্ধি

হইয়া পড়িলেন । তাঁহার ইতিহাসবিখ্যাত বিপুল বাহুবল এবং অলৌকিক রণকৌশল সহসা যেন শিথিল হইয়া পড়িল ! * কেবল মনে হইতে লাগিল— কি কুক্ষণেই সসৈন্তে যুদ্ধযাত্রা করিয়াছেন, কি কুলগ্নেই বিদ্রোহী দলের মুখের দিকে চাহিয়া গায়ে পড়িয়া সিরাজদৌলার-বিরুদ্ধে খড়্গধারণ করিয়াছেন ! উত্তরকালে মহাসভার সাক্ষ্য দিবার সময়েও এই দিনের কথা স্মরণ করিয়া ক্লাইব স্বীকার করিয়া গিয়াছেন যে, তাঁহার কেবলই ভয় হইতে লাগিল,— “যদি পরাজিত হই তবে আর একজনও সে পরাজয়-কাহিনী বহন করিবার জন্ত প্রত্যাগমন করিবার অবসর পাইবে না ।”†

সোমবার অপরাহ্নে মীরজাফরের নিকট হইতে এক সঙ্গে দুইখানি পত্র আসিয়া উপনীত হইল ;—একখানি ক্লাইবের নামে অপরখানি উমরবেগের নামে । ‡ এই উভয় পত্রে সন্দেহ অপসারিত হইল ; কিন্তু বৃটীশ-শিবিরে অশ্বসেনা না থাকায় ক্লাইবের আশঙ্কা প্রবল হইয়া উঠিল । § তিনি শুনিয়া-

* Before him lay a river over which it was easy to advance, but over which, if things went ill, not one of his little band would ever return. On this occasion, for the first and for the last time, his dauntless spirit, during a few hours, shrank from the fearful responsibility of making a decision. — Macaulay's Lord Clive.

† Had a defeat ensued, “not one man would have returned to tell it.” — First Report of the Select Committee of the House of Commons, 1772, p. 149

* মীরজাফরের বিশ্বাসী অনুচর উমরবেগ জমাদার প্রতিভূ-স্বরূপ ক্লাইবের শিবিরেই অবস্থান করিতেছিলেন !

§ Much confounded by this perplexity, as well as by the danger of coming to action without horse, of which the English had none, he wrote the same day to the Raja of Burdwan who was discontented with the Nabob, inviting him to join them with his

ছিলেন যে, বর্দ্ধমানের মহারাজের সঙ্গে সিরাজদৌলার সন্ধাব নাই ; সুতরাং অনন্তোপায় হইয়া তাঁহাকে লিখিয়া পাঠাইলেন যে, “আপনার অশ্বসেনা যদি এক সহস্রেরও অধিক না থাকে, তথাপি তাহা লইয়াই আমাদিগের সহিত মিলিত হউন ।”

এই পত্র লিখিয়াও ক্লাইবের দুশ্চিন্তা দূর হইল না । তাঁহার আদেশে ২১ জুন মঙ্গলবার সামরিক সভার অধিবেশন হইল । ক্লাইব বলিয়া গিয়াছেন যে, “ইহাই তাঁহার জীবনের প্রথম এবং শেষ সামরিক সভা” । * বিংশতি বৃটীশবীরকেশরী চিন্তাক্রিষ্ট বিষম্বদনে কাটোয়ার শিবিরে সামরিক সভায় উপবেশন করিলেন । ইহাদের নিকট ক্লাইব কি মর্মে প্রশ্ন উপস্থিত করিয়া-ছিলেন, তাহা লইয়া ইতিহাসে বিলক্ষণ মতভেদ দেখিতে পাওয়া যায় ।

মহাসভায় সাক্ষ্য দিবার সময়ে ক্লাইব বলিয়া গিয়াছেন তিনি জিজ্ঞাসা করিয়াছিলেন যে, এখনই নদীপার হইয়া বাহুবলে সিরাজদৌলাকে আক্রমণ করাই সঙ্গত, কি আরও সংবাদ সংগ্রহের জন্য অপেক্ষা করাই সঙ্গত ।” †

cavalry, even were they only a thousand. — Orme, Vol. ii. 170. বাস্তবিক অশ্বসেনার অভাবে একরূপ চিন্তাকুল হওয়াই স্বাভাবিক । কেবল ‘পলাশির’ যুদ্ধকাব্যে কবিকল্পনা এই চিন্তা দূর করিয়া লিখিয়াছে যে,—

“যদি ডুবি একা নাহি ডুবিবে সকল
কি পদাতি, অথারোহী, আমার সহিত ।”

* একথা কি সত্য ? চন্দননগর আক্রমণের সময়ে এবং পলাশির আশ্রবণে আরও দুইবার সমরসভার অধিবেশনের কথা ইতিহাসে দেখিতে পাওয়া যায় ।

† Whether they should cross the river and attack Soorajoo Dowla with their own force alone, or wait for further intelligence ? — Clive’s Evidence, First Report p. 149.

ক্লাইবের চরিতাখ্যায়ক বলেন যে, ক্লাইবের যে সকল কাগজপত্র তাঁহার হস্তে সমর্পিত হইয়াছিল, তন্মধ্যে এই সামরিক সভার কার্যবিবরণী ছিল । তাহাতে প্রশ্নটি এইরূপ লিখিত আছে :—“বর্তমান অবস্থায় অত্রের সাহায্য না লইয়া আত্মবলেই নবাবশিবির আক্রমণ করিব, কি দেশীয় শক্তির সহায়তা না পাওয়া পর্য্যন্ত অপেক্ষা করিব ?” *

এই বিষয়ে মহাসভায় সাক্ষ্য দিবার সময়ে সামরিক সভার অগ্রতম সভ্য মেজর কুট (ইনি পরবর্ত্তী ইতিহাসে স্তর আয়ারি কুট নামে প্রসিদ্ধ) বলিয়া গিয়াছেন যে, প্রশ্নটি এইরূপ :—“এরূপ ক্ষেত্রে এখনই নবাবের সহিত সংঘর্ষ উপস্থিত করাই কর্তব্য, কি বর্ষাশেষ না হওয়া পর্য্যন্ত কটোয়ায় আত্মরক্ষা করিয়া আমাদের সাহায্যার্থ মহারাষ্ট্রসেনাদলকে আহ্বান করা কর্তব্য ; † সমসাময়িক ইতিহাসলেখক অর্নিও এই মন্যেই লিখিয়া গিয়াছেন । ‡

* Whether in our present situation, without assistance, and on our own bottom, it would be prudent to attack the Nabob, or whether we should wait till joined by some *country power* ?—Sir John Malcolm.

† Whether in those circumstances it would be prudent to come to an immediate action with the Nabob, or fortify themselves (English) where they were, and remain till the monsoon was over, and *the Marhattas* could be brought into the country to join us.—Coote's Evidence, First Report, p. 153.

‡ Whether the army should immediately cross in to the island of Casimbazar, and at all risks attack the Nabob ; or whether, availing themselves of the great quantity of rice, which they had taken at Kutwa, they should maintain themselves there during the rainy season, and in the meantime invite *the Marhattas* to enter the Province to join them ?—Orme vol. ii. 170.

ক্লাইবের কাগজপত্রে ‘দেশীয় শক্তির’ সাহায্য লওয়ার কথা দেখিতে পাওয়া যায়, অগ্নির ইতিহাসে এবং মেজর কুটের জবানবন্দীতে স্পষ্ট করিয়া “মহারাষ্ট্রশক্তির” নামোল্লেখই দেখিতে পাওয়া যায়। অথচ ক্লাইবের জবানবন্দীতে ইহার নাম গন্ধও নাই,—কেবল সংবাদ সংগ্রহের জন্ত আরও কিছুকাল অপেক্ষা করা কর্তব্য কি না তাহাই রহিয়াছে কেন? ক্লাইবের জবানবন্দীতে এরূপ স্থূল বিষয়ে ভুল হইল কেন? *

ক্লাইব যখন মহাসভায় সাক্ষ্যদান করেন, তখন আর তিনি লেপ্টেনেন্ট কর্ণেল ক্লাইব নহেন; তখন তিনি পলাশিবীর (ব্যারণ) লর্ড ক্লাইব, ইংলণ্ডের নরনারীর নিকট “নবাব” ক্লাইব নামে পরিচিত। তখন কি পূর্বকথা বিস্মৃত হইয়া গিয়াছিলেন? কেহ কেহ বলিতে পারেন যে, অনেক দিনের পর এত কথা স্মরণ রাখা সম্ভব নহে। কিন্তু দুঃখের বিষয় এই যে, যেখানেই আত্মগৌরব বৃদ্ধি করা বা আত্মাপরাধ ক্ষালন করা প্রয়োজন, ঠিক সেখানে আসিয়াই ক্লাইবের স্মৃতিশক্তি অবসন্ন হইয়া পড়ে,—ইহাই তাহার জবানবন্দীর প্রধান দোষ!

যিনি একবার স্বার্থসাধনের জন্ত জানিয়া শুনিয়া জাল জুয়াচুরি করিয়াছিলেন, এবং আরও শতবার সেরূপ ক্ষেত্রে সেরূপ কার্য্য করিতে প্রস্তুত ছিলেন, তিনি যে আত্মগৌরব বর্দ্ধন বা আত্মাপরাধ ক্ষালনের জন্ত সময়ান্তরে মহাসভার দ্বারা মহাধর্ম্মাধিকরণের সম্মুখে জানিয়া শুনিয়া এক আধটা

* This differs from the accounts given by Coote and Orme, principally in the substitution of a general reference to the aid of some native power in place of the particular to the Marhattas; but it differs materially from Clive's own statement to the Select Committee of the House of Commons.—Thornton's History of the British Empire, vol. i. 239.

নিতান্ত আবশ্যকীয় কথা এদিক ওদিক করিয়া বলেন নাই, সে বিষয়ে নিঃসন্দেহ হইবার উপায় নাই ।

আলিনগরের সন্ধির পূর্বে ক্লাইব যখন সংবাদ পাইলেন যে, সিরাজদৌলার কামানগুলি এখনও আসিয়া পৌঁছে নাই, তখন তিনি নিশারগে শত্রুসংহারের জন্ত সর্বাগ্রে নাচিয়া উঠিয়াছিলেন । চন্দননগর আক্রমণের পূর্বে যখন সংবাদ পাইলেন যে, মাদ্রাজ হইতে সেনাবল আসিতেছে এবং সিরাজদৌলা পাঠানভয়ে জড়সড় হইয়াছেন, তখন সদস্তদিগের ইতস্ততঃ থাকিলেও ক্লাইব সগর্বে বলিয়া উঠিয়াছিলেন যে, “এখনই চন্দননগর ধ্বংস করিব ।” উমরবেগ যখন সন্ধিপত্র আনিয়া দিল তখনও তিনি প্রবল প্রতাপে সেনাদল লইয়া পলাশির দিকে ছুটিয়া বাহির হইয়াছিলেন । কিন্তু কাটোয়ায় পদার্পণ করিয়া তাঁহার অন্তরাখা আর সেরূপ উৎসাহ প্রদর্শন করিতে পারিল না । পাছে কনিষ্ঠ বীরপুরুষগণ একবাক্যে যুদ্ধযাত্রার অভিমত প্রদান করিয়া তাঁহাকে বিপদগ্রস্ত করেন, সেই আশঙ্কায় ক্লাইব সমর-নীতি লঙ্ঘন করতঃ প্রথমেই আপন মত ব্যক্ত করিয়া বলিলেন, “যেখানে রহিয়াছি, সেখানেই থাকি, ইহাই আমার মত;—আপনাদের মতামত কি ?”* এই কথায় দ্বাদশজন সেনানায়ক “তথাস্তু” বলিলেন † কিন্তু সর্ব কনিষ্ঠ মেজর কুট প্রতিবাদ করিয়া বলিয়া উঠিলেনঃ—“আপনারা

* Contrary to the forms usually practised in councils of war, of taking the voice of the youngest officer first and ascending from this to the opinion of the president, Colonel Clive gave his own opinion first.—Orme, ii. 170.

† On the same side voted Majors Kilpatrick, Archibald Grant, Captains Waggoner, Corneille, Fischer, Gaupp, Rumbold, Palmer, Molitor, Jennings and Parshaw. Major Eyre Coote took a view

বড়ই ভুল বুঝিতেছেন । সেনাদলের এখনও বিশ্বাস আছে যে তাহারা নিশ্চয়ই জয়লাভ করিবে । শত্রুর সম্মুখে আসিয়া থতমত খাইয়া বসিয়া পড়িলে, তাহারা অবসন্ন হইয়া পড়িবে ; কিছুতেই আর উত্তেজিত করা যাইবে না । মসীর লা অবসন্ন পাইলেই নবাবশিবিরে মিলিত হইবেন ;—তখন নবাবের বাহুবলও বাড়িবে, মন্ত্রণাও উৎসাহলাভ করিবে । তাহারা আনাদিগকে বেঁধেন করিয়া কলিকাতায় পলায়নের পথ অবরোধ করিবে । আপনারা এখন যাহা দেখিতে পাইতেছেন না এমন কত নূতন বিপদে পড়িয়া বিনাযুদ্ধেই হরত পরাজিত হইবেন । আশুন এখনই অগ্রসর হই, নচেৎ এখনই পলায়ন করি,—যেখানে আছি, এখানে বসিয়া থাকা অসম্ভব ।” ছয়জন সেনানায়ক এই মত পোষণ করিলেন । তাঁহাদের কথা কাজে লাগিল না ; ক্লাইবের মতই প্রবল হইল ; যুদ্ধবাত্রা স্থগিত রহিল !*

মহাসভায় সাক্ষ্য দিবার সময়ে ক্লাইব বলিয়া গিয়াছেন যে, ‘কেবল মেজর কুট এবং কাপ্তান গ্রান্ট ভিন্ন আর আর নকলেই যুদ্ধের বিরুদ্ধে মত প্রকাশ করিয়াছিলেন ; তাঁহাদের কথা শুনিতো হইলে কোম্পানি বাহাদুরের সর্বনাশ হইত ;—আমি সেই জন্তই তাহা অবহেলা করিয়াছিলাম ।’†

ক্লাইব যে নিজেই সর্বোপায়ে যুদ্ধের বিরুদ্ধ মত প্রকাশ করিয়া অত্যাগত সেনানায়কদিগের মত প্রকাশের সহায়তা করিয়াছিলেন, তাঁহার জবান-

totally opposed to theirs. He was supported in his view by captains Alexander Grant, Cudmore Muir, Carstairs Campbell and Armstrong.—Col. Malleeson's Decisive Battles of India. p. 58.

* Ibid

† His Lordship observed, this was the only Council of war that he ever held and if he had abided by that Council, it would have been the ruin of the East India Company. — Clive's Evidence.

বন্দীতে কিন্তু সে কথার উল্লেখ নাই। জবানবন্দী পড়িয়া বরং ইহাই মনে হয় যে, অধিকাংশ লোকে যুদ্ধের বিরুদ্ধে কেবল তিনিই কোম্পানীর কল্যাণের জন্ত যুদ্ধের সপক্ষে দাঁড়াইয়াছিলেন! এখানেও কি তাঁহার অতিশক্তি সহসা শিথিল হইয়া পড়িয়াছিল? মেকলে বলেন যে, ‘অহিফেণ-প্রসাদে তন্দ্ৰামগ্ন থাকিয়া ক্লাইব মধ্যে মধ্যে চমকিয়া উঠিতেন! * তাঁহার এই সকল ভুলেভুলগুলি কি অহিফেণ প্রসাদাৎ,—না অতিভ্রংশবশাৎ,—সে কথার আর এখন মীমাংসা করিবার উপায় নাই!

কিজন্য সমগ্র সমর-সভার যত্নগা উপেক্ষা করিয়া সহসা ক্লাইবের শৌর্য-বীৰ্য্য পুনরাগত হইয়াছিল, সে বিষয়েও নানারূপ মতভেদ দেখিতে পাওয়া যায়! অগ্নি বলেন যে, ‘সভাভঙ্গ হইবামাত্র নিকটস্থ বনান্তরালে প্রবেশ করিয়া একঘণ্টাকাল গভীর ধ্যানে নিমগ্ন থাকিয়া ক্লাইব নিজেই বুঝিয়াছিলেন যে অগ্রসর না হওয়াই মূর্থতা! তিনি সেইজন্য শিবিরে আসিয়াই আদেশ দিলেন যে, প্রত্যুষেই গঙ্গাপার হইতে হইবে।” †

ষ্টুয়ার্ট এবং মেকলে অগ্নির পদানুসরণ করিয়া এই কথাই লিখিয়া গিয়াছেন। এই বর্ণনায় যাহা কিছু অসঙ্গতি ছিল তাহার পাদপূরণ করিয়া বাঙ্গালী কবি ধ্যানস্তিমিতলোচন ইংরাজ সেনাপতির সম্মুখে ইংলণ্ডের সৌভাগ্য লক্ষ্মীকে সশরীরে হাজির করিয়া দিয়াছেন! ‡

* Macaulay's Lord Clive.

† He retired alone into the adjoining grove, where he remained near an hour in deep meditation, which convinced him of the absurdity of stopping where he was. — Orme, ii. 171.

‡ চিন্তা অবসন্ন মনে কিছুক্ষণ পরে,

● নিম্নলিখিতেন্দ্রে পুনঃ বসিলা আসনে ;

* * *

ক্লাইবের চরিতাখ্যায়ক শ্রুত জন ম্যাল্কম ধ্যানের অংশটুকু ছাড়িয়া দিয়া, অবশিষ্ট কথাগুলি গ্রহণ করিয়াছেন । কিন্তু ক্লাইবের বিশ্বস্ত পার্শ্বচর স্কাফ্টন্ লিখিয়া গিয়াছেন যে ‘২২শে জুন মীরজাফরের পত্র পাইয়াই ক্লাইব যুরিয়া বসিয়াছিলেন, এবং তাঁহার আদেশে ২২শে জুন সায়ংকাল ৫ ঘটিকার সময়ে বৃটিশবাহিনী গঙ্গাপার হইয়াছিল !’*

কাহার কথা সত্য ? কোন্ তারিখে কোন্ সময়ে, কি জন্ত ক্লাইবের মতপরিবর্তন সংঘটিত হইয়াছিল ? তিনি নিজে বলিয়া গিয়াছেন যে, ‘কাহারও উপদেশে মত পরিবর্তন হয় নাই, তিনি বিশেষ বিবেচনা করিয়া নিজে নিজেই মতপরিবর্তন করিয়াছিলেন ।’ তাঁহার বিশ্বস্ত পার্শ্বচর একথা অস্বীকার করিয়া গিয়াছেন । কাহার কথা বিশ্বাস করিব ?

ষ্টুয়ার্ট ম্যাল্কম এবং মেকলে সকলেই অন্বিলিখিত আদিম ইতিহাস হইতে প্রমাণ গ্রহণ করিয়াছেন । অন্বির ইতিহাসে প্রকাশ যে ২২শে জুন অপরাহ্ন ৪ ঘটিকার সময়ে ক্লাইব মীরজাফরের নিকট হইতে সত্যসত্যই পত্র পাইয়া তৎক্ষণাৎ তাহার উত্তর প্রদান করেন । †

সবিস্ময়ে সেনাপতি দেখিল তখন,
জ্যোতির্বিমণ্ডিতা এক অপূর্ব রমণী ।

* In this doubtful interval the majority of our officers were against crossing the river and everything bore the face of disappointment; but on the 22nd. of June, the Colonel received a letter from Meer Jaffier, which determined him to hazard a battle; and he passed the river at five in the evening—Scrafton.

† মীরজাফরের পত্র ।

That the Nabob had halted at Muncara, a village six miles to the south of Cossimbazar, and intended to entrench and wait the event at that place, where Jaffir proposed that the English should.

ক্লাইবের প্রত্যুত্তরে স্পষ্টই বুঝা যায় যে, তিনি ২২শে জুন অপরাহ্ন পর্য্যন্তও যুদ্ধযাত্রা করেন নাই ; তখনই পত্র পাইবার পর যুদ্ধযাত্রা করিতে কৃতসংকল্প হইয়া মীরজাফরকে সংবাদ পাঠাইয়াছিলেন । মীরজাফরের উপদেশ না পাইয়া ইংরাজেরা সসৈন্তে কাটোয়ার অপেক্ষা করিতেছিলেন ; এবং তজ্জন্ত সমরসভার অধিবেশন হইয়াছিল । মীরজাফরের উপদেশ পাইবামাত্রই যে আবার ইংরাজসেনাপতির শৌর্য্যবীৰ্য্য জাগরিত হইয়া উঠিয়াছিল, ইহাই প্রমাণীকৃত হইতেছে ! ক্লাইব নিজেও স্বীকার করিয়া গিয়াছেন যে, “সমরসভার অধিবেশন শেষ হইলে, ২৪ ঘণ্টার বিশেষ গবেষণার পরে তাঁহার মতপরিবর্তন সংঘটিত হয় ; এবং ২২শে জুন অপরাহ্ন ৫ ঘটিকার সময়ে সেনাদল গঙ্গাপার হয় ।”* সুতরাং ক্রাফ্টন বাহা লিখিয়া গিয়াছেন তাহা সত্য হইয়া দাঁড়ায় ; অথচ ক্লাইব স্পষ্টাক্ষরে বলিয়া গিয়াছেন যে, “কাহারও কথায় কি উপদেশে তাঁহার মত পরিবর্তন হয় নাই !”

attack him by surprise, marching round by the inland part of the island.

ক্লাইবের উত্তর ।

That he should march to Plassey without delay, and would the next morning advance six miles further to the village of Daudpoor ; but if Meer Jaffier did not join him there, he would make peace with the Nabob.

* After about twenty-four hours mature consideration, his Lordship said, he took upon himself to break through the opinion of the Council, and ordered the army to cross the river ; and what he did upon that occasion, he did without receiving any advice from any one.--First Report.

এই সকল অকাটা প্রমাণের বিরুদ্ধে অগ্নি ২২শে জুন প্রত্যুষে গঙ্গাপার হইবার কথা লিখিয়া স্কাফটনের উক্তি খণ্ডন ও ধ্যানযোগে ক্লাইবের মত পরিবর্তন হইবার কথা সমর্থন করিবার চেষ্টা করিয়া গিয়াছেন। সেই জন্ত তিনি লিখিয়া গিয়াছেন যে, “২১শে জুন এক ঘণ্টার ধ্যানযোগেই” ক্লাইবের দিব্য নেত্র প্রফুটিত হইয়া উঠিয়াছিল। মেকলে ইহারই পদানুসরণ করিয়া বাঙ্গালীর সত্যনিষ্ঠার কলঙ্করটনা করিতে লজ্জাবোধ করেন নাই।

অগ্নির ন্যায় আর একজন সমসাময়িক লেখক ২১শে তারিখেই ক্লাইবের মতপরিবর্তনের কথা লিখিয়া গিয়াছেন ; কিন্তু তিনিও স্পষ্টই বলিয়াছেন যে, “এই দিবসেই সন্ধ্যাকালে মীরজাফরের পত্র আসিয়াছিল, এবং তাহাতেই ক্লাইব পরদিবস প্রত্যুষে গঙ্গাপার হইবার জন্ত রুতসংকল্প হইয়াছিলেন।”*

আমরাই রাজবিপ্লব সংঘটনের মূল-কারণ। আমরাইগের মীরজাফর, আমরাইগের রায়হুর্লভ, আমরাইগের জগৎশেঠ,—আমাদিগের স্বদেশীয় রাজকর্মচারিগণের বিশ্বাসঘাতকতাই সিরাজদৌলার সর্বনাশের মূল; তজ্জন্ত চিরদিন আমাদিগকে ইতিহাসের নিকট শতগুণা সহ্য করিতে হইবে। কিন্তু দেশীয় লোকের দলে উমিচাঁদ ছিল, বিদেশীয় বণিকের দলেও ক্লাইব ছিল,—এই ঐতিহাসিক সত্য স্বীকার করিলে ন্যায়ের মর্যাদা অধিকতর

* However, the same evening Colonel Clive recived a second message from Meer Jaffir, assuring him of his due performance of the articles mentioned in the treaty, but informing him that he was so surrounded with spies, as to be obliged to act with greatest caution. The intelligence soon determind the Colonel to push on.—Ive's Journal.

সুরক্ষিত হয় ! আলিনগরের সন্ধিসংস্থাপিত হইলে সিরাজদৌলার মনস্ত্বষ্টির জন্ম কর্ণেল ক্লাইব এক প্রতিজ্ঞাপত্রে স্বাক্ষর করিয়াছিলেন । *

ক্লাইব কিরূপে এই অঙ্গীকার পালন করিয়াছিলেন, সে বিষয়ে তিনি মহাসভায় সাক্ষ্যদিবার সময়ে নিজেই বলিয়া গিয়াছেন । চন্দননগর আক্রমণ করা স্থির হইলে ক্লাইব আরও অগ্রসর হওয়ার কথা সদস্যগণকে পুনঃ পুনঃ বলিয়াছিলেন । †

ক্লাইবের এইরূপ অসরল ব্যবহার সর্বথা নিন্দনীয় তাহাতে সন্দেহ নাই । কিন্তু ক্লাইব বাইবেলভক্ত সাধু খৃষ্টীয়ানের ত্রায় এক গণ্ডে চপেটাঘাত সহ্য করিয়া অন্য গণ্ডে ফিরাইয়া দিলে ; কিম্বা এদেশের লোক—হিন্দু এবং

* I, Colonel Clive, Sabut Jung Bahauder, Commander of the English Land-Forces in Bengal, do solemnly declare in the presence of God and our Saviour, that there is peace between the Nabob, Serajah Dowla, and the English. They, the English will inviolably adhere to the Articles of the Treaty made with the Nabob : That as long as he shall observe his Agreement, the English will always look upon his enemies as their enemies, and whenever called upon will grant him all the assistance in their power.—12 February, 1757.—

Treaties, Engagements and Sunnds, vol. i. 10.

† That after Chandernagore was to be attacked, he repeatedly said to the Committee, as well as to others, that they could not stop there, but must go further : that having established themselves by force, and not by the consent of the Nabob, he would endeavour by force to drive them out again. That they had numberless proofs of his intention ; and his Lordship said, he did suggest to Admiral Watson and Sir George Pocock, as well as to the Committee, the necessity of a revolution.—Clive's Evidence,—First Report, 1772.

মুসলমান—“দিল্লীশ্বরো বা জগদীশ্বরো বা” বলিয়া মুসলমান সিংহাসন রক্ষা করিলে, ইংরাজ রাজশক্তি প্রতিষ্ঠা লাভ করিত না। চরিত্রহীনতায় রোমকসাম্রাজ্যের অধঃপতন হইয়াছিল, চরিত্রহীনতায় ভারত সাম্রাজ্যের অভ্যুদয় হইয়াছে ; ভগবানের ইচ্ছায় হলাহল হইতেও অমৃতের উৎপত্তি হয় বলিয়া যাঁহাদের বিশ্বাস, তাঁহারা আমাদের ইতিহাসে সে বিশ্বাসের উজ্জ্বল দৃষ্টান্ত প্রত্যক্ষ করিতে পারেন !





সপ্তবিংশ পরিচ্ছেদ ।

পলাশির যুদ্ধ ।

পীড়িত সেনাদলকে কাটোয়া-দুর্গে সুরক্ষিত করিয়া, অবশিষ্ট ব্রিটিশ-বাহিনী ২২শে জুন সায়ংকালে ভাগীরথী উত্তীর্ণ হইয়া মীরজাফরের পূর্ব-কথিত নক্শেতানুসারে দলে দলে পলাশির দিকে অগ্রসর হইতে লাগিল । পলাশি সাড়ে সাত ক্রোশ দূরে ;—পাছে নবাব সেনা পলাশি অধিকার করিয়া লয়, সেই আশঙ্কায় ইংরাজেরা বৃষ্টি বাদল মাথায় করিয়া তাড়াতাড়ি ছুটিয়া চলিল ; এবং অক্লান্ত সমর-যাত্রায় গলদঘর্ম্ম কলেবরে রাত্রি একটার সময়ে পলাশির আশ্রবনে আশ্রয় গ্রহণ করিল ।*

* The whole army reached Plassey-grove, after a very fatiguing march, and through a whole night's rain.—Ive's Journal.

সিরাজদৌলা মনকরা ছাড়িয়া আরও দক্ষিণে অগ্রসর হইয়াছিলেন ; এবং ভাগীরথী যেখানে অশ্বক্ষুরের গায় বক্রগতিতে প্রবাহিত তাহার পূর্বদিকে,—তেজনগরের উন্মুক্ত প্রান্তরের উত্তরাংশে শিবির সংস্থাপন করিয়াছিলেন । শিবিরের দক্ষিণে অল্লোচ্চ মৃৎপ্রাচীর ; তাহার দক্ষিণে নৃত্তিকাস্তূপ এবং দুইটি পুরাতন সরোবর । সিরাজসেনার বাহ্যোগ্রমে বহুদূর পর্য্যন্ত বনভূমি প্রতিশব্দিত হইতেছিল ;—ক্লাইব বুঝিলেন যে শত্রু অতি নিকটে । সে রজনীতে বৃটিশবাহিনী যথাসম্ভব নিদ্রালাভ করিল, কিন্তু সেনাপতি আর নিদ্রার অবসর পাইলেন না ;—কেবল নিরন্তর মনে হইতে লাগিল, “কি হয় কি হয় রণে, জয় পরাজয় !” *

সিরাজদৌলাও নিদ্রার অবসর পাইলেন না ;—একাকী নির্জন পট-মণ্ডপে বসিয়া প্রহর গণনা করিতেই রজনী প্রভাত হইয়া গেল ! তিনি চিন্তাক্লিষ্ট বিষম্বদনে একাকী স্তিমিতালোকে বসিয়া রহিয়াছেন, সূচতুর তরুর অবসর বুঝিয়া তাঁহার সম্মুখ হইতেই ফরশী উঠাইয়া লইয়া প্রস্থান করিল ! সিরাজ স্মৃষ্টোত্তিতের গায় তাহার পশ্চাদ্ধাবন করিয়া বাহিরে আসিয়া দেখিলেন যে, তাঁহার পরিচরবর্গও কে কোথায় পলায়ন করিয়াছে । সিরাজ মস্মপীড়িত কণ্ঠে অলক্ষিতে বলিয়া উঠিলেন, “হায় ! না মরিতেই ইহারা আমাকে মৃতের মধ্যে গণ্য করিয়া লইয়াছে !” †

সিংহাসনে পদার্পণ করিবার পূর্বেই সিরাজদৌলা পানদোষ পরিত্যাগ করিয়াছিলেন । ‡ তাঁহার পরমশত্রু সমসাময়িক ইংরাজলেখকেরাও বলিয়া

* The soldiers slept, but few of the officers, and least of all the Commander.—Orme, ii, 172.

† Scrafton's Reflections.—এই ঘটনা প্রকারান্তরে ষ্টুয়ার্টেও বর্ণিত আছে, অন্যান্য ইতিহাসেও স্থানলাভ করিয়াছে ।

‡ He used to drink, but he gave up this habit in accordance

গিয়াছেন যে, পূর্বের কথা যাহাই হউক, আলিবর্দির নিকট ধর্মশপথ করিবার পর সিরাজ আর সুরাপাত্র গ্রহণ করেন নাই। * পলাশির পটমণ্ডপে তিনি যখন একাকী চিন্তামগ্ন, সেই সময়ের চিত্রপট উদ্ঘাটন করিবার জন্ত কেবল তাঁহার স্বদেশীয় কবিই লিখিয়া রাখিয়াছেন :—

ঢাল সুরা স্বর্ণপাত্রে ঢাল পুনর্ব্বার
কামানলে কর সবে আহুতি প্রদান ;
থাও ঢাল, ঢাল থাও, প্রেমপারাবার
উথলিবে, লজ্জাদীপ হইবে নির্বাণ ;
বিবসনা লো সুন্দরি ! সুরাপাত্র করে
কোথা যাও নেচে নেচে ? নবাবের কাছে ?
যাও তবে সুধাহাসি মাখি বিশ্বাধরে,
ভুজঙ্গিনী-সমবেণী তুলিতেছে পাছে ;
চলুক চলুক নাচ, টলুক চরণ,
উড়ুক কামের ধ্বজা,—কালি হবে রণ।” †

বর্ণনা-লালিত্যে এই সরস কবিতা বাঙ্গালীর নিকট সমধিক সমাদর লাভ করিয়াছে ! রঙ্গমঞ্চে “উজ্জ্বলিত দীপাবলিতেজে” বারবিলাসিনী-সাহায্যে

with a promise which he made to Aliverdi on his death-bed,—H. Beveridge, C. S.

* I have before mentioned Surajha Dowla, as given to hard-drinking ; but Allyvherdi, in his last illness, foreseeing the ill consequences of his excesses, obliged him to swear on the Koran, never more to touch any intoxicating liquor ; which he ever after *strictly observed*.—Scrafton.

† পলাশির যুদ্ধ কাব্য।

এই সুলিখিত চিত্রপট পুনঃ পুনঃ প্রদর্শিত হইয়া, কত লোকের নৈতিক অধোগতির পথ প্রশস্ত করিয়া তুলিয়াছে ! যাহা সিরাজদৌলার কলঙ্ক-রটনার জন্ত কল্লনা-সাহায্যে কত সন্তর্পণে রচিত হইয়াছিল, তাহা যে আমাদেরই আধুনিক উদ্যান-বিহারী কুবেরসন্তানদিগের অবিকল ছায়াচিত্র, তাহাও স্পষ্টতর আলোকে উদ্ভাসিত হইয়া উঠিয়াছে !

ষ্টুয়ার্ট গোলাম হোসেনের পদানুসরণ করিয়া নবাবগঞ্জের যুদ্ধশিবিরে কামাসক্ত শওকতজঙ্গের যে অসাধুচিত্র অঙ্কন করিয়া গিয়াছেন, ইহা কি তাহারই প্রতিবিম্ব নহে ? ‘পলাশির যুদ্ধকাব্য’ রচনা করিবার পূর্বে কবি বোধ হয় ষ্টুয়ার্ট পাঠ করিয়া থাকিবেন । প্রমাণ :—

“—সেই দিন করিয়া মন্ত্রণা,
বরিলাম পূর্ণিয়ার পাপী ছুরাচার
কিন্তু পরিণামে হার ! লভিলু কি ফল ?
সুরামত্ত, কামাসক্ত, পড়িল সংগ্রামে,
যেমতি পড়িল ক্রোধ-মিথুন দুর্বল,
ব্যাধ-কবি বান্ধীকির ব্যাধ-বিক্রবাণে ।”*

ষ্টুয়ার্ট ভিন্ন আর কোন ইতিহাসে এইরূপ সুললিত বর্ণনা দেখিতে পাওয়া যায় না । কিন্তু সিরাজদৌলার কপাল ! ষ্টুয়ার্ট পড়িয়াও তাহার স্বদেশের কবি নবাবগঞ্জের শওকতজঙ্গের চিত্রপটখানি পলাশির সিরাজদৌলার চিত্রপট বলিয়া জনসমাজে প্রচার করিতে কিছুমাত্র ইতস্ততঃ করিলেন না ! “কবির পথ” কি এতই “নিষ্কণ্টক” ?

* পলাশির যুদ্ধ কাব্য । কবির লেখককে বলিয়াছেন, তিনি পলাশির যুদ্ধ-কাব্য রচনার পূর্বে ষ্টুয়ার্টের ইতিহাস পাঠ করেন নাই ।

সে কালের ইংরাজ বাঙ্গালী মিলিত হইয়া সিরাজদৌলার নামে কত অলীক কলঙ্করটনা করিয়া গিয়াছেন তাহা ইতিহাসের নিকট অপরিচিত নাই। অবসর পাইলে একালের প্রতিভাশালী সাহিত্যসেবকগণ এখনও কত নূতন নূতন রচনা-কৌশলের পরিচয় প্রদান করিতে পারেন, “পলাশির যুদ্ধকাব্যই” তাহার উৎকৃষ্ট নিদর্শন। যাহা সেকালের লোকেও জানিত না, যাহা সিরাজদৌলার শত্রুদলও কল্পনা করিতে সাহস পাইত না,— একালের লোকে তাহারও অভাবপূরণ করিতে ইতস্ততঃ করিতেছেন না। লোকে বলে, নবাব সরফরাজ খাঁ অশান্তহৃদয়ে জগৎশেঠের পুত্রবধূর মুখাবলোকন করিয়া * প্রায়শ্চিত্তস্বরূপ গিরিয়ার যুদ্ধে জীবন বিসর্জন করিয়াছিলেন ;—কবি সেই জনশ্রুতি লতাপল্লবে স্মৃশোভিত করিয়া, সিরাজদৌলার স্কন্ধে আরোপ করিবার জন্য লিখিয়া গিয়াছেন :—

“——কি বলিব আর,

বেগমের বেশে পাপী পশি অন্তঃপুরে,
নিরমল কুল মম—প্রতিভা যাহার
মধ্যাহ্ন-ভাস্কর-সম, ভূভারত জুড়ে
প্রজলিত,—সেই কুলে ছুষ্ঠ ছরাচার
করিয়াছে কলঙ্কের কালিমা সঞ্চার।”

যিনি আশৈশব শিবিরে শিবিরে অসিহস্তে জীবন যাপন করিয়া, অগ্রায় কৌশলে পলাশিক্ষেত্রে রণপরাজিত হইয়াছিলেন, কবি তাঁহাকে কাপুরুষ সাজাইবার জন্ত “হুগলীর সমরে” “দাঁতে তৃণ লয়ে” “সভয়ে”

* Holwell's Interesting Historical Events, Part I. P. 70.

সমর ত্যাগ করাইয়া ছাড়িয়া দিয়াছেন ! * মহারাজ কৃষ্ণচন্দ্র রায় এবং তাঁহার জ্যেষ্ঠপুত্র কুমার শিবচন্দ্র ইংরাজের পক্ষাবলম্বী বলিয়া নবাব মীর কাসিমের আদেশে ১৭৬৩ খৃষ্টাব্দে প্রাণদণ্ডের প্রতীক্ষায় “মঙ্গীর দুর্গে” কারারুদ্ধ থাকিয়া ইংরাজ-রূপায় মুক্তিলাভ করেন । † কবি সময়-শ্রোত উত্তীর্ণ হইয়া সিরাজদৌলাকেই তাহার জন্ত অপরাধী সাজাইয়া, “কোন একজন বঙ্গ-সাহিত্য-সমাজে সুপরিচিত বন্ধুর মুখে” গুনিয়াছেন বলিয়া নিষ্কৃতিলাভ করিয়াছেন ! ‡ যে দেশের কবি-কাহিনী ইতিহাস-রচনার ভার গ্রহণ করিয়াছে, সে দেশে সিরাজ-কালিমা যে উত্তরোত্তর দূরপনের হইয়া উঠিবে, তাহাতে আর বিস্ময়ের কথা কি ?

* ইতিহাসের হুগলীর সমর-কাহিনী অনারূপ । সিরাজ তাহাতে আন্দে উপস্থিত ছিলেন না । তিনি “দাঁতে তৃণ লয়ে” “সভয়ে” সমরত্যাগ করা দূরে থাকুক,—ইংরাজেরা তাঁহার অগোচরে গোপনে তস্করের ন্যায় হুগলী লুণ্ঠন করায়, তাঁহাদিগকে সমুচিত শিক্ষা দিবার জন্যই দ্বিতীয়বার কলিকাতা আক্রমণ করেন । ক্লাইব তাঁহার গতিরোধ করিতে গিয়া তাঁহার দুই জন সেনানায়ক এবং সেক্রেটারী পঞ্চভূলাভ করিয়াছিলেন ; নিশারণে শত্রুসংহার করিতে গিয়া স্বয়ং ক্লাইব হেটমুণ্ডে পলায়ন করিতে বাধ্য হইয়াছিলেন । “কবির পথ” অবশ্যই “নিষ্কণ্টক”, ইতিহাসের পথ সেরূপ হইলেই ভাল হইত ।

† ইংরাজি ইতিহাস ভিন্ন সুপ্রসিদ্ধ “ক্ষিতীশ বংশাবলি চরিতেও” (১২৩—১২৬ পৃষ্ঠা) এই ঘটনা আনুপূর্বিক বর্ণিত রহিয়াছে । “ক্ষিতীশবংশাবলি চরিতের” চারি বৎসর পরে “পলাশির যুদ্ধকাব্য” প্রকাশিত হয় । অথচ ত্রীযুক্ত নবীনচন্দ্র সেন মহাশয়ের ন্যায় লক্ষপ্রতিষ্ঠ সাহিত্য সেবক এবং তাঁহার “বঙ্গ সাহিত্য সমাজে সুপরিচিত” কোন একজন বন্ধু মহাশয় চারি বৎসরের মধ্যেও “ক্ষিতীশবংশাবলি চরিতের” ন্যায় “বঙ্গ সাহিত্য সমাজে সুপরিচিত” গ্রন্থখানি একবার মাত্রও পাঠ করিবার অবসর প্রাপ্ত হন নাই । অহো ! স্বদেশের ইতিহাসের অপরিসীম সৌভাগ্য !

‡ পলাশির যুদ্ধকাব্য পরিশিষ্ট ।

“পলাশির যুদ্ধ-কাব্যের” এই সকল কাল্পনিক সিরাজ-কলঙ্ক প্রদর্শন করিয়া কবিবর শ্রীযুক্ত নবীনচন্দ্র সেন মহাশয়ের নিকট তত্ত্বজিজ্ঞাসু হইয়াছিলাম । কোন একজন বঙ্গ-সাহিত্য সমাজে সুপরিচিত বন্ধু দয়া করিয়া লিখিয়া পাঠাইয়াছেন,—“নবীন বাবুর উত্তর এক লাইনও নয় । পলাশির যুদ্ধ-কাব্য, ইতিহাস নয় ; আপনাকে ইহাই লিখিতে অনুমতি করিয়াছেন ।” * নবীন বাবুর ‘পলাশীর যুদ্ধ’ যে ‘ইতিহাস নয়’ তাহা সকলে জানে না ! তাঁহার আয় স্বদেশভক্ত কৃতবিদ্য সাহিত্য-সেবক যে সর্বথা স্বকপোলকল্পিত অবথা-কলঙ্কে সিরাজদৌলার আপাদমস্তক কলঙ্কিত করিয়া কাব্যরসের অবতারণা করিবেন, তাহা সহসা ধারণা করিতে সাহস না পাইয়া, অনেকেই তাঁহার ‘পলাশির যুদ্ধ-কাব্যকে’ ইতিহাস বলিয়া গ্রহণ করিয়া থাকেন ! অত্বের কথা দূরে থাকুক, সম্প্রতি “সাত্তাল এণ্ড কোম্পানী” পলাশির যুদ্ধ-কাব্যের যে “বিদ্যালয়ের পাঠ্যসংস্করণ” প্রকাশিত করিয়াছেন, তাহাতেও ইহাকে ‘ইতিহাস’ বলিয়া পরিচিত ও বিদ্যালয়ে প্রচলিত করিবার জন্ত ভূমিকা লিখিত হইয়াছে !! † “কবির পথ নিকটক” হইলেও ঐতিহাসিক চিত্রচয়নে সর্বথা নিরঙ্কুশ হইতে পারে না । যে হতভাগ্য নরপতি তরুণ জীবনে অত্যাচার কৌশলে পিঞ্জরাবদ্ধ

* সাহিত্য-সম্পাদক শ্রীযুক্ত সুরেশচন্দ্র সমাজপতি ।

† Not only has a complete poem like this a merit of its own superior to that of mere compilation of fugitive pieces, but as it is also the history of Bengal of the period in verse, the introduction of such a book into our schools will be doubly beneficial to the students, and an encouragement to real talent and literature of Bengal.—
Preface.

হইয়া অকালে দেহ বিসর্জন করিতে বাধ্য হইয়াছিলেন, তাঁহার প্রকৃত ইতিহাস লইয়া কাব্যরচনা করিলে “পলাশির যুদ্ধ কাব্য” অধিকতর মনো-স্পর্শ করিত। কবি আত্মকল্পনার আশ্রয় গ্রহণ করিলেও বরং ভাল হইত,—তাহা হইলে, তাঁহার কল্পনা পদে পদে “মেকলের” ছাঁচে ঢালা হইত না। মেকলে লিখিত পলাশির যুদ্ধও কাব্য,—ইতিহাস নহে। কবি তাঁহাকেই অন্ধের যষ্টির স্থায় প্রবল আগ্রহে আঁকড়িয়া না ধরিলে, হতভাগ্য সিরাজদ্দৌলার প্রেতাত্মা অনেক অলীক আক্রমণের কঠোর হস্ত হইতে পরিত্রাণ লাভ করিতে পারিত। কেবল সেইজন্ত স্বদেশের কীর্ত্তিমান কবির ভ্রমপ্রমাদের সমালোচনা এরূপ কঠোর ভাষায় লিখিত হইল !

রজনী প্রভাত হইল। যে প্রভাতে ভারতগগনে বৃটিশসৌভাগ্য-সূর্য্য সমুদিত হইবার সূত্রপাত হইয়াছিল, সেই প্রভাতে,—“১১৭০ হিজরী ৫ সাওয়াল রোজপঞ্জসোম্বা” * (বৃহস্পতিবারে) পলাশিপ্রান্তরে ইংরাজ বাঙ্গালী শক্তিপরীক্ষার জন্ত একে একে গাত্রোখান করিতে লাগিল।

ইংরাজেরা যে আশ্রয় সেনাসমাবেশ করিয়াছিলেন, তাহার নাম লক্ষবাগ—লোকে বলে তাহা লক্ষ বৃক্ষে পরিপূর্ণ ছিল। এই আশ্রয়-কাননের পশ্চিমোত্তর কোণে মুগয়ামঞ্চ, ক্রাইব তাহার পার্শ্বে লক্ষবাগের উত্তরে,—উন্মুক্ত প্রান্তরে ব্যূহ রচনা করিলেন। সিরাজদ্দৌলা প্রত্যাষেই মীরজাফর, ইয়ার লতিফ, এবং রায়তুল্লভকে শিবির হইতে অগ্রসর হইবার

* মৃতক্ষরীণ। কলিকাতা বিশ্ববিদ্যালয়ের পাঠ্যগ্রন্থে (শ্রীযুক্ত হরপ্রসাদ শাস্ত্রী মহাশয়ের সংকলিত ইতিহাসে) লিখিত আছে যে, পলাশির যুদ্ধ ১৭ই জুন সংঘটিত হইয়াছিল। বলা বাহুল্য যে ইহা সম্পূর্ণ অমূলক অথবা লিপিকরপ্রমাদের নিদর্শন-মাত্র।

অনুমতি করিয়াছিলেন। তাঁহারা অর্দ্ধচন্দ্রাকারে ব্যাহরচনা করিয়া শ্রেণী-সম্বন্ধ-বলাকাপ্রবাহের গায় ধীর মন্থরগতিতে আম্রবণ বেষ্টন করিবার জন্ত অগ্রসর হইতে লাগিলেন।

ইংরাজদিগের মনে হইল যে, এই চক্রব্যূহ যদি আম্রবণ বেষ্টন করিয়া কামানে অগ্নিসংযোগ করে, তবেই সর্বনাশ! * ক্লাইবের গোরাপল্টন চারি দলে বিভক্ত হইয়া মেজর কিলপ্যাট্টক, মেজর গ্রান্ট, মেজর কুট, এবং কাপ্তান গপের অধীনে অস্ত্রধারণ করিল;—মধ্যস্থলে ‘গোরা-লোগ’, বামে দক্ষিণে ‘কালী আদমীরা’ ছয়টি কামান সম্মুখে করিয়া সারি বাঁধিয়া দণ্ডায়মান হইল। মীরমদনের সিপাহী-সেনা সম্মুখস্থ সরোবর-তীরে সমবেত হইয়াছিল; এক পার্শ্বে ফরাসীবীর সিনফ্রেঁ, এক পার্শ্বে বাঙ্গালী বীর মোহনলাল, মধ্যস্থলে বাঙ্গালী সেনাপতি মীরমদন সেনাচালনার ভার গ্রহণ করিলেন।

সিরাজ-বাহিনীর আস্তরণাবৃত রণহস্তী, সুশিক্ষিত অশ্বসেনা এবং সুগঠিত আগ্নেয়াস্ত্র যখন ধীরে ধীরে সম্মুখে অগ্রসর হইতে লাগিল, তখন ইংরাজেরা ভাবিলেন—সিরাজব্যূহ দুর্ভেদ্য!†

* At daybreak of the 23rd, the Nabob's army was perceived marching out of their lines towards the grove, which we were in possession of; their intention seemed to be to surround us—Ive's Journal.

† What with the number of elephants, all covered with scarlet cloth embroidery, their horse, with their drawn swords glistening in the sun, their heavy cannon, drawn by vast trains of oxen, and their standards flying,—they made a grand and formidable appearance.—Scrafton.

বেলা ৮ ঘণ্টিকার সময়ে মীরমদন সরোবরতীরে কামানে অগ্নিসংযোগ করিলেন ;—প্রথম গোলাতেই ইংরাজপক্ষে একজন হত এবং একজন আহত হইল । তাহার পর মুহুমুহু কামান চলিতে লাগিল—মুহুমুহু ইংরাজসেনা ধরাশায়ী হইতে লাগিল । এই ভাবে আধ ঘণ্টা যুদ্ধ চলিয়াছিল ; এই আধ ঘণ্টায় ১০ জন গোরা এবং ২০ জন কালা সিপাহী মৃত্যুকোড় আশ্রয় করিল ।* ইংরাজের কামান নীরব ছিল না ; তাহার প্রচণ্ড পীড়নে নবাবসেনাও ধরাশায়ী হইতেছিল ; কিন্তু তাহাতে নবাবের গোলন্দাজদিগের কিছুমাত্র ক্ষতি হয় নাই, তাহারা অক্ষতদেহে বিপুলবিক্রমে ইংরাজ সেনাদলের মধ্যে মিনিটে মিনিটে গোলা প্রক্ষেপ করিতে লাগিল । আধ ঘণ্টাতেই ক্লাইবের সমরসাধ মিটিল ; আধ ঘণ্টাতেই তিনি বুঝিতে পারিলেন যে প্রতি মিনিটে একটি করিয়া হত ও কতকগুলি আহত হইতে থাকিলে, তাঁহার তিন সহস্র সিপাহী অধিক্ষণ শৌর্য্যবীৰ্য্য প্রকাশ করিবার অবসর পাইবে না । সুতরাং আত্মরক্ষার জন্ত ক্লাইবকে সসৈন্তে হটিতে হইল ।† ইংরাজসেনার দুইটি কামান বাহিরে থাকিল, আর চারিটি কামান লইয়া তাহার আশ্রয়ভাণ্ডার মধ্যে লুকাইয়া গেল ; ক্লাইবের আদেশে সকলেই বৃক্ষান্তরালে বসিয়া পড়িল । নবাবের তোপমঞ্চগুলি ৪ হাত উচ্চ ; সুতরাং মীরমদনের গোলা ইংরাজসেনার মাথার উপর দিয়া ছুটিতে লাগিল, কচিং বা বৃক্ষশাখায় প্রতিহত হইতে লাগিল ।

* Orme, vol. ii, 175.

† We soon found such a shower of balls pouring upon us from their fifty pieces of cannon * * * that we retired under cover of the bank,—Scrafton's Reflections.

রক্ষান্তরালে লুকাইয়া থাকিয়াও ক্লাইবের আশঙ্কা দূর হইল না । নবাব সেনার ব্যূহ রচনায় এবং সমরকৌশলে তাঁহার অন্তরাত্মা কাঁপিয়া উঠিয়াছিল ; তিনি উমিচাঁদকে ভৎসনা করিয়া বলিতে আরম্ভ করিলেন, —“তোমাদিগকে বিশ্বাস করিয়া বড়ই কুকৰ্ম্ম করিয়াছি । তোমাদের সঙ্গে কথা ছিল যে, একটা যৎসামান্য যুদ্ধাভিনয় হইলেই মনস্কাম পূর্ণ হইবে ; সিরাজসেনা যুদ্ধক্ষেত্রে বাহুবল প্রদর্শন করিবে না । এখন যে তাহার সকল কথাই বিপরীত হইতেছে ?” * উমিচাঁদকে বিনীতভাবে নিবেদন করিলেন যে, “যাহারা যুদ্ধ করিতেছে তাহারা মীরমদন এবং মোহনলালের সেনাদল ; তাহারাই কেবল প্রভুভক্ত । তাহাদিগকে কায়-ক্লেশে পরাজয় করিতে পারিলেই হয়, অত্যাচার সেনানায়কগণ কেহই অস্ত্র চালনা করিবেন না ।” †

মীরমদন ধীরে ধীরে সম্মুখে অগ্রসর হইয়া বিপুল বিক্রমে গোলা চালনা করিতে লাগিলেন । সেই সময়ে মীরজাফরের চক্রব্যূহ যদি আর একটু অগ্রসর হইয়া কামানে অগ্নিসংযোগ করিত, তাহা হইলে আর রক্ষা ছিল না ! ‡ কিন্তু মীরজাফর, ইয়ার লতিফ, রায়দুর্লভ যেখানে সেনাসমাবেশ করিয়াছিলেন সেই থানেই চিত্রার্পিতের ন্যায় দাঁড়াইয়া

* “সাবেদজঙ্গনে (ক্লাইব) আমীনচাঁদসে বাদগুমান্ হো কর, গোসা করমায়া, আওর কথা কে এসাহ ওয়াদা থা কে থাকিফ্, লড়াইমে বদরায় দিলি হাসিল্ হো যায় গা, আওর শাহী ফৌজতি সিরাজুদৌলাসে মনহেরেফ্, হেয় ; ওয়া সব তেরি বাটে বরখেলাফ্, পায়ি জাতি হেঁয় !” —মুতক্বরীণ (অনুবাদ) ।

† Stewart's History of Bengal,

‡ As soon as their rear was out of the camp, failing in their plan to surround us, they halted. — I've's Journal,

রণকৌতুক দর্শন করিতে লাগিলেন । * বেলা ১১ টার সময়ে গলদৃশ্ম-
কলেবরে ক্লাইব সমরসভার পরামর্শ জিজ্ঞাসা করিতে বসিলেন, স্থির
হইল যে,—সমুদয় দিন আশ্রবণে লুকাইয়া কোন রূপে আত্মরক্ষার চেষ্টা
করিতে হইবে । † মহাবীর পলাশীবিজেতা যে এইরূপে প্রাণ রক্ষা
করিয়াই সমর জয় করেন সে কথা তিনি নিজেই প্রকাশ করিয়া
গিয়াছেন ।

ধূমপুঞ্জ গগনমণ্ডল আচ্ছন্ন হইয়া পড়িয়াছিল, তাহার উপর আবার
আঘাতের নবমেঘে মধ্যাহ্নেই পৃথিবী তমসাচ্ছন্ন হইয়া উঠিল । ঠিক
মধ্যাহ্ন সময়ে মেঘ বারিবর্ষণ করিল, মীরমদনের অনেক বারুদ ভিজিয়া
গেল, তাঁহার কামানগুলি কথঞ্চিৎ শিথিল হইয়া পড়িল । তিনি পুন-
রায় বিপুলবিক্রমে শত্রুদলের আয়োজন করিতেছেন এমন সময়ে ইং-
রাজের একটি গোলা আসিয়া তাঁহার উরুস্থল ছিন্ন করিয়া ফেলিল । ‡

বাঙ্গালী সেনাপতি বীরের গায় পলায়িত শত্রুর পশ্চাদ্ধাবন করিতে
গিয়া দৈববিড়ম্বনায় সাংঘাতিক আঘাত প্রাপ্ত হইলেন । মোহনলাল

* মীর মহম্মদ জাফরখাঁ ওগয়রহ, যো বায়েস্ ইস্ কোস্তখুন কে হয়ে থে, জিস্
তরফ্ কে মোকরর্ থে, ওঁহা খড়ে তামাসা দেখ্ রহে থে !—মুতফরীণ (অনুবাদ) ।

† At 11 o'clock Colonel Clive consulted his officers at the
drumhead ; and it was resolved to maintain the cannonade during
the day but at midnight to attack the Nabab's camp.—Orme, vol.
ii, 179.

‡ The battle being attended with so little bloodshed, arose
from two causes ; first,—the army was sheltered by so high a bank
that the heavy artillery of the enemy could not possibly make them
much mischief. The other, was,—that Suraja Dowla had not con-
fidence in his army, nor his army any confidence in him, and, there-
fore, they did not do their duty,—Clive's Evidence.

যুদ্ধ করিতে লাগিলেন, মীর মদনকে সকলে ধরাধরি করিয়া সিরাজদৌলার সম্মুখে উপনীত করিলেন । তিনি বেশী কিছু বলিবার অবসর পাইলেন না, কেবল এইমাত্র বলিলেন যে, শত্রুসেনা আশ্রয়ে পলায়ন করিয়াছে তথাপি নবাবের প্রধান সেনাপতিগণ কেহই যুদ্ধ করিতেছে না, নসৈতে চিত্রাপিতের স্থায় দাঁড়াইয়া রহিয়াছেন । * মীরমদনের বীরবাহু অবসন্ন হইল, সিরাজদৌলার মাথায় আকাশ ভাঙ্গিয়া পড়িল ! একমাত্র মীরমদনের ভরসা পাইয়া সিরাজদৌলা শত্রুদলের কুটিল কৌশলে ক্রম্বেপ করেন নাই ; তাঁহার আকস্মিক মৃত্যুতে সিরাজের বল ভরসা অকস্মাৎ তিরোহিত হইয়া গেল ।

সিরাজ অনন্তোপায় হইয়া আর একবার মীরজাফরকে উত্তেজিত করিবার জন্য তাঁহাকে ডাকিয়া পাঠাইলেন । মীরজাফর অনেক ইতস্ততঃ করিয়া, অনেক কালহরণ করিয়া, অবশেষে প্রিয়পুত্র মীরণ এবং পাত্রমিত্রদিগের সহিত দলবদ্ধ হইয়া সতর্কপদবিক্ষেপে সিরাজের পটমণ্ডপে প্রবেশ করিলেন । + মীরজাফর ভাবিয়াছিলেন যে, সিরাজদৌলা হয় ত তাঁহাকে বন্দী করিয়া ফেলিবেন, কিন্তু পটমণ্ডপে প্রবেশ করিবার মাত্র সিরাজ তাঁহার সম্মুখে রাজমুকুট রাখিয়া দিয়া ব্যাকুল হৃদয়ে বলিয়া উঠিলেন, “যাহা হইবার তাহা হইয়াছে, তুমি ভিন্ন এই রাজমুকুট রক্ষণ করেন এমন আর কেহ নাই ; মাতামহ জীবিত নাই, তুমিই এখন তাঁহার স্থান পূর্ণ কর । মীরজাফর ! আলিবর্দির পুণ্যনাম স্মরণ করিয়া আমার

* He was immediately carried to the Nawab ; and having uttered a few words, expressive of his own loyalty, and the want of it in others, died in his presence.—Stewart.

+ মৃতকরোগ ।

মানসম্মত এবং জীবনরক্ষার সাহায্যতা কর ।” মীরজাফর সসম্মত যথারীতি রাজমুকুটকে কুর্ণিশ করিয়া বুকের উপর হাত রাখিয়া বিশ্বস্তভাবে বলিতে লাগিলেন, “অবশ্যই শত্রুজয় করিব ; কিন্তু আজ দিবা অবসান হইয়াছে, সিপাহীরা প্রভাত হইতে রণশ্রমে অবসন্ন হইয়া পড়িয়াছে, আজ সেনাদল শিবিরে প্রত্যাগমন করুক,—প্রভাতে আবার যুদ্ধ করিলেই হইবে।” সিরাজ বলিলেন, “নিশারণে ইংরাজসেনা শিবির আক্রমণ করিলে যে সৰ্বনাশ হইবে ?” মীরজাফর সগর্বে বলিয়া উঠিলেন, “আমরা রহিয়াছি কেন ?” * সিরাজের মতিভ্রম হইল, তিনি মীরজাফরের মোখিক উত্তেজনায় আত্মবিস্মৃত হইয়া সেনাদলকে শিবিরে প্রত্যাগমন করিবার জন্ত আদেশ করিতে বাধ্য হইলেন। মহারাজ মোহনলাল তখন বিপুল বিক্রমে শত্রু-সেনার দিকে অগ্রসর হইতেছিলেন, তিনি সসম্মত বলিয়া পাঠাইলেন যে, “আর দুই চারি দণ্ডের মধ্যেই যুদ্ধ শেষ হইবে, এখন কি শিবিরে প্রত্যাগমন করিবার সময় ? পদমাত্র পশ্চাদ্গামী হইলে সিপাহীদল ছত্রভঙ্গ হইয়া সৰ্বনাশ সংঘটন করিবে,—ফিরিব না যুদ্ধ করিব।” † এ সংবাদে মীরজাফর শিহরিয়া উঠিলেন, তিনি বিবিধ বিধানে সিরাজের মনস্থির করিয়া পুনরায় সংবাদ পাঠাইলেন যে, “ক্ষান্ত হও, শিবিরে প্রত্যাগমন কর ।” রোষে ক্ষোভে মোহনলালের নয়নযুগল হইতে অগ্নিস্ফুলিঙ্গ বিনির্গত হইতে লাগিল ; কিন্তু তিনি কী করিবেন ? তিনি একজন মনসবদার নাত, সমরক্ষেত্রে সেনাপতি লজ্জন করিতে পারিলেন না ! যথা-সম্ভব শ্রেণীবদ্ধ হইয়া শিবিরের দিকে অগ্রসর হইতে লাগিলেন । মীরজাফরের মনস্কামনা পূর্ণ হইল ; তিনি তৎক্ষণাৎ ক্লাইবকে লিখিয়া

* Stewart's History of Bengal.

† মৃতকীরণ ।

পাঠাইলেন :—“মীরমদন গতাপ্ত হইয়াছেন, আর লুকাইয়া থাকা নিশ্চয়ো-
জন ; ইচ্ছা হয় এখনই অথবা রাত্রি ৩ ঘটিকার সময়ে শিবির আক্রমণ
করিবেন, তাহা হইলে সহজেই কার্য্যসিদ্ধি হইবে ।” *

মোহনলালকে শিবিরে প্রত্যাগমন করিতে দেখিয়া ইংরাজসেনা আশ্চর্য
হইতে বাহির হইতে লাগিল । ক্লাইব এই সময়ে মৃগয়ামঞ্চের কক্ষমধ্যে
বেশপরিবর্তন করিতেছিলেন ; কেহ কেহ বলেন যে, তিনি সে সময়ে
নিরাপদে নিদ্রামগ্ন হইয়াছিলেন ; মেজর কিলপ্যাট্টিক আশ্চর্য্যে সেনাচালনা
করিতেছিলেন ! † ইংরেজসেনা পুনরায় উন্মুক্ত প্রান্তরে সমবেত হইয়াছে,
এই সংবাদে ক্লাইব দ্রুতপদে সেনাদলে প্রবেশ করিলেন, এবং তাঁহার
অনুমতি না লইয়াই কিলপ্যাট্টিক এরূপ অসমসাহসের পরিচয় দিয়াছিলেন
বলিয়া সেই অপরাধে তাঁহাকে বাঁধিয়া ফেলিলেন ! ‡ পরে আশ্চর্য্য বুদ্ধিতে
পারিয়া স্বয়ং সেনাচালনার ভারগ্রহণ করিয়া মেজর সাহেবের দৃষ্টান্তানুসরণ
করতঃ ক্রমশঃ সম্মুখে অগ্রসর হইতে লাগিলেন । এতদর্শনে অনেকেই
পলায়ন করিতে লাগিল, কিন্তু ফরাসীবীর সিনফ্রে এবং বাঙ্গালীবীর মোহন-
লাল ফিরিয়া দাঁড়াইলেন ;—তাঁহাদের সেনাদল হটিল না ; যতক্ষণ শ্বাস
ততক্ষণ আশ,—তাহারা অকুতোভয়ে অমিতবিক্রমে প্রাণপণে যুদ্ধ করিতে
লাগিল !

এদিকে কতকগুলি সিপাহীসেনাকে ইতস্ততঃ পলায়ন করিতে দেখিয়া
সুচতুর রায়হুস্‌সান সিরাজদৌলাকেও পলায়ন করিবার জন্ত উত্তেজনা করিতে

* Orme, vol. ii. 175.

† Some say he was asleep ; which is not improbable, considering how little rest he had for so many hours before ; but this is no imputation either against his courage or conduct,—Orme, vol. ii. 176.

‡ Ibid.

লাগিলেন । সিরাজ সহসা যুদ্ধক্ষেত্র পরিত্যাগ করিলেন না । মুসলমান ইতিহাসলেখক বলেন যে, যখন দিবা অবসান প্রায়, তখন সিরাজদ্দৌলা দেখিলেন যে বিপুল সেনাপ্রবাহের মধ্যে অল্প লোকেই তাঁহার জন্ত যুদ্ধ করিতেছেন ; এরূপ অবস্থায় তাঁহার মনে হইল যে,—পলাশিতে পরাজিত না হইয়া রাজধানী রক্ষার জন্ত মুরশিদাবাদে গমন করাই বুদ্ধিমানের কার্য্য ।* রাজবল্লভও সেই মত পোষণ করিলেন ; সুতরাং সিরাজদ্দৌলা আর ইতস্ততঃ না করিয়া দুই সহস্র অশ্বারোহী সমভিব্যাহারে গজারোহণে যুদ্ধভূমি হইতে প্রস্থান করিলেন ! †

মীরজাফর সময় পাইয়া ইংরাজদলে যোগদান করিবার জন্ত অগ্রসর হইতে লাগিলেন । ইংরাজেরা কিন্তু শত্রুমিত্র চিনিতে না পারিয়া তাঁহার উপরও গোলাবর্ষণ করিতে ক্রটি করিলেন না ! ‡ অপরাত্ত ৫ ঘটিকা পর্য্যন্ত অবিশ্রান্ত যুদ্ধ করিতে করিতে মোহনলাল এবং সিনফ্রেৎ বিশ্বাসঘাতক নবাবসেনানায়কদিগের উপর বিরক্ত হইয়া সমরক্ষেত্র পরিত্যাগ করিতে বাধ্য হইলেন । তখন নবাবের পরিত্যক্ত জনশূন্য পটমণ্ডপের দিকে ইংরাজসেনা মহাদস্তে অগ্রসর হইয়া পলাশি যুদ্ধের শেষ চিত্রপট উদঘাটন করিল ! §

* সিরাজদ্দৌলানে যব্ লক্ষরকা ইয়া হাল দেখা, নেয়ায়েৎ পোক্‌মন্ হো খস্‌স্ত তাল আতুসে, কেওকে বহত কম্‌লোগোঁকে আপনা দোস্ত জান্তা থা ***কৈ ঘড়ি-ভড় রোজ বাকী রহাথা কে খোদাভি ভাগ্‌ নিক্‌লা ।—মৃতক্করীণ (অনুবাদ) ।

† অর্ন্তি সিরাজদ্দৌলাকে ‘উষ্ট্রারোহণ’ করাইয়াছেন ; মেকলে তাহার উপর রং চড়াইয়া ‘দ্রুতগামী’ শব্দ যোগ করিয়া দিয়াছেন । ক্‌ল্যফটন যুদ্ধক্ষেত্রে ছিলেন, তিনি লিখিয়া গিয়াছেন যে “সিরাজ গজারোহণেই পলায়ন করিয়াছিলেন ।”

‡ Orme, vol. ii. 176.

§ It was only when treason had done her work, when treason had driven the Nuab from the field, when treason had removed his

পরিণাম ফল বড়ই উজ্জ্বল বলিয়া পলাশির যুদ্ধ এখন বৃটিশবাহিনীর মহাযুদ্ধের মধ্যে পরিগণিত হইয়াছে । যে সেনাদল পলাশিসমরে জয়লাভ করিয়াছিল, তাহাদের পতাকাশীর্ষে এখনও পলাশির নাম দেখিতে পাওয়া যায় ।* কিন্তু যেরূপভাবে পলাশিক্ষেত্রে সিরাজসেনার পরাজয় সাধিত হইয়াছিল, তাহাতে ইহাকে প্রকৃত সমর বলিয়া বর্ণনা করা যায় না । সিরাজসেনা যেরূপ ভাবে ব্যূহ রচনা করিয়াছিল, সেইরূপ ভাবে সমরক্ষেত্রে দাঁড়াইয়া থাকিলেও তাহাদিগকে পরাজয় করা সম্ভব হইত না ; তাহারা আশ্রয় বেঁধে রাখিয়া বীরের গ্রায় যুদ্ধ করিলে ত কথাই ছিল না ! রাজ-বিদ্রোহীদের কুমন্ত্রণায় সিরাজদৌলা সমরক্ষেত্রে পরিত্যাগ করিতে বাধ্য হইলে, রাজবিদ্রোহী দলের চক্রান্তে সিরাজসেনা তাহাদের অধিকৃত সংকেত-ভূমি হইতে পৃষ্ঠ প্রদর্শন করিলে, এবং মীরজাফরাদির চক্রব্যূহ আত্মকর্তব্য সাধন করিতে অগ্রসর না হইয়া ধীরে ধীরে শিবিরান্তিমুখে গমন করিতে আরম্ভ করিল,—শূন্যক্ষেত্রের উপর দিয়া ইংরাজেরা সদর্পে অগ্রসর হইবার অবসর লাভ করিয়াছিলেন । এই সকল কথার আলোচনা করিয়া ইংরাজ বীরকেশরী মহামতি ম্যালিসন বলিয়া গিয়াছেন, ইহাকে প্রকৃত যুদ্ধ বলিয়া বর্ণনা করা যায় না । † পলাশির যুদ্ধভূমি ভাগীরথীগর্ভে বিলীন হইয়াছে ; লক্ষবাগের শেষ আশ্রয়স্থলটিও সমূলে উৎখাত হইয়া বিলাতে চালান হইয়া

army from its commanding position, that Clive was able to advance without the certainty of being annihilated. Plassy, then, though a decisive, can ever be considered a great battle.—Col. Malleon's *Decisive Battles of India*. p. 73.

* Praise was more particularly given to the 39th Regiment which still bears on its banners the name of "Plassy" and the motto, *Primus in Indis*—*Great battles of the British Army*, p. 169.

† It was not a fair fight.—Col. Mallison.

গিয়াছে ;* মহেশপুরের কুঠির সাহেবেরা নাকি সেই আশ্রয়কাঠে একটি সিন্ধুক প্রস্তুত করিয়া মহারানী ভারতেশ্বরীকে উপঢৌকন পাঠাইয়া দিয়াছেন । এখন কেবল স্থাননির্দেশের জন্ত একটি আধুনিক জয়স্তুতি লিখিত আছে :—

PLASSY

ERECTED BY THE BENGAL GOVERNMENT, 1883.

এই স্বাক্ষর ফলকলিপি ভিন্ন আরও একটি নিদর্শন বর্তমান রহিয়াছে ; তাহা একজন প্রভুভক্ত মুসলমান জমাদারের সমাধিস্তূপ । মুসলমান বীর সম্মুখ সংগ্রামে সিরাজদ্দৌলার সিংহাসন রক্ষার জন্ত প্রাণপণে অস্ত্রচালনা করিয়া অবশেষে চিরনিদ্রায় অভিভূত হইয়া রহিয়াছেন । প্রতি বৃহস্পতিবারে বাঙ্গালী কৃষাণ কৃষাণীরা তাহার উপর ভক্তিভরে ফুল ফল তণ্ডুলকণা “সিন্নি” প্রদান করিয়া এখনও সেই পুরাকাহিনী সজীবিত রাখিয়াছে !

পলাশি হইতে প্রস্থান করিয়া, পরদিবস—শুক্রবার প্রাতঃকালে +— সিরাজদ্দৌলা মনসুরগঞ্জের রাজপ্রাসাদে উপনীত হইলেন । বাঙ্গালা, বিহার উড়িষ্যার অধিতীয় অধিপতি বহুসহস্রসিপাহীসুরক্ষিত সমরক্ষেত্র পরিত্যাগ করিয়া বীরশূন্য মুরশিদাবাদের আশ্রয়গ্রহণ করিলেন কেন ? ইংরাজেরা

* H. Beveridge, C. S.

+ ইংরাজেরা বলেন, সিরাজদ্দৌলা “দিবা দুই ঘটিকার” সময়ে পলাশি হইতে পলায়ন করিয়া “সেই রজনীতেই” রাজধানীর মহিলামণ্ডলীর বস্ত্রাঞ্চলের আশ্রয়গ্রহণ করিয়াছিলেন । মৃতক্ষরীণে লিখিত আছে, তিনি “সায়ংকাল পর্য্যন্তও” যুদ্ধক্ষেত্রে অপেক্ষা করিয়া আশ্র-সেনানায়কদিগের “বিশ্বাসঘাতকতার” বিপর্য্যস্ত হইয়া পলায়ন করিতে বাধ্য হন, এবং পরদিবস প্রাতঃকালে, অর্থাৎ “৬ মাহ সাওয়াল রোজ জুমাকো দো তিন ঘড়ি দিন চড়ে মনসুরগঞ্জ আ পইছা ।” শ্রীল শ্রীযুক্ত ডেক সাহেব বাহাদুরের পলায়নে ইংরাজ-গৌরব বেরূপ কলঙ্কিত হইয়া রহিয়াছে ;—সিরাজদ্দৌলার পলায়নে মুসলমানের নাম সেরূপ কলঙ্কিত হয় নাই ।

বলেন,—একে কাপুরুষ, তাহাতে দুর্বলচিত্ত ; সুতরাং ইংরাজভয়েই সিরাজদৌলা উর্দ্ধ্বাসে পলায়ন করিতে বাধ্য হইয়াছিলেন । মুসলমান ইতিহাস-লেখক বলেন,—“পিপীলিকা নিতান্তই ক্ষুদ্র কীট ; তথাপি বহু-সহস্র পিপীলিকার সমবেত শক্তির নিকট বনশার্দূলকেও পরাভব স্বীকার করিতে হয় !” * বলা বাহুল্য যে, এইরূপ পিপীলিকাদংশনেই সিরাজদৌলার সর্বনাশ হইল !

রাজধানীতে প্রত্যাগমন করিতে না করিতে সিরাজদৌলার পরাজয়-কাহিনী চারিদিকে বিদ্যুদ্বয়ে প্রচারিত হইয়া পড়িল । লুণ্ঠনভয়ে, যে যেখানে পারিল, পলায়ন করিতে আরম্ভ করিল ! মোগলপ্রতাপ তখন ধীরে ধীরে অন্তঃগমন করিতেছিল, মুসলমান আমীর ওমরাহেরা স্বার্থরক্ষার আশায় মহারাত্রিসেনার নিকট, ফিরিঙ্গী বণিকের নিকট এবং পার্শ্বত্যাগী পাঠান সেনার নিকট, বহুবৎসরের শাসনগৌরব পরিহার করিয়া একে একে রঙ্গভূমি হইতে অবসর গ্রহণ করিতেছিলেন ; ভারতবর্ষের রত্নসিংহাসন বালকের ক্রীড়াকন্দুকে পরিণত হইয়াছিল ;—সুতরাং সিরাজদৌলার সকল চেষ্টাই বিফল হইয়া গেল ! তিনি রাজধানী রক্ষার জন্ত পাত্রমিত্রগণকে পুনঃ পুনঃ আহ্বান করিতে লাগিলেন ; অত্বে কথ্য দূরে থাকুক, তাঁহার স্বশুর মহম্মদ ইরিচ খাঁ পর্য্যন্তও তাহাতে কর্ণপাত না করিয়া পলায়ন করিতে কৃতসংকল্প হইলেন । † তাঁহার দৃষ্টান্ত অনুসরণ করিয়া প্রাণরক্ষার জন্ত সকলেই

* মুক্তকরীণ ।

† Even his wife's father, Mahammed Eeruch Khan, though the Nabab begged him to stay and collect troops, either to defend him where he was, or to accompany him in his retreat, refused, and hastened to his own house at the city of Moorshidabad.—Scott's History of Bengal, p. 369.

ব্যাকুল হইয়া উঠিল; কেহ কেহ ইংরাজের নিকট আত্মসমর্পণ করিবার জন্ত সিরাজদৌলাকে উত্তেজনা করিতেও ক্রটি করিল না । * চারিদিকে আকুল আৰ্ত্তনাদের স্রুতপাত হইল ।

এই সকল কাপুরুষোচিত প্রস্তাবে কণপাত না করিয়া, সিরাজদৌলা সেনাসংগ্রহের জন্ত ইরিচ খাঁকে পুনরায় উত্তেজনা করিতে লাগিলেন । ইরিচ খাঁ কিছুতেই সম্মত হইলেন না ; তখন অনন্যোপায় হইয়া সিরাজদৌলা বিহার-যাত্রার উপযোগী সেনা সংগ্রহের প্রস্তাব করিতে লাগিলেন । ইরিচ খাঁ তাহাতেও অসম্মত হইয়া ধনরত্ন লইয়া পলায়ন করিলেন !

সিরাজদৌলা ইহাতেও ভগ্নমনোরথ না হইয়া স্বয়ং সেনাসংগ্রহের জন্ত চেষ্টা করিতে লাগিলেন । গুপ্ত বনাগার উন্মুক্ত হইল ;—প্রভাত হইতে সায়াক্ষ এবং সায়াক্ষ হইতে প্রথম রাত্রি, সেনাদলকে উত্তেজিত করিবার জন্ত মুক্তহস্তে অর্থদান চলিতে লাগিল । † রাজকোষ উন্মুক্ত পাইয়া, শরীর-রক্ষক সেনাদল যথেষ্ট অর্থশোষণ করিল, এবং প্রাণপণে সিংহাসন রক্ষা করিবে বলিয়া ধর্মপ্রতিজ্ঞা করিয়া একে একে পলায়ন করিতে আরম্ভ করিল । ‡ সিরাজের সকল চেষ্টা বিফল হইল !

* Some advised him to deliver himself up to the English, which he imputed to treachery.—Orme ii. 179.

† When Shirajadaula arrived at the city, his palace was full of treasure ; but with all that treasure, he could not purchase the confidence of his army ; he was employed in lavishing considerable sums among his troops to engage them to another battle.—First Report, 1772.

‡ As a last resource, the Nabab opened the doors of his treasury, and distributed large sums to the soldiers ; who received his

সাম্রাজ্য আর রত্নদীপালোকে রাজধানী উজ্জলিত হইয়া উঠিল না ;—
রাজবৈতালিকের সুললিত যন্ত্র-সংগীত আর বায়ুভরে দূর দূরান্তরে মোগলের
গৌরব-গীতি বিঘোষিত করিল না ;—পার্শ্বচরগণ আর নবাব-সিরাজদৌলার
আজ্ঞাপালনের অপেক্ষায় করজোড়ে কক্ষদ্বারে সম্মিলিত হইল না !*
রাজপুরী জনসমাগমরহিত শ্মশান-সৈকতের গ্রায় হায় ! হায় ! করিতে
লাগিল ! সেই শ্মশানভূমি বিকম্পিত করিয়া অদূরে মীরজাফরের বিজয়োন্মত্ত
আগ্নেয়াস্ত্র ভীমকলরবে গর্জন করিয়া উঠিল ! সিরাজদৌলা স্মৃৎপ্রাণিতের
গ্রায় চাহিয়া দেখিলেন ;—মোগলের রাজ্যাভিনয়ের শেষ চিত্রপট উদঘাটিত
হইয়াছে ; জনহীন পাষাণপ্রাসাদ যেন চিরবুভুক্ষিতের গ্রায় তাঁহাকেই গ্রাস
করিতে আসিতেছে ! তখন মাতামহের মমতানুলিপ্ত হিরাকিলের বিচিত্র
রাজপ্রাসাদ এবং বঙ্গ, বিহার, উড়িষ্যার বলদর্পিত মোগলরাজসিংহাসন
পশ্চাতে রাখিয়া, নবাব সিরাজদৌলা পথের ফকিরের গ্রায় রাজধানী হইতে
বাহির হইয়া পড়িলেন ! কেবল একজন মাত্র পুরাতন প্রতিহারী এবং
চিরসহচরী লুৎফউন্নিসা বেগম ছায়ার ন্যায় পশ্চাতে পশ্চাতে অনুগমন
করিতে লাগিল । †

// সিরাজ স্থলপথে ভগবানগোলায় উপনীত হইয়া তথা হইতে নৌকা-
রোহণে পদ্মার প্রবল তরঙ্গ উত্তীর্ণ হইয়া, শৈশবের লীলাভূমি গোদা-

bounty and deserted him with it to their homes.—Scott's History of
Bengal. p. 369.

* Scrafton.

† He was accompanied in his flight by his favourite concubine
Latafunnissa. I am informed that this lady was originally a Hindu
and none other than the sister of Mohan Lal — H. Beveridge. C. S.
বিষয়ে অনেকের অন্তরূপ ধারণা আছে ।

গাড়ীর ক্রোড়বাহিনী মহানন্দানদীর ভিতর দিয়া উজান বাহিয়া উত্তরা-ভিমুখে চলিতে আরম্ভ করিলেন । *

মুতক্ষরীণ-লেখক সিরাজের পলায়ন-প্রণালীর দোষপ্রদর্শন করিবার জন্ত লিখিয়া গিয়াছেন যে,—“স্থলপথে পলায়ন করিলেই ভাল হইত ; অর্থলোভেই হউক আর স্নেহবশতই হউক, অনেকে তাঁহার অনুগমন করিতে পারিত ; এবং বহুজনবেষ্টিত সিরাজদৌলাকে কেহ সহজে কারা-রুদ্ধ করিতে পারিত না ।” কিন্তু সিরাজ কি উদ্দেশ্যে একাকী নৌকা-রোহণে পলায়ন করিয়াছিলেন, তাহার রহস্ত-নির্ণয় করিলে মুতক্ষরীণের সমালোচনায় আস্থা স্থাপন করিতে পারা যায় না ।

কেবল প্রাণরক্ষার জন্ত পলায়ন করা আবশ্যক হইলে, ভগবান্গোলা হইতে পদ্মাস্রোতে পূর্বাভিমুখে তরণা ভাসাইয়া দিলেই অনায়াসে দূরাঞ্চলে উপনীত হইতে পারা যাইত । সিরাজদৌলা যে আত্মপ্রাণ তুচ্ছ করিয়া কেবল মোগলগৌরব রক্ষা করিবার জন্তই জন্তুশূণ্য রাজধানী হইতে পলায়ন করিয়াছিলেন, তাঁহার পলায়ন-প্রণালীই তাহার উৎকৃষ্ট প্রমাণ ।† কোনরূপে পশ্চিমাঞ্চলে পলায়ন করিয়া মসিয় লা সাহেবের সেনাসহায়ে পাটনা পর্য্যন্ত গমন করা ও তথায় রামনারায়ণের সেনাবল লইয়া সিংহাসন রক্ষার আয়োজন করাই সিরাজদৌলার উদ্দেশ্য ছিল ।‡ বিহার

* Riyaz-us salateen. রেগেল-কৃত প্রাচীন মানচিত্রে গোদাগাড়ীর নিকট মহানন্দা নদীই দেখিতে পাওয়া যায় ;—এখন কিন্তু সেখানে পদ্মার প্রবল তরঙ্গ !

† It was his intention to escape to M. Law, and with him to Patna, the Governor of which province was a faithful servant of his family.—Orme ii. 179.

‡ “সিরাজদৌলা যে প্রাণরক্ষার জন্ত পলায়ন না করিয়া সিংহাসন রক্ষার জন্যই পলায়ন করেন, স্বয়ং মীরজাফরেরও সেইরূপ ধারণা হইয়াছিল । তিনি সেই জন্য

প্রদেশের শাসনকর্তা রাজা রামনারায়ণ যেরূপ সাহসী সূচতুর সেইরূপ অকৃত্রিম প্রভুভক্ত ; সুতরাং কোনরূপে তাঁহার সহিত মিলিত হওয়াই সিরাজদৌলার লক্ষ্য হইয়া উঠিল । সরল পথে রাজমহল গমন করিবার চেষ্টা করিলে মীরজাফরের অনুচরবর্গ সহজে তাঁহাকে কারারুদ্ধ করিবার অবসর পাইবে, এই আশঙ্কায় তিনি মহানন্দার ভিতর দিয়া গোপনপথে দীনদরিদ্রের গ্রায় পাটনার দিকে অগ্রসর হইতেছিলেন ।*

রাজমহলের নিকট কালিন্দী : নারী জাহুবীর ক্ষুদ্র শাখা নিঃসৃত হইয়া পুরাতন গোড় জনপদের উত্তরাংশ দিয়া মালদহের নিকট মহানন্দার সহিত মিলিত হইয়াছে । নাজিরপুরের নিকট ইহার : মোহানা ছিল, এখনও তথায় চিহ্ন রহিয়াছে । এই পথ নিরাপদ মনে করিয়া সিরাজদৌলা নিঃশঙ্কচিত্তে অগ্রসর হইতে লাগিলেন ।

সিরাজদৌলা আর ক্ষণমাত্র ‘হতইতিগজ’ করিলে, রাজধানীতেই কারারুদ্ধ হইতেন । তিনি যে প্রভাতে মুরশিদাবাদে প্রত্যাগমন করেন, সেই প্রভাতে মীরজাফর এবং মীরণের সঙ্গে দাদপুরের বৃটিশ-শিবিরে পলাশি-বিজেতা কর্ণেল ক্লাইবের শুভসন্দর্শন হয় ।† চতুর ক্লাইব মীরজাফরকে কালাতিপাতের অবসর না দিয়া অবিলম্বে মুরশিদাবাদে উপনীত হইয়া

রাজমহলের পথে সিরাজদৌলাকে ধরিবার জন্য লোক লঙ্কর প্রেরণ করেন । সিরাজদৌলাও জানিতেন যে, তাঁহাকে রাজমহলের পথেই ধরিবার জন্য লোক লঙ্কর প্রেরিত হইবে । তিনি তজ্জন্য সরল সুপরিচিত স্থলপথ ছাড়িয়া অজ্ঞাতপূর্ব জলপথে মালদহ ঘুরিয়া রাজমহলে উপনীত হইবার আয়োজন করিয়াছিলেন ।

* While we were thus happy in our success, Suraja Dowla was travelling in disguise, like a miserable, fugitive, towards Patna, where he hoped once more to appear in arms—Scrafton.

† Scrafton.

সিরাজদৌলাকে কারারুদ্ধ করিয়া রাজকোষ হস্তগত করিবার উপদেশ দান করেন । *

মীরজাফর রাজধানীতে গুভাগমন করিবামাত্র শুনিলেন যে, শিকার হাতেবু বাহির হইয়া গিয়াছে ! তিনি কি আর করিবেন ? অবিলম্বে হিরাবিলের শূণ্য রাজসিংহাসন অধিকার করিয়া সিংহাসনাধিপতি সিরাজদৌলাকে কারারুদ্ধ করিবার জ্ঞা চারিদিকে লোক লঙ্কর প্রেরণ করিতে আরম্ভ করিলেন ।

মীরজাফরের ভ্রাতা মীর দাউদ রাজমহলের ফৌজদার ছিলেন । মীরকাশিম তাঁহার অধীনে সেনাচালনা করিতেন । মীরকাশিম এবং মীর দাউদের উপর সিরাজদৌলার পশ্চাদ্ধাবনের আদেশ হইবামাত্র তাঁহারা :মুরশিদাবাদ হইতে রাজমহল পর্য্যন্ত সমস্ত গ্রাম নগর তন্ন তন্ন করিয়া অনুসন্ধান আরম্ভ করিলেন । বেগমমণ্ডলীর রমণীগণ কারারুদ্ধ হইলেন ; সিরাজের অজাতশত্রু কনিষ্ঠ সহোদর মিরজা মেহেন্দী আলী কারারুদ্ধ হইলেন ; মহারাজ মোহনলাল কারারুদ্ধ হইলেন ;—কিন্তু সিরাজদৌলার আর কোনরূপ সন্ধান মিলিল না ।

মহারাজ মোহনলাল অমিতপরাক্রমে সিরাজদৌলার সিংহাসন রক্ষা করিতে গিয়া পলাশির যুদ্ধে গুরুতররূপে আহত হইয়াছিলেন ; তথাপি তিনি আহত-কলেবরে সিরাজদৌলার পার্শ্বরক্ষার জ্ঞা মুরশিদাবাদে ছুটিয়া আসিয়াছিলেন । রাজধানীতে আসিয়া সিরাজদৌলার পলায়ন-সংবাদে মন্ত্রণাকুশল মোহনলাল সিরাজের গন্তব্য পথ ও গুপ্ত উদ্দেশ্য সহজেই

* (The Colonel) advised him to proceed *immediately* to the city, and not to suffer Suraja Dowla to escape, nor his treasures to be plundered.—Orme, ii. 178.

বুঝিতে পারিয়াছিলেন । তিনি আর শত্রুসঙ্কুল মুরশিদাবাদে কালক্ষয় না করিয়া সিরাজের সহিত মিলিত হইবার জন্ত ভগবানগোলায় গমন করিতে-
ছিলেন । কিন্তু ভগবানগোলায় উপনীত হইবার পূর্বেই মীরজাফরের
অনুচরবর্গ তাঁহাকে কারারুদ্ধ করিয়া ফেলিল । * যিনি নিযুত ছায়ার ত্রায়
সিরাজদৌলার পদানুসরণ করিয়া, কখন মন্ত্রণাকৌশলে কখন বা অপ-
রাজিত বাহুবলে মোগলের সিংহাসনরক্ষার জন্ত জীবন উৎসর্গ করিয়া
দিয়াছিলেন, বাহার অতুলনীয় রণকৌশল এবং অকৃত্রিম প্রভুভক্তির পরি-
চয় পাইয়া বিদ্রোহী দল সর্বদা সশঙ্কচিত্তে কালযাপন করিত, তাঁহাকে
মীরজাফর নিষ্কৃতিদান করিতে সাহস পাইলেন না । তিনি মোহনলালকে
বিদ্রোহী সেনানায়ক মহারাজ রায়তুল্লভের হস্তে সমর্পণ করিলেন । মোহন-
লালকে দীর্ঘকাল কারাক্লেশ বহন করিতে হইল না ; রায়তুল্লভ তাঁহার
ধন সম্পদ ও জীবন হরণ করিয়া মীরজাফরের আশঙ্কা নিবারণ করি-
লেন । †

রাজধানী শত্রুশূন্য হইল ; তথাপি মীরজাফর মস্নদে উপবেশন করিতে
সাহস পাইলেন না । সকলে বুঝিল যে অতঃপর তিনিই বাঙ্গালা, বিহার
উড়িষ্যার শূন্য সিংহাসন উজ্জ্বল করিবেন ; তথাপি মীরজাফর সেই শূন্য
সিংহাসন সম্মুখে করিয়া ক্লাইবের গুভাগমনের জন্ত অপেক্ষা করিতে
লাগিলেন । ক্লাইব সহসা রাজধানীতে পদার্পণ না করিয়া নগরোপকণ্ঠে
কালযাপন করিতেছিলেন ; ২৯ জুন দুইশত গোরা এবং পাঁচশত কালা-

* মৃতকরীণ ।

† The Dewan Mohun Lal had before this been seized at Moor-
shidabad and his effects and life were taken by Doolubram.—‘Scotts’
History of Bengal, p. 371.

সিপাহী সমভিব্যাহারে ইংরাজ-সেনাপতি মনসুরগঞ্জে শুভাগমন করিলেন । ক্লাইব বলিয়া গিয়াছেন যে, “সে দিন যত লোক রাজপথপার্শ্বে সমবেত হইয়াছিল, তাহারা ইংরাজনিধনে ক্রতসংকল্প হইলে, কেবল লাঠি সোটা এবং লোষ্ট্রনিষ্ক্ষেপেই তৎকার্যসাধন করিতে পারিত !”*

মোগল রাজধানীর “সুবাসিত” প্রাসাদ কক্ষে পদার্পণ করিয়াও ক্লাইবের দুশ্চিন্তা দূর হইল না ;—কেহ কেহ বলিতে লাগিল যে “তাহাকে গোপনে হত্যা করিবার জন্ত বড়বস্ত্র আরম্ভ হইয়াছে ।”† এরূপ জনরবে বিশ্বাস স্থাপন করিবার কারণেরও অভাব ছিল না ! সেকালে গুপ্তহত্যা সকল দেশেই অল্লাধিক পরিমাণে প্রচলিত ছিল, তাহাতে আবার সিরাজদৌলা ধরা না পড়ায় অনেকরূপ সন্দেহ ঘনীভূত হইয়া উঠিতেছিল । কে শত্রু কে মিত্র,—কে রাষ্ট্রবিপ্লবে আন্তরিক হর্ষযুক্ত, কে ক্লাইবের সর্বনাশসাধনের জন্ত সুযোগ অনুসন্ধান করিতেছে,—তাহার কিছু স্থিরতা নাই । এরূপ অবস্থায় ক্লাইব এবং মীরজাফর উভয়ে উভয়ের কণ্ঠলগ্ন হইয়া আত্মপক্ষ স বল করিবার আয়োজন করিতে লাগিলেন ।

ক্লাইব ক্ষণমাত্র কালবিলম্ব না করিয়া পাত্রমিত্রগণের সাক্ষাতে দরবার-কক্ষে মীরজাফরের নিকটবর্তী হইলেন, এবং তাহাকে মস্নদে বসাইয়া

* He entered the city with 200 Europeans, and 500 Sepoys,—the inhabitants, who were spectators upon that occasion, must have amounted to some hundred thousands ; and If they had had an inclination to have destroyed the Europeans, they could have done it with sticks and stones.—Clive's Evidence.

† Orme, ii. 180.

দিয়া * কোম্পানী বাহাদুরের প্রতিনিধি স্বরূপ স্বয়ং সর্বপ্রথমে 'নজর' প্রদান করিয়া মীরজাফরকে বঙ্গ, বিহার, উড়িষ্যার সুবেদার বলিয়া অভি-বাদন করিলেন । †

রাজ্যাভিষেক সুসম্পন্ন হইল, লক্ষাভাগও সুসম্পন্ন হইল, কিন্তু সিরাজ দৌলার আর কোন সন্ধান মিলিল না ! পুনরায় তন্ন তন্ন করিয়া অনু-সন্ধান করিবার জন্ত চারিদিকে সিপাহীসেনা ছুটিয়া চলিল ।

যুদ্ধের উপক্রম বুঝিয়াই সিরাজদৌলা মসিয় লাকে রাজমহলের পথে মুরশিদাবাদে উপনীত হইবার জন্ত সংবাদ পাঠাইয়াছিলেন । রাজা রাম-নারায়ণ অর্থাৎ প্রদান করিতে বিলম্ব করায় মসিয় লা সংবাদ পাইবামাত্র যুদ্ধযাত্রা করিতে পারেন নাই । ‡ তিনি যখন সসৈন্তে ভাগলপুরের নিকট-বর্তী হইলেন, সিরাজদৌলা তখন মহানন্দাস্রোত অতিক্রম করিতেছিলেন !

সিরাজদৌলা মহানন্দাস্রোত অতিক্রম করিয়া কালিন্দীর জলপ্রবাহ উত্তীর্ণ হইতেছিলেন,—তাঁহার নৌকা যখন বথরা বরহাল নামক পুরাতন পল্লীর নিকটবর্তী হইল, তখন সহসা তাঁহার গতিবোধ হইল । নাজির-পুরের মোহনা অতিক্রম করিতে পারিলেই বড় গঙ্গায় প্রবেশ করা যাইত, কিন্তু জলাভাবে নাজিরপুরের মোহনা শুষ্কপ্রায় ;—আর নৌকা চলিল না । ¶

* Col. Clive took Mir Jaffier's hand and led him to the Musnud.—Tarikh-i-Mansuri.

† Scrafton.

‡ যুতঙ্গরীণ ।

¶ আষাঢ়ের প্রথমে এখনও নাজিরপুরের মোহনায় নৌকা চলাচল করিতে পারে না । According to the Riyaz (p. 373) Sirajudowla was obliged to stop at Bahral as the Nazirpore mouth was found closed.—H.

এই আকস্মিক দুর্ঘটনায় সিরাজদ্দৌলার সর্বনাশের সূত্রপাত হইল । তিনি ভাবিয়াছিলেন যে, তাঁহার পরাজয়বার্তা তখন পর্য্যন্তও দূর দূরান্তরে নীত হয় নাই ; সেই ভরসায় সিরাজদ্দৌলা স্বয়ং নদীতীরে অবতরণ করিলেন, নাবিকগণ ইতস্ততঃ বিক্ষিপ্ত হইয়া নদীমুখের সন্ধান লইতে লাগিল, ইত্যবসরে যৎকিঞ্চিৎ খাদ্য সংগ্রহের জন্ত সিরাজ নিকটস্থ মুসলমান মস্জেদে আতিথ্য গ্রহণ করিলেন । এই মস্জেদ দানশা নামক বিখ্যাত মুসলমান সাধুর সমাধিমন্দির ; তাহা অত্য়পি সাহপুর নামক গ্রামে ভগ্নাবস্থায় বিরাজ করিতেছে । * মস্জেদের লোকে ক্ষুদ্র পল্লীতে সিরাজদ্দৌলার ত্রায় অতিথির নোকা দেখিয়া বিস্ময়াবিষ্ট হইয়াছিল, পরে নাবিকগণের নিকট সন্ধান লইয়া তাহারা সকল সমাচার অবগত হইল । মীর দাউদ এবং মীরকাশিমের সেনাদল নিকটেই অবস্থান করিতেছিল, অর্থলোভে লোকে তাহাদিগকে সিরাজদ্দৌলার সন্ধান বলিয়া দিল । সিরাজ ক্ষুধার অন্ন গলাধঃকরণ করিবারও অবসর পাইলেন না, সপরিবারে মীরকাশিমের হস্তে বন্দী হইলেন ।

Beveridge, C. S. অশ্লি লিখিয়া গিয়াছেন যে সিরাজ রাজমহল পর্য্যন্ত উপনীত হইয়া তথায় একজন ফকিরের চক্রান্তে কারারুদ্ধ হন । এই বর্ণনা সত্য বলিয়া বোধ হয় না ।

* মালদহনিবাসী স্নেহভাজন বন্ধু শ্রীযুক্ত রাধেশচন্দ্র শেঠ বহুক্লেশে এই মস্জেদের ফলকলিপি সংগ্রহ করিয়া মস্জেদের কয়েকখানি কারুকাৰ্য্যখচিত পুরাতন ইষ্টক উপচোকন পাঠাইয়া দিয়াছেন । কেহ বলেন সিরাজদ্দৌলা এই মস্জেদের নিকটেই কারারুদ্ধ হইয়াছিলেন, আবার কেহ বলেন (Tarikh-i-mansuri) তিনি রাজমহলের নিকট কারারুদ্ধ হন । এই মস্জেদ রাজমহলের নিকট না হউক, রাজমহল হইতে বহুদূরে নহে । সিরাজ উস্ সালাতিনের মতে কালিন্দী তীরেই সিরাজদ্দৌলা কারারুদ্ধ হইয়াছিলেন ।

ইংরাজেরা বলেন যে, সিরাজদৌলা সম্পদের দিনে দানশা নামক মুসলমান ফকিরের নাসাকর্ণ ছেদন করিয়া দিয়াছিলেন, বিপদের দিনে প্রতি-হিংসাপরায়ণ দানশা তাঁহাকে ধরাইয়া দিয়াছিল। * মাহাত্মা বিভারিজ ইহা অবিশ্বাস করিয়া লিখিয়া গিয়াছেন যে, “এই জনশ্রুতি সত্য হইতে পারে না, কারণ মুতক্ষরীগণের অনুবাদক হাজি মুস্তাফা স্বকৃত টীকায় লিখিয়া গিয়াছেন, ফকির আদৌ সিরাজদৌলাকে চিনিত না, তাঁহার বহুমূল্য পাছুকা দেখিয়া তাহার সন্দেহ জন্মে, নাবিকদিগের নিকট সংবাদ সংগ্রহ করিয়া সে নবাবকে ধরাইয়া দেয়।”† আমাদের নিকট ইহার কোন সিদ্ধান্তই সত্য বলিয়া বোধ হয় না। সিরাজ যেরূপ মুসলমান ধর্ম্মানুরাগী ছিলেন, তাহাতে তাঁহার পক্ষে দানশার গ্রায় একজন বিখ্যাত মুসলমান সাধুর নাসাকর্ণচ্ছেদ করা সম্পূর্ণ অসম্ভব; আমরা দানশার সমাধি মন্দিরের ফলকলিপির সাহায্যে এবং তাঁহার বংশধরদিগের নিকট প্রমাণ সংগ্রহ করিয়া জ্ঞাত হইয়াছি যে, দানশা আদৌ সে সময়ে জীবিত ছিলেন না।‡

সিরাজদৌলা কালিন্দীতীরস্থ শাহপুর গ্রামে দানশার সমাধিমন্দিরের নিকটেই কারারুদ্ধ হইয়াছিলেন বলিয়া বোধ হয়। রিয়াজ-রচয়িতা

* Scrafton ; Clive's Evidence etc.

† But this can hardly be true if the translator of the Sayer be correct in saying that the fakir did not recognize the Nawab, and only learnt who he was from the boatmen, after his suspicions had been aroused by observing the richness of the stranger's slippers.—H. Beveridge, C.S.

‡ সিরাজদৌলার সময়ে দানশার পোত্র জীবিত ছিলেন। ইংরাজরা সকলেই সে অঞ্চলে বিশেষ প্রসিদ্ধ। তারিখ ই-মুহরী লেখক কাহারও নামোল্লেখ করেন নাই; তিনি বলেন যে সিরাজ একজন দরবেশের দাড়ি গোঁফ মুড়াইয়া দিয়া অপমান করিয়া-ছিলেন, সেই ব্যক্তিই তাঁহাকে ধরাইয়া দেয়।

শ্রীযুক্ত গোলাম হোসেন সলেমী মালদহের লোক, তাঁহার কথাই অধিকতর বিশ্বাস্য । কিন্তু দানশা বা তাঁহার বংশধরদিগের সহিত ইহার কোনরূপ সংশ্রব ছিল বলিয়া বোধ হয় না । একমাত্র হুণ্টার সাহেব লিখিয়া গিয়াছেন যে, “দানশা সিরাজদৌলাকে ধরাইয়া দিয়া মীরজাফরের নিকট হইতে বহুমূল্য জায়গীর লাভ করিয়া স্বদেশে “সুভামার” খ্যাতিলাভ করেন ; তাঁহার বংশধরগণ অত্യാদি সেই জায়গীর উপভোগ করিতেছেন ।” * এ কথা সত্য হইলে মালদহের কালেক্টারীতে এই জায়গীরের সন্ধান পাওয়া যাইত । কিন্তু তথায় এরূপ জায়গীরের আদৌ কোন উল্লেখ নাই, মালদহের ভূতপূর্ব কালেক্টার শ্রীযুক্ত উমেশ চন্দ্র বটব্যাল মহাশয় “সেরেস্টা তদন্ত করিয়াও তাহার সন্ধান পান নাই ।” † দানশার অধিকারে অনেক নিষ্করভূমি থাকার কথা শুনিতে পাওয়া যায়, তাঁহার সমাধিবিদ্যুত পুরাতন ইষ্টকসজ্জা দেখিয়া তাঁহাকে সম্পন্ন ব্যক্তি বলিয়াই বোধ হয় । কিন্তু তাঁহার বংশধরদিগের অধিকারে এখন অল্প কয়েক বিঘা মাত্র নিষ্কর ভূমি রহিয়াছে, তাঁহারা বলেন যে, তাঁহারা ঐ সকল নিষ্কর ভূমি গোড়াধিপতি হোসেন শাহ নামক পাঠান বাদশাহের নিকট দানপ্রাপ্ত হইয়া দানশার পূর্বপুরুষের সময় হইতে উপভোগ করিয়া আসিতেছেন ।

মিরকাশিম যখন সিরাজদৌলাকে কারারুদ্ধ করেন, সিরাজ তখন নিরস্ত্র নিঃসঙ্গ ; তিনি অনত্মোপায় হইয়া অর্থ বিনিময়ে স্বাধীনতা ক্রয় করিবার জন্ত যথাসাধ্য চেষ্টা করিয়াও কৃতকার্য হইতে পারিলেন না । মীরকাশিমের সেনাদল লুণ্ঠনলোভে উন্মত্তবৎ তাঁহার নৌকা আক্রমণ করিল,

* Hunter's Statistical Accounts of Bengal, vol. vii. 84.

† H. Beveridge, C. S.,

স্বয়ং মীরকাশিমও অর্থলোভ পরিত্যাগ করিতে পারিলেন না । তিনি পাকেচক্রে লুৎফউরিসা বেগমের বহুমূল্য রত্নালঙ্কার গুলি আত্মসাৎ করিলেন ! * মসিয় লা এই সময়ে ত্রিশমাইলমাত্র দূরে ছিলেন ;—তিনি সিরাজের সহিত মিলিত হইবার পূর্বেই সিরাজের সকল আশা নিস্কূল হইয়া গেল ! †

মীর দাউদ মহোল্লাসে এই সংবাদ মুর্শিদাবাদে প্রেরণ করিবামাত্র মীরজাফরের প্রবল উৎকণ্ঠা দূর হইয়া গেল । তিনি ক্লাইবের কণ্ঠলব্ধ হইয়া হিরাঝিলে মন্ত্রণা করিতেছিলেন, সংবাদ পাইবামাত্র সিরাজদৌলাকে বাঁধিয়া আনিবার অগ্র যুবরাজ মীরণকে সঙ্গেতে রাজমহলে পাঠাইয়া দিলেন । ‡

১৫ই সাওয়াল (৩রা জুন) আত্মভৃত্যবর্গের নিষ্ঠুর নির্যাতনে জীবন্মৃত কলেবরে সিরাজদৌলা বন্দীবেশে মুর্শিদাবাদে উপনীত হইলেন । ¶ আনিবন্দীর স্নেহপুত্তলের এই ভাগ্যবিবর্তনের জীবন্ত চিত্র সম্মুখে দেখিয়া মুর্শিদাবাদের লোকে হাহাকার করিয়া উঠিল ;—মুসলমান ইতিহাসলেখক আত্মসম্বরণ করিতে না পারিয়া বাষ্পগদগদকণ্ঠে বলিয়া গিয়াছেন :—

Be warned by example, O ye men of understanding,
and view well the revolutions of fortune. Place not

* মৃতক্ষরীণ ।

† Monsr. Law and his party came down as far as Rajmehal to Surajuddaula's assistance, and were within three hour's march when he was taken.—Clive's Letter to Court. 26 July. 1757.

‡ Advice of it reaching the Subah, he sent his son to take him prisoner and bring him to the city.—Scrafton.

¶ ১৫ সাওয়াল ১১৭০ হিজরীকো আপনে নৌকরনুকি কয়েদমে মুর্শিদাবাদ আয়া !—মৃতক্ষরীণ (অনুবাদ)

your reliance upon the world's success, for it is uncertain and inconstant, like a public figure, who goes daily from house to house.”*

সিরাজদৌলার বিকশিতকুসুমলোভনীয় সুকুমার দেহকান্তি আশ্চর্য্য-বর্ণের নিষ্ঠুর নির্যাতনে মলিন হইয়া উঠিয়াছিল ; তাঁহাকে দেখিবামাত্র নাগরিকদিগের সহানুভূতি উদ্বেলিত হইয়া উঠিল । মীরজাফরের সেনাদল ক্রতব্রের গায় সিরাজদৌলার সিংহাসন কাড়িয়া লইয়া তাঁহার কত না দুর্গতি করিয়াছে, তাহা তাহারাও বুঝিতে পারিল । তাহারা দেখিল যে, তাহাদের মহাপাপে রাজাধিরাজ বন্দী হইলেন, ক্রতব্র রাজকর্ম্মচারী শূণ্য-সিংহাসনে উপবেশন করিলেন, তাঁহার গুপ্তসংকল্পের প্রধান সহচরগণ মহোল্লাসে লঙ্কাভাগ করিয়া রাজকোষের ধনরত্ন কলিকাতায় চালান করিয়া দিলেন, অথচ মীরজাফরের সেনাদল রাজকোষের অর্থাভাব বলিয়া তাহাদের বেতন পর্য্যন্তও প্রাপ্ত হইল না ! তখন তাহারা অধীরহৃদয়ে ওষ্ঠদংশন করিতে লাগিল, কেহ কেহ সিরাজদৌলার মুক্তিলাভের সুদৃপায় চিন্তা করিবার জন্ত রাজপথে সমবেত হইতে লাগিল, মুর্শিদাবাদ টলমল করিয়া উঠিল ! †

* Scott's translation p. 372.

† It is said that several jammadars, as he passed their quarters, were so penetrated with grief and anger, as to prepare to rescue him, but were prevented by their superiors.—Scott's History of Bengal, p. 371.



অষ্টাদশ পরিচ্ছেদ।

সিরাজদ্দৌলার কি হইল ?

সিরাজদ্দৌলার কি হইল ? মহাসভার সমক্ষে সাক্ষ্য দিবার সময়ে লর্ডক্লাইব বলিয়া গিয়াছেন যে, “তিনি তাহার কিছুই জানিতেন না, কেবল পরদিবস মীরজাফরের মুখে শুনিয়াছিলেন যে, তাঁহাকে নিশীথে গোপনে হত্যা করা হইয়াছে।” * সমগ্র মুসলমান-ইতিহাস অধ্যয়ন করিয়া ষ্টুয়ার্ট স্বপ্রণীত বাঙ্গালার ইতিহাসে লিখিয়া গিয়াছেন যে, “দেশীয় লেখকেরা কেহই ইহার জন্ত ক্লাইবের ক্ষেপে কোনরূপ দোষারোপ করেন নাই।”† আমরা কিন্তু

• His Lordship knew nothing of it till next day.—Clive's Evidence.

† In justice to the memory of Colonel Clive, I think it requisite to state, that *none of the native historians*, impute any participation in the death of Sirajuddowla to him.—Stewart.

‘সিরাজ-উদ্-সালাতিন’ নামক বিখ্যাত দেশীয় ইতিহাসে দেখিতে পাইতেছি যে, “ইংরাজ সেনাপতিদিগের এবং জগৎশেঠের উত্তেজনাবলেই সিরাজদ্দৌলা নিহত হইয়াছিলেন !” * ষ্টুয়ার্ট এই গ্রন্থ আত্মোপান্ত অধ্যয়ন করিয়া স্বপ্রণীত ইতিহাসে ইহার ভূয়সী প্রশংসা করিয়া † অবশেষে এরূপ অলীক সিদ্ধান্তে উপনীত হইলেন কেন, তাহা বুঝিতে না পারিয়া মহাত্মা বিভারিজ আক্ষেপ করিয়া গিয়াছেন ! ‡

ইংরাজ ইতিহাস-লেখকদিগের মধ্যে অনেকেই ক্লাইবের কলঙ্কমোচনের জন্ত সর্বিশেষ আগ্রহ প্রকাশ করিয়া গিয়াছেন । তাঁহাদের পক্ষে এরূপ ব্যবহার নিতান্ত অস্বাভাবিক নহে । তাঁহাদের সিদ্ধান্ত এই যে, সিরাজদ্দৌলার হত্যাকাণ্ডে ক্লাইবের কিছুমাত্র সংশ্রব ছিল না । কিছুমাত্র সংশ্রব না থাকিলে ক্লাইবের দোষক্ষালনের জন্ত এরূপ আগ্রহ কেন,—তাহা কিন্তু সর্বিশেষ কৌতূকাবহ । অবস্থানুসারে ক্লাইবের নামেও কলঙ্করটনা হওয়া বিচিত্র নহে,—বোধ হয় এই জন্তই তাঁহারা এতদূর আগ্রহ প্রকাশ করিয়া গিয়াছেন !

যে সকল অবস্থানুসারে ক্লাইবের নামেও কলঙ্করটনা হইবার সম্ভাবনা, সেগুলি বড়ই গুরুতর । পলাশিক্ষেত্রে জয়লাভ করিয়াই মীরজাফর উৎফুল্ল হইয়া উঠিয়াছিলেন, কিন্তু পরিণামদর্শী কর্ণেল ক্লাইব তাঁহাকে বিজয়োৎসবের অবসর না দিয়া তৎক্ষণাৎ সিরাজদ্দৌলার কারারোধের জন্ত উত্তেজনা

* Siraj-ud Dowla was put to death at the instigation of the English Chiefs and Jagat Seth —Riyaz-us-Salateen.

† I am indebted to it (Riyaz) for the idea of this work, and for the general out-line.—Stewart.

‡ I do not understand why Stewart says that no native writer charges Clive with Complicity.—H. Beveridge, C. S.

করেন । মীরজাফর রাজধানীতে উপনীত হইলেও ক্লাইব সহসা রাজধানীতে পদার্পণ না করিয়া কয়েক দিবস নগরোপকণ্ঠেই কালযাপন করেন ;—কেহ কেহ বলেন যে, ইহার মধ্যেও ক্লাইবের গুঢ় উদ্দেশ্য নিহিত ছিল ।* ক্লাইব যেরূপ বুদ্ধিমত্তার পরিচয় দিয়া গিয়াছেন, তাহাতে কেহই এরূপ তর্ক করিতে পারেন না যে, তিনি অকারণে মীরজাফরকে উত্তেজনা করিয়াছিলেন । ইতিহাসে যাহাই লিখিত হউক না কেন, পলাশির যুদ্ধ যে যুদ্ধাভিনয় মাত্র + ক্লাইবের মনে সে বিষয়ে কিছুমাত্র সন্দেহ ছিল না । তিনি বুঝিয়াছিলেন যে, সিরাজদৌলা পলায়ন করিবার অবসর লাভ করিলে নিশ্চয়ই ইংরাজের চিরশত্রু ফরাসিদলে যোগদান করিয়া ইংরাজদিগের সর্বনাশ সাধন করিবেন । তিনি আত্মপক্ষ স বল করিবার জন্তই যে সিরাজদৌলাকে কারারুদ্ধ করিতে ব্যাকুল হইয়াছিলেন, তাহাতে আর সন্দেহ হয় না । এই সিদ্ধান্ত সত্য হইলে, তাঁহার উত্তেজনাই যে সিরাজদৌলার হত্যাকাণ্ডের মূল কারণ সে বিষয়ে আর সন্দেহ থাকে না ! পরবর্তী ঘটনা দ্বারা এই সিদ্ধান্ত আবার দৃঢ়তর হইয়া উঠে । ক্লাইব নিজেই বলিয়া গিয়াছেন যে,—যদিও কিছু মাত্র আবশ্যক ছিল না, তথাপি মীরজাফর তাঁহার নিকট উপনীত হইয়া এই হত্যাকাণ্ডের জন্ত ক্ষমা প্রার্থনা করিয়া জানাইয়াছিলেন যে, সিপাহীদিগের ক্ষেপিয়া উঠিবার উপক্রম দেখিয়া সিংহাসন রক্ষার্থই সিরাজদৌলাকে হত্যা করা প্রয়োজন

* Clive purposely delayed entering Moorshidabad after the battle of Palassy—H. Beveridge, C. S.

+ মুসলমান-ইতিহাস-লেখক মর্শাহত হৃদয়ে লিখিয়া গিয়াছেন :—

This is the battle in which India was lost for the Islam.—Tarikh-
Mansuri.

হইয়াছিল !”* ক্লাইবের কথার আভাসে বোধ হয়, তিনি এজন্ত ক্ষমা প্রার্থনা করা আদৌ আবশ্যক মনে করেন নাই ! †

বাহারা অন্ধকূপহত্যার জন্ত সিরাজদৌলাকেও অপরাধী করিয়া গিয়াছেন, তাঁহাদের একটি প্রধান তর্ক এই যে,—স্বয়ং অন্ধকূপহত্যার আদেশ দেওয়ার প্রমাণ না থাকিলেও সিরাজদৌলা যখন তজ্জন্ত কাহাকেও তিরস্কার করেন নাই, তখন তাঁহার পরবর্তী ব্যবহার দেখিয়াই মনে হয় যে তিনিও ইহার মধ্যে লিপ্ত ছিলেন । ‡ এক্ষণে তর্কপদ্ধতি অবলম্বন করিতে হইলে, ক্লাইবের পরবর্তী ব্যবহার দেখিয়া কিরূপ সিদ্ধান্ত করিব ? তিনিও ত সিরাজদৌলার হত্যাপরাধের জন্ত আকারে ইঙ্গিতে কোনরূপেই মীরজাকরকে কিছুমাত্র তিরস্কার করেন নাই; বরং প্রকারান্তরে বলিয়া গিয়াছেন যে ইহার জন্ত ক্ষমা প্রার্থনা না করিলেও ক্ষতি ছিল না ! ক্লাইবের বাক্য এবং কার্য সমালোচনা করিলে কি স্বভাবতই বিশ্বাস হয় না যে, তিনিও সিংহাসনরক্ষার্থ সিরাজদৌলার হত্যাকাণ্ড সমর্থন করিয়া গিয়াছেন ?

* Meer Jaffier apologised for his conduct, by saying that the (Sirjadowla) had raised a mutiny among the troops.—First Report, 1772.

† Macaulay dexterously uses some expressions in Clive's reports as a tribute from Mir Jaffar to the English character comment is a fair one, but Clive's words rather imply thought Mir Jaffar's excuses superfluous, he says that “thought it *necessary* to palliate the matter on motives
H. Beveridge, C. S.

‡ By his conduct he placed himself in the position
ory after the act.—Col. Malleon's Decisive Bat
p. 47.

এই সকল ব্যবহারের সহিত ‘রিয়াজ-উস্-সালাতিনের’ সুস্পষ্ট অভিযোগ সম্মিলিত করিলে, কেমন করিয়া বলিব যে, সিরাজদৌলার হত্যাকাণ্ডে ক্লাইবের বীরচরিত্র কলঙ্কিত হয় নাই? তাঁহাকে পলাশিবিজেতা মহাবীর বলিয়া যাহারা জয়মাল্য সমর্পণ করিব^১র জন্ত সগোরবে জীবনচরিত রচনা করিয়া গিয়াছেন, তাঁহারা কিন্তু কেহই “রিয়াজ-উস্-সালাতিনের” অভিযোগের সমালোচনা করিবার চেষ্টা করেন নাই !

ইতিহাস-লেখকেরা সিরাজদৌলাকে পরমপাষণ্ড দুর্বৃত্ত নরাদম (অথচ) রণভীরু কাপুরুষ সাজাইবার জন্ত যথাসাধ্য চেষ্টা করিয়া গিয়াছেন। ক্লাইব নিজে ইহাতে আস্থা স্থাপন করিতেন কিনা তাহা সবিশেষ সন্দেহের বিষয়। সিরাজদৌলা কিরূপ প্রকৃতির তেজস্বী যুবক, তাঁহার হৃদয়নিহিত ইংরাজ-বিদ্বেষ কতদূর বদ্ধমূল শত্রুসংহারে কত অদম্য হৃদয়বেগ,—ক্লাইব তাহার যথেষ্ট পরিচয় প্রাপ্ত হইয়াছিলেন। তিনি সেই জন্ত সিরাজের সহিত ফরাসি সেনার বাহুবল মিলিত হইবার সম্ভাবনা দেখিলেই শিহরিয়া উঠিতেন, এবং মসিয় লাকে সিরাজদৌলার দরবার হইতে তাড়িত করিবার জন্ত যথেষ্ট কৌশল-জাল বিস্তার করিতেও ক্রটি করিতেন না। তাঁহার চক্রান্তেই মসিয় লাজিমাবাদে তাড়িত হইয়াছিলেন।* গমনকালে মসিয় ল সিরাজদৌলাকে সাবধান করিতে ক্রটি করেন নাই, সিরাজদৌলাও বলিয়াছিলেন

“বশ্যক বুঝিলেই তাঁহাকে পুনরায় আহ্বান করা হইবে। এ সকল কথা

তার নিকট লুকাইয়া ছিল না ; সুতরাং সিরাজদৌলা পলায়ন করি-

গাভ করিলেই যে মসিয় লায়ের সহিত মিলিত হইয়া ইংরাজের

...ive was successful in this affair also—Tarikh-i-

সর্বনাশ করিবেন, ক্লাইবের সে বিষয়ে কিছুমাত্র সন্দেহের কারণ ছিল না । এই জন্তই সিরাজদৌলাকে কারারুদ্ধ করা ক্লাইবের লক্ষ্য হইয়া উঠিয়াছিল, এই জন্তই প্রথম সন্দর্শনের শিষ্টাচার শেষ না হইতেই : তিনি মীরজাফরকে উত্তেজনা করিয়াছিলেন, এবং বোধ হয় এই জন্তই তাঁহার উত্তেজনাক্রমে সিরাজ কারারুদ্ধ ও নির্দয়রূপে নিহত হইলেও তদুপলক্ষে তিনি কোনরূপ ক্ষমা প্রার্থনা করা প্রয়োজন বলিয়া স্বীকার করেন নাই ।

ক্লাইব ইতিপূর্বে মাদ্রাজে সেনাচালনা করিবার সময়েও ঠিক এইরূপ একটি দৃষ্টান্ত সংঘটিত হইয়াছিল ! ১৭৪৮ খৃষ্টাব্দে সুবিখ্যাত মুসলমান সুবেদার নিজাম উল্-মোলকের পরলোকগমনের পর দাক্ষিণাত্যে তুমুল অন্তর্বিগ্রহের সূত্রপাত হয় । পরসাম্রাজ্যলিপ্সু রাজনীতিবিশারদ ফরাসি সেনাপতি দ্যপ্রে বাহাদুর সেই অন্তর্বিগ্রহের ছিদ্রলাভ করিয়া কর্ণাটের নবাব এবং হায়দ্রাবাদের নিজামকে গৃহত্যাগিত করিয়া চান্দা সাহেবকে কর্ণাটে এবং মীরজাফরকে হায়দ্রাবাদে রাজসিংহাসনে বসাইয়া দিয়া দাক্ষিণাত্যে ফরাসি-রাজশক্তি সুদৃঢ় করিবার আশায় দ্যপ্রেফতেহাবাদ নামে নগর পত্তন করিয়া তথায় এক অত্যাচর বিজয়স্তম্ভ গঠন করেন । ইংরাজেরা তাঁহার গতিরোধ করিবার জন্ত কর্ণাটের সিংহাসনপ্রার্থী মহম্মদ আলির পক্ষাবলম্বী হইয়া কর্ণেল ক্লাইবকেই সেনাচালনার ভার প্রদান করেন । ক্লাইব মহারাষ্ট্রবাহিনীর সহায়তা লাভ করিয়া, অল্পদিন মধ্যেই দ্যপ্রেফতেহাবাদের জয়স্তম্ভ ধূলিসাৎ করিয়া ফেলিলেন ; কিন্তু চান্দা সাহেব জীবিত থাকিতে রণকোলাহল শান্তিলাভ করিল না । ইহার কিছুদিন পরে ইংরাজ ও মহারাষ্ট্রবাহিনীর সমবেত অধ্যবসায়ে হতভাগ্য চান্দা সাহেব অকস্মাৎ কারারুদ্ধ হইয়া গোপনে নির্দয়রূপে নিহত হইলেন ! ক্লাইবের নামে কলঙ্ক রটনার সম্ভাবনা দেখিয়া তাঁহার স্বদেশীয় ইতিহাসলেখকেরা লিখিয়া গিয়াছেন,—“ক্লাইব ইহার কিছুট

জানিতেন না! বোধ হয় মহম্মদ আলির চক্রান্তেই চান্দা সাহেব নিহত হইয়াছিলেন।”* সিরাজদৌলার হত্যাপরাধও যে এইরূপে একাকী মীরজাফরের সপ্তদশবর্ষীয় হতভাগ্য পুত্র যুবরাজ মীরণের স্বন্ধে নিক্ষিপ্ত হয় নাই, তাহা কে বলিতে পারে?

ক্লাইব যে কিছুই জানিতেন না তাহা প্রমাণ করিবার জন্ত কেহ কেহ লিখিয়া গিয়াছেন যে,—“সিরাজদৌলাকে যে দিবস মুরশিদাবাদে আনয়ন করে সেই দিন—তৎক্ষণাৎ—কাহাকেও কিছু না জানাইয়া দুর্বৃত্ত মীরণ তাঁহাকে গোপনে নিহত করেন। মীরজাফর এবং ক্লাইব তখন ভাগীরথীর পশ্চিমতীরে অবস্থান করিতেছিলেন,—সুতরাং পূর্বতীরস্থিত মীরণের রাজপ্রাসাদে কখন কি হইয়া গেল, তাহা ক্লাইব অথবা মীরজাফর কেহই কিছুমাত্র জানিবার অবসর পাইলেন না!” কথাগুলি সত্য হইলে ইহা ক্লাইবের সাক্ষাৎ সম্বন্ধে অপরাধী না হইবার পক্ষে উৎকৃষ্ট প্রমাণ, তাহাতে আর সন্দেহ নাই। কিন্তু ইতিহাসলেখকদিগের এই সকল কথা কতদূর সত্য তাহার আলোচনা করা কর্তব্য।

ক্লাইব এবং মীরজাফর উভয়েই ভাগীরথীর পশ্চিমতীরে এবং মীরণ পূর্বতীরে অবস্থিতি করিতেছিলেন,—এই বিষয়ে ইতিহাসে কোনরূপ মতদ্বৈধ দেখিতে পাওয়া যায় না। এইরূপ অবস্থান করিবার সময়েই রাজমহল হইতে সংবাদ আসিল যে সিরাজদৌলা কারারুদ্ধ হইয়াছেন। এই সংবাদে চক্রান্তকারিগণ উৎফুল্ল হইতে পারেন, কিন্তু সিপাহীগণ হাহাকার করিয়া

* Chandá Shahib fell into hands of the Marhattas, and was put to death, at the instigation *probably* of his competitor Mahomet Ali.—Macaulay's Lord Clive.

উঠিল, এবং কিছু কিছু অসন্তোষের লক্ষণ প্রকাশ করিতে লাগিল !* ইহা হইতে স্পষ্টই বোধ হয় যে, ঐহারা সিরাজদৌলার কারারোধের জন্ত উদ্গ্রীব হইয়া কালগণনা করিতেছিলেন, তাঁহারা সিরাজকে রাজধানীতে আনয়ন করিবার জন্ত যথোপযুক্ত শরীর-রক্ষক-নিযুক্ত করিতে বাধ্য হইয়াছিলেন । মীরণ ভিন্ন আর কে উপযুক্ত পাত্র ? সুতরাং মীরণকেই রাজমহলে প্রেরণ করা হইল । অতঃ লোকে হয়ত উৎকচলোভে বা নাগরিকভয়ে সিরাজদৌলাকে ছাড়িয়া দিতে পারে, মীরজাফরের উত্তরাধিকারী মীরণের প্রতি সেরূপ সন্দেহের কারণ নাই বলিয়াই বোধ হয় তাঁহাকে প্রেরণ করা হইয়াছিল ! মুর্শিদাবাদ হইতে রাজমহল গমন ও তথা হইতে সিরাজদৌলাকে লইয়া পুনরায় মুর্শিদাবাদে প্রত্যাগমন করিতে দুই দিবসের আবশ্যক ; এই দুই দিবসের মধ্যেও কি এত বড় গুরুতর কথা আদৌ ক্লাইবের কর্ণগোচর হয় নাই ?

সিরাজদৌলা কবে মুর্শিদাবাদে আনীত হইয়াছিলেন সে বিষয় এখনও রহস্যময় হইয়া রহিয়াছে । ক্লাইব, জ্রাফটন এবং মৃতক্ষরীণ-লেখক সাইয়েদ গোলাম হোসেন সকলেই একবাক্যে বলিয়া গিয়াছেন যে, সিরাজদৌলাকে যেমন মুর্শিদাবাদে আনয়ন করিল অমনি কাহাকেও কিছু না জানাইয়া মীরণ তাঁহাকে হত্যা করিয়া ফেলিলেন ;—সুতরাং কাহারও কিছু জানিবার সম্ভাবনা রহিল না । কিন্তু ক্লাইব, জ্রাফটন এবং গোলাম হোসেন, এই তিনজন সমসাময়িক দর্শক রাজধানীতে উপস্থিত থাকিয়াও তাঁহাদের এই উক্তি সমর্থন করিতে পারেন নাই । ক্লাইব বলেন,—সিরাজদৌলা আনীত হইয়া

* (When) news came to the city that Sirajadowla was taken the report excited murmurs amongst a great party of the army encamped around,—Orme, ii. 183.

সেই তারিখেই নিহত হন ;* গোলাম হোসেন বলেন,—সিরাজদৌলা ৩রা জুলাই মুর্শিদাবাদে আনীত হইয়া সেই তারিখেই নিহত হন ; † স্কাফ্টন বলেন,—সিরাজদৌলা ৪ঠা জুলাই মুর্শিদাবাদে আনীত হইয়া সেই তারিখেই নিহত হন !‡ সমসাময়িক ব্যক্তিদিগের মধ্যে এরূপ অনৈক্য দেখিয়া সহজেই তাহার কারণ অনুসন্ধান করিতে ইচ্ছা হয় । সিরাজদৌলার মুর্শিদাবাদে আগমন ও তাঁহার হত্যাকাণ্ড যে একদিনেই সংঘটিত হইয়াছিল এবং তজ্জন্তই কেহ কিছু জানিবার অবসর পান নাই, এই কথা বলিবার জন্ত ব্যস্ত হইয়া ইহারা বিশেষ গোলযোগে পতিত হইয়াছেন । §

সিরাজদৌলাকে যখন মুর্শিদাবাদে আনয়ন করিল, তখন তাঁহাকে পশ্চিমতীরবর্তী হিরাবিলের রাজপ্রাসাদে মীরজাফরের নিকট উপনীত করাই সম্ভব, না তাঁহাকে পূর্বতীরবর্তী মীরণের রাজবাটীতে আনয়ন করাই সম্ভব? যাহারা ক্লাইবের দোষক্ষালনের জন্ত ব্যাকুল, তাঁহারা বলেন যে, সিরাজকে আদৌ পশ্চিমতীরে আনয়ন করা হয় নাই,—সুতরাং ক্লাইব তাঁহার আগমন-সংবাদও জানিতে পারেন নাই । প্রকৃতপক্ষে সিরাজদৌলাকে কোথায় আনয়ন করিয়াছিল, তাহার উপরেই প্রকৃত তর্ক নির্ভর করিতেছে । অগ্নি-

* Clive's Evidence.

† মুতক্ষরীগ ।

‡ Scrafton's Reflections.

§ নবাবী আমলের বাঙ্গালার ইতিহাসে বন্দোপাধ্যায় মহাশয় লিখিয়াছেন :—
“মুতক্ষরীগের মতানুসরণ করিয়া আমরা সিরাজের হত্যাকাণ্ড লিপিবদ্ধ করিলাম ।”
মুতক্ষরীগ লেখক যখন গ্রন্থ রচনা করেন তখন তিনি কোম্পানী বাহাদুরের পেসন-ভোগী সরকারী লেখক ছিলেন । নানা কারণে ইহার নিকট সিরাজদৌলা সুবিচার লাভ করেন নাই ;—মীরজাফরও কৃতকার্যের জন্ত তিরস্কৃত হন নাই । মুতক্ষরীগের মতানুসরণ করা সকল স্থলে সত্য নির্ণয়ের উৎকৃষ্ট পন্থা বলিয়া বোধ হয় না ।

লিখিত আদিম ইতিহাসে দেখিতে পাইতেছি যে, — “করারক্ষিগণ সিরাজ-দৌলাকে নিশীথ সময়ে দস্তা তস্করের হায শৃঙ্খলাবদ্ধকলেবরে মীরজাফরের সম্মুখে উপনীত করিয়া দিল ; — যে রাজপ্রাসাদে কিছুদিন পূর্বে সিরাজদৌলা অখণ্ডপ্রতাপে রাজগৌরব সম্ভোগ করিতেন, সেই রাজপ্রাসাদেই তাঁহাকে বন্দিবেশে প্রবেশ করিতে হইল ! মীরজাফরও ইহা দেখিয়া বিগলিত হইলেন, — সিরাজ তাঁহার নিকট পুনঃ পুনঃ জীবনভিক্ষা করিতে লাগিলেন, মীরজাফর সে দৃশ্য সহ্য করিতে না পারিয়া স্থানান্তরে লইয়া যাইতে আদেশ প্রচার করিলেন !” *

সিরাজদৌলা স্থানান্তরে নীত হইলেন বটে, কিন্তু মীরজাফর তাঁহার ভাগ্যানির্ণয়ের ক্ষুদ্র তৎক্ষণাৎ মন্তণা করিতে বসিলেন । এই সময়ে রাজ-কার্য্যোপলক্ষে পাত্রমিত্রগণ সকলেই হিরাবিলের রাজপ্রাসাদে উপস্থিত ছিলেন ; মীরজাফর তাঁহাদের সকলেরই পরামর্শ জিজ্ঞাসা করিতে লাগিলেন । ইংলণ্ডীয় মহাসভার মন্তব্য পুস্তকে প্রকাশ যে, সকলেই একবাক্যে সিরাজদৌলাকে নিহত করিবার পরামর্শদান করেন । † কিন্তু অন্বিলিখিত ইতি-

* In this manner, they brought him, about midnight, as a common felon, into the presence of Meer Jaffier ; *in the very palace* which a few days before had been the seat of his own residence and despotic authority. It is said that Jaffier seemed to be moved with compassion, and well he might, for he owed all his former fortunes to the generosity and favour of Aliverdi, who died in firm reliance, that Jaffier would repay his bounties by attachment and fidelity to this his darling adoption, who himself, to Jaffier at least, was no criminal. —Orme, ii. 183.

† Meer Jaffier immediately held a council of his most intimate friends, about the disposal of Sirajadowla ; *all agreed* it would be dangerous to grant him his life. —First Report, 1772.

হাসে এই মন্ত্যগাসভার সবিস্তার বর্ণনা প্রদত্ত হইয়াছে । অন্বিলিখিয়া গিয়াছেন যে,—“যাহারা ইতি-পূর্বে সিরাজদৌলার নাম শুনিলেই থর থর করিয়া কাঁপিয়া উঠিতেন এমন অনেক লোকে এখন সময় পাইয়া তাঁহার নামে অবজ্ঞা প্রকাশ করিতে লাগিলেন ; কেহ কেহ স্বার্থরক্ষার জন্য নূতন নবাবকে নরহত্যার প্রশয় দিতে সাহস পাইলেন না ; অনেকে মীরজাফরকে বশীভূত রাখিবার জন্ত সিরাজদৌলাকে জীবিত রাখাই যুক্তিসিদ্ধ মনে করিতে লাগিলেন ; ইহারা সকলেই একবাক্যে বলিলেন যে, সিরাজকে যাবজ্জীবন কারারুদ্ধ করা হউক । মীরণের মত তাহা নহে । সিরাজদৌলা জীবিত থাকিলে সর্বদাই রাজবিপ্লব উপস্থিত হইয়া মীরজাফরের সিংহাসন আপদ-সঙ্কুল করিবে বলিয়া যে সকল কূটনীতিপরায়ণ ব্যক্তিদিগের ধারণা, তাহারা মীরণের পক্ষ সমর্থন করিয়া সিরাজদৌলাকে হত্যা করিবার জন্ত পরামর্শদান করিলেন । তাহাদের পরামর্শই অবশেষে কার্যে পরিণত হইল !” *

* Most of the principal men in the Government were at this time in the Palace, * * * All these Jaffier consulted. Some, although they had before trembled at the frown of Serajadowla, now despised the meanness of his nature more than they had dreaded the malignancy of his despotism ; others, for their own sakes, did not choose to encourage their new sovereign in despotic acts of bloodshed ; some were actuated by veneration for the memory of Ali-verdi ; others wished to preserve Sirajadowla, either as a resource to themselves, or as a restraint upon Meer Jaffier ; all those proposed a strict but mild imprisonment. But the rest, who were more subtle courtiers, seconded the proposal of Meerun respecting the risks of revolt and revolution to which the Government of Jaffier would be continually exposed whilst Sirajadowla lived.—Orme, ii.

এই সকল বর্ণনা পাঠ করিলে, এই সকল অবস্থা বিবেচনা করিলে, মীরজাফরের সপ্তদশবর্ষীয় হতভাগ্য পুত্র মীরণকে অপরাধী করিতে সাহস হয় না । মীরণের দুর্বৃত্ত চরিত্রই যদি সিরাজদ্দৌলার হত্যাকাণ্ডের একমাত্র কারণ হইত, তবে মীরণ তাঁহাকে রাজমহলে অথবা পথিমধ্যে যে কোন স্থানে হত্যা করিলেই ত সকল গোলযোগের মূলোচ্ছেদ করিতে পারিতেন । সিরাজদ্দৌলার ভাগ্যানির্ঘয়ের জন্ত পাত্রমিত্র লইয়া মন্ত্রণা করিবার প্রয়োজন হইত না !

সিরাজদ্দৌলাকে কারারুদ্ধ করিবার জন্ত যাঁহাদের সর্বাপেক্ষা অধিক আগ্রহ, তাঁহাকে রাজমহল হইতে মুর্শিদাবাদে আনয়ন করিবার প্রস্তাব যাঁহাদের নিকট সুপরিচিত, সেই ইংরাজ সেনাপতি কর্ণেল ক্লাইব তখন মীরজাফরের পৃষ্ঠরক্ষার জন্ত তাঁহার সহিত ভাগীরথীর পশ্চিম তীরেই অবস্থিতি করিতেছিলেন । তিনি তখন সর্বেসর্ব্বা,—তাঁহার রূপাকটাক্ষের প্রতীক্ষায় স্বয়ং মীরজাফর পর্য্যন্তও তটস্থ । তাঁহাকে কিছুমাত্র না জানাইয়া মীরজাফর কি এরূপ গুরুতর ব্যাপারে হস্তক্ষেপ করিতে সাহস পাইয়াছিলেন ?

মীরজাফর নিজে সিরাজদ্দৌলার ভাগ্যানির্ঘয়ের তর্ক বিতর্কে কোন পক্ষেই সম্মতিজ্ঞাপন করেন নাই । * যাঁহারা তাঁহার পাপপথের সহচর তাঁহাদের মধ্যেও অনেকে স্বার্থরক্ষার জন্ত সিরাজদ্দৌলাকে জীবিত রাখিতে চেষ্টা করিয়াছিলেন, তথাপি সিরাজদ্দৌলা নিহত হইলেন কেন ? কাহার অনুরোধ প্রবল হইল ?—যাঁহারা কূটনীতিবিশারদ তাঁহাদের মতেই হত্যাকাণ্ড সংঘটিত হইয়াছিল তাহাদের ইংরাজ-ইতিহাস-লেখকদিগেরও কিছুমাত্র

* Jaffier himself gave no opinion. — Orme, ii. 184.

সন্দেহ নাই । কিন্তু সেই কূটনীতি বিশারদ কে ? যাঁহার পরামর্শে বা ইঙ্গিতে মীরজাফরের আত্ম-হৃদয়ের স্নেহমমতা ভাসিয়া গিয়াছিল, অবশেষে তাঁহাকে মন্ত্রমুগ্ধের ভায়ে নিরস্ত করিয়া সিরাজদৌলাকে নিহত করিবার আদেশ প্রচারিত হইয়াছিল, তাঁহার নাম গোপন করিবার জন্তই কি ইতিহাসলেখকেরা সপ্তদশবর্ষীয় মুসলমানশিশুর নামে রাজহত্যার দূরপনের কলঙ্ক নিক্ষেপ করেন নাই ? আদ্যোপান্ত সমস্ত অবস্থা বিচার করিলে স্পষ্টই প্রতীয়মান হয় যে, সকলেই জানিতেন, কিন্তু কেহই তাহা দন্তক্ষুট করিতে সাহস না পাইয়া ইতিহাসের মর্যাদা পদবিদলিত করিয়া গিয়াছেন ; সেই জন্ত একমাত্র রিয়াজ উস্-সালাতিনের অভিযোগ ভিন্ন ক্লাইবের নামে সাক্ষাৎ সম্বন্ধে হত্যাপরাধের কিছুমাত্র প্রমাণ দেখিতে পাওয়া যায় না !

এই সকল অবস্থা বিবেচনা করিলে সাক্ষাৎ সম্বন্ধে ক্লাইবের বিরুদ্ধে প্রমাণ নাই বলিয়াই তাঁহাকে সম্পূর্ণ নিরপরাধ বলিতে পারা যায় না । তিনি ইচ্ছা করিলে যে অনায়াসেই সিরাজদৌলার জীবনরক্ষা করিতে পারিতেন, তদ্বিষয়ে সন্দেহ নাই । তিনি তজ্জন্ত কিছুমাত্র চেষ্টা করা দূরে থাকুক, বরং প্রকারান্তরে মীরজাফরের কার্য সমর্থন করিবার জন্ত বলিয়া গিয়াছেন যে, সিংহাসন রক্ষার জন্তই এরূপ হত্যাকাণ্ড আবশ্যক হইয়া উঠিয়াছিল ! যাঁহার নিকট জালসন্ধিপত্র এবং উমাচরণকে প্রতারণা করা কিছু মাত্র অগ্র্য কার্য বলিয়া প্রতীয়মান হয় নাই, বরং “আবশ্যক হইলে আরও একশতবার সেরূপ কার্য অনুষ্ঠিত হইতে পারিত,” তাঁহার নিকট যে সিংহাসন-রক্ষার্থ সিরাজদৌলাকে হত্যা করা বিশেষ দোষাবহ বলিয়া বোধ হইবে, তাহার সম্ভাবনা কোথায় ?

যাহারা সাধারণ ইষ্টসিদ্ধির উদ্দেশ্যে পরম্পরের সহায়তা করিবার জন্ত কোনরূপ গুপ্ত চক্রান্তে মিলিত হয়, তাহারা সভ্যসমাজের বিচারে একে

অপরের কৃতকার্যের জন্ত অপরাধী হইয়া থাকে । ইংরাজ বাঙ্গালী গুপ্ত-চক্রান্তে মিলিত হইয়া সিরাজদ্দৌলার সর্বনাশ সাধনরূপ ইষ্টসিদ্ধির উদ্দেশ্যে পরস্পরের সহায়তা করিয়া সমরজয় করেন । তাহার পর সিরাজদ্দৌলাকে রক্ষা করা বা তাঁহার জীবনদান করা দূরে থাকুক, একজন তাহাকে কারারুদ্ধ করিবার জন্য অপরকে উত্তেজিত করেন, সেই উত্তেজনার সিরাজদ্দৌলা কারারুদ্ধ হইয়া ক্লাইবের সম্পূর্ণ অজ্ঞাতসারে নিহত হইয়া থাকিলেও ক্লাইবের কলঙ্কমোচন হয় না ! সামরিক ব্যাপারে ন্যায় অন্যায় বিচার করিবার প্রয়োজন না থাকিতে পারে—স্বার্থই যাহার একমাত্র লক্ষ্য, সেখানে সকল কার্যই প্রশংসিত হইতে পারে । কিন্তু ইতিহাসের নিকট ন্যায় অন্যায়ের মর্যাদা চিরদিন অক্ষুণ্ণ রহিবে । সিরাজদ্দৌলা অন্যায়রূপে নিহত হইয়া-ছিলেন কি না একমাত্র ইতিহাসই তাহার বিচারক । যদি কখন এ দেশের ইতিহাস যথাযথরূপে সঙ্কলিত হইতে পারে, তবে সে ইতিহাস সভ্যজগতের নিকট মুক্তকণ্ঠে প্রচার করিয়া দিবে,—ক্লাইব এবং মীরজাফর উভয়েই কূটনীতিবিশারদ মহাবীর ; কিন্তু উভয়েই রাজবিদ্রোহী, উভয়েই বিশ্বাসঘাতক, উভয়েই রাজহত্যা !

ভাগীরথীর পূর্বতীরস্থিত বর্তমান মুরশিদাবাদের একাংশের নাম জাফরাগঞ্জ । * নবাব আলিবদ্দার শেহানুপালিত মীর মহম্মদ জাফর আলি খাঁ এই স্থানে বহুব্যয়ে বাসভবন নির্মাণ করিয়াছিলেন ;—সেই স্থানের নামও ‘জাফরাগঞ্জ’ বলিয়া প্রসিদ্ধিলাভ করিয়াছে । একসময়ে জাফরাগঞ্জ এবং হিরাবিলের সৌধশোভায় মুরশিদাবাদের নাগরিকসৌন্দর্য্য সর্বিশেষ

* Mir Jaffar lived at Jaffaraganj, on the left bank, i. e. on Kasimbazar island, and the descendants of his son Miran still reside there. — H. Beveridge, C. S.

বিকশিত হইয়া উঠিয়াছিল । সে পুরাতন ঐশ্বর্য্যগর্ভ খর্ব্ব হইয়াছে, ভাগী-
রথীর উভয়কূলের পূর্ব্বশোভা তিরোহিত হইয়া গিয়াছে ; তৎসঙ্গে জাফরা-
গঞ্জের নবাববাটীও কথঞ্চিৎ শ্রীহীন হইয়া পড়িয়াছে ! কিন্তু পলাশি এবং
জাফরাগঞ্জ বাঙ্গলার ইতিহাসে চিরপরিচিত হইয়া রহিয়াছে ;—পলাশিতে
সিরাজদৌলার পরাজয়, জাফরাগঞ্জে সিরাজদৌলার হত্যাকাণ্ড !

এই ঐতিহাসিক রাজপ্রাসাদে মীরজাফরের পূর্ব্বজীবন অতিবাহিত
হইয়াছিল । সিংহাসনে পদার্পণ করিয়া তিনি হিরাবিল অধিকার করায়,
জাফরাগঞ্জ যুবরাজ মীরণের লীলাক্ষেত্রে পরিণত হইয়াছিল ; সেই সময়
হইতে মীরণের বংশধরগণ এই রাজপ্রাসাদে বাস করিয়া আসিতেছেন !

মীরজাফরের মন্ত্রণাসভায় সিরাজদৌলার ভাগ্যনির্ণয় সুসম্পন্ন হইলে,
তঁাহাকে জাফরাগঞ্জে রাজপ্রাসাদের একটা অন্ধতমসচ্ছন্ন নিম্নতল নিভৃত
কক্ষে গোপনে কারারুদ্ধ করা হয় । * জাফরাগঞ্জের রাজপ্রাসাদ সিরাজ-
দৌলার অপরিচিত নহে ;—পলাশিযুদ্ধের অব্যবহিত পূর্ব্বেও তিনি মীর-
জাফরের মতিভ্রম দূর করিবার জন্য ইসলামের গৌরবরক্ষার্থ আত্মগৌরব
তুচ্ছ করিয়া স্বয়ং শিবিকারোহণে মীরজাফরের নিকট উপনীত হইয়াছিলেন ।
সে দিন তঁাহার আগমন-সংবাদে জাফরাগঞ্জের সেনা এবং সেনানায়কগণ
ব্যস্ত সমস্ত হইয়া কত আগ্রহের সহিত সসম্মানে তঁাহাকে প্রত্যভিবাদন
করিয়াছিল ! আজ সিরাজদৌলা শৃঙ্খলিতচরণে সেই চিরপরিচিত তোরণ-

* A small enclosure is shewn as the scene of his fate ; but the
room or closet which once stood there, and in which he was confined
and put to death, has disappeared.—H. Beveridge. C, S. বর্তমান
স্বর্ধের প্রবল ভূমিকম্পে জাফরাগঞ্জের বাটী বিশেষরূপ ক্ষতিগ্রস্ত হইয়াছে ; বোধহয় উহা
এই লোকলোচনের অতীত হইয়া পড়িবে ।

দ্বার উত্তীর্ণ হইবার সময়ে, কেহ অভ্যাসবশতঃও অভিবাদন করিল না ; সেই বিচিত্র অটালিকার প্রত্যেক কক্ষবাতায়ন হইতেই যেন প্রবল প্রতি-
হিংসাতাড়িত বিকট অটুহাশ্র ধ্বনিত হইয়া উঠিল। সিরাজদ্দৌলা
ইহার জন্য প্রস্তুত হইয়াই আসিয়াছিলেন ; তথাপি সে সময়ে
তাঁহার অধীর হৃদয়ে কত কি ভীষণচিন্তা জাগিয়া উঠিয়াছিল, তাহা কে
বলিতে পারে ?

একাকী অন্ধকার কারাকক্ষে নিপতিত হইয়া বোধ হয় জীবনের আশা
আবার জাগিয়া উঠিয়াছিল ! শত্রুহস্তে সম্পূর্ণরূপে পরাজিত ও বন্দীকৃত
হইয়াও যে এতদিন জীবিত রহিয়াছেন, ইহাতেই বোধ হয় সিরাজদ্দৌলা
ভাবিয়াছিলেন যে, মীরজাফর হয়ত আত্মহৃদয়ের স্নেহ মমতা বিসর্জন দিতে
না পারিয়া কোনরূপে তাঁহার গ্রাসাচ্ছাদনের ব্যবস্থা করিয়া জীবনরক্ষা
করিবেন ।

সিরাজদ্দৌলাকে জীবনদান করিতে সাহস হইল না ; রাজসিংহাসন
নিরাপদ করিবার জন্য আত্মহৃদয়ের স্নেহ মমতা বিসর্জন দিতে হইল ;
স্পষ্টতঃ না হউক, প্রকারান্তরে সিরাজদ্দৌলাকে নিহত করিবার জন্যই
তাঁহাকে মীরণের তত্বাধীনে জাফরাগঞ্জে কারারুদ্ধ হইতে হইল ! কিন্তু হায় !
যাহাকেই এই হত্যাকাণ্ডে সম্পন্ন করিবার জন্য আহ্বান করা হইল, সে-ই
শিহরিয়া উঠিতে লাগিল ; কেহই সহজে সম্মত হইল না । সিরাজদ্দৌলার
নামে ইতিহাসে যত কলঙ্ক স্থানলাভ করিয়াছে, মুরশিদাবাদের লোকে ;—
দূর জানিত না ; তাহারা জানিত সিরাজদ্দৌলা দেশের রাজা, নিজেই
শত্রু, আলিবর্দীর স্নেহপুত্র, সুকুমারকান্তি তরুণ যুবক, অশান্ত
নোমত—উচ্ছৃঙ্খল—প্রবল প্রতাপান্বিত সুবাদার, সুতরাং তাঁহার ব-চ
হৃদশা দেখিয়া লোকে তাঁহার দোষের কথা ভুলিয়া গিয়া ভাগ্যবির

কথা লইয়াই হাহাকার করিতেছিল । * এরূপ অবস্থায় সম্রাটবংশীয় মুসলমান মাত্রেই যে তাঁহাকে হত্যা করিতে অসম্মত হইয়াছিলেন, তাহা সম্পূর্ণ স্বাভাবিক । †

এ জগতে কোন কার্যই অসম্পন্ন থাকিয়া যায় না । সিরাজদৌলাকে হত্যা করিবার জন্যও অবশেষে একজন দুরাশ্বা অর্থলোভে শানিত খরসান গ্রহণ করিল ! এই ব্যক্তির নাম মহম্মদী বেগ—আবাল্য আলিবর্দী এবং সিরাজদৌলার স্নেহানুকম্পায় প্রতিপালিত হইয়া তাহার ঘণিত জীবন অবশেষে অর্থলোভে পাপপক্ষে নিমগ্ন হইল । ‡ সিরাজের মাতামহী একটি অনাথা মুসলমান বালিকাকে সন্তুতিনির্বিশেষে প্রতিপালন করিয়া মহম্মদী বেগের সহিত বিবাহ দিয়া দয়াপ্রকাশে ইহাদিগের গ্রাসাচ্ছাদনের সুব্যবস্থা করিয়া দিয়াছিলেন । § তদুপলক্ষে মহম্মদী বেগ সিরাজের সংসারে অনেক প্রকার উপকার লাভ করিয়াছিল । হতভাগা সমস্ত পূর্বকথা বিস্মৃত হইয়া

* When the people beheld him in this situation, they forgot his vices, and recollected only the hardship of his present fortune, comparing it with the splendour they had seen him surrounded with from his infancy till now.—Scott's History of Bengal, p. 371.

† He ordered Serajadowla to be confined and put to death, but no person of rank would undertake the murder.—Scott's History of Bengal, p. 371.

A ততক্ষণ ।

room or closet length, a wretch named Mahummady Beg, who from and put to death, had been cherished by Mahubut Jung and Seraja Dowla whose grandmother he had received a portion with his wife charity, offered to execute the horrid deed.—Scott's History of Bengal, p. 375.

প্রভুহত্যার জন্য অগ্রসর হইল। বলা বাহুল্য : যে, বাহার। ন্যায় ও ধর্ম্মানু-
সারে সিরাজদ্দৌলার সিংহাসনরক্ষার্থ ঈশ্বর এবং মনুষ্যের নিকট দায়ী হই-
য়াও পাকে চক্রে সিংহাসন কাড়িয়া লইয়া অনন্যাত্ম রাজাধিরাজকে দস্থা
তক্ষরের ন্যায় হত্যা করিবার জন্য নিশ্চল হৃদয়ে কারারুদ্ধ করিয়াছিল,
তাহাদের আদেশ মস্তকে ধারণ করিয়া স্নেহানুপালিত মহম্মদী বেগ যে
প্রতিপালকের মস্তকে খড়্গাঘাত করিবে ইহাতে আর বিশ্বয়ের কথা কি ?

উন্মুক্ত খরসান হস্তে দুর্দান্ত মহম্মদী বেগ কারাকক্ষে প্রবেশ করিবামাত্র
সিরাজদ্দৌলা উন্মত্তবৎ ব্যাকুল হইয়া উঠিলেন। মুহূর্ত্তের মধ্যে সকল
আশা বিলীন হইয়া গেল ; মুহূর্ত্তের মধ্যে বিদ্যুৎবেগে সর্ব্বাঙ্গ ব্যাপিয়া এক
অব্যক্ত আকুল আর্তনাদ ধ্বনিত হইয়া উঠিল। সিরাজ আর্তকণ্ঠে বলিয়া
উঠিলেন :—

“কে ? মহম্মদী বেগ ? তুমি ! তুমি ! তুমিই কি
অবশেষে আমাকে হত্যা করিতে আসিয়াছ ? কেন ?
কেন ? কেন ? ইহারা কি আমাকে বহুবিস্তৃত জন্ম-
ভূমির নিভৃত নিকেতনে যৎসামান্য গ্রাসাচ্ছাদনের
ব্যৱস্থা করিতে পারিল না ।”

পরক্ষণেই সিরাজদ্দৌলার তেজস্বী হৃদয়ের আত্মগরিমা প্রবুদ্ধ হইয়া
উঠিল। তিনি মহম্মদী বেগের নিকট আর কাতরোক্তি করিলেন না ;—
তাহার মুখের ভীষণ সংকল্পের পাপ কথায় কর্ণপাত করিলেন না, নিজেই
বলিয়া উঠিলেন :—

“না—না—আমি বাঁচিতে পারি না ! তাহা কদাচ
হইতে পারে না ! আর কোন অপরাধে না হউক.

হোসেনকুলী ! তোমাকে যে নিধন করিয়াছি, তাহার প্রায়শ্চিত্তের জন্যই এ জীবনের অবসান হউক !”*

পরে মহম্মদী বেগের দিকে শূণ্যদৃষ্টিতে চাহিয়া বলিলেন,—“আইস—
রহ—রহ—জল দাও—একবার অন্তিমের দেবতার
নিকট এ জীবনের শেষ কর্তব্য সম্পন্ন করিয়া লই !”†

সিরাজদৌলা নিরুদ্বেগে জীবনের শেষ কর্তব্য সম্পন্ন করিতে পারিলেন না ;—দুর্ভাগ্যে মহম্মদী বেগ ভগবানের পবিত্র নামের পুণ্যপ্রভাব সহ করিতে না পারিয়া, সিরাজদৌলার অন্তিম প্রার্থনা শেষ হইতে না হইতেই, প্রচণ্ডবেগে তাঁহার স্বন্ধে খড়্গাঘাত করিল ! ‡ নিদারুণ প্রহার-যাতনায় মর্মান্বিত হইয়া সিরাজদৌলা রুধিরাক্ত কলেবরে কক্ষমধ্যে বিক্ষিপ্ত হইয়া পড়িলেন ; মহম্মদী বেগ উন্মত্তের তায় তাঁহার উপর উপর্যুপরি খড়্গাঘাত করিতে লাগিল !

“আর না—আর না—আর না-হোসেনকুলী ! তোমার আত্মা শান্তিলাভ করুক !!” § মুখের কথা মুখেই রহিয়া গেল ;—সিরাজদৌলার অমর আত্মা পাপপূর্ণ পৃথিবীর ক্ষুদ্র কারাকক্ষ অতিক্রম করিয়া অমরধামে প্রস্থান করিল । ¶

* Stewart's History of Bengal.

† At length he recovered sufficiently to ask leave to make his ablutions, and to say his prayers.—Orme, ii. 184.

‡ মৃতকরীণ ।

§ “Enough !—enough !—Hussein Cooly, thou art revenged.”—Stewart.

¶ সিরাজদৌলা এ-দৌলত জয়গ্রহণ না করিলে ইতিহাসলেখকেরা বোধ হয়

তাহার পর কি হইল ? মুর্শিদাবাদের নরনারী এই রাজহত্যার আকস্মিক সংবাদে হাহাকার করিয়া উঠিল ; তাহাদিগের আকুল আর্তনাদ মুসলমানের উচ্চ অবরোধবেষ্টিত বেগমমহলে প্রবিষ্ট হইয়া সিরাজ-জননী আমিনাবেগমের কর্ণগোচর হইল ! বিদ্রোহী দল তখন বিজয়োৎসবে উন্মত্ত হইয়া সিরাজের ক্ষতবিক্ষত শবদেহ হস্তিপৃষ্ঠে সংস্থাপন করিয়া, নগর প্রদক্ষিণে বাহির হইয়া-ছিল । রাজপথ লোকে লোকারণ্য হইয়া গেল ; সিরাজ-জননী হাহাকার করিতে করিতে লজ্জাভয়বিসর্জন দিয়া রাজপথে আসিয়া ধূলিবিলুপ্তিত হইয়া পড়িলেন ; তাঁহাকে দেখিয়া শববাহক হস্তী সহসা রাজপথে বসিয়া পড়িল ; —মেহময়ী জননী সন্তানের মাংসপিণ্ড বুকে ধরিয়া মূর্ছাপন্ন হইয়া পড়িলেন !! মীরজাফরের অনুচর কদম হোসেন তখন নানারূপ তাড়না করিয়া সিরাজ-জননী আমিনা বেগমকে পুনরায় অন্তঃপুরে কারাবদ্ধ করিয়া, সিরাজের শবদেহ সমাধিনিহিত করিবার জন্ত ভাগীরথীর পশ্চিমতীরবর্তী আলিবন্দীর সমাধিমন্দিরে উপনীত করিল ।*

তাহার প্রতি অধিকতর সহানুভূতি প্রকাশ করিতে পারিতেন । ষ্টুয়ার্ট সিরাজের অন্তিম উক্তি লইয়াও পরিহাসচ্ছলে লিখিয়া গিয়াছেন :—“This is, perhaps, a solitary instance of a native of Hindoostan expressing a consciousness of guilt on his death-bed. Being absolute predestinarians they lay the fault to fate ; and, after a life spent in every species of atrocity, pass their last moments in tranquility.” —Stewart.

* The populace beheld the procession with awe and consternation, and the soldiery, having no longer the option of two lords, accepted the promises of Jaffier, and refrained from tumult.—Orme, ii, 184.

মহবৎজঙ্গের পূর্বপার্শ্বে সিরাজের মাংসপিণ্ড নীরবে সমাধিনিহিত
হইল ;—এই সমাধিমন্দিরই এখন সিরাজদৌলার একমাত্র শেষ
নিদর্শন ! *

* এই “সমাধিগৃহে দীপ জালিবার জন্ত এক্ষণে মাসে চারি আনা মাত্র তৈলের
ব্যবস্থা হইয়াছে !”—শ্রীনিখিল নাথ রায়, বি, এ ।





উপসংহার ।

The story of the rise and progress of the British power in India possesses peculiar fascination to all classes of readers. It is a romance sparkling with incidents of the most varied character. Whilst it lays bare the defects in the character of the native races, which made their subjugation possible, it indicates the trusting and faithful nature, the impressionable character, the passionate appreciation of great qualities, which formed alike the strength and weakness of those races,—their strength after they had been conquered, their weakness during the struggle. It was those qualities which set repeatedly whole divisions of the race in opposition to other divisions—the conquered and the willing co-operators to the nations still remaining to be subdued. * * * In the co

bination of astuteness with simplicity, of fearlessness of death and conspicuous personal daring with inferiority on the field of battle, in the gentleness, the submission, the devotion to their leader which characterised so many of the children of the soil, (the student) will not fail to recognise a character which demands the affection, *even the esteem*, of the European race which, chiefly by means of the defects and virtues I have alluded to, now exercises overlordship in Hindustan.—Col. Malleeson's Decisive Battles of India.

কেবল ঘটনাবিরূতির জগৎ যে সকল ইতিহাস সঙ্কলিত হইয়াছে, তাহাতে দেখিতে পাওয়া যায় যে, সিরাজদ্দৌলার অগ্রায় উৎপীড়নেই তাঁহার অধঃপতন সংঘটিত হইয়াছিল। কার্য্য সমালোচনা করিয়া নিরপেক্ষভাবে ইতিহাস সঙ্কলন করিলে, তাহাতে সকলকেই লিখিতে হইবে,—এই হতভাগ্য নরপতির অযথা কলঙ্কিত তরুণজীবনের অত্যাচার অবিচার উপলক্ষ্যমাত্র ; আমাদের চরিত্রহীনতাই মোগল-সাম্রাজ্যের অধঃপতনের মূল কারণ ।

আরঙ্গজীবের শেষদশায় ভারতবর্ষে যে অরাজকতার সূত্রপাত হইয়াছিল ; তাহাতে মোগলের রাজসিংহাসন টলিয়া উঠিয়াছিল ; অন্তর্বিপ্লবের ছিদ্রলাভ করিয়া ফরাসী এবং ইংরাজ, এই দুই পরাক্রান্ত বিদেশীয় বণিকসমিতি দেশীয় লোকের সহায়তায় ভারতবর্ষে আত্মশক্তি সুদৃঢ় করিবার জগৎ লালায়িত হইয়া উঠিয়াছিলেন । সিরাজদ্দৌলা তাহার গতিরোধ করিবার চেষ্টা করিয়া একালে দেহবিসর্জন করিয়াছিলেন ; কিন্তু তিনি নিশ্চেষ্ট হইয়া বসিয়া থাকি-
 ৩ মোগলের সিংহাসন অটল রহিত না !

